



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.53






Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.53




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.

Ald.1.5.53





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.1.5.53


Ald. 1/5.





Ex Libris Joannis Nenoini
1874















FRANCISCI LVISINI
VTINENSIS IN LIBRVM
Q. HORATII FLACCI
DE ARTE POETICA
COMMENTARIVS.



CVM PRIVILEGIO SENATVS
VENETI IN ANNOS XX.

VENETIIS, M. D. LIIII.

FRANCISCI LIVISINI
VTINENSIS IN LIBRARIAM
HORATII FLACCI
DE ARTE POETICA
COMMENTARIUS.



CVM PRIVILEGIO SENATUS
VENETI IN ANNO 22.
VENETIIS, M. D. LIII.

REVERENDISSIMO, ET ILLVSTRISSIMO²

S. R. E. CARDINALI ALOYSIO CORNELIO

FRANCISCVS LVISINVS S. P. D.



V M è citeriore Gallia Venetias peruenissem, illustris-
sime Corneli, Paulus Manutius, in omni literarum ge-
nere prope singularis, cum illum ego ob ueterem amici-
tiam, quæ mihi cum illo arctissimis necessitudinis uin-
culis intercedit, domi conuenissem, summa contentione
petiuit, ut librum Horatii de poetica explicationibus
meis illustrarem: dignum enim esse librum aiebat, in
quo docti homines industriae suæ neruos contenderent,
& ingenij thesauros multis laboribus congestos explica-
rent: se quoque hoc negotium fuisse amplexaturum, nisi alijs quamplurimis curis dis-
stineretur. Equidem, rem tantam aggredi, uix arbitrabar esse eius, qui uereretur res-
prehensionem doctorum, atque prudentium: malui tamen, cum Manutij studio es-
sem obsecutus, quod facit etiam apud Platonem Theætetus, desiderari ab illo pruden-
tiam meam, quam, si id non fecissem, beneuolentiam. Librum poetices Regij publicæ
sum interpretatus, tanto hominum concursu, ut multitudinem studiosorum ampli-
simus locus non caperet. has igitur commentationes meas ad te Corneli præstantissime
mittendas esse existimaui, ut in eius nomine apparerent, cui, summo literarum patro-
no, omnium plane scripta deberi uidentur. nam si quis unquam uirtutis suæ admi-
ratione hominum sibi uoluntatem deuinxit, & qui omnium studia, ac laudes prome-
reretur, inuentus est; tu mihi is unus ex omnibus esse maxime uideris. quæ res ne mul-
tis egeat, ac perspicuis argumentis, dignitatis tuæ ratio facit, quæ altissimo loco sita
est. nam in eum quidem ordinem cooptatum te esse uidemus, quod uiris tantum aditus
uirtute, & probitate excellentibus patere solet, qui non fuco, & fallacijs sibi homi-
num animos, sed uitæ integritate, & singulari sapientia conciliarint. atque alij, qui
nunc tecum ad reip. Christianæ gubernacula summo Pontifici assistunt, coelestes, ac
diuini homines, ante, quàm ad Cardinalatus gradum eueherentur, quam auram po-
pularum non captarunt? quos Herculis labores non exceperunt? quam aduersam for-
tunam non sustinuerunt? Tu uero cum nobilissimis insignium disciplinarum studijs
animum excoluisses, omnium quasi uirtutum præsidij septus, ad urbem te contulisti:
cuius uix limen adieras, cum te Iulius. III. Pontifex post hominum memoriam sa-
pientissimus, Cardinalem pronunciauit, & socium sibi statim asciiuit, ut Christia-
nam remp. in tanto naufragio fluctuantem, & aduersissimis uentis iactatam, illu-
sibus consilijs inuares. quod quidem ita præstas, ut Marcum, Franciscum, & An-
dream Cornelios, qui Cardinales clarissimi fuerunt, gentiles tuos, ut fortunis, & nos

A ij

bilitate, sic animi luminibus, et præstantia representantes, maiorem etiam de te opinio-
nem quandam boni omnes imbiberint. nam te præsentem, qui in urbe sunt, ut coelo de-
lapsum intuentur: absentem exteræ nationes admirantur. non enim iisdem cancellis,
quibus corporis umbra capitur, nominis tui fama continetur, quæ latius peruagatur,
et in omnium gentium auribus posita est. nihil mihi quidem tui nominis celebritate
dulcius est, nihil optatius: sed tamen nescio quo pacto fit, ut, cum de te cogitem, la-
chrymas continere non possim: eas enim mihi clarissimi uiri Ioannis patris tui memo-
ria nunc etiam excusit. is si uiueret, et te in excelsis isto dignitatis gradu constitu-
tum uideret, nunc demum uberrimum disciplinæ fructum caperet, qua ut puer san-
ctius instituereris, sedulo semper curauit, cum insita tibi uirtutis semina, quæ sopi-
ta erant, omniratione accenderet. nam ut ingenij tui uis fieret illustrior, disciplinam
adhibuit, at quam disciplinam dii immortales? cuius gratia doctissimos undique uidi-
ros amplissimis præmijs propositis acciuit. quis enim ignorat, Corneliam domum eru-
tissimis uiris semper fuisse refertam? ut uix altera tota Italia literas amantius alue-
rit, iacentes officiosius extulerit, elatas felicius coluerit. quid mirum igitur, si è Cor-
nelia familia tot summi uiri exierunt, qui in Veneta rep. omnibus honoribus perfun-
cti floruerunt? qui Romæ eam, quam tu nunc geris, personam sustinuerunt? cum
fœminæ etiam uiris pares ex ea ortæ sint. quid enim ego hic Cypri reginam Corneliam
commemorem? quæ, rege marito mortuo, tam ampli, atque opulenti regni hæres, pa-
triam regno chariorem habuit; cui Cyprum insulam nobilissimam, cui tantum impe-
rium, cui tantas opes condonauit; et regnandi curam abiecit, quæ alios ad facinus
tetrum allicit, qui regnandi causa iura omnia labefactanda esse arbitrantur. illi Geor-
gius frater, auus tuus, uir sapientissimus, ut id efficeret grauissimus auctor fuit. qui
instrueta etiam nauî in Cyprum, ut inde in patriam sororem ueheret, enauigauit. cui
cum patria tantum ante oculos uersaretur, et nihil esset antiquius, nulli remi, nulli
uenti satisfacere properanti uidebantur. quid multa? donata Cyprus Venetis est, ue-
tigalibus publicis finitima, nauali gloria, et maris imperio celeberrima, omnium
rerum copijs, atque opibus circumfluens. quam parem huic in patriam pietatem Car-
thago? quam Lacedæmon? quam Roma, Athenæ, Rhodus obijcient? quam ulla uete-
rum resp. ostentabit? cuius ad nostram memoriam disciplina militaris, et gloria per-
uenerit? nam captos bello Reges, et uinculis constrictos, expugnatas provincias, de-
bellatas urbes qui reddiderint, eorum pene innumerabilia passim exempla reperiuntur:
sed qui domestico, atque amplissimo se regno exuerint, ut patriæ opes amplificarent,
non temere tibi ex omnibus monumentis occurrent; cum nihil ex omni memoria sumi
possit illustrius. hæc ego uestra decora, atque ornamenta libenter commemorare, et
crebris usurpare sermonibus soleo, quia uestris innumerabilibus officijs obstrictum me
esse sentio. Ioannes pater tuus, uir clarissimus, cuius ego mortui, dum uiuam, me-
moriam colam, in suam me familiam honestissime asciuit, et mea studia Patavijs li-
beralissime fouit. tum ego in studijs uestra liberalitate adiutus florui, ex qua tan-

quam ex fonte plurima in me commoda redundarunt. tum meum nomen, cum ante fuisset obscurius, & ego domi apud te essem quasi in orbis terræ theatro, illustratum est. scit hoc is, cui omnia debeo, Federicus frater tuus, diuinus iuuenis: quem ego cum in studijs uiderem ita uersari, ut in ijs omnes eius cogitationes euigilarent, acrioribus stimulis excitabor ad hanc studiorum metam, quæ cum populari gratia coniuncta est; ut ille me tantum exemplo, quantum ego illum cohortatione, & præceptis, adiunaret. Ego igitur, in quo uobis beneficio non sim deuinctus, nihil plane uideo, cum omnia circumspiciam: nec solum dignitas mea, quæ tamen est pertenuis, sed etiam uita ipsa à uestra mihi benignitate deriuatur. quare potius me mei, quàm nobilissimæ Cornelie gentis obliuio ceperit: cui si præclaram meam uoluntatem testatam possem illustri aliqua significatione relinquere, ò me uere beatum, ò uere fortunatum hominem. sed nescio qua temporum meorum iniquitate hæc mihi hætenus liberior facultas prærepta est. ut mihi inuidisse potius fortuna indignius uideatur, quàm mea in id uoluntas existimetur non fuisse propensior. Tu uero Corneli illustrissime meum hunc commentarium, quo liber obscurissimus de arte poetica illustratur, quasi animi mei prædem accipies. æquum enim esse censuimus, ut, qui uitæ, et fortunarum mearum patronus est, ei liber etiam dicaretur, in quem omne studium, atque operam contulimus, ut poetica ratione nihil iam esse posset dilucidius. is si tibi doctissimo, & præstantissimo uiro probabitur, iam ego maximum studiorum meorum fructum feram. nam tu mihi unus instar omnium, cum in te uno uirtutes omnium eluceant, & princeps eorum mihi iure optimo sis, quorum ego causa sane omnia peruelim. Vale.

Regij Lepidi, Idibus Maij, anno salutis, M. D. LIIII.

Faint, mirrored text visible through the paper, likely bleed-through from the reverse side. The text is arranged in several lines and appears to be in a historical script, possibly Latin or Italian.



lemus.
nia su
deruat
uel iue
uener
sunt n
tum re
imitant
sympo
lestant
proban

4

FRANCISCI LVISINI VTINENSIS
IN LIBRVM Q. HORATII FLACCI
DE ARTE POETICA COMMENTARIVS.

I.



VMA NO capiti ceruicem pictor equinam
Iungere si uelit, & uarias inducere plumas
Vndique collatis membris, ut turpiter atrum
Desinat in piscem mulier formosa superne,
Spectatum admissi risum teneatis amici?

Credite Pisones isti tabulæ fore librum
Perfimilem, cuius uelut ægri somnia uanæ
Fingentur species, ut nec pes, nec caput uni
Reddatur formæ. Pictoribus, atque poetis
Quidlibet audendi semper fuit æqua potestas,
Scimus, & hanc ueniam petimusq; damusq; uicissim,
Sed non ut placidis coeant immicia, non ut
Serpentes aubus gementur, tygribus agni.



OPINIONEM, & phantasiam Aristoteles non circa
idem uersari, sed plurimum inter se discrepare libro tertio
de anima scriptum reliquit. nam phantasia, inquit, no-
stro in arbitrio, & uoluntate posita est. possumus enim
animo omnia effingere liberius, uel aduersa, uel secun-
da, uel quæ fieri possunt, uel quæ unquam accidere con-
sentaneum non uidetur, quibus tamen non afficimur,
neque animo commouemur, quia ficta scimus esse, quem-
admodum nec, cum picturam intuemur, commoueri so-
lemus, seu terribilis res aliqua, seu leta expressa, à nobis spectetur, quòd ficta ea om-
nia sunt, nulla ueri ratio elucet. At opinio è re ipsa, atque è ueritate tanquam ex fonte
deriuatur: non enim libera est, sed ex euentu pendet. quare cum aliquid uel triste esse,
uel iucundum opinamur, οὐκ ἔστιν ὀπινία, inquit Aristoteles, idest afficimur, & commo-
uemur. Poetæ phantasiam, non opinionem sequuntur: quia poetæ nomen sibi ascia-
scunt non propter carmen, sed propter fabulam, & fictionem, ut in poetice testa-
tum relinquit Aristoteles. & iccirco quicunque rerum effigiem, & simulacra arte
imitantur, ut mechanici plerique artifices faciunt, poetæ sunt, quemadmodum in
symposio Platonis Socrates affirmat, propterea quòd fictione, & rerum imitatione de-
lectantur. Verum his modus statuendus est: neque enim omnia poetarum figmenta
probanda sunt, sed quæ à prudentia potius, quàm à sola fingendi libertate profi-

IN POETICEN HORATII

ciscuntur. si quis fabulam ita constituat, et argumentum poematis, ut inter se omnia non respondeant, sed dissentiant potius, ac repugnent, simile poema confinxerit pictura illi, quæ ex omnibus animantibus terrestribus, aereis, ac marinis conflata est: et propterea monstrum quoddam uidetur. omnia igitur in poemate sibi conueniant, consentiant, respondeant, scopum, ac finem omnia spectent, nihil abhorreat, nihil alienum sit: unde Virgilius nihil Aenææ tribuit, quod summo Imperatori, qui plane Deus non esset, minus conueniret: nihil Achilli et Ulyssi Homerus, quando, ut ait Theon in exemplis, in Iliade Troianorum incommoda recenset, ut homines ad iustitiam inflammet, in Odyssea ad ferendam æquo animo aduersam fortunam nos cohortatur. hic fuit scopus, nihil attigit quod in hunc directum non esset. Quintilianus libro octauo, cap. quarto, de hoc loco Horatii sic scribit. κοινισμός, inquit, appellatur quædam mixta ex uaria ratione linguarum oratio, ut si atticis dorica, ionica, æolica etiam dicta confundas. cui simile uitium est apud nos, si quis sublimia humilibus, uetera nouis, poetica uulgaribus misceat: id enim tale est monstrum, quale Horatius in prima parte libri de arte poetica fingit, Humano capiti, et quæ sequuntur: et cætera ex diuersis naturis subiiciat. Horatius monstri huius descriptionem ab Aegyptijs desumpsit. nam Porphyrius libro quarto de abstinentia à cibis, et cæde animalium, de Aegyptijs loquens sic inquit. εἰς αὐτοὺς γὰρ πρὸς αὐτοῖς τὴν μέγαν τετραχέλου αἰθρὰν περὶ τὸ δὲ πρὸς τὸν ὀφθαλμὸν, ἢ λείοντος, ἢ ἀλίου πνὸς ζῶντος κεκτημένους, καὶ πάλιν αὐτὸ κεφαλῇ αἰθρῶν περὶ τὸν ὀφθαλμὸν, καὶ ἀλίων πνὸς ζῶντος μὲν, δὲ ὡς δὴ αὐτοὶ οὐκ ἔστιν ὁ πρὸς τὸν ὀφθαλμὸν, καὶ τῶν ἀλίων κοινωμένων. Et quæ sequuntur. quidam apud eos usque ad collum humana specie pictus est, uultum auis, uel leonis, uel alius cuiuspiam animalis præseferens, item caput humanum, aliorum quorundam animalium membra, reliquæ uel partes corporis sunt. quibus perspicue demonstrant, deorum immortalium uoluntate hæc etiam animalia inter se coniuncta esse. Lucianus etiam in libro de scetis huius rei locuples testis est, apud quem sic legimus. οἷα πολεῖται αἰνῶντι τοῖς θεοῖς, καὶ τῶν ζῴων κεφαλαῖς ἡνδραγῶν, καὶ λείοντος, καὶ αἰθρῶν περὶ τὸν ὀφθαλμὸν. qualia multa Aegyptij pro literis pingunt, ut capite canino, et leonino homines. Plato in sophista. οὐκ ἔστι καὶ τὰ ἄλλα οἷα τῶν κεφαλαίων δύο διττὰ ὅσα τῆς ἡμετέρας αὐτῶν ποιητικῆς περὶ τὸν ὀφθαλμὸν, καὶ αὐτοῦ γὰρ, τὸ δὲ εἶδω λον, εἶδω λον ποιικῆ. Alia etiam sic duplicia sunt opera nostræ huius poeticæ artis. nam pictura, quæ rem plane ueram effingit, uerum exprimens est: quæ uero spectrum, spectrum imitari dicitur. pictura hæc, cuius exemplum attulit Horatius, tam uaria, ac multiplex, non est αὐτοῦ γὰρ, sed εἶδω λον ποιικῆ. nullis enim in regionibus monstrum hoc uiuere audiuius. quare non ad ueritatem, sed ad spectrum et phantasiam proxime accedit. Hoc primum Horatii præceptum est in hoc de arte poetica libro plane aureo, in quo poetam excellentem effingit. nec eo contentus in poetâ sæpe imperitos inuehitur, quos e coetu poetarum explodit. nec temere primum docuit, qualis esse debeat argumenti, et fabule constitutio, quia, ut in poetice auctor est Aristoteles,

est Aristoteles, fabula poematis anima est. Reliquum est iam, ut contextum ipsum aggrediamur. **CERVICEM.** quæ iuncta est capiti. Virgilius de Orpheo. tum quoque marmorea caput à ceruice recisum. αὐχὴν uocant Græci. Dionysius Halicarnassensis libro nono, ubi securi percutiuntur ab Appio milites, οἱ μὲν πελίνες εἰς αὐχὴν αὐτοῦ ἀπὸ τοῦ πηγῶν. alij securi ceruices recisæ sunt. **VARIAS.** quia ex uarijs animantibus, auius ne collectæ. aliquando idem animal, ut collum columbæ, uarium uidetur nostro uisu hallucinante. Aristoteles de generatione. **VNDIQUE.** ex omnibus auius. ut in Ode ad Munatium Plancum, undique decerpam fronti præponere oliuam, undique idest ex omnibus oliuetis. **PISCEM.** etiam marina animalia complectitur. auis ex aerijs, equus ex terrestribus, piscis ex marinis est. Virgilius, syluæq; et sæua quierant Aequora. pictæq; uolucres quæq; lacus late liquidos, quæq; aspera dumis rura tenent. **SUPERNE.** ut de Venere Apellis Cicero libro tertio de officijs. accedit eodem testis locuples Posidonius, qui etiam scribit in quadam epistola P. Rutilium Ruffum dicere solere, qui Panatium audierat, ut nemo pictor esset inuentus, qui Veneris eam partem quam Apelles inchoatam reliquisset, absolueret: oris enim pulchritudo reliqui corporis imitandi spem auferebat: sic ea, quæ Panatius prætermisisset, et non perfecisset, propter eorum, quæ perfecisset, præstantiam, neminem esse persecutum. morte præreptus Apelles Venerem hanc, de qua Cicero, perficere non potuit. Plinius libro trigesimo quinto, capite decimo. superne autem mulier hæc, de qua Horatius, formosa uideri possit, quia caput humanum, reliqua membra ferarum, et brutorum habet animantum. **SPECTATVM ADMISSI.** adhibiti ad spectandum. pictores, et statuarij ad spectandum opus exactum admittere solent, sæpe etiam illud populo proponunt, atque omnium oculis subiiciunt, ut aliorum iudicium exquirant. Aelianus libro decimo quarto de Polycleto loquens, qui alteram statuam ipse ut sentiebat, fecit, alteram populi iudicium secutus absoluit, πρὸς οὐδὲν αὐτὸν ἀποφύλαξαι, καὶ ἡ μὲν ὑπὸ πάντων ἐδοξμάειν, ἡ δὲ ἐτόλμα ἐχέλατο, ἡ δὲ λαβὴν ἐν ἐφῇ ὁ πλὴν κλειρς, ἀλλὰ τῶν μὲν, ὡς λέγειτε, ὑμεῖς ἐποίησατε, τῶν δὲ, ὡς δοξμάειτε, ἐγὼ. utranque proposuit, et hæc quidem omnibus admirationem ciebat, hæc autem irridebatur. excipiens igitur Polycletus, at istam, quam uituperatis, inquit, uos fecistis, hanc ego, quam admiratione defixi suspicitis. **AMICI.** licet pictori illi amici sitis arctissimis necessitudinis uinculis coniuncti, amamus autem amicos, quia nos ipsi sunt. nam ut ait Aristoteles in lib. octauo de moribus ad Nicomachum, φίλος ἐστὶν ὁ φίλος αἰσῶς. ideo amicorum in rebus dijudicandis sæpe decipimur: uidemur enim de nostris ferre sententiam, quare Socrates in Phædro Platonis sanius iudicium putat non amantis, quàm amantis, quia is, qui non amat, uerum sequitur, qui amat, sæpe fictus est, εἰς δὲ μὴ ὁρῶντας κρείττους αὐτῶν ὄντας, τὸ βέλτερον αἰτὶ τῆς δόξης τῆς πρὸς τῶν αἰθερώπων αἰρεῖσθαι. ex his non amantes præstant, quia quod uidetur optimum, et maxime conducibile, non inanem hominum opinionem sequuntur. **ÆGRI SOMNIA.** melancholici sæpe somnii uexantur, ideo ægri etiam, quia

IN POETICEN HORATII

melancholici sunt, quietem somnii interrumpunt: somnia autem eorum irrita sunt, et sibi non constant: sic imperiti poetae in suis scriptis errant, et pugnancia inter se confingunt. Aristoteles de diuinatione per somnum quodam loco sic inquit, ἄλλ' ὅσων, ὥς-πρὸς αὐτὴν ἡ φύσις λαλῶσ' ἔστι, καὶ μετὰ γὰρ λυγρὰ παντὸς ἀπαίσις ὁρᾷσι. qui naesti sunt melancholicum ingenium, uaria spectra uident. ibidem stultiores dicuntur, qui somniant, πάντες γὰρ ἀνθρώποι πεσοῦντοί εἰσι, καὶ οὐ δύονεροι, ὥς οὐ θεὸς πέμπει. ualde enim degeneres homines, atque inepti in somniis futura prospiciunt, et diuinant, quia scilicet a Deo somnia non mittantur. ægri somnia simillima dicit esse Horatius corruptis poematibus, quia ægrorum sensus omnes corrupti, ac deprauati sunt. Socrates in Theæteto Platonis sic inquit, ἐκείνων δὲ τῶν πεφυκότων τί ποιεῖν ἄλλ' ἢ ὅταν μὲν λάβῃ ὑπαινόντα σωκράτην, ὥς ἐτόλμω μοι χρῆσθαι, ὅταν δὲ ἀόρατον ὥς ἐτόλμω. quibus uerbis demonstrat res alias sibi ægro uideri, alias recte ualenti, et quidem res easdem. PICTORIBVS, ATQVE POETIS. sensus hic est. licet poetis fingere, modo fingant consentanea, non ea, quibus natura resistit, ac re clamat; et quæ inter se coherere non possunt. pictores autem, et poetae ubique similes ponuntur, ut hic positos ab Horatio uides. Cicero libro tertio de Officijs. quod autem in poematibus, et picturis usu uenit, in alijsq; compluribus, ut delectentur imperiti, laudentq; ea, quæ laudanda non sunt, ob eam credo causam, quod insit in his aliquid probi, quod capiat ignaros. Aristoteles in poetice, ἢ τοὶ εἰλητόντες, ἢ καὶ ἡμᾶς, ἢ χείρονες ἀλλήλων μιμνήσκου, ὥς πρὸς οἱ γράφει, πλὴν γὰρ τοῦ μὲν καὶ τῶν, ποιῶν δὲ χείρους, διωνυσίος δ' ὁμοίους εἰσέχει. præstantiores, quàm nostrates homines sunt, uel deteriores imitari necesse est, ut pictores imitantur, Polygnotus præstantiores, Pauson deteriores, Dionysius uero similes effingebat. quare Horatius doctissime hic poetas, et pictores consociauit. AEQVA POTESTAS. uenia par. poetis autem, quia quæ scribunt, dijs uidentur dictantibus scribere. Plato in Apologia. ἔγνω ὁὖν αὐτὸ καὶ πρὸς τῶν περὶ τῶν εἰς ὁλίγω τοῦ τῶ, ὅτι εἰς ὧν ποιῶν, ἀ ποιῶν, ἀλλὰ φύσει ἔστι, καὶ εἰς τὸν σιάνοντες, ὥς πρὸς οἱ θεομάντες, καὶ οἱ χρησμωδοί. hoc etiam in poetis animaduerti, eos non singulari aliqua sapientia scribere, quæ scribunt, sed natura quadam, et diuino furore conciti, ut uates, et qui in oraculis respondent. UT PLACIDIS COEANT IMMITIA. huc ab initio libri præceptum deduxit Horatius, Porphyrio autem alterum præceptum esse existimauit, nimis turpiter deceptus, qui nec sensum, nec structuram, nec ordinem uerborum, ac præcepti uim agnouerit. placida, et immitia simul esse non possunt, quia contraria sunt, quæ autem sunt contraria simul esse nequeunt, ut docet in prædicamentis Aristoteles. hæc Horatius pro his, quæ non congruunt inter se, usurpauit, exempli gratia, Theon in exemplis Homerum reprehendit, qui libro primo Iliadis Chrysem sacerdotem ad hostes deduxerit, ut filiam pretio redimeret. hoc uero timido seni non conuenit, tam securo animo uenire ad superbissimos, et infensissimos hostes. ne iuuenes quidem hoc audaces fecissent cum erat fugiendum, Chrysem ait uenisse in castra hostium, qui nec militum temeritatem,

nec iram Atridarum, nec strepitum armorum, nec horribilem illum belli terrorem per-
timuerit. tum post multa sic Theon ait, ὁ πόθος τῆς θυγατρὸς τῆς αὐτοῦ κἀκίαν, at
desiderium filie ad hæc illum compulit. mox respondet. ἀλλὰ ὁ φόβος τῆς ἐναντίων
ἐκώλυε, at metus hostium prohibebat. Homerus igitur in Chryse uideri potest placidis
immitia coniunxisse, timori audaciam, senectuti fortitudinem, prudentiæ, quæ so-
let esse in senibus, temeritatem. GEMINENTVR. iungantur, duo fiant dis-
similia: neque enim coalescere possunt, cum inter se discrepent. hæc dicuntur gemi-
nari, quæ si conuenirent, coalescerent, non geminarentur, ut honestum, et utile, quia
idem sunt, non geminantur. Cicero libro tertio de officiis, Itaque accepimus Socratem
solutum execrari eos, qui primum hæc, natura coherencia, opinione distraxissent, cui
quidem ita sunt Stoici assensi, ut etiam quicquid honestum esset, id utile esse cense-
rent, nec utile quicquam quod non honestum.

II.

Inceptis grauibz plerunque, & magna profectis
Purpureus late qui splendeat, unus, & alter
Affluitur pannus, cum lucus, & ara Dianæ,
Et properantis aquæ per amœnos ambitus agros,
Aut flumen Rhenum, aut pluuius describitur arcus.
Sed nunc non erat his locus, & fortasse cupressum
Scis simulare, quid hoc? si fractis enatat expes
Nauibus, ære dato qui pingitur? amphora cœpit
Institui, currente rota cur urceus exit?
Denique sit quoduis simplex duntaxat, & unum.

Hic Horatius eos poetas reprehendit, qui ab eo, quod sibi dicendum proposuerunt,
episodijs, & digressionibus importunis abducti discedunt. nam Episodia tum in poe-
mate requiruntur, cum res postulare uidetur: temere accersenda non sunt, cum his
nec amplificatur poema, nec perpolitur. non igitur importune, & fusius excellentes
poetæ in digressionibus excurrent. hæc mihi horum uersuum uidetur esse sententia. Iaco-
bus tamen Grifolus, uir sane eruditus, adhuc primum præceptum ab Horatio tradi exi-
stimat. à quo ego ut dissentiam, ea me ratio impellit, quod cum episodia in arte poe-
tica illustrem semper sibi locum uendicent, de ijs nullum uerbum fecerit Horatius, si
reticuisse eum hic de episodijs existimabimus. & certe locus hic ex poetice Aristotelis ex-
pressus est, ibi enim sic legimus, τῶ δ' ἀπὸ τῶν μυθῶν, καὶ περὶ ξεινῶν αἱ ἐπεισοδιῶ-
δες εἰσι χεῖρις, λέγω δ' ἐπεισοδιῶν μυθῶν, ὡς τὰ ἐπεισοδιὰ μετὰ ἀλλήλα οὐτ'
εἰκὸς, οὐτ' αἰόαν εἶναι. simplicium autem fabularum & actionum episodica teter-
rima sunt: dico autem episodiam fabulam, in qua episodia nec uerisimili ulla ratione,
nec necessario mutuo conferuntur. Demetrius etiam Phaleræus in libro de elocutione hoc
ipsum præceptum inseruit. νικίαν δ' ὁ ζωγράφος καὶ ὁ ποιητὴς εἶναι τῆς

IN POETICEN HORATII

γραφικῆς τέχνης ὁ μικρὸν μῦθος τὸν λαβόντα ὕλῃ οὐ μεγίστην γράφειν, καὶ μὴ κα-
τακρηματίζειν τὸν τέχνην εἰς μικρά, δι' ὁρνήσια, ἢ αὐτῇ. Et post, ὡς γὰρ καὶ τὸν
ὕποθετον αὐτὸν μῦθος εἶναι τῆς ζωγραφικῆς τέχνης, ὡς ποτὶ τῆς μὲν τοῦ ἴδω ποιητῆς.
Nicias pictor Et hoc statim præcepit, pertinere ad artem pingendi, ut non paruo ali-
quo spatio syluam ingentem pingat, qui eam pingendam suscepit, Et ad tenuia se con-
uertat, ut auiculas, Et flores: putabat enim hoc subiectum esse picturæ, ut fabulas
poetarum. PURPUREVS LATE. incipit grauiter, Et cum dignitate, mox
repente deficit. purpuram posuit pro pulchritudine poetici alicuius splendoris. nam re-
ges ob dignitatem hac utebantur. Eutropius libro nono de Diocletiano. ornamenta gem-
marum uestibus, calceamentisq; indidit. nam prius imperij insigne in clamys purpu-
rea tantum erat, reliqua communia. uel dic hic pannum purpureum sumi pro affe-
ctatione, quæ statim graue principium subsequitur. nam purpura etiam male audiuit
ut delicatior. Laertius libro secundo in Aristippo. καὶ πότε πρὸς πόθεν κελύβους
διονυσίου ἔκαστον ἐπορφυρεῖ ἐδῆτι ὀρχήσασθαι, τὸν μὲν πρὸς ἄλκιον μὴ περὶ δαί-
ειπόντα, οὐκ αὖ δυνάμει δῆλόν ἐδιδύαι σολῶν. In conuiuio olim imperante Dio-
nysio, ut unusquisque in purpurea ueste saltaret, Platonem dixisse ferunt. fœmi-
neam uestem induere non possem. VNVS, ET ALTER ASSVITVR.
sic Cicero in Oratore ad Brutum. quos autem numeros cum quibus tanquam purpu-
ram misceri oporteat, nunc dicendum est. allusio est ad prætextam uestem. sic prior
sententia melior uidebitur. LVCVS. nemorum, Et lucorum descriptio ne ex-
plicetur uerbis innumerabilibus, sed paucis, Et aptis. Virgilius: Lucus in urbe fuit
media gratissimus umbra. Homerus libro sexto Odysseæ, ubi Nausicaa hospitem Ulyssæ-
sem alloquitur, cui tamen ut alienigenæ loca poterant describi explicatius.

δορυμνὸν ἀγλαὸν ἄλσος ἀθήνης ἄγχι κελύβοιο
αἰγείρων, ἐκ δὲ κρῶν ἡ νᾶει, ἄμω δὲ λευκῶν.

Reperiemus splendidum nemus Minervæ prope uias alnorum. fons inde fluit, circa
cum autem pratium est. Imprudentes poetæ inceptum deserent, Et in luci descriptione
latius excurrent. ARA DIANÆ. uel Tauricam Dianam intellige, quæ Ore-
stem à furijs eripuit. Cicero pro Milone. uel eam quæ in Cyntho monte Capreas occidisse
complures dicitur, Et ex earum cornibus Apollini fratri aram extruxisse. de qua Cal-
limachus in Apollinis hymno.

πρῶτῃ τῆς πρῶτῃς θεμελίας φοῖβος ἔπηξε
καλῇ ἐν ὀρτυγίῃ, πρὸς ἡλίου ἐνδοθὶ λίμνης
ἀρπυμὶς ἀγρώσουσιν ἡρώατα σῶντες αἰτῶν
καυθιάδων φορέεσκον, ὃ δ' ἔπλεκε βωμὸν ἀπόλων,
δείματ' οὐκ ἐκράεον ἐδὲθλια, πῆξε δὲ βωμὸν
ἐκ κρῶν. κρῶν δὲ πρὸς ὑπερᾶμεν τοῖσιν.

Quadrimum prima fundamenta Apollo iecit pulchra in Ortygia, rotundo in lacu:

Diana uenata cornua continenter Caprarum Cynthiadum comportauit : ipse autem con-
texuit aram Apollo, construxit quidem cornibus fundamenta ; construxit aram ex cor-
nibus : corneos autem circumiecit muros . ET PROPERANTIS AQUAE .
amnem intelligit , cum ambitum uocat . Virgilius amnes Oceani dixit , quod terram
ambiunt . Et Oceani spretos pede reppulit amnes . breuiter idem amnem expressit sine
uerborum dispendio libro sexto . pars densa ferarum Teſta rapit , ſyluas , inuentaſq;
flumina monſtrat . Et Homerus libro ſeptimo Odyſſ . ubi de horto Alcynoi . οὐ δὲ δύνω
κρῶναι . Et c . FLVMEN RHENVM . Cæſar ex Gallia in Germaniam traie-
ciens Rhenum tranſiit . in commentariis de bello Gallico . Virgilius in Gallo . Alpinas ab
dura niues , Et flumina Rheni Me ſine ſola uidet . Idem in libro octauo . Rhenuſq; bi-
cornis . ubi Seruius . quia per duos fluit alueos , per unum , qua Romanum imperium
eſt , per alterum , qua interluit barbaros . Rhenum dixit , non Rhenus , Horatius , cre-
do quia cum diſtione flumen coniunxit . ſic in Odyſſea . teſtis Metaurum flumen , Et
Aſdrubal Deuiſtus . PLVVIVS DESCRIBITVR ARCVS . Irim intel-
ligit , quæ oritur , cum nubem ſolis radii aduerſam feriunt , Et noſter uiſus inter nu-
bem , et ſolem medius illa emphafi refrangitur . Ariſtoteles libro tertio meteorologicorum .
αὐχμηρίον , ὃ τὰν ἀρχὴν ἔχει , καὶ ἥδη μὲν σπινθῆρας φαεινὰς ὁ οὐρανὸς νέφειν
ἀντὶ , μὴ πῶς δὲ ὕψος . ἐκ δὲ οὐρανόθεν ἢ ὁ ἥλιος , ἢ ἄλλο τι , οὐτὼ λαμπρὸν ὥς τε γί-
γνεται οὐρανὸν τὸ νέφος , καὶ πῶς ἀνὰ κλάσιν γίγνεται περὶ τὸ λαμπρὸν ἢ οὐρανὸν
πῶς , γίγνεται ἔμφασιν χρώματος , οὐ χρίματος . neceſſe eſt , cum plueret incipit ,
Et iam aer in rotationes in nubibus conſiſtit , nondum autem pluatur , ſi aduerſus ſol
fuerit , aut aliquid fulgidum , ut nubes ueluti ſpeculum fiat , Et refractio contra lu-
men efficiatur , coloris , non figuræ fieri emphafi . Ammianus Marcellinus libro xx .
ſub finem , Et Plutarchus libro tertio de placitis philoſophorum Irim pluribus uerbis
deſcribunt . Laertius libro ſeptimo in Zenone . ἴρις δὲ εἶναι αὐτὸς ἢ ὑπερὸν νεφῶν αἰὲς
κεκλῆσθαι . Irim eſſe radios ad humidis nubibus reflexos . quod attinet ad arcum ,
Zeſes , interpres Heſiodi in Theogonia , καὶ δοκεῖ τὴν κνυλὸν τριῖμα οὐ τῷ νέφει εἶναι .
Et circuli ſectio in nube eſſe uidetur . Virgilius eam breuiter , non per epiſodium li-
bro quarto deſcripſit .

Ergo Iris croceis per coelum roſcida pennis

Mille trahens uarios aduerſo ſole colores

Deuolat .

Homerus etiam libro octauo Iliados , ubi Iuppiter Irim mit-
tit , ἰριδιόνην , et Minervam ad ſe accedere uetet , ἴρις δὲ ὄψιν χρυσοῦ πῶρον ἄγ-
χλιδέων . Irim miſit aureas pennas habentem , quæ mandata ferat . CVPRESS-
VM . qui pingit naufragum , quid attinet ut præter rem pingat cupreſſum ? Et
quaſi epiſodium quoddam inducat ? quidam cupreſſum duntaxat pingere ſciebat , eam
igitur in omni pictura adhibebat . uide Eraſmum in Chiliadibus . Cupreſſus naufrago
addita mortem portendere poteſt . Virgilius libro tertio .
Ceruleis mœſta uittis , atraſq; cupreſſo .

IN POETICEN HORATII

Vbi seruius annotat, apud ueteres positum in more fuisse, ut ante domum funes-
tam cupressi ramum præfigerent, ut Pontifex præteriens funus esse animaduerneret,
& discederet, ne pollueretur. QVI PINGITVR. nunc etiam in tabella nau-
fragium depingitur, & ex uoto in Diuorum templis parietibus affigitur, ut summi
Dei potentia, & in homines beneficentia ad pietatem inflammemur. sic ueteres etiam
faciebant. Horatius in Odis libro primo.

Me tabula sacer

Votiva paries indicat humida

suspendisse potenti.

Vestimenta maris Deo.

Et Tibullus libro primo.

Nunc Dea nunc succurre mihi: iam posse mederi

Piæta docet templis multa tabella tuis.

AMPHORA. quidam

amphoram figulina rota instituit, mox à proposito discedens urceum fingit: urceus
autem exiguum est uas, unde manus abluentibus aqua funditur. Homerus libro quar-
to Odys. χερσὶν δ' ἀμύμονος πρὸς χεῖρ' ἐπὶ χερσὶν ἀνέχουσιν, &c. uel quo puellæ ca-
piti imposito aquantur, libro septimo Odysseæ. παρθενικὴ εἰκὴν ἐνὶ κεφαλῇ ἐχούσας
σῆ. Polybius libro decimo fortasse urceos intelligit, cum inquit κόρα μύδας ἀργυρᾶς.
uide quid annotauimus in nostris Parergis libro tertio capite decimo. SIMPLEX
DVNTAXAT, ET VNVM. non est liberius per episodica excurrendum, in
res alias, atque alias: fabula esse una debet, non multiplex, una actione constet: non
est autem una actio, si unus uir sit Hercules, aut Theseus. nam hires multas gesse-
runt, quæ unam actionem constituere non possunt. nam diuersæ cum sint se mutuo
non respiciunt, quare actio una non erit, si gestæ res omnes ab Hercule, uel Theseo
referantur, sed plures, ac plane diuersæ. vitandæ igitur sunt digressiones, quæ nos
de actione in diuersam actionem trahunt: illæ enim tantum probandæ sunt, quæ nos
à proposito longius non diducunt. Virgilius unam sibi actionem Aeneæ proposuit Iter
ab urbe Ilio in Italiam, ubi sibi urbem exadificet, tamen in Africam ad Didonem ma-
ris procella iactatum ducit, quia res illa à re proposita non penitus abhorret, quin po-
tius rerum uarietate delectationem affert: nauigantes enim sæpe in ultimas terras tem-
pestate impulsæ perueniunt. sic Homerus Ulysssem ad Corcyrensiū littora eiectum
scribit, cum ille tamen Ithacam contento cursu peteret, solam Ithacam animo reuola-
ueret, solam oculis quæreret. lege librum Odysseæ quintum, & consequentes præte-
rea libros. Aristoteles in sua poetice, cum præcepta huiusce rei tractanda scriberet, sic
inquit, οὐ πῶ δὲ καὶ πρὸς τοὺς πολλοὺς εἰσὶν ἡ μὲν οὐδὲ μὴ γίνεταί ποτ' ἕξω,
δι' ὃ πάντες εὐοίκοιεν ἀμφοτέρωθεν, ὅσοι τῆς ποιητικῆς ἀπορίαν, καὶ ἡρακλείδας πεποι-
νησιν, οἷον τὰ ἔργα, ἐπεὶ εἰς ὃ ἡρακλῆς, ὅσα καὶ τὸν μῦθον εἶναι πεποιθέν. mox de
Homero, ἐδύσεαι γὰρ ποιεῖν οὐκ ἐποίησεν ἅπαντα, ὅσα αὐτῷ σιμῶεν. sic unius
mullæ sunt res gestæ, ex quibus una confici actio non potest, quare omnes peccare ui-
dentur, quicumque poetæ Theseida, & Heracleida scripserunt. arbitrantur enim, quia

unus Hercules est, unam etiam esse fabulam par esse. Odysseam scribens Homerus, non omnia retulit, quæ ipsi Ulyssi euenerunt.

III.

Maxima pars uatum pater, & iuuenes patre digni
Decipimur specie recti. brevis esse laboro,
Obscurus fio. sectantem leuia nerui
Deficiunt, animiq; professus grandia turget,
Serpit humi tutus nimium, timidusq; procellæ.
Qui uariare cupit rem prodigialiter unam,
Delphinum syluis appingit, fluctibus aprum,
In uitium ducit culpæ fuga, si caret arte.

PATER, ET IUVENES PATRE DIGNI. ο' Pifo, & uos filij Pisonis digni clarissimo patre, quia a paterna uirtute non receditis: degeneres enim indigni sunt patre. unde superioris Africani filio, qui se omnibus uitij obstrinxerat, propin qui annulum e digito detraxerunt, in quo caput erat Africani sculptum, indigno, qui eum gestaret. Valerius Max. libro III. cap. V. DECIPIMUR SPECIE RECTI. nam duplex bonum, alterum apparens, alterum existens. Aristoteles libro septimo de moribus ad Nicomachum. τὸ ἀγαθὸν διχῶς, τὸ μὲν ᾧ ἀπὸ τοῦ ὄντος, τὸ δὲ ᾧ ἀπὸ τοῦ φαινομένου. bonum dupliciter, alterum simpliciter, alterum cuidam. uoluptates bonæ non sunt, sed uidentur. poetæ quidem omnes sibi bonum finem, ut recte imitentur, proponunt, sed recti specie decipiuntur, quia quod bonum putant, uitiosum est. nam alij nimis breues sunt, alij nimis tenues, alij tumidiores, & cum in errore uersentur, id non uident, quinimo se maxime admirabiles esse censent. sic Socrates in Phædro Platonis rhetores specie recti deceptos irridet, ἐν τοιαύτῃ ᾧ δὴ διδάσκοντες ἄλλους ἡγοῦνται σφίσι πελὶ εὖς ἐν τοιαύτῃ διδάσκειν. τὸ δὲ ἐκαστὸν τῶν πιδανῶς λέγειν τε, καὶ τὸ ὁλοῦ σιωπᾶσαι, εἰδὲν ὅτι οὐκ αὐτοῖς δεῖν περὶ ἐκαστοῦ μαθεῖν σφῶν περὶ εὖς εἰδὲν τοιαύτῃ. Rhetoricen se inuenisse, putarunt, & hæc alios edocentes, absolutam, & perfectam rethoricen tradi a se arbitrantur: probabiliter uero hæc sigillatim dicere, & totum componere, tamq; rem nullam, aut pertenuem ipsos per se auditores in orationibus sibi posse comparare. BREVIS ESSE LABORO. species recti, quibus decipimur, singulas percurrit. quidam breuitatem in primis expetendam censuerit: hæc tamen in scriptis parit obscuritatem. quæ sit expetenda interdum breuitas, docet Cicero libro secundo de Oratore, his uerbis. narrare uero rem quod breuiter iubent, si breuitas appellanda est, cum uerbum nullum redundat, brevis est L. Crassi oratio. Aristoteles libro tertio rhetoricorum. οὐδὲ ᾧ εἰ ταῦτα εἴη τὸ ὅτι ἢ τῷ ἁπλῶς, ἢ τῷ σιωπῶντος, ἀλλὰ τῷ μετρίως. tres uirtutes in omni narratione requiruntur, perspicuitas, breuitas, probabilitas, quæ si omnes adhibita sunt, oratio omnes

IN POETICEN HORATII

numeros habet. Theon, ἀρετῇ δὲ διηγήσας ῥῆσιν, σαφινεῖα, σωρὺ μᾶ, πιδανότης: διὸ καὶ πολλοὶ μὲν, εἰ δὲ αὐτὸν ἔβιν ἀπὸ σπας ῥῆσιν ἀρετῆς ἔχειν. si hæc in oratore, multo magis in poeta requiruntur, qui crebris utitur synonymis, et supervacaneis sæpe epithetis propter copiam, quam ut adamet, ei insitum, atque innatum esse videtur, quod cum doceret Aristoteles libro tertio rhetoricorum hoc exemplum attulit, λαλὸν γὰρ λα. album lac, quod ut dicant, poetis concessum est, tametsi nemo est, qui lac esse album ignoret. Spartani, quia brevitatem nimis adamarunt, nullum oratorem, nullum poetam habuerunt. de his Thucydides libro quarto in concione Lacedæmoniorum ad Athenienses, ἀλλὰ ὡς ἐλὼν ὄν ἡ μὲν, οὐ μὲν ἑραχῆς ἀρχῶσι, μὴ πολλοῖς ῥῆσιν. nobis patrium est, ut ubi pauca sufficiant, multis ne utamur. Philippo saltum, et transitum petenti liberiolem, hoc tantum grandioribus literis responderunt οὐ, idest non. Plutarchus in libro πρὸς ἀδόλεσχισ. recte igitur M. Tullius in libro de claris oratoribus sic inquit: quis enim aut Argivum oratorem, aut Corinthium, aut Thebanum scit fuisse temporibus illis? nisi quid de Epaminonda docto homine suspicari libet. Lacedæmonium vero usque ad hoc tempus audiui fuisse neminem. Menelaum ipsum dulcem illum quidem tradit Homerus, sed pauca dicentem, brevitatis autem laus est interdum in aliqua parte dicendi, in universa eloquentia laudem non habet. NERVI. robora orationis, lacertos dicit Cicero in Bruto de Lysia loquens, ubi etiam hoc vitium quod hic Horatius insectatur. habet inquit certos sui studiosos, qui non tam habitus corporis opimos, quam gracilitates consecrarentur, quos, valetudo modo bona sit, tenuitas ipsa delectat, quanquam in Lysia sunt sæpe etiam lacerti, sic ut eo fieri nihil possit valentius, verum est certe genere toto strigosior. Socrates in Phædro Platonis Isocratem Lysia his verbis anteponit, δοκεῖ μοι ἀμείνων ἢ καὶ τὰ ῥῆσιν λυσίαρ εἶναι λόγους, τὰ τῆς φύσεως, ἔτι δὲ ἡθεὶς ῥητικῶς τοῖς ῥητορικοῖς δοκεῖ. præstantior mihi in oratione, quam Lysias videtur, ob eam vim quam a natura habet insitam, et quia moribus in dicendo, ac instituto videtur generosior. notum iam est, ut opinor, quem nervi deficiant. ANIMI QUE. vis, et sublimis illa sententiarum maiestas. Virgilius in Georgicis ventos appellat animosos, idest plenos vi, ac flatu vehementiore. Quas animosi Euri assidue franguntq; ruuntq;. TURGET. Catullus. At populus tumido gaudeat Antimacho. tales etiam Asiani oratores. M. Tullius in Bruto sic inquit. nam, ut semel e Pyrræo eloquentia euecta est, omnes peragravit insulas, atque ita peregrinata tota Asia est, ut se externis oblineret moribus, omnemq; illam salubritatem Atticæ dictionis quasi sanitatem perderet, ac loqui pene dedisceret. hinc Asiatici oratores non contemnendi quidem, nec celeritate, nec copia, sed parum pressi, et nimis redundantes, Rhodij saniores, et Atticorum similiores. Quintilianus libro XII. cap. X. sic: neque enim Attice pressi sunt Rhodij, neque asiane abundantes. Videant igitur poetæ, de quibus hic Horatius, ne ita tumeant oratione, ut nimium grandes, et plane Asiani poetæ videantur. SERPIT HUMI, TUTVS NIMIVM, TIMIDVS QUE PROCELLAE. sunt qui contrario vitio laborent,

et ita

Et ita tenuitatem, et gracilitatem sectentur, ut humi serpant ijs similes, qui dum maris procellam timent, ripæ nimium propinquant, et saxi, quæ in ripa sunt, alliduntur. Virgilius in Georgicis.

Qua me quoque possim

Tollere humo, uictorq; uirum uolitare per ora.

Plato in Phædro ait

τὸν τῶ πῶς φῶσιν κεκοινῶν κέναι μάλιστα τῶ θεῶ, uolandi naturam diuinitatis maxime esse participem. quæ uerba declarauit Plutarchus in quæstionibus Platonicijs ὥστε τὸν ψυχὴν ἀπὸ τῶ ταπεινῶν, καὶ θνητῶ ἀναφύουσαν. quia animam ab humilibus hisce curis, et mortalibus in cælum erigit. Lilius Gregorius Gyraldus, summa uir eruditionis, Ferraria mihi olim affirmauit, se librum habere manu scriptum, in quo sic uersus legeretur. serpit humi, ut tutus nimium, timidusq; procellæ. addita igitur est particula ut. quæ si additur, erit imago a nauta: si deletur, metaphora uidebitur. Aristoteles libro tertio rhetoricorum hac particula imaginem a metaphora subiunxit. ἐστὶ δὲ καὶ εἰκὼν μεταφορά. διαφέρει γὰρ μικρὸν. ὅταν μὲν γὰρ ἔπῃ τὸν ἀχλὺν, ὡς δὲ λέων ἐπόρουσεν, εἰκὼν ὅτι. ὅπῃ δὲ λέων ἐπόρουσε, μεταφορά. imago etiam est metaphora: parum enim differt. quando de Achille dicit Homerus, ut leo erupit, imago est: quando autem, leo erupit, metaphora. QVI VARIARE CVPIT REM PRODIGIALITER. poemata uarianda sunt, ut plus delectationis afferant, et quidem uarianda figmentis. nam poætæ non sumus propter narrationem, sed propter fabulam, ut testatum reliquit in poetice Aristoteles, sed cauendum ne figmenta ita ab arte poetica et natura ipsa abhorreant, ut prodigia iure optimo uideri possint: iccirco enim apud Seruium Virgilius reprehenditur, quod frutices ab Aenea euulsos è tumulo Polydori cruentos dixerit, quasi spicula in Polydorum coniecta. et quod naues sint in nymphas conuersæ, crimini etiam ei datum fuisset, quod solum Turnum in urbe Troianorum incluserit confertissimas hostium acies cædentem, nisi addidisset Turno sociam Iunonem libro IX. Iuno uires, animumq; ministrat. Homerus uerticem montis abruptum Cyclopi manu testatur.

ἦ κε δ' ἀρχὴν ἔσθ' οὐρανὸν ὄρεος μεγάλου.

sed rem facit credibilem,

quia uastissimum Cyclopem effinxit, cum dicebat plus cibi solum eum, quam omnes simul homines absumere, clauam gestare ingentem, atque immanem, et cum ei speciem tribuebat homine grandiore. Sic enim Homerum defendit Hermogenes libro quarto de Inuentione, ubi agit πρὸς κωμῶν. recte autem poema uariabimus, si ars naturam imitabitur. nam ut ait Aristoteles libro secundo physico-
 ρum, ubi docet quomodo mathematici a physicis differant, ἡ τέχνη μιμῆται τὸ φυσικόν. ars naturam imitatur. Marius Nizolius, quem ego semper et propter doctrinam, et propter ætatem iam ingrauescentem obseruaui plurimum, superioribus diebus Parmæ, quod animi causa concesseram Regio Lepidi, cum sciret me commentarium in artem poeticam Horatii editurum propediem esse, in his mihi uerbis quæstionem excitauit: Quo modo inquit quisquam cupiet uariare rem prodigialiter, cum hoc insitum om-

C.

IN POETICEN HORATII

nibus sit a natura, ut, quæ laudabilia non sunt, toto pectore fugiant, quæ uero sunt præclara, omni ratione conſequentur. cui nos respondimus, cupere nos aliquando rem uariare prodigialiter, cum specie recti decipimur. non enim animaduertimus in quo errore uersemur, quare fit, ut prodigio, & errore delectemur, non putantes esse uel prodigium, uel errorem. & ea in medium attulimus, ex Aristotele, & Platone, quæ superius explicuimus in illum Horatii uersum. Decipimur specie recti, &c. DELPHINVM SYLVIS. per delphinum in syluis, & aprum in fluctibus omnem fictionem minus congruentem accipere debemus: aper enim in syluis, delphinus uiuit in fluctibus: sic prope Virgilius prodigium expressit.

Ante leues ergo pascuntur in æthere cervi,
Et freta destituent nudos in littore pisces. Et Horatius in odis libro primo,

Omne cum Proteus pecus egit altos
Visere montes,

Piscium & summa genus hæsit ulmo,

Nota quæ sedes fuerat columbis,

Et superiecto pauidæ natarunt

Aequore Damiæ.

De delphino Puteolano, qui puero extincto, quem amabat, in ipso maris littore extinctus est, lege apud Gellium. CULPAE FUGA. Imperiti dum uitium fugiunt, in alterum prolabuntur: nam dum nolunt poema fictione carere, temere, & prodigialiter fingunt, ignorantes uirtutem in medio esse positam, uitia utrinque stare. Aristoteles libro secundo de moribus ad Nicomachum de mediocritate agens, quæ inter duo uitiosa extrema sita est, sic inquit. τὸ δὲ μέν οὐ νόσος καὶ ἀνὴρ ἀνδρείος καὶ μέσος. inter metum, & audaciam fortitudo in medio constituta est. quod innuit etiam Prodicus ille in Phædro Platonis. qui Tisiam, & Gorgiam irridens putantes munus esse rhetorices parua extollere, magna deprimere, μέγας αὐτὸς ὑπερμένει ἐφ' ὧν δὲ λόγων τέχῃ, δὲ δὲ οὐτ' ἀμαρτάν, οὐτ' ἁπαλίων, ἀλλὰ μέσων. solum se professus est, inuenisse quibus uerbis ars egeat: egere autem nec longis, nec breuibus, sed mediocribus orationibus. at poetæ indocti mediocritatem non agnoscunt. de ijs alibi Horatius, Dum fugiunt stulti uitia, in contraria currunt.

IIII.

Aemylum circa ludum faber Imus, & ungues

Exprimet, & molles imitabitur ære capillos.

Infelix operis summa est, quia ponere totum

Nesciet. hunc ego me, siquid componere curem,

Non magis esse uelim, quàm prauo uiuere naso,

Spectandum nigris oculis, nigroq; capillo.

Sunt quidam poetæ, qui nobili in argumento rei propositæ uersantes, aliqua in

parte erunt excellentes, mox ubique frigescent, & qui semel, aut iterum in aliquo se poematis membro probarint, in reliquo corpore erunt inepti. hos Horatius hic arguit exemplo fabri statuarii, qui nomine Imus dicebatur. hic in statu minimas partes, ut capillum, & unguem recte effingebat, in alijs corporis partibus nullo pacto bonus artifex uidebatur. at inquit Horatius non in parte tantum, sed in toto poemate excellere debemus, ut immortales simus futuri. Imus faber Romæ officinam habebat, circa Aemylum ludum, idest in uico, cui nomen inditum ab Aemylis eadem urbis regione habitantibus erat, ut Venetijs etiam uidemus multa urbis loca à nobilissimarum familiarum nomine nuncupari. erat Romæ Aemylorum familia antiquissima à filio Pythagoræ oriunda. Plutarchus in Aemilio Paulo. ὁ πρῶτος τῶν αἰμυλίων καὶ τῶν ἑλίων τῶν ἐπὶ πικρῶν ἀρχαίων μαρτυρῶν πύδαρτος ποῦς τῆς σοφίας, δὲ αἰμυλίων λόγον, καὶ ἔτι αἰμυλίου πρῶτος οὐδὲν. sic in oratione pro P. Quintio atria quædam, in quibus præcones uersabantur, Licinia à Licinijs dicta. Cicero sic inquit. Tollitur ab atrijs Licinijs, atque à præconum confessu in Galliam Næuius, & trans alpes usque transfertur. In Vaticano prata erant Quintia à Quintijs. Plinius libro XVIII. cap. III. aranti quatuor sua iugera in Vaticano, quæ prata Quintia appellantur, Cincinnato Viator attulit dictaturam. apud Quintilianum de fornice Fabiano legimus, is nimirum à Fabijs dicebatur. sic igitur uicus Aemylus nomen ab Aemylis acceperat. Iason Cyprius de Imo hoc sic inquit. qui licet omnes partes corporis separatim minutissime exprimeret, in coniunctione tamen incongrue dispo- neret. Sed Horatii sensum non percepit, qui Imum unam tantum, aut alteram parti- culam recte expressisse, non omnes dicit. ut ille falso putat. VNGVES, ET CAPILLOS. minimas sic corporis partes. difficile tamen erat hoc præstare, ideo Plinius in eo laudat industriam Parrhasii pictoris, & Lysippi sculptoris. de statuarijs autem antiquis lege Plinium libro trigesimo quarto, cap. octauo. ubi eorum etiam ope- ra dicuntur. AERE. æræ fiebant statuae. ærea primum statua Cereri ex peculio Sp. Cassii, quem regnum affectantem pater ipsius interemit. Plinius hæc libro trigesimo quarto, cap. quarto. In triumpho magni Pompeij uisa primum argentea statua Phara- nacis libro trigesimotertio cap. duodecimo. Hominum primus statuam auream, et qui- dem solidam ex auro Delphico in templo posuit sibi Gorgias Leontinus LXX. cir- citer olympiade: tantus erat docendæ oratoriæ artis quæstus. hæc Plinius libro trigesimo tertio, cap. quarto. INFELIX OPERIS SVMMA EST. totum corpus Imus non præclare conficiebat: quædam enim corpora, seu quædam ὅλα, idest tota ex partibus inter se similibus constant, ut linea, ex quibus qui partem sciet effingere, sciet et totum conficere: quædam autem ex dissimilibus partibus conflata sunt, ut ani- malia, & plantæ: qui ex his partem recte construet, non ideo totum perite etiam componet, quia scilicet partes habet inter se discrepantes, ac diuersas. hæc ex Themisio doctissimo Aristotelis interprete libro I. Physicorum, sectione XVII. hæc igitur causa est, quam ob rem Imus non ita in toto corpore, ut in quibusdam tantum parti-

bus excellebat. NON MAGIS ESSE VELIM. nollem in parte tantum probari, in reliquis partibus reprehendi, ut nec in corpore graueolentem, uel distortum nasum habere, alia uero membra perpulchra. solent ueteres saepe à corpore similitudinem petere. M. Tullius libro tertio de officijs. Ut, si unum quodque membrum sensum hunc haberet, ut posse putaret se ualere, si proximi membri uoletudinem ad se transxisset, debilitari, et interire totum corpus necesse esset: sic, si unusquisque nostrum rapiat ad se commoda aliorum, detrahatq; quod cuique possit, emolumenti sui gratia, societas hominum, communitasq; euerteretur necesse est. PRAVO VIVERE NASO. Polypus apud Martialem nasi morbus dicitur. nasus uniuersam faciem cohonestat. idem prauus si sit, eam dedecorat, aut si amputatus. Athenæus libro duodecimo, ubi agit de contumelijs Scytharum, sic ait. εἰς ᾧ τοῦ περὶ ἡλίου ὕβρεως, ὥς τε πάντων τῆς αἰθρώπων, εἰς οὓς ἀνέκοιντο, ἡ κρῶν τρεῖς ἔχοντες εἶναι. ad id insolentiae, et contumeliae uenerunt, ut omnium hominum, ad quos peruenissent, nares amputarent. Catullus. salue nec minimo puella naso. NIGRIS OCVLIS. Aristoteles in problematibus. γλαυκαὶ μὲν εἰσὶν τὰ ὀφθαλμοῦ δὲ ἀπορρολῶν τῶ ἐν τῷ ὀφθαλμῷ, μάλιστα δὲ δὲ τῷ ὀφθαλμῷ ἀφροσύαν, ὥς πορὶ καὶ ἐμπεδοκλῆς φησὶ. glauci oculi sunt, propter caloris uim, qui intus est: nigri autem, quia calor ipse abest. ut Empedocles etiam asserit. Idem libro primo de historia animalium, cum de uarijs generibus nigrum oculi disquireret. οἷοις δὲ αἰτῶ πὸν ᾧ τοῦ ἡλίου ἐλπίσου σημεῖον, καὶ περὶ ὧν τὰ ὀφθαλμοῦ κρῶν. quibusdam color in oculis caprinus est optimi ingenij signum, et ad uisus acumen, atque uim plurimum confert. Plato in Phaedro duos equos fingens, quibus trahitur cupiditas, alterum bonum, alterum uero tetrum, ubi de bono loquitur, λευκὸς ἰδεῖν inquit, καὶ μελανόμματος, albus corpore, oculis niger. NIGRO CAPILLO. seruius si emendate legatur libro quarto Aeneidos flauum crimen in foeminis probat, nigrum in maribus; cum uersum illum interpretatur.

Nondum illi flauum Proserpina uertice crinem

Abstulerat.

Horatius libro primo epistolarum scribens ad Mecoenatem.

Quod si me nolles usquam discedere, reddes

Forte latus, nigros angusta fronte capillos.

Et in odis libro primo.

Et Lycum nigris oculis, nigroq;

Crine decorum.

V.

Sumite materiam uestris qui scribitis æquam

Viribus, & uersate diu, quid ferre reculent,

Quid ualeant humeri. cui lecta potenter erit res,

Nec facundia deferet hunc, nec lucidus ordo.

Hoc uero præceptum latius patet, et ad omnes homines pertinet, ut eas res aggre-
diantur, quas præstare possint. poetae alij lyricis aptiores sunt, alij heroicis, alij

tragicis, alij alijs argumentis. Flaminius in mediocri illo genere carminis excelluit, quo poetas omnes superauit. Naugerius æquis eum gressibus comitatur, sed tamen cum Bembo altius se aliquando attollit. Bernardinus Parthenius in omni genere mirificus est, & solus aliorum omnium partes sustinet: ita ornate, nitide, grauiter non solum orationes, sed etiam poemata scribit. sed quia hæc rara avis in terris est, monet Horatius poetas, ut materiam suis uiribus parem sumant, ne turpiter oneri succumbere cogantur. sic prope Quintilianus libro secundo, cap. nono proprietatem inquit ingeniorum despicere prorsus necessarium est. in his quoque certum studiorum facere delectum, nemo dissuaserit. nanque erit alius historiae magis idoneus, alius compositus ad carmen, alius utilis studio iuris, ut nonnulli rus fortasse mittendi. sic discerneret hæc dicendi magister, quo modo palestricus ille cursorem faciet, aut pugilem, aut luctatorem, aliud ne quid ex ijs, quæ sunt sacrorum certaminum. M. Tullius in libro de claris oratoribus sic. quare hoc doctoris intelligentis est uidere, quod ferat natura sua quenque, & ea duce utentem sic instituere, ut Isocratem in acerrimo ingenio Theopompum, & lenissimo Ephori dixisse, traditum est, alteri se calcaria adhibere, alteri frænos. Stobæus libro uigesimo de Atheniensibus audacioribus, quàm uires eorum poscebant, sic scripsit. Δημωγράτης ἀναβαίνων εἰς τὴν ἀκρόπολιν ἐν γήϊα, καὶ πνέον, ποιεῖν ἐφθ, ὅπῃ καὶ σύμπασα ἡ ἀθηναίων πόλις, πνέει μὲν γὰρ μέγα, ἰσχυρὴν δὲ μικρόν. Democrates senior arcem cum conscendisset, & anhelaret, facere se dixit quod uniuersa Atheniensium ciuitas faceret: spirare quiddam magnum, posse autem quiddam perpussillum. Plato in Alcibiade priore cautum in hoc, ac prudentem Alcibiadem facit. Socrates enim eum interrogat, quibus de rebus sit in senatu uerba facturus. ὅταν οὖν πρὸς πινὸς ἐσθλὸν ὦμαι, οἱ γὰρ πρὸς ὅταν γὰρ πρὸς οἰκδομίᾳ; ἄλ. οὐδ' ἔτι. Σω. οἰκδομῆς ἢ οὐδ' ἔτι γὰρ σοὺ βέλτιον συμβουλεύσει; ἄλ. ναί. cum de ædificatione domus consulent? Alcib. non equidem. Socr. architectus enim de his melius, quàm tu, consulat? Alcib. certe. post multa demum Alcibiades respondet, ὅταν πρὸς πολέμου ὧ σῶκρας, ἢ πρὸς εἰρήνης, ἢ πρὸς ἄλλου ἑνὶ τῆς πόλεως πεπραγμένων. tunc dicam, cum de bello, ὁ Socrates, uel de pace, uel de alio quouis urbis negotio disceptabunt. Pindarus in ode prima Nemeorum.

τέχνη δ' ἐπὶ τῶν ἐπὶ τῶν,
 καὶ δὲ ἐν δὲ τῶν οὐδ' ἔτι
 σοὶ γὰρ μάρνασθαι οὐκ.

Aliæ aliorum artes sunt: oportet autem rectis incedentem uis, id persequi cui natura idoneus est. Horatius libro primo epistolarum ad Iulium Florum scribens, tacite Tityum carpsit, quod hoc præceptum aspernaretur.

Quid Tityus Romana breui uenturus in ora?

Pindarici fontis qui non expalluit haustus,

Fastidire lacus, & riuos ausus apertos.

Vt ualet? ut meminit nostri?

IN POETICEN HORATII

POTENTER, idest secundum facultatem ingenij sui. Propertius libro secundo.

Sed neque Phlegræos Iouis, Enceladiq; tumultus

Intonet angusto pectore Callimachus:

Nec mea conueniunt duro præcordia uersu

Cæsaris in Phrygios condere nomen auos.

Et post.

Qua pote, quisque in ea conterat arte diem.

FACUNDIA. copiosi enim esse debent poetæ, tantum non redundantes: nam idem alijs, ac diuersis uerbis dicunt. Virgilius libro nono de Amyco.

Quo non felicior alter

Vngere tela manu, ferrumq; armare ueneno.

Idem bis dixit. sciebat

tela ueneno inficere. Aristoteles libro tertio rhetoricorum. τῷ μὲν σοφιστῇ ὁμωνυμία

ἡ σίμιοι, τῷ δὲ τῷ λόγῳ ἡ κωκυρθεῖ: τῷ ποιητῇ δὲ σωνωνυμία. sophistæ æquiuoca

commoda sunt: his enim fucum facit: poetæ uero synonyma. per facundiam, ni fal-

lor, Horatius intelligit eloquentiam, ut utilitatem extollat, quæ ijs exorietur, si su-

ceptam materiam uiribus metientur, quamuis M. Antonius summus orator dicere

soleret, se disertos multos quidem uidisse, eloquentem uero neminem, ut scriptum Ci-

cero reliquit libro primo de oratore, in oratore, et Quintilianus libro octauo cap. primo.

LUCIDVS ORDO. ordinem uocat lucidum translatione sumpta à duobus ele-

mentis perspicuis aqua, et aere, in quibus ordo uidetur esse materiei, quia rariora

sunt. terra ex confusione constat, et quia ex crassiore materia mixta est, ideo non est

perspicuum corpus. Aristoteles in libro de coloribus. καὶ διὰ τὸ φαίνειν τὸ φάσθαι, οἷον

τὸ τ' ὑδαρὸς, καὶ τὸ ἀέρος. Socrates in Phædro Platonis. λέγει πάντες λόγον ὡς πρὸς

ξάρον σιωπᾶναι, ὥς τε μὴ τ' ἀκρόαζον εἶναι, μὴ τ' ἄπω, ἀλλὰ μέσα πείχειν, καὶ

ἄκρα πρέποντα ἀλλήλοισι, καὶ τῷ ὅλῳ χροχμυλία. oportet omnem orationem tan-

quam animal compositam esse, ut neque capite, neque pedibus careat, sed et media

habeat et extrema recte inter se decentia, et toti conuenientia, atque respondentia.

Ibi Socrates de ordine potius oratorio, cum tamen etiam in poematibus ordo est suus,

uidentur omnia elucere.

VI.

Ordinis hæc uirtus erit, & uenus, aut ego fallor,

Vt iam nunc dicat, iam nunc debentia dici

Pleraque differat, & præsens in tempus omittat,

Hoc amet, hoc spernat promissi carminis author.

Quæ superius præcepit Horatius, ad inuentionem omnia attinent, nunc aggreditur dispositionem epici poematis, quæ non ab initio rerum gestarum deducitur, sed à medio, uel ab ultimis rebus initium sumit: coherent autem hæc cum superioribus, quia cum dixisset Horatius, eius poetæ ordinem fore lucidum, qui sibi ea dicenda sumpsisset, quæ suis humeris posset sustinere, statim præcepta de ordine sibi adiicienda exi-

stimauit, cuius merito inciderat. Madius tamen, huius, et superioris memoriae philosophorum facile princeps, non de ordine hic arbitratur Horatium praecipere, idest de dispositione poetica, sed de episodijs, quae inducuntur, cum non tota explicatur fabula: eius autem uerba haec sunt. Ut iam nunc dicat, hoc est, ut poeta aliquid narret, quod ad fabulam spectet, iam nunc debentia dici pleraque differat, idest quae gratia fabulae sequi deberent, differat, atque aliquid in eorum locum, quod congruat, substituat: per hoc enim, quod dicit, pleraque differat, episodica multa innuit epico carmine inferenda. Haec Madius. Nos tamen non ut clarissimi philosophi sententiam refutemus, sed ut, quod plane sentimus, ingenue fateamur, aliter hunc locum interpretabimur, et dispositionem poeticam hic ab Horatio tractari existimabimus; licet Acron praeterea sic dicat, pleraque differat, et praesens in tempus omittat. ut Virgilius in septimo libro narrat, in Italia iam posito Aenea quomodo fabricatae sunt naues, quibus ab Ilio nauigauit, cum in tertio non dicat. Porphyrio autem concisus, et mutus est. HAEC VIRTUS. sic Aristoteles libro tertio Rhetoricorum καὶ ὁ ἐπὶ τῷ λείξεως ἀρετὴ σαφὴ εἶναι. Et diffiniatur dictionis uirtus, ut perspicua sit. ET VENUS. idest uenustas quae uocatur ab Hermogene σεμνότης libro primo de ideis oratorijs: haec enim adhibita orationem facit ampliolem, atque illustriorem, ὥς τε σομφάζειν, idest ut ampla sit. Sic ibi loquitur Hermogenes. UT IAM NVNC DICAT, IAM NVNC DEBENTIA DICI PLERAQUE DIFFERAT. quaedam nunc dicat incipiens non ab initio rerum gestarum, sed ab ultimis, seu medijs rebus, quaedam nunc debentia dici, idest principia, quae primum occurrunt, et ideo uidentur indoctis poetis primum debere dici, differat alio loco referenda. sic Virgilius exorsus non ab excidio Ilij, sed a procella maris, qua Troiani toto ponto iactati errarunt. Homerus non a raptu Helenae, sed ab ira Achillis, et in Odyssea a Calypso auspicatus est. Plutarchus in uita Homeri de tota hac ratione sic scriptum reliquit. οὐ γὰρ πρῶτον εἰς ἐμβολῶν τὴν ἀρχὴν τῆς ἱλιάδος ἐποίησαν, ἀλλὰ καὶ καθ' ὅν χρόνον αἱ πράξεις ὁρᾶν τῶν αἰ, καὶ ἀντιμετρεῖν καὶ διέστησαν, τὸ δ' αὖτε καὶ ἐν ὁδῷ σεία ποιήκεν ἀρξάμενος μὲν ἀπὸ τῆς τελευτῆς τῆς παλαιῆς τῆς ὁδοσεύς χρόνων, ἐν οἷς καιρὸς ἦν ἡδὴ καὶ τὸν τῆς ἐμμετρίας εἰσεῖναι, καὶ τῆς μνηστῆρων ὕβρις ἐμφανίζεν. Non enim longe initium Iliadis repetiuit, sed quo tempore res in maximo motu erant. Idem et in Odyssea effecit, a postremis errorum Ulyssis temporibus exorsus. quibus ipsum etiam Telemachum induci occasio postulabat, et procorum contumeliam aperiri. Theon in progymnasmatibus, ubi de narratione agit, de Homero loquens, ἡρξάτο γὰρ ἀπὸ τῆς χρόνων, καὶ οὗς ὁδοσεύς ἦν πρὶν καὶ αὐτοῦ, εἴτα ἐν ἐσθραμὲν τὴν ἀρχὴν μετὰ τῆς οἰκονομίας γλαφυρᾶς. ab ijs temporibus initium sumpsit, quibus apud Calypso Ulysses commorabatur, deinde ad principium ordine quodam amabili progressus est. ET PRAESENS IN TEMPUS OMITTAT. Acron sic exponit, in praesentia praetermittat, sed decipitur. tu melius sic, differat in tempus praesens, idest opportunum. Virgilius in Georgicis.

IN POETICEN HORATII

Felicitis mali, quo non praesentius ullum,
Pocula si quando saeva infecere nouerca,
Miscueruntque herbas, et non innoxia uerba,
Auxilium uenit. Et in aeglogis.

Nec tam praesentes alibi cognoscere Diuos. Parrhasius Acronem sequutus est.

HOC AMET, HOC SPERNAT. obseruet poeta hoc, quod scilicet praecipimus: spernat quicquid ab his praecipitis abhorret. nam mihi non uidetur tam illustri loco, et praeepto dignum, quod quidam sentiunt, ut poeta ipse suam personam aliquando interponat. ut in Georgicis libro secundo.

Non illa quisquam me nocte per altum

Ire, nec a terra moneat conuellere funem.

Quid enim his cum dispositione poetica? Pedimontius ad hunc locum pertinere putat uersus Horatii, qui sunt in extremo odae primae libri primi. Me doctarum Hederæ præmia frontium, etc. cuius mihi opinio hic nullo pacto uidetur esse consentanea: neque enim hic de oda, et lyrico agimus poemate, sed de dispositione epici. PROMISSI CARMINIS AVCTOR. Epicus enim, de quo loquimur, statim in propositione promittit, qua de re sit dicturus. ut Virgilium fecisse uidemus, et Latinos omnes, Homerum etiam in Iliade, μηνιν ἄλδ' ἔειπε. et in Odyssea. αἰὲρ μοι εἴη νεπιδόσα etc. et hoc est, quod praecipit Aristoteles libro tertio rhetoricorum, cum inquit. εἰ δὲ τοῖς λόγοις, καὶ ἐπὶ διὰ γὰρ ἔστι τὸ λόγον, ἵνα περὶ αὐτοῦ οὐκ ἔνι λόγος, καὶ μὴ καὶ μὲν ἡ διὰ τοιαῦτα. in orationibus, et epicis carminibus propositio est futurae narrationis, ut, de qua re sit dicendum, praeuideant, et mens suspensa non sit. uel dic, promissi carminis, idest prolixi, et longi, quale scilicet epicum est. de quo etiam Demetrius Phalereus in libro de elocutione sic scribit, cum de exametro loquitur, ὁ καὶ λέγει ὡς μεγάλους. quod a magnitudine nomen accepit.

VII.

In uerbis etiam tenuis, cautusque serendis.

Dixeris egregie, notum si callida uerbum

Reddiderit iunctura nouum, si forte necesse est

Indiciis monstrare recentibus abdita rerum,

Fingere cinctutis non exaudita Cethegis

Continget, dabiturque licentia sumpta pudenter.

Nunc de elocutione agit, quod ijs faciendum, qui de arte poetica scribunt. demonstrat Aristoteles, qui in sua poetice praecipit uberius περὶ τῆς λέξεως, idest de dictione. uidemus enim summos etiam oratores aliquando de uerborum significatione inter se contendisse, ut iccirco maximæ etiam uerborum faces inter eos exarserint. si hæc tanti sunt ab oratoribus, quibus nihil est grauius, quanti fieri debent a poetis? nobilibus illis quidem, sed qui tamen dignitate ab oratoribus superentur. Cicero in oratore ad

re ad Brutum sic ait. Attamen in hoc ipso, examinante uerborum omnium pondera, reprehendit Aeschines quaedam, & exagitat, illudensq; dura, odiosa, intolerabilia esse dicit. & post. Itaque se purgans Demosthenes iocatur, negat in eo positas esse fortunas Graeciae, hoc, an illud, huc, an illuc manum porrexerit. quo nam igitur modo ausdretur Mysus, an Phryx Athenis, cum etiam Demosthenes exagitetur, ut putidus & poeta, inquit hic Horatius, sit TENVIS, ET CAVTVS, idest parcus, in SE-RENDIS VERBIS, idest innouandis. translatio est ab agricola, qui serit, nouas ut fruges metat. Cicero oratorem etiam sic monuit in Oratore ad Brutum. Ergo tenuis orator modo sit, elegans, nec in faciendis uerbis erit audax, & in transferendis uerecundus, & parcus, in priscis, reliquisq; ornamentis & uerborum, & sententiarum remissior. Sed de hoc longe plura Cicero ipse libro tertio de oratore ad Q. Fratrem, Quintilianus libro octauo, Fortunatianus libro tertio rhetoricorum. Iason per uerba ferenda non noua, ut nos, intelligit, sed translata, et fallitur. nam postea agit de translatis Horatius. adiecit hoc Horatius, quia licet aliquando ὀνομαστικῶς, idest fingere uerba, cum uerba desunt, ut Aristoteles etiam in praedicamentis affirmat, ubi de ijs agit, quae relatiua dicuntur, referuntur inter se remus, & id, quod remum habet. remitum igitur dicendum, licet recens uerbum habeatur. Idem libro secundo de moribus ad Nicomachum, τῆς δὲ ἀποβλαβόντων, ὁ μὲν τῆς ἀποβλαβόντων, qui supra modum timidus est, nomen non habet. Simplicius doctissimus Aristotelis interpres libro quinto physicorum, sectione decimaquinta sic inquit. Sed nominum inopia dubitationem excitat: cum enim rerum mutationes in duas, tres uel distinguimus, in motum, ortum, interitum, cum aliae praeterea mutationum mutationes alio modo fiant, propria nomina nancisci non possumus. nam ut aliud Socrates est, & aliud secundum substantiae formam Socratis mutatio, sic harum ambarum mutationes differunt, & si quidem essent propria nomina mutationibus ortus, atque interitus, haec fortasse absurdum quae uidentur, non consequerentur. haec quidem, quae Simplicius cum Aristotele refert, sic se habent: tamen inserendis, atque innouandis uerbis periculum est, ne decipiamur. unde in libro tertio rhetoricorum Aristoteles Lycophronem reprehendit, qui dixit, τὸ λυπεῖσθαι πῶν οὐρανὸν, idest coelum multorum uultum: et illud Alcidaman- tis κυανὸν ὄχλῳ τὸ τῆς θαλάσσης ἔδαφος. caerulei coloris pauimentum maris, et alia ibidem huius generis. NOTVM SI CALLIDA VERBUM REDDIDERIT IVNCTVRA NOVVM. declarauimus haec uerba in Parergis libro tertio cap. uigesimo sexto, tamen hic etiam aliquid dicemus contra aliorum omnium interpretationem. loquitur hic de metaphora, qua uerbum ante notum in sua significatione facis nouum, quia transfers. illud autem declarat iunctura callida, idest artificiosa. per iuncturam autem intellige uerba iuncta, & circumstantia. exempli gratia uersus Horatii citentur ex libro primo odarum: is enim scribens ad Torquatum de uere sic inquit.

Diffugere niues, redeunt iam gramina campis,

D

Arboribusq; comæ.

Comæ hic pro frondibus, quæ dictio nota est, cum capillos significat. hic noua est, quia tranlata. eam tamen aperiunt uerba circumstantia: quia enim uer describit, & dixit gramina in campis uirere, consentaneum est, eum hic per comas arborum frondes intelligere, et uerisimile est Horatium hic, cum agit de dictione, metaphoram non prætermittere. de qua tam multa Arstoteles in sua poetice, ubi de dictione præcepta scribit. INDICIIS MONSTRARE RECENTIBVS ABDITA RE RV M. nouis uerbis quod sentis eloqui. Cicero libro primo tusculanarum quæstionum: fieri autem potest, ut quis recte sentiat, & id, quod recte sentit, politè eloqui non possit. uerba enim sunt animi indicia. Aristoteles in libro de interpretatione. ὅτι τῆ φωνῆ τὸ ἐν τῇ ψυχῇ παθημάτων σύμβολον. quæ in uoce sunt symbola, eorum sunt, quæ abdita sunt in anima. Plato in Cratylo ait orationem, ut picturam res imitari. ὅτι διαίμαται, καὶ περ σενεκεῖν τῶν ἀμφοτέρων τὰ μιμήματα, τὰ τε ζωγραφίματα, καὶ κἄν τὰ ὀνόματα ὅς περ γμασιν, ὧν μιμήματα ὄντι, ἢ οὐ; CINCTVTIS CETHEGIS. quæ Cethegis exaudita uerba non sunt, noua sint necesse est: Cethegum enim inter priscos oratores posuit M. Tullius in Bruto, ubi sic inquit. M. Cornelius Cethegus, cuius eloquentiæ est author, & idoneus quidem mea sententia, Q. Ennius. mox sic.

Additur orator Cornelius suauiloquenti
Ore Cethegus Marcus, Tuditano collega,
Marci filius, dictus ollis popularibus olim,
Qui tum uiuebant homines, atque æuum agitabant,
Flos delibutus populi, suadæq; medulla.

Horatius, inquit Porphyrio, Cethegos cinctutos appellat, quod is mos esset Cethegis, ut cincti, & pene nudi in bella proficiscerentur. unde Lucanus, & Silius eos nudos, et exertos uocarunt. Ego præterea cinctutos hic dici Cethegos opinor, uel quia semper pro rep. aliquid gerebant, ad bellum etiam euntes, & ideo cinctuti, idest expediti erant. hinc illud Virgilij in Georgicis.

Mox tamen ardentes accingar dicere pugnas

Caesaris.

Nam cum nosmet ad aliquod suscipiendum negotium comparamus, dicimur accingi. uel Cinctutos, idest antiquos, & antiquis uerbis utentes: uerbum enim cinctutum tunc frequens erat, cum ij uiuebant. sic Virgilius libro VIII. Vulcano antiquo deo uerba tribuit antiqua, ubi is Venerem alloquitur.

Quod fieri ferro, liquido'ne potestur electro.

Si prior plus arridet interpretatio, dic cinctutos, idest saga habentes: in sagis enim succincti erant Romani, quæ erant uestes militares. Cicero philippica sexta. Suetonius in Vitellio. ubi duci dat paludamentum, militibus saga. lege etiam Plutarchum in Crasso. Seruius exponens libro octauo illud Virgilij carmen, discinctos Mulciber Afros. uel habitum inquit eorum ostendit, qui usque in talos fluebat. quod Plantus ridet in

Penulo dicens, quæ est illa auis? cum Afrum uidisset, uestem demissam trahentem. aut discinctos dixit inhabiles militiæ: omnes enim, qui militant, cincti sunt. aut certe ineficaces, ut contra præcinctos strenuos dicimus. Horatius, altius, ac nos præcincti sunt: unde & græce δὲζωνος appellatur, non qui bonam zonam habet, sed qui est strenuus. hæc Seruius. non igitur solis Cethegis mos hic erat, ut innuere uidentur Parrhasius, & Porphyrio, sed omnibus, ut cincti in bello essent. unde Dionysius Halicarnassensis libro nono de A. Virginio, & T. Numicio Coss. loquens in bello Volco. καὶ αὐτοὶ τὰ ξανὰ μὲν οἱ περὶ τῆς πυλῶν σὺν τοῖς δὲζωνοτάτοις. & ipsi ante portas cum optime cinctis locum tenentes. adde quod scribit Pausanias in Bœoticis, solitos dicere fuisse ueteres cingi pro armari, τὸ δ' ἀδύναται τὰ ὅπλα, ἐν ὧ λαν ἀρ' αὖ οἱ παλαιοὶ ζώσαντο. ubi Homerum etiam testem adhibet. Paulus Iurisconsultus libro uigesimo octauo Digestorum titulo de militari testamento, lege trigesima octaua sic ait. miles testamentum fecerat, deinde non ignominie causa missus, rursus cinctus in alia est militia. sed illud in controuersiam rem adducit, nam cincti fuisse uidentur etiam in urbe. Suetonius in Iulio cap. XXXXV. sic ait: Vsum enim lato clauo ad manus fimbriato, nec ut unquam aliter, quam super eum cingeretur, & quidem fluxiore cinctura, unde mansisse Syllæ dictum constat, optimates sapius admonentis, ut male præcinctum puerum cauerent. cui quiddam etiam de Cicerone addit Macrobius libro secundo Saturnaliorum, his uerbis. in Cæsarem quoque mordacitas Ciceronis dentes suos strinxit. nam primum post uictoriam Cæsaris interrogatus, cur in electione partis errasset, respondit, præcinctura me decepit, iocatus in Cæsarem, qui ita toga præcingebatur, ut trahendo laciniam uelut mollis incederet. hæc Macrobius. nos uero Venetos, sapientissimos, et excelsi animi uiros, cinctos hyemis tempore uidemus, ut facilius frigus arceant. quid igitur dicendum? an fuisse cinctos in bello tantum? dic fuisse etiam in urbe cinctos, cum erant ab urbe discessuri, uel in urbe negotium aliquod expeditius administraturi, uel per forum udo tempore incessuri. nam Ammianus Marcellinus libro uigesimo secundo sic ait, ubi de Iuliano Imperatore uerba facit. Inducta in iudicium foemina quædam, cum palatinum aduersarium suum è numero protektorum cinctum præter spem conspexisset, hoc factum insolens tumultuando querebatur, & Imperator, prosequere, ait, mulier, si quid te læsam existimas. hic enim sic cinctus est, ut expeditius per lutum incedat. parum nocere tuis partibus potest. SUMPTE PVDENTER. ut uel raro noua uerba effingas, uel si effingis, in eo pudens sis, non impudens, & stultus in fingendo, & transferendo. sumpta est metaphora ab eo, cui res est cum prodigo. pudens quæ debentur sumet, impudens extorquebit omnia. exempli gratia, apud Homerum libro secundo Iliadis Nestor sic alloquitur Agamemnonem, πόλιν οὐκ ἄλγε πᾶσι ξείν. urbem non prædaberis. translatio hæc sumpta pudenter est ab herba, Lapatio, quæ corpus mirifice sordibus purgat. ut autem hæc corpus, sic hostes captam urbem opibus exinanire solent. de Lapatio herba Dioscorides libro secundo. ἄλγε πᾶσι τῶν igitur uerbum Homerus à Lapatio prudenter sumpsit. ad locum Homeri respiciens Aristoteles

IN POETICEN HORATII

les libro tertio rhetoricum, ubi agit de metaphora, sic inquit, τὸ ὅτι ἡ ἀλλοπαῖα ποιεῖ φαίνεσθαι περὶ τοῦ δῶν. uerbum illud ἡ ἀλλοπαῖα facit, ut oratio grandior, & honestior uideatur. Petrus Victorius, uir summus in litteris, uerbum illud sustulit, sic inquit. ἡ ἀλλοπαῖα autem emendauit, cum antea in excusis omnibus legeretur ἡ ἀλλοπαῖα, insulse prorsus, ac nullo sensu. cuius uiri industriam multis illustribus monumentis probatam non meum est reprehendere. illud tantum dixero, ex priore Aristotelis lectione politissimum sensum elici, si locus Homeri perpenditur, quo sine dubio Aristoteles cogitationem tanquam in scopum direxit.

VIII.

Et noua, fictaq; nuper habebunt uerba fidem, si
Græco fonte cadant, parce detorta. quid autem
Cæcilio, Plautoq; dabit Romanus ademptum
Virgilio, Varioq; ? ego cur acquirere pauca
Si possum inuideor? cum lingua Catonis, & Enni
Sermonem patrium ditauerit, & noua rerum
Nomina protulerit? licuit, semperq; licebit
Signatum præfente nota producere nomen.

Noua uerba intelligit translata, ut superius, notum si callida uerbum reddiderit iuentura nouum. translata enim uerba noua sunt. Aristoteles libro tertio rhetoricorum similia ea dicit esse hospitibus, ὥς ποτὶ τῷ περὶ τῶν ξένων οἱ αἰσχροὶ ποιῶσι, καὶ περὶ τῶν πολιτῶν, τὸ αὐτὸ παῖσι καὶ περὶ τῶν λείων, διὸ δὲ ποιῶν ξένων τῶν δόλων. quemadmodum enim homines erga hospites, & ciues affecti sunt, sic etiam ergo orationem, quare peregrina oratio facienda est. ficta autem uerba sunt, quorum nos primi sumus auctores. nam ut ait Quintilianus libro octauo cap. de ornatu, omnia uerba uel sunt propria, uel translata, uel ficta. mox de fictis agens, horum libertatem præreptam ait esse Latinis, sic inquit. nam memini iuuenis admodum inter Pomponium & Senecam etiam præfationibus esse tractatum, an, gradus eliminat, in tragœdia dici oportuisset. at ueteres ne expectorat quidem timuerunt. & post. Messala primus rectum, munerarium Augustus primus dixerunt, Terentius primus obsequium, Hortensius cernicem: ante enim cernices. fauor Ciceronis tempore nouum uerbum. is in epistola ad Brutum, cum amorem, et eum, ut hoc uerbo utar, fauorem in consilium aduocabo. quæ hic Horatius uocat ficta, Aristoteles lib. iij. rhetoricorum πεποιημένα id est ficta, et ipse appellauit, ὁ ὅτι τῶν γλῶττων, καὶ διὰ τὸ οἷς ὀνόμασι, καὶ πεποιημένοις ὅτις ἔστιν: horum linguis, et duplicibus nominibus, et fictis utendum. M. Tullius in oratore ad M. Brutum sic inquit. ornatus autem uerborum duplex, unus simplicium, alter collocatorum. simplex probatur in proprijs, usitatisq; uerbis, quod aut optime sonat, aut rem maxime explanat: in alienis aut translaturum, aut factum aliunde, aut mutuo, aut

factum ab ipso. ibi Maioragius docte, facta aliunde inquit, quæ reperta uocantur in partitionibus, ut soliuagas feras dicimus, quæ solæ uagantur, uel mutuo sumuntur, ut quæ abusiua dicuntur, sperare pro timere, equum ædificare pro fabricare, parricida pro interfectore fratris, uel sororis, uel facta sunt ab ipso oratore, quod nostro tempore fieri non licet, nisi res aliqua nomine caret, cui necesse sit nomen imponere, ut bombardæ, et quæ sequuntur. illud obiter annotandum, uerba, quæ dicuntur ab Aristotele $\pi\epsilon\pi\iota\mu\lambda\iota\chi$, à Cicerone facta appellari. GRAECO FONTE. uerba ex græcis expressa sunt prope innumerabilia, sed etiam schemata ab illis sumpsimus. nam Horatius in hoc de arte poetica libro sic ait quodam loco. Inuitum qui seruat, idem facit occidenti. idem cum dandi casu iunxit, idest idem facit, quod occidens faceret. græca ratio est loquendi. Aristophanes in Pluto. $\delta\delta\epsilon\eta\ \delta\epsilon\ \mu\grave{\alpha}\nu\ \sigma\phi\alpha\upsilon\ \tau\omega\sigma\tau\alpha\ \tau\omega\ \kappa\epsilon\kappa\tau\iota\mu\lambda\iota\omega$, idest si non uideatur idem facere, quod possidens dominus. Propertius libro primo de Mimalione. Ibat & hirsutas ille uidere feras. uidere pro ad uidendum. Homerus libro quarto odysseæ de Helena. $\kappa\alpha\sigma\alpha\delta\iota\eta\ \tau\epsilon\tau\alpha\ \pi\iota\omega\ \nu\epsilon\epsilon\delta\alpha\upsilon\ \alpha\lambda\ \sigma\iota\kappa\sigma\upsilon\delta\epsilon$. cor conuersum erat redire retro domum, pro ad redeundum. QUID AUTEM? si licuit hoc ueteribus poetis Cæcilio, & Plauto, cur non liceat etiam recentioribus Virgilio, & Vario? nam Plautus, præter alia, uerbo etiam integro græco usus est. argentum $\sigma\iota\gamma\epsilon\tau\alpha$ pro abiit. ut Budæus correxit in annotationibus in Pandectas. Cæcilius autem comicus poeta fuit non bonus. de eo Cicero in Bruto sic. nam illorum æquales Cæcilium, & Pacuuium male locutos uidemus. Statius Cæcilius poeta comicus. Cicero in libro de perfecto oratore. M. Accij Plauti uitam scripserunt accuratius Crinitus, et Lilius. nos igitur de Plauto reticebimus. de Vario in odis Horatius libro primo.

scriberis Vario fortis & hostium

Victor.

Fuit æqualis Virgilij, & Horatij. de eo Quintilianus libro decimo cap. primo sic. Iam Varij Thyestes cuilibet Græcorum comparari potest. de Virgilio ibidem. Utar uerbis iisdem, quæ ab Afro Domitio inuenis excepi. qui mihi interroganti quem Homero crederet maxime accedere, secundus inquit est Virgilius, propior tamen primo, quàm tertio. INVIDEOR. odio sum: parum enim inuidia distat ab odio. Aristoteles in rhetoricis ad Alexandrum, $\tau\omicron\ \psi\phi\ \phi\theta\iota\sigma\epsilon\iota\nu\ \pi\lambda\eta\nu\sigma\iota\omicron\nu\ \tau\epsilon\ \mu\iota\sigma\epsilon\iota\nu\ \delta\epsilon\iota$. uide quid diximus in parergis libro tertio cap. decimonono, ubi locum Ciceronis ad Atticum declaramus. CATONIS, ET ENNI. utriusque antiqui auctoris. Cato fuit impolitus. de eo Cicero in libro de claris oratoribus sic. Orationes autem eius, ut illis temporibus, ualde laudo: significant enim quandam formam ingenij, sed impolitam, & plane rudem. de eodem. Catonis luminibus obstruxit hæc posteriorum, quasi exaggerata altius oratio. de eodem in Oratore ad Brutum, sic. indicant orationes illæ ipsæ horridulæ Catonis. eum scribit Plutarchus in uita, Demosthenem Romanum fuisse appellatum. Quod autem attinet ad Ennium, is fuit Calaber poeta, Rudij natus. in oratione pro Archia Rudius dicitur. Eusebius uero Tarentinum fuisse testatur. Scipionibus ita fuit acceptus, ut in eorum sepulchro conditus fuerit.

IN POETICEN HORATII

Cicero pro Archia . dictus tria corda habere , quod tres linguas nosset : græcam , latinam , oscam . Gellius . de eo Fabius sic . Ennium sicut sacros uetustate lucos adoremus , in quibus grandia , & antiqua robora iam non tantam habent speciem , quantam religionem . erat Ennius sententijs grauis , at nullis uerborum luminibus illustratus . unde Ouidius , Ennius ingenio maximus , arte rudis . Virgilius respondit se ex stercore Ennii aurum excerpere . ut Donatus scribit . Ennius dixerat de tuba . At tuba terribili sonitu tara tantara dixit . Virgilius libro nono maluit sic . at tuba terribili sonitu procul ære canoro increpuit . Ennius ipse sibi hoc epitaphium uiuens scripsit . de quo Cicero meminit in Catone .

Aspicite o ciues senis Ennii imaginis urnam ,
Hic uestrum panxit maxima facta patrum .

Nemo me lachrymis decoret , nec funera fletu

Faxit . cur ? uolito uiuus per ora uirum .

Scipionem Africanum superiorem ad bella etiam sequutus est , ita erat summo Imperatori coniunctus . unde Claudianus sic cecinit .

Hærebat doctus lateri , castrisq; solebat

Omnibus in medias Ennius ire tubas .

M. Fuluium Nobiliorem in Aetoliam sequi uoluit , quare Fuluius male audiit . Cicero libro primo tusculanarum quaestionum sic . honorem tamen huic generi non fuisse declarat oratio Catonis , in qua obiecit ut probrum M. Nobiliori , quod in prouinciam poetas duxisset : duxerat autem consul ille in Aetoliam , ut scimus , Ennium . SIGNA TVM PRÆSENTE NOTA PRODVCERE NOMEN . ut licuit semper nummos nouis notis excudere , sic semper noua uerba reperire licebit . similitudo est à re nummaria . alij omnes legunt producere : sic enim in codicibus excusis est . memini tamen me audire ex Lazaro Bonamico , uiro eruditissimo , præceptore meo , cui multos annos Patavij operam dedimus , se codicem manu scriptum habere , in quo erat producere , non producere . quod uerbum similitudini huic à re nummaria multo aptius est . quid enim excogitari potest elegantius ? præterea non nomen , sed nummum libentius legerim . nam nomen est , quod in libro significat rem creditam , & debitam . Cicerone oratione tertia contra Verrem . Hinc ratio cum Q. et Cn. Posthumijs , Curtijs , multis nominibus , quorum in tabulis iste habet nullum . quod uero ad notas nummorum attinet , in nummis Romanis primum Ianum fuisse bifrontem scimus , & proram , deinde bigas , quadrigas , uictoriam , Theseum Athenis bouem in nummis impressisse , mox apud Athenienses noctuam fuisse impressam , unde Gylippi seruus multas sub telis heri cubare noctuas dixit . Thræzeni tridentem habuerunt , Persæ sagittarium , Germani ferram , Dardani duos gallos , Rhagini leporem , & currum , Cephalenæi equum , Argiui murem , Locri Hesperum , Peloponnesij testudinem , Tenedij securim , Cizycæni Cybelem , & Leonem , Corinthij Pegasus , Gergithij sybillam . uide plura apud Alexandrum libro tertio dierum genialium , capite decimo quinto .

IX.

Vt syluæ foliis pronos mutantur in annos,
 Prima cadunt, ita uerborum uetus interit ætas,
 Et iuuenum ritu florent modo nata, uigentq;
 Debemur morti nos, nostraq; , siue receptus
 Terra Neptunus classes Aquilonibus arcet,
 Regis opus, sterilis ue diu palus, aptaq; remis
 Vicinas urbes alit, & graue sentit aratrum,
 Seu cursum mutauit iniquum frugibus annis
 Doctus iter melius. mortalia facta peribunt,
 Nedum sermonum steter honos, & gratia uiuax,
 Multa renascentur, quæ iam cecidere, cadentq;
 Quæ nunc sunt in honore uocabula, si uolet usus,
 Quem penes arbitrium est & uis, & norma loquendi.

Quemadmodum res omnes humanæ uicissitudine quadam intereunt, & rursus renouantur: quicquid enim sub luna constitutum est, immutatur, & eodem in statu permanere non potest diutius: unde Ouidius, tempus edax rerum, tuq; inuidiosa uetustas omnia conteritis: sic etiam uerborum quædam obsoleta fiunt, quædam ab usu recipiuntur. & primum à folijs arborum similitudinem petit Horatius. nam ut illa, quæ olim uiruerunt, nunc collapsa sunt, & exaruerunt, & contra alia renascuntur ueris tempore, sic uerba olim celebrata, nunc putida uidentur, & noua quædam eorum loco coluntur. VT SYLVAE FOLIIS. totus hic locus expressus est è Cratylo Platonis: ibi enim Plato sic inquit, cum de uerborum hac ipsa mutatione loqueretur, ἀλλὰ ὡς τὰ περὶ γῆμας ὅτῳ πεφυκέναι, ὃ δὲν αὐτῷ μένιμον εἶναι, οὐδὲ βέβαιον, ἀλλὰ ῥεῖν, καὶ φθίειν, καὶ μετὰ εἶναι πάσης φορᾶς, καὶ γλῆσος αἰ. sed ipse res humanæ hoc insitum à natura habent, ut earum nulla stabilis, & constans habeatur, sed defluant, & ferantur, semper aliæ corrumpantur, aliæ uero generentur. dictio illa φορᾶς, fortasse in φθορᾶς uertenda, quia sequitur illa γλῆσος. corruptio autem, & generatio iungi solent, de quibus libri extant Aristotelis. nota est enim propositio. corruptio unius est generatio alterius. hæc uero à folijs arborum similitudo, sumpta est ex Pindaro. qui ode ultima Nemeorum, qua Aristagoram presidem Tenedium celebrat, maiorum uirtutes in nepotes infundi affirmans, in quibus illi uidentur renasci, sic inquit,

ὦ χερσὶ δ' οὐτ' ὦν μέλαινα κ' ῥὸν ἔδωκεν ἄρουραι,
 δίνεσθαι τ' ἐν ἐρίλει πάχους ἐπ' ὧν ποδὶ δόδις
 αἰῶτος δ' ὡδὸς φέρειν, πλὸν τῷ ἴσῳ,
 ἀλλ' εἰ ἀμείβοντι, καὶ
 θνατὸν οὐτῶ δένος ἄγει.

IN POETICEN HORATII

μοῖρα.

Nec in promptu nigra fructum dederunt rura, arboresq;
nolunt omnibus annorum circuitionibus florem benevolentem ferre, diuitijs similem, nisi
per permutationem. sic etiam mortales vires ducit fatum. PRONOS. anni proni
sunt, quia celerrime uolant, ut flumina etiam prona, quibus anni similes dicuntur ab
Ouidio, Eunt anni more fluentis aquae. Horatius in epistolis libro primo. Rusticus ex=
pectat dum defluat amnis. VERBORVM VETVS INTERIT AETAS.
prisca uerba respuuntur. unde Dionysius Halicarnassensis in Lysia, dictionem Lysiae
laudans, sic inquit: καὶ τῆς ἀπινῆς γλῶττις ἀρίστου κακῶν, οὐ τῆς ἀρχαίας, ἥ
κέχρηται πλεον, καὶ Θουκυδίδους, ἀλλὰ τῆς κατὰ ἐκείνον τὸν χρόνον ἀδικοεια=
ζοίσης. Atticæ linguae optimus obseruator, optima regula, non prisca illius, qua Pla=
to, et Thucydides usi sunt, sed illius, quæ eius seculo in summa erat celebritate. Cice=
ro in Oratore ad Brutum, sed etiam inquit inusitata, ac prisca sunt in proprijs, nisi
quod raro utimur. Phauorinus apud Gellium libro primo cap. X. arguens quendam,
qui prisca uerbis delectabatur, plurimum uiue inquit moribus præteritis, loquere uer=
bis præsentibus, et Cæsaris illud habe semper in memoria, ut tanquam scopulum, sic
fugias inauditum, atque insolens uerbum. hæc ipsa inuenies apud Macrobiū libro
primo Satur. cap. secundo. uide præterea Quintilianum libro primo, cap. septimo.
IUVENVM RITV. Iuuenes enim similes floribus sunt. Pindarus ode quar=
ta Pythiorum.

νῦν δ' ὥς τε φοινικαὶ δίμου ἥρος ἀκμῇ
ποισὶ γούσις ὀγδόν δάλ-

λει μῦθος ἀρχεσίλαος.

Nunc autem ut purpureos flores gignen=
tis ueris tempore cum his pueris octauus germinat Arcefilas. Aristoteles libro tercio rhe=
toricorum, ubi de translationibus uerba facit. ὥς ποτ' ὡδὺν κλῆς ἐφ' ἡ πῶ νεότῃ πῶ
ἀρχεσίλῳ εἰ τῷ πλ' ἡ μὴ οὐτως ἡ φανίδοι ἐκ τῆς πόλεως, ὥς ποτ' εἰ τις τὸ ἔαρ
ἐκ τῆς εἰσῶτ' ἔξελ' ἡ. ut Pericles dixit inuentutem bello amissam sic e ciuitate eua=
nuisse, ut si quis uer ex anno eximat. doctissimus poeta Horatius hæc non ignorabat,
quare ea bellissime hic innuit, quæ in ueterum monumentis dispersa leguntur. DE=
BEMVR MORTI NOS NOSTRA QVE. nos etiam, inquit Horatius,
et nostra omnia peribunt, quare mirandum non est, si uerba, quæ olim uiguerunt,
suam quandam senectam habent, et intermoriuntur. Hormisda, qui Romam uene=
rat cum Constantio Imperatore, ut scribit Ammianus Marcellinus libro XVI. cum
ex eo quidam quassissent, quid de Roma sentiret, id tantum sibi placuisse respondit,
quod uidisset ibi quoque homines mori. Alij autem fato, alij non fato moriuntur. Vel=
leius Paternulus libro secundo de Scipione Aemyliano, seu fatalem, inquit, ut plures,
seu conflatam insidijs, ut aliqui prodidere memoriæ, mortem obiit. Vtcunque, omnes
seu fato, seu non fato interimus. uide etiam Gellium de hoc fatali, et non fatali inte=
ritu libro duodecimo, cap. primo. SIVE RECEPTVS TERRA NEPTV=
NVS, et c. Acron sic ait. quem demum alij omnes sequuntur. Augustum dicit, qui
siccauit

siccavit pontinam paludem . nam regis opus est , mare admittere terræ : reges enim talia faciunt . Diuus Augustus duas res diuinas fecit , pontinam paludem siccavit , ut ad mare meatum haberet , ut post & arari posset ; et portum Lucrinum munivit . de quo Maro . an memorem portus , Lucrinôq; addita claustra , Atque indignatum magnis stridoribus æquor ? Iulia qua ponto longe iacet unda refuso . hæc Acron . quæ uerba nos expendemus pro uirili parte . docet Horatius omnia immutari , ut , ubi olim terra fuit , nunc mare receptum sit , idest aliquis sit portus , unde factus portus naues excipit , et eas arceat , idest defendit ab Aquilonibus , & uentis omnibus . Ego non intelligo de Lucrino , & Auerno , quia mare à C. Cæsare reiectum , non receptum in terram fuit , ne his lacubus noceret . unde Virgilius libro secundo Georgicorum .

An memorem portus , Lucrinôq; addita claustra ?

Atque indignatum magnis stridoribus æquor ?

Iulia qua ponto longe iacet unda refuso .

Vbi seruius sic inquit.

in Baiano sinu Campaniæ contra Puteolanam ciuitatem lacus sunt duo , Auernus , et Lucrinus , qui olim propter copiam piscium uestigalia magna præstabant , sed cum maris impetus plerunque irrumpens exinde pisces excluderet , & redemptores grauiadamna paterentur , supplicauerunt senatui ; & profectus C. Iulius Cæsar ductis brachijs exclusit partem maris , quæ ante infesta esse consueuerat . & quæ sequuntur . ego uel generatim omnes portus intelligendos arbitror , qui nunc sunt , ubi olim terra erat . quando hæc etiam commutantur , urbes , montes , fluuij . lege Sulpicii epistolam ad Ciceronem libro quarto epist. famil. & Aelianum libro octauo . ubi hæc eius uerba leguntur , cum ait non esse quod doleamus ob mortem hominum , ὁ πον καὶ τῶ ποταμοῦ ὁράμεν (τοῖς λείποντας , καὶ τῶ ὁράν δὲ τὰ ὑψηλὰ ἀνὰ νομὴν μειούμενα , καὶ ἐκείνα . quando & amnes deficientes uidemus , et altissimos montes depressos fuisse audimus . plura huius generis apud Aristotelem leguntur sub finem libri primi Meteorologicorum . uel de Aegyptijs regibus interpretor , quos constat nauigantibus multis modis consuluisse , ne in scopulosa loca uenirent , turribus etiam extructis in portibus , unde illis faces elucerent . inuenies hæc apud Lucianum sub finem libri , de historia conscribenda . ideo Horatius dixit , regis opus . at reges Iulius Cæsar , & Augustus nunquam dicti fuerunt , quinimo Cæsar diadema sibi impositum à M. Antonio Luperco abiecit , cum uehementer commotum populum uideret ; ut est in philippica secunda Ciceronis . & cum eum quispiam regem salutasset , Cæsaris sibi nomen esse dixit , non Regis , adulationem illam iniquo ferens animo . STERILIS PALVS . pontinam paludem intelligit , quam Cethegus exsiccauit . Acron uero sic . sterilisq; diu palus , lucrinum portum significat , & alios , qui manu facti sunt ab Augusto , et alia regum opera : hoc est regis opus , quod nullus facere potest , nisi rex . fallitur Acron . nam Cethegus ita paludem pontinam exsiccauit , ut postea solum sit aratum , & magnam uim frumenti emiseric , ut est in Liuij epitomate libro quarto . unde ex historia sequitur , GRAVE SENTIT ARATRV . ut illud Virgilij . Et campos ,

IN POETICEN HORATII

ubi Troia fuit. Ovidius. Iam seges est, ubi Troia fuit. SEV CVRSVM MV-
TAVIT. Tybris ante per Velabrum fluebat, infestus frugibus. Augusti iussu
Agrippa eum in alveum deduxit, quo nunc decurrit. quod Acron etiam annotavit.
Suetonius de eius operibus publicis, ad coercendas, inquit, inundationes alveum Tyberis
laxavit, ac repurgavit completum olim ruderibus, et ædificiorum prolapsionibus coar-
ctatum. et paulo ante dixit multa opera ab eo per Agrippam facta. MORTALIA
FACTA PERIBVNT. ne dum verba. contra dicere videtur ode ultima li-
bri tertij.

Exegi monumentum ære perennius,
Regaliq; situ Pyramidum altius,
Quod non imber edax, non aquilo impotens
Possit diruere, aut innumerabilis

Annorum series, & fuga temporum.

Expressens illa carmina Pin-

dari, quæ sunt in Pythijs ode sexta.

τὸν οὐτ' αὖ χειμῶντος ὄμβρος ἐπαυτὸς ἐλθὼν, & quæ sequuntur.

Responde Horatium hic sincere, ut de rebus alienis, sententiam ferre: ibi de suis scriptis
loquebatur, quibus immortalitatem percipiebat. HONOS. recte, honos, dixit.
nam hic in causa est, ut artes omnes excolantur. Cicero libro primo quaestionum tuscu-
lanarum. honos alit artes, omnesq; incenduntur ad studia gloria. an censemus, si Fabio
nobilissimo homini laudi datum esset, quod pingeret, non multos etiam apud nos fu-
turos Polycletos, & Parrhasios fuisse? in quibus Ciceronis verbis mendum est obiter
tollendum: quis enim non miretur Polycletum à Cicerone inter pictores positum esse,
cum is statuarius fuerit? ut Plinius testatur. repone Polygnotos. sic enim olim Egnatius,
summæ viri eruditionis, cum Tusculanas quaestiones Venetijs interpretaretur, emenda-
vit. VIVAX. perdurans. nam quod diuturnum bonum est, semper antecellit.
Aristoteles libro tertio Topicorum, τὸ πλεονεκτικὸν τὸ βίον, ἢ ἐλευθέρω τὸ βίον, αἰρετὸν τὸ βίον
τὸ ἢ τὸν βίον. quod diuturnius, & stabilius est, eligendum potius, quàm quod
minus tale est. Plato in Phædro, ubi Phædrus Socrati Lysiae disputationem exponit,
præponendum amanti non amantem amicum contendit, quod amans potius flore de-
ficit, ἐπειδὴ τῆς ἀδελφικῆς πρῶτον. non amans solet amicitiam tueri constan-
tius. usqueadeo id, quod vivax est, et diuturnum, semper expeditur. SI VOLET
VSVS. qui omnium magistrorum præcepta superat, ut narrat Cicero libro primo
de Oratore. qui magister est optimus: in oratione pro Rabirio. cuius filia sapientia di-
cebatur ab Afranio: Gellius. NORMA LOQVENDI. sic Cicero in Academi-
cis, hæc norma, hæc regula, hæc præscriptio est naturæ. præscriptum alibi dicit Cice-
ro, ut in oratione pro Cluentio. omnia legum imperio, & præscripto fieri videbitis. in
libro secundo de inuentione, Cuius rei certum quiddam præscriptum videtur in perpe-
tuum dari posse.

X.

Res gesta regumq; , ducumq; , & tristia bella
 Quo scribi possent numero , monstrauit Homerus .
 Versibus impariter iunctis querimonia primum ,
 Post etiam inclusa est uoti sententia compos .
 Quis tamen exiguos elegos emisit auctor ,
 Grammatici certant , & adhuc sub iudice lis est .
 Archilochum proprio rabies armauit Iambo ,
 Hunc focci cepere pedem , grandesq; cothurni
 Alternis aptum sermonibus , & populares
 Vincentem strepitus , & natum rebus agendis .
 Musa dedit fidibus diuos , puerosq; deorum ,
 Et pugilem uictorem , & equum certamine primum ,
 Et iuuenum curas , & libera uina referre .

Posteaquam Horatius satis multa de inuentione , de dispositione , & de elocutione dicta esse animaduertit , quia omnibus carminum generibus omnia non conueniunt , sed singula pene argumenta rerum suis numeris quasi typis debentur ; nunc docet quibus uersuum generibus uariae res animo conceptae explicandae sint . qui enim bella scripturus est , & res gestas fortissimorum uirorum , is epico numero utetur , & heroico uersu : qui amores , elego . qui inimicum maledictis insectabitur , Iambo . qui de Dijs , & Olympionicis , item de amoribus canet , lyricum numerum sibi deliget . reprehendit Chæremone poetam Aristoteles in poetice , qui confunderet omnia uersuum genera , ἐπὶ δ' ἄλλο παρὰ τὸν δὲ οὐκ ἐστὶν ὡς περὶ χορηγίῶν . quæ res Horatium monuit , ut de tota hac ratione aliquid præscriberet . Demetrius Phaleræus in libro de elocutione sic incipit , ὡς περὶ τῆς ποιήσεως διακρίσει τοῖς μέτροις , δὲ τῶν μετρίων , ἢ ἡμετέροις , ἢ ἑξωτερικοῖς , ἢ τοῖς ἄλλοις , & quæ sequuntur . quemadmodum , inquit , poesis diuiditur metris , ut semimetris , & exametris , & alijs . necessarium igitur fuit ei , qui de arte poetica scriberet , de poetices uarijs generibus aliquid addere . ea ponit M. Tullius in libro de optimo genere oratorum , his uerbis . Oratorum genera esse dicuntur tanquam poetarum . hoc secus est . nam alterum est multiplex : poematis enim tragici , comici , epici , melici etiam , ac dithyrambici . quas omnes species Aristoteles etiam numerauit in poetice . quos uero melicos uocat Cicero , ille sic expressit , καὶ τῆς αἰλινικῆς ἢ παλαιοῦς , καὶ κισσοειδικοῦ ποίεως . & poesis , quam ad tibias , citharasq; accommodamus . Horatius epicos nominauit , tragicos , comicos , melicos ; addidit elegos , qui , ut arbitror , in epico continentur ; & iambum , qui in comico , & tragico poemate . Sed de dithyrambis cur nullum uerbum ? quos Aristoteles , & Cicero non prætermiserunt . turpe autem uidetur , ut est apud Ciceronem in Topicis , in diuisione aliquam partem omittere . responde , nullum uerbum apud Horatium esse de dithyrambis , quia poema id antiquo=

E ij

IN POETICEN HORATII

rum fuit, nemo amplius scribebat dithyrambos, quibus ueteres Bacchum canebant: illi enim Bacchum διθύραμβον appellabant, quod ebrijs amplum, & uastum os redederet, quasi διθύρον. uide de his multa apud interpretem Lycophronis. In odis, ubi de Pindaro.

Seu per audaces noua dithyrambos

Verba deuoluit, numerisq; fertur

Lege solutis.

Quid? si hos melico poemate complexus est? quo dixit Diuos cani? Musa dedit fidibus diuos etc. Ergo, si ita est, nihil pratermissum uideri potest. MONSTRAUIT HOMERVS. Heroicum intelligit, quo usus est Homerus. causa est in poetice Aristotelis. τὸ ἥρωϊκὸν σασιμῶτατον, καὶ ὁκω= δέστατον τῶ μέτρῳ ὅστι, διὸ καὶ γλώττωσ, καὶ μεταφορὰς δέχεται μάλιστα. heroicum carmen multo stabilius, & amplius est reliquis, quare linguas, & translationes maxime recipit. Eustathius libro primo Iliadis in prooemio. ὁνομάσαι ἐποποιῶς, τῶσδ' οὐ ἴσα μέτρῳ τῶν ἥρωϊκων τας. Epicos nominasse, qui numero exámetro heroum res gestas scriberent. VERSIBVS IMPARITER IUNCTIS. Elegos intelligit impares, quia exámetro constant, & pentámetro. his querimonia inclusa est, quia ἀπ' τῶ ἐλέου, idest à miseratione dicuntur. Vnde Ouidius in Elegia de morte Tibulli, Flebilis indignos elegeia solue capillos,

Ah nimium ex uero nunc tibi nomen erit.

His mortui deflebantur. iccirco Ouidius ait, nunc uere uocari posse elegiam. Proclus in libro τῶν χρησμοδῶσ sic inquit, ἐλέγειν συνεῖδαι μὲν ἔξ ἥρωος, καὶ πέν= ταμέτρου, ἀρμόζειν δὲ τοῖς κατὰ μέτροις, elegiam quidem ex heroico, & pentámetro compositam, mortuis autem conuenire. Cicero etiam de legibus, epitaphium uult non pluribus quatuor uersibus confici, quos Ennius uocat elegos. his postea poetæ suos etiam scriptitarunt amores. Hos enim innuit Horatius, cum inquit, Voti sententia compos. amantes autem mortuis dissimiles admodum non sunt, si quidem sine anima semper uidentur esse, quæ in amatum corpus migrare dicitur. apud Laertium Plato de se ipso libro tertio & de Agathone sic inquit.

τὴν ψυχὴν ἀγάθωνα πλάσσει χεῖλεσιν ἔχον,

ἥλθε γὰρ ἡ τλήμων ὡς διαχρησμένη.

Animam Agathonem osculans in labris habebam.

Venit enim infelix tanquam abitura.

Ideo apud iuris consultos qui amat, deterior factus putatur. nam Ulpianus libro undecimo Digestorum, titulo de seruo corrupto, lege prima, is quoque inquit deteriore facit, qui seruo persuasit, ut iniuriam faceret, uel furtum, uel fugeret, uel ut alienum seruum sollicitaret, uel ut peculium intricaret, aut amator existeret, uel erro, & quæ sequuntur. Præterea per sententiam uoti compotem accipere possumus eos omnes, qui aliquid, quod uehementer expetiuerant, sunt consecuti: hi enim elegis animi iucunditatem testantur, ut fecit Tibullus, ubi uictoriam Messallæ describit, libro I. elegia VII. præter alia sic.

At te nictrices lauros Messalla gerentem

Portabat niueis currus eburnus equis. &c.

EXIGVOS ELEGOS. tenues, si cum heroico, de quo proxime dixit, conferantur. non enim tam alte se attollunt, nec tam grauius sonant, nec omnino tam sublimi stylo conficiuntur. GRAMMATICI. cur iudicium hoc ad grammaticos retulerit, docere potest Quintilianus, qui libro primo cap. sexto sic inquit de grammatica loquens. hæc igitur professio cum breuissime in duas partes diuidatur, recte loquendi scientiam, & poetarum enarrationem, plus habet in recessu, quam fronte promittit. lectio poetarum ad grammaticos pertinet. ij fuerunt igitur de inuatore elegorum iudices adhibendi. Plato non de grammatico, sed de literatore loquitur in Carmide, ἢ οὐ οὐδὲν ἢ γὰρ περὶ τὴν τὸν γραμματικὴν, ὅταν γράφει, ἢ ἀναγινώσκει. ARCHILOCV PROPRIO. Iambum proprium uocat Archilochi, quia Archilochus genus hoc maledicentis carminis inuenit, cum ille Lycambem socerum Iambis ita est infectatus, quod sibi filiam desponsatam non daret uxorem, ut illum ad laqueum cum filia impulerit. Horatius libro secundo epistolarum, scribens ad Mecænatem.

Temperat Archilochi musam pede mascula Sapho,

Temperat Alcæus, sed rebus, & ordine dispar,

Nec socerum querit, quem uersibus oblinat atris,

Nec sponsæ laqueum famoso carmine nectit.

Ouidius in Ibim.

Tincta Lycambæo sanguine tela feram,

Iambi reperti sunt, quo primum tempore poesis in laudes hominum & conuitia diuisa est, ut refert Aristoteles in poetice, his uerbis, ἐν οἷς καὶ τὸ ἀρμύζον ἱαμβικὸν ἦλθε μέτρον, διὸ καὶ ἱαμβικὸν καλεῖται νῦν, ὅτι ἐν τῷ μέτρῳ τῶν ἱαμβικῶν ἀλλήλων, καὶ ἐν τῷ τῆς παλαιᾶν οἱ μὲν ἡρωικῶν, οἱ δὲ ἱαμβικῶν ποιῶσι. quibus et congruens Iambicum metrum accessit, iambicumq; propterea nunc appellatur, quod his plerumque numeris ueteres ἱαμβίζεν, idest conuiciari inter se solebant. et ex antiquis hi quidem Epicorum, hi uero Iamborum poetæ extiterunt. quod uero attinet ad Archilochum, fuit rabie plenus, ut hic etiam dicit Horatius, cuidam, qui ei maledictis detraherat, ut est apud Lucianum in pseudologista, sic respondit, τέτιγξα τὸν αἰδοῦν εἰλαφῶναι τὸν ἥδου. hominem illum cicadam ala corripuisse, se uidelicet cicadam esse innuens, qui laceffit silere non posset. fuit ex insula Paro, ut ait Strabo, expulsus à Lacedæmonijs ob maledica scripta fuit, ut Valerius Maximus scribit, ne inuentutem ad maledicentiam innuitans deprauaret. Plutarchus uero iccirco eiectum ait fuisse, quod scripserat, melius esse clypeum abicere, quam mori. Horatius inuentorem Iambi hunc fuisse affirmat, cui tamen Aristoteles reclamare uidetur in poetice, ubi Homerum Iambis usum innuit in Margite, οἷς ἐκείνου ὁ μῦς γείτης, etc. HUNC SOCCI CEP. PED. GRANDES QVE COTHVRNI. Iambus in comœdias & tragœdia: fuit admissus, comœdi soccis utebantur, tragœdi uero cothurnis. Horatius libro secundo epistolarum de Plauto. Quam non astricto percurrat pulpita socco. Virgilius

IN POETICEN HORATII

in æglogis. Sola Sophocleo tua carmina digna cothurno. Iambis autem in tragœdia uti ueteres coeperunt, postquam satyri ex ea fuerunt explosi: tunc utebantur tetrametris, quia satyricis saltationibus erant aptiores uersus: mox recepta sunt trimetra, idest iambica. Aristoteles in poetice τὸ Τετράμετρον ἐκ τετραμμέτρων ἰαμβέων ἐγένετο, τὸ μὲν γὰρ πρῶτον τετραμμέτρῳ ἐχόντων διὰ τὸ σατυρικῶν, καὶ ὁρχησικῶν τῶν αὐτῶν εἶναι πλεονέχον. trimetrum ex tetrametro Iambicum factum est: tetrametro enim primum utebantur, quia satyrica, magisq; saltatoria poesis erat. loquitur autem hic Aristoteles de tragœdia. ALTERNIS APTVM SERMONIBVS. in tragœdia, & comœdia personæ loquentes inducuntur: Iambus autem uel imprudentibus nobis in sermone excidit. nam nostra colloquia Iambis referta sunt. fuit igitur Iambus in tragœdiam, & comœdiam adhibendus. Aristoteles in poetice, πλεῖστα γὰρ ἰαμβέων λέγοντες ἐν τῇ διαλέκτῳ τῇ περὶ ἄλλαν λέγουσιν. plurimis enim Iambis in colloquio utimur. et supra appellarat Iambum λεκτικόν. idest, ut ita dicam, dicibilem. Iambus uero qualis sit, docet Dionysius Halicarnassensis in libro de compositione, ubi ait consistere eum ex breui, & longa syllaba, si breuem habeat ἡρόνυλλον, idest præcedentem. Cicero in oratore ad Brutum de hac re sic inquit. sequitur ergo, ut, qui maxime cadant in orationem aptam numeri, uidendum sit. & sunt qui Iambicum putent, quod sit orationi simillimum: qua de causa fieri, ut is potissimum propter similitudinem ueritatis adhibeatur in fabulis, quod ille dactylicus numerus hexametrorum magniloquentiæ sit accommodatior. & post. quod longe Aristoteli uidetur secus, qui iudicat heroum numerum grandiorem, quam desideret soluta oratio: Iambum autem nimis è uulgari esse sermone. Theon in progymnasmatibus cauendum esse docens, ne uersus in orationem incidat, Iambos non caueri posse affirmat, συγγράμης δ' ἄξιον ὅτι πάντες ἐκείνοι πρὸς ἐμπέσην καὶ τὰ μέτρα, ἃ πρὸς ἐχέει ὁμοιότητα περὶ τὸ πλεόν, ὅτι ὅτι τὸ ἰαμβικόν. uenia dignum est erratum, cum quis in ea metra incurrit, quæ cum oratione similitudinem habent, ut metrum Iambicum. recte autem sermones Horatius dixit: sermo enim duorum est colloquentium, medius sermo, cum alter non respondet. Virgilius libro quarto de Mercurio Aeneæ responsum non expectante,

Tali Cyllenius ore locutus

Mortales uisus medio sermone reliquit.

Antequam partem hanc interpretationis dimittamus, perpendendum est diligenter, quod supra diximus Iambum ab Aristotele fuisse dictum λεκτικόν, idest, ut ita dicam, dicibilem. nam uir doctissimus Maioragius apud Ciceronem in oratore Iambum λεκτικόν interpretatur, aptum orationi, si ἄλλο τῆς λέξεως deducatur, uel elegantem, si ἄλλο τῷ λεκτικῷ. adducit etiam testimonium Ciceronis, qui ibi Iambum orationi simillimum dixit esse. ego, ut rem in pauca conferam, Ciceronem existimo recte sensum Aristotelis expressisse. nam Iambus omnino orationi simillimus est. λεκτικόν autem Iambum dici ab Aristotele opinor, quod, ut ita dicam, dicibilis est, idest, quod, cum de aliqua re dicimus, iambo uel inuiti in dicendo utimur: neque enim uitare eum possumus, nisi de industria:

ita alternis sermonibus aptus est, ut hic ait Horatius, unde Theon in progymnasmatibus, διὸ καὶ πάντες οἱ συγγραφῆς ἀνευγὲς ἐμπιπθούσιν εἰς τὸ γένος τῶν ἰαμβῶν. idest, quare omnes scriptores inuiti in hoc pedis genus incurrunt. Et loquitur de Iambo. si igitur Iambo uel nolentes scriptores utuntur, Iambus est λεκτικός, idest dicenti occurrens, et, si latine dicere possemus, dicibilis, idest ultro se orationi offerens. nam si, ut Maioragius, aptum orationi, uel elegantem exponemus, huic pedi tribuemus, quod alijs etiam conuenit pedibus, uel numeris. quare doctissime mea quidem sententia Petrus Victorius apud Aristotelem libro tertio rhetoricorum, ubi de heroico numero hæc uerba leguntur, σεμνὸν, καὶ λεκτικόν, καὶ ἀρμονίαν δέον μὲν, idest amplum, dicenti occurrentem, harmonia egentem, mendum sustulit, addens particulam οὐ, ut legamus οὐ λεκτικόν: quo modo enim heroicus numerus potest esse λεκτικός, cum sit amplus, et grandis? POPVLARES VINCENTEM STREPITVS. Acronis hic sententia maxime mihi uidetur esse probabilis: ille enim sic uincens strepitus populares, idest altius sonantem in scena, quam clamor populi. mox alteram sententiam sic addit. tales inquit strepitus excedit iste pes, ut uincat populi clamores, quia Iambus uincit clamores spectantium, hoc est, quia plus meretur laudari, quam laudetur. prior mihi interpretatio Acronis placet, quam etiam corroborabimus. nam in theatris tumultus, et clamor erat, comædi, et tragædi altius uocem tollere cogeantur, et tollebant: et quia Iambis frequentibus utebantur, Iambus populares strepitus uincebat: nam qui recitabant, licet esset aliquis tumultus, et strepitus, tamen audiebantur. de hoc clamore in theatris, cum poemata recitabantur à comædis, et tragædis, Horatius sic libro secundo epistolarum, ad Augustum scribens.

Nam quæ peruincere uoces

Eualuere sonum, referunt quem nostra theatra?

Garganum mugire putes nemus, aut mare Thuscum:

Tanto cum strepitu ludi spectantur, et artes,

Diuitiæque peregrinæ.

Demosthenes Δημοκλους uocat, quos hic Ho-

ratius strepitus populares. qui oratoribus etiam concitabantur. in oratione τοῦ Πλάτωνα, de Aeschine loquens pro Philippo dicente, καὶ Δημοκλῶντων ὑμῶν, καὶ οὐκ ἐβελόντων ἀνδρῶν ἀλλῶν. obstrepentibus uobis, et audire illum nolentibus. NATVM REBUS AGENDIS. quia in comædijs, et tragædijs adhibetur, in quibus res geruntur, exempli gratia. in Andria Terentij Dauus Simoni fucum facit, spem Pamphilo affert, habendæ amasiæ uxoris: Simo nuptias simulat: Carinus curat sibi desponsari eam, quam Pamphilus negligebat. et alia huiusmodi. In tragædia etiam geri res inuenies. in Electra Sophoclis. Electra parentem à crudeli matre, et ab Aegisto necatum deflet, credit primo Orestem etiam procul à patria mortuum, mox Orestes ignotus uenit, et Clytemnestram matrem occidit, ultus Agamemnonem patrem: quare Aristoteles libro tertio rhetoricorum de Oreste, πᾶσι τοῖς ἀμύνηται, inquit, idest patris ultor, etc. Dixit autem Horatius Iambum esse natum rebus agendis, quia

IN POETICEN HORATII

ultra alternis in sermonibus, quibus res gesta commemorantur, occurrit, & expressit Græcorum illud πικρὺν, quem eruditi uiri, Theodorus, Argyropylus, Alcyonius aptum natum uertere ex Aristotele solent, & Horatius utrunque apposuit, paulo ante Alternis aptum sermonibus. hic uero, natum rebus agendis. MVSA DEDIT FIDIBVS DIVOS. etc. nunc de lyricis poetis dicit, quibus proprium cænendi argumentum præscribit, ut de Diuis, de Olympionicis, de amoribus, & conuiuijs canant: eos autem per fides intelligit: à lyra enim, & fidibus nomen sortiti sunt: fuerunt autem nouem lyrici poetæ, quorum nomina in epigrammatibus Græcis descripta epigrammate reperies, Pindarus, Simonides, Stesichorus, Ibycus, Alcamas, Bacchilides, Anacreon, Alcæus, Sapho. uide etiam interpretem Pindari. Horatius igitur præclare in odis, libro primo, sic argumentum petit,

Quem uirum? aut Heroa lyra, uel acri

Tibia sumis celebrare Clio?

Quem Deum? cuius recinet iocosa

Nomen imago?

Quo loco Pindarum aperte imitatus est, qui ode se-

cunda Olympiorum sic inquit.

αἰετὶ φέρμενός ὕμνοι

πινὰ θεῶν, πινὰ ἥρωα,

πινὰ δ' αἰσχροῦ καὶ λυγροῦ;

Hic in poetice Horatius per pueros Deorum Heroes intellexit. pueros autem, idest filios interpretare. & sic Horatius doctissime. Nam Heroes filij sunt Deorum, ut refert Socrates in Cratylō Platonis, his uerbis. πάντες δὲ πρὸς θεῶν παῖδες ὡς ἀδελφοὶ ἢ θεοὶ θυγατέρες, ἢ θυγατέρες θεῶν. frustra igitur quidam in Horatium arguantur, & deblatterant, prætermisissos ab eo fuisse Heroas inepte asserentes. ET PVGILEM VICTOREM, ET EQVVM CERTAMINE PRIMVM. Castorem, & Pollucem. Horatius ipse in odis,

Dicam & Alcidem, puerosq; Ledæ,

Hunc equis, illum superare pugnis

Nobilem. de iisdem Homerus.

καὶ σὺν δ' ἐπὶ πῶδ' ἀμύν, καὶ πῦξ ἄρ' ἀδὸν π' ἀνδρὸς κεα.

Hos ubique fere coniunctos inuenies, commune etiam Romæ templum habebant, templum autem Castoris tantum nomine appellabatur, unde Bibulus, qui alter Cos. cum C. Casare fuerat, & Casari nullis in rebus resistere potuerat, ut plane inanis Cos. uisus sit Casare omnia ad arbitrium administrante, similis Polluci dicebatur, cui à fratre Castore pars gloriæ, & communis templi præcepta uidebatur. Suetonius in Casare. PVGILEM igitur, idest pugnis, et manibus acrem, et, ut Homerus plane ait, πῦξ ἄρ' ἀδὸν. pugnis bonum. nam in pentathlo, seu quinquercione, qui ex quinque certaminibus constabat, pugnis etiam dimicabant. libro primo Græcorum epigrammarum Antipater Nicophontem pugilem celebrauit.

αἰσχροῦ

αἰδραὸς ἦν ἱνα
 πυγμὴν ἐν ἱνα νικῶν δ' ἀλμπία. Cum homines pugil uincebat Nī-
 cophon in Olympiis. CERTAMINE PRIMVM. Castor enim in equestri præ-
 lio habitus est acerrimus. sed alludit Horatius ad religionem Romanorum, qui sæpe pu-
 tarunt incredibili celeritate se à Castore certiores factos de suorum uictoria, ut bello
 Cimbrico euenit, quo die Marius in Caudio Venetia campo Cimbrorum acies strauit,
 Romani accepto uictoriae nuncio exultarunt, nota deinde incredibilis celeritas Castorem,
 et Pollucem indicauit. Florus libro tertio ubi bellum Cimbricum, et Theutonicum, ac
 Tigurinum describit. possumus etiam uersum hunc, et pugilem uictorem, et equum
 certamine primum, non ad Castorem, et Pollucem referre, sed ad eos, qui in certami-
 nibus illis Græciæ Olympiis, Pythiis, Nemeis, Isthmiis, quæ Pindarus descripsit, et
 de quibus legere est libro primo epigrammatum Græcorum, initio, uictores euade-
 bant. de his etiam multa Vitruuius libro IX. Lyrici enim horum uictorias decanta-
 bant, ut Pindarum fecisse uidemus, et fecisse Simonidem Lyricum et ipsum poetam
 constat. nam eius carmen retulit Aristoteles libro tertio Rhetoricorum, cum eius nomen
 extolleret, qui mularum in cursu uicerat, χεῖρετε ἀελλοπόδων θυγατρὸς ἰππων.
 saluete uelocium filia equorum: erat enim πένταθλος, idest quinquercio, ut ait Pau-
 sanias libro primo in Aeliacis, et constabat lucta, pugillatu, cursu, saltu, pan-
 cratio. IUVENVM CVRAS. Iuuenum amores. Virgilius. at regina graui
 iam dudum saucia cura vulnus alit uenis. LIBERA VINA. conuiuia, in quibus
 ebrii, uel hilares arcana confitentur. Pindarus in Nemeis, in ode, quæ de Cromia
 Actæo scripta est,

θαροαλία δὲ πῶτα
 κρητῆρα φωνὰ γίνεται. Audax apud poculum uox fit. Athenæus
 libro primo scribit positum à ueteribus tripodem in templo Bacchi fuisse, καὶ τὸ νικητή-
 ερον ἐν διονυσίῳ ἔπιποισ. καὶ γὰρ ἐν ἔπιποδος λέγειν φασὶν ὅς ἀληθὺς ὄντας. etenim
 ex tripode loqui dicimus, qui uera dicunt. Horatius in epistolis, quid non ebrietas desi-
 gnat? operta recludit, etc. quem locum de ebrietate ex Aristophanis equitibus expre-
 sum ab Horatio eleganter inuenies, si duos illos poetas conferes. Lyrici autem de uino,
 et de ebrietate libenter uerba faciunt, ut Horatium fecisse uidemus, præsertim in odis:
 et ut Franciscus Robortellus, uir doctissimus, in suis annotationibus diligenter obser-
 uauit, qui collatis etiam Lyricorum poetarum Græcorum multis fragmentis cum Ho-
 ratio hoc demonstrauit. Alcæus quidem apud Athenæum sic inquit. πίνω μὲν τὸ λυχνον
 σφραγισμένον; δάκτυλος ἀμύδρα. bibamus, quid lychnum extinguimus? dies non lon-
 gior digito est.

XI.

Descriptas seruare uices, operumq; colores.

Cur ego, si nequeo, ignoroq; poeta salutor?

Cur nescire pudens prauæ, quàm discere malo?

F

inuehitur in eos, qui cum supradicta poetices genera suis rebus accommodare nescirent, tamen poetæ nomen sibi uendicabant, & se ipsum increpat eorum personam induens. nam per se ipsum illos intelligit. sic Nestorem facere solitum, cum Græcos reprehendebat, obseruauit Plutarchus: minus enim ægre ferimus reprehensiones, cum, qui nos reprehendit, partem culpæ ultro sustinet. **DESCRIPTAS VICES.** ut alias res epico argumentum, alias elego, alias iambo, alias lyrico subiiciamus, quod ipse perspicue in comœdia, & tragoedia statim probat, cum non eundem utriusque stylum esse contendit. **OPERVMOQUE COLORES.** poematum uarietates, ut enim res pictæ coloribus distinguuntur: nam alios colores pratum, ager uel arboribus consitus, si depingatur, alios urbs, uel domus, alios aliæ res possunt: sic alios colores heroicum carmen, idest aliam speciem, alios lyricum postulat. & sic de singulis. color igitur hic sumetur pro cuiusque poematis propria specie, & congruente forma. quo modo ab oratoribus color usurpetur, Quintilianus docet libro quarto. nam ubi de Narratione scribit, hæc habet uerba. Sunt quædam & falsæ expositiones, quarum in foro duplex genus est, alterum quod instrumentis adiunatur, ut P. Clodius fiducia testium, qua nocte incestum Romæ commiserat, Iteramnæ se fuisse dicebat: alterum quod est intuendum dicentis ingenio, id interim ad solam uerecundiam pertinet, unde etiam mihi uidetur dici color. eadem igitur ratione, oratores & poetæ colorem usurpant, sic iurisperiti etiam. nam Marcellus libro quinto Digestorum, titulo de inofficioso testamento, lege quinta, sic ait: Huius autem uerbi de inofficioso uis illa, ut dixi, est, docere immerentem se, & ideo indigne præteritum, uel etiam exheredatione summotum, resq; illo colore defenditur apud iudicem. ut uideatur ille non quasi sanæ mentis fuisse, cum testamentum inique ordinaret. **POETA SALUTOR.** cum ignorem poeticem, poetæ mihi nomen ascisco. Lucianus in libro de conscribenda historia uitium hoc in Abderitanis notauit, qui ex febre omnes repente sunt poetæ facti, ita morbus quidam arrogantiae omnium mentes inuaserat, ἀπαντες ὅσοι ἐς Ἐατωδία πῆεν κινούνη, καὶ ἰαμβεῖα ἐφ' ἑῷ γοῦν. uide, quæ diximus in Parergis libro tertio cap. trigésimo quarto. **CVR NESCIRE PVDENS.** cur propter pudorem testandæ ignorantiae, et ab alio discendi, ignorare poeticem, quàm addiscere gratius est? quidam in prouectiore ætate discere præ pudore nolunt. nam apud Plutarchum in libro de salutaribus præceptis Tyberium Cæsarem dicere solitum legimus, ὡς αἰνέειν ἑξήκοντα ἔτη, καὶ πεστέων ἰατρῶν χεῖρα καὶ ἰατρὸν ἔχειν. uirum iam sexagenarium medico manum porrigentem, irridendum esse. melius Plato, qui in Alcibiade prior Periclem eloquentissimum, & sapientissimum uirum, qui cum dicebat, coruscare & fulgura mittere, ut ait Cicero, uidebatur, in robustiore ætate ad Damonem discendi causa ire solitum testatur, καὶ νῦν τῆλικος ὄντος ὦν, Δίμωνι ξύειν αὐτοῦ τῷ τῷ εἶκει. & nunc tantus cum sit, huius rei gratia Damonem conuenit. non absimili ratione Demosthenes in oratione de falsa legatione Aeschinem exagitat, ἀλλ' ἄδωξάν, κρίνεσθαι, πᾶσιν ὁποῦν αἰετοῦ πρὶν μὲν μάλλον, ἢ ὅλιππῳ τὴν ποιῆσαι μὴ

περὶς ἰδόντων. sed male audire, in iudicium uocari, quidlibet pati mauult apud uos, quàm aliquid ad arbitrium philippi non facere. PVDENS PRAVE. duo illa uerba coniungenda sunt, quidam enim ingenuus pudor est, quidam turpis, ut eorum qui discere erubescunt. lege librum. Plutarchi περὶ δυσωπίας, idest de pudore uitio= so. in quo multa nancisceris, quæ ad hunc locum pertinent.

XII.

Versibus exponi tragicis res comica non uult,
Indignatur item priuatis, ac prope focco
Dignis carminibus narrari cœna Thyestæ.
Singula quæque locum teneant fortita decenter.

In quo differant, ac discrepent inter se duo hæc nobilissima poemata, tragœdia, & comœdia, his uersibus planum facit Horatius. comœdia inquit, quæ pertenuis est, & humili focco incedit, non grandi cothurno, tragicos uersus amplos, & sonoros non flagitat, sed suo stylo exponi mauult; Item tragœdia, quæ uehemens, et horribilis est, comica carmina, ut tenuiua, & maiestati suæ non conuenientia respuit. nam tragicum, & grande carmen exposcit M. Tullius in libro de optimo genere oratorum. itaque & in tragœdia, inquit, comicum uitiosum est, & in comœdia tragicum turpe, & in cæteris est suus cuiusque certus sonus, & quædam intelligentibus nota uox. Aristoteles autem clarius & expressius in poetice demonstrauit, quibus in rebus inter se comœdia, & tragœdia dissentiant, ὡς αὐτῇ δὲ τῇ διαφορᾷ καὶ ἡ ἵτασις, περὶς τῶν κωμῶν δὲ διέσκειν, ἢ μὲν γὰρ χεῖρον, ἢ δὲ βέλτερος μὲν εἶδους βούλεται τὸ νῦν. qua dissimilitudine tragœdia, & comœdia est: hæc enim, idest comœdia humiliores, illa uero præstantiores ijs, qui nostro sæculo uiuunt, homines imitari uult. qua ratione Hermogenes libro primo de Ideis oratorijs uehementiam orationis, idest σφοδρότης ab asperitate distinxit, ἢ μὲν ἵτασις inquit καὶ μεζόνων περὶ σῶπων, καὶ αὐτῶν δὲ τῶν διὰ τῶν ἡ ἐκκλησιαστικῶν γίνεσθαι, ἢ δὲ σφοδρότης καὶ ἐλαττόνων, etc. asperitas contra præstantiores personas, ipsos iudices, uel senatores fit, uehementia autem contra humiliores. NON VULT. idest non debet, more Græcorum, ex quibus Horatius sæpe orationis figuras sumit. Aristoteles libro secundo Physicorum ubi de fine agit. βέλτερον γὰρ ἔστι πᾶν εἶναι τὸ ἐλάττω πλεονάζειν ἀλλὰ τὸ ἐλάττω. debet enim non omne extremum esse finis, sed quod optimum est, ibi Aristoteles poetam reprehendit, qui mortem hominis finem esse dixerat, unde addidit ipse, quid finis censi debeat. uerba hic descripta Aristotelis non intelligens Diuus Thomas, doctissimus latinorum interpres, ad poetam, quem Aristoteles arguit, detorquet indocte, & imperite, sic enim inquit: uult enim poeta, quod non omne ultimum sit finis, sed illud, quod est ultimum, & optimum, hoc est, cuius causa fit. βούλεται apud Aristotelem ὁ Thomas id significat, quod debet, siue oportet. sic Græci omnes loquuntur, sic ipse alibi Aristoteles libro tertio de moribus ad Nicomachum, τὸ δ' ἀνεύσιον βούλεται λίσσασθαι.

F ij

δοῦναι, οὐκ εἰ πρὸς ἀγνοίαν τὸ συμφέρον. quod inuitum dicimus, debet appellari, non si quis ignoret, quod conducibile sit. in Parergis libro tertio cap. quarto, ubi locum illum in physicis Aristotelis declaramus, plura in medium ex græcis attulimus. redeamus ad Horatium, qui docet decorum in re, & uerbis esse seruandum, ut delectum rerum, & uerborum habeamus, quæ comœdiæ, quæ tragœdiæ tribuantur: nam decorum in eo qui dicit, in eo qui audit, et in re ipsa spectari, scribit in Lysia Dionysius Halicarnassensis. πρὸς τὸ τὸν λέγοντα, καὶ πρὸς τὸν ἀκούοντα, καὶ πρὸς τὸ πρᾶγμα, καὶ τὸν ἀκούοντα. ἢ δὲ, καὶ πρὸς τὸν πρὸς τὸν ἀκούοντα ἡμεῖς συμμύη. ad dicentem, ad audientes, & ad rem: in his enim decorum plene effinxit oratio Lysiae. INDIGNA = TVR. non dignatur: tragœdia enim præstantior comœdiæ uerba, ut sicyonios calceos olim Socrates, idest Lysiae orationem, negligit. Virgilius. Et pontem indignatus Araxes. quem nos imitantes in Eridano, quem scripsimus ad Illustrissimum Aloysum Cornelium Cardinalem, sic inquit: Et rapidis pontem frustra indignatus in undis Danubius. est enim similitudo à superbo homine sumpta, qui supplicem, uel humilem aliquem à se reiecit, cuius amicitiam fugit cane peius, & angue. PRI = VATIS. familiaribus, & humilibus, quales esse homines priuati solent, qui magistratum non gerant, nec personam Reip. sustineant. magistratus enim res quædam diuina uidetur, cuius conspectum uitamus aliquando, ut numinis. Paulus iuriconsultus libro nono Digestorum, titulo, si quadrupes pauperiem fecisse dicetur, lege secunda, si quis aliquem euitans magistratum forte, in tabernam proximam se immisisset, ibiq; à cane feroce læsus esset, etc. talis tragœdia est. at comœdia priuato homini similis est. COENA THYESTÆ. inscriptio tragœdiæ cuiusdam, sed pro omni tragœdia ponitur. Atreus, & Thyestes Pelopis filij fuerunt, Thyestes fuit ab Atreo pulsus, qui etiam ipsi filios comedendos exhibuit, unde in odis Horatius. Et scenam Pelopis domum. Chæremone Thyestem tragœdiam scripsit, ut est auctor Athenæus libro XIII. τῆς Θαιρημοσθενέων. Thyestem Aristoteles in poetice inter familias tragicas collocauit, quas ibi recenset, καὶ ὅτι οὐκ ἔστιν οἰκία αἰ καὶ λίσσας ἱερὰ δὲ αἰσώπιδεντα, οἱ πρὸς ἀλκυονίδων, καὶ οἱ δὲ ποταμῶν, καὶ ὅτι ἐστὶν, καὶ μελέαρον, καὶ θυέστην, καὶ τῆλεφον. nunc circa paucas familias pulcherrimæ tragœdiæ composiæ uersantur, ut circa Alcæonem, & Oedipum, & Orestem, et Meleagrum, et Telephum. LOCVM TENENT. quæ sunt comica, in comœdia ponantur: quæ tragica, in tragœdia constituentur. tractum à re militari, ubi locum deferere turpe, et periculosum erat. Liuius libro II. de Ap. Claudio inuectus haud falso in proditorem exercitum militaris disciplinæ, desertorem signorum. & quæ sequuntur. Halicarnassensis libro nono exprimens illud, desertorem signorum, ὅσοι τὰ σημεῖα ἀφ᾽ ἡλώλειαν.

XIII.

Interdum tamen & uocem comœdia tollit,
Iratusq; Chremes tumido delitigat ore,
Et tragicus plerunque dolet sermone pedestri.

Comœdiam humilem, & tenuem, tragœdiam grandem, & amplam in superiore contextu esse dixit Horatius. hic fatetur hunc aliquando ordinem perueri: comœdia enim aliquando grandis, tragœdia tenuis est. & tamen comœdiam tenuem esse, & plane familiarem, etiam Cicero in oratore confitetur his uerbis. itaque uideo uisum esse nonnullis, Platonis, & Democriti locutionem, etsi absit à uersu, tamen, quod incitatus feratur, & clarissimis uerborum luminibus utatur, potius poema putandum, quàm comicorum poetarum, apud quos nisi quod uersiculi sunt, nihil est aliud quotidiani dissimile sermonis. INTERDV M. quia interdum tantum grandis comœdia est, plerunque, ac fere semper humilis, iccirco digna est potius, ut humilis, quàm alta, & sublimis uocitetur. nam nomen ab ea parte rei deriuatur, quæ uerior est. in eodem oratore Cicero sic inquit. sed iam illius perfecti oratoris, & summæ eloquentiæ species exprimenda est, quem hoc uno excellere, idest oratione, cætera in eo latere, indicat nomen ipsum. non enim inuentor, aut compositor, aut actor hæc complexus est omnia, sed & græce ab eloquendo rhetor, & latine eloquens dictus est: cætera enim rerum, quæ sunt in oratore, partem aliquam sibi quisque uendicat, dicendi autem, idest eloquendi maxima uis soli huic conceditur. Aristoteles libro secundo meteorologicorum, ubi uentos ait gigni è sicco halitu terræ .i. κεντροῦ, sic ait: ὅτι δ' οὐτε τὸ ὑγρὸν αὐτὸ τῷ ξηρῷ, οὐτε τὸ ξηρὸν αὐτὸ τῷ ὑγρῷ, ἀλλὰ πάντα τῶν λέξεων καὶ τῶν ὑποθέσεων. est autem neque humidum sine sicco, nec siccum sine humido, sed hæc omnia a parte excellentiore nomen sumunt. TOLLIT. tollit autem uocem, quia res acerba occurrit, & tragica, quare exclamandum est. sic oratores exclamant. Aeschines apud Plutarchum μεγαλοφωῶς τὰς dicitur. comœdia uariat uocem: ubi res humilis est, & acclamatione non digna, ipsa quoque humilis: ubi res indigna, ipsa quoque indignius queritur. hoc faciendum ab oratore præcipit Cicero in oratore ad M. Brutum his uerbis. ac uocis quidem bonitas optanda est: non est enim in nobis, sed tractatio, atque usus in nobis. ergo ille princeps uariabit, & mutabit, omnes sonorum tum intendens, tum remittens persequetur gradus: uocis autem tres soni sunt, quibus uarie, cum res poscet, tragœdia utetur. de his Cicero in oratore sic. mira est enim quædam natura uocis, cuius quidem è tribus omnino sonis inflexo, acuto, graui, tanta sit, et tam suauis uarietas perfecta in cantibus. comœdia autem tollit uocem, cum aliquid indignum describitur, & infandum: uox enim grauior tum rem, tum ingenium non liberale testatur. Theophrastus in libro, quo naturas diuersorum hominum describit, cum imaginem agrestis ingenij effingeret, quam ἀγροικίαν appellat, his uerbis utitur, καὶ μεγάλη τῇ φωνῇ λαλῶν. IRATVS QVE CHREMES. ut apud Terentium in Andria simo ait, uenit mane clamitans ad me Chremes etc. cum scilicet ille comperit Pamphilum peregrinæ amore teneri. TVMIDO RE. tragicis uerbis: in tragœdia enim uerba sunt tumida, ut ampullæ. paulo post Horatius. proijcit ampullas, & sesquipedalia uerba. præterea qui indignantur, pleni ira dicuntur. si igitur pleni, necesse est, ut tumidi sint. Aristoteles libro tertio Rhe-

IN POETICEN HORATII

toricorum Alcідamantis illud refert, de irato. *μὲν δὲ πλὴν θυμὸν πυρρὸν μέλει*, *πυρρὸν δὲ πλὴν θυμὸν γνομένη*. animam ira plenam, uultum igneo colore suffu-
sum. DOLET SERMONE PEDESTRI. dolet, inquit Horatius, quia in
tragœdia semper dolor exprimitur, in qua duo hæc sunt præstanda, ut ait in poetice
Aristoteles, τὸ φοβερὸν, καὶ τὸ ἐλεεινόν, horrible, et miserabile, sermone autem pe-
destri, idest humili dictione: qui enim pedibus incedunt, humiles sunt, qui equo ue-
huntur, alti, & acres. quod uidetur expressisse Lucanus, ut celsus medio conspectus
in agmine Cæsar. & Virgilius, Astur equo fidens, & uersicoloribus armis. in tra-
gœdia reperies aliquando lenitatem, & uerba quædam dolentium mitius, & sum-
missius, ut in Electra Sophoclis, ubi Electra post ingentes gemitus, & dolores sic in-
quit placidius.

αἰσχύνομαι μὲν ὧ γυναικες, εἰ δοκῶ
πολλοῖσι θρῆνοις δυσφορεῖν ὑμῶν ἄξιον.
ἀλλὰ ἢ βία γὰρ τῶτα ἀνάγκη με δρᾶν,
σύγγνωτε. Pudet me o mulieres, si uideor multis querelis nimium
uobis diseruiari. uis me doloris hæc facere inuitam cogit. Ignoscite. hic Electra dolet,
& sermone utitur pedestri.

XIIII.

Telephus, & Peleus cum pauper, & exul uterque
Proiicit ampullas, & fescupedalia uerba,
Si curat cor spectantis terigisse querela,
Non satis est, pulchra esse poemata, dulcia sunt,
Et quocunque uolent, animum auditoris agunto,
Ut ridentibus arrident, ita flentibus adsunt
Humani uultus. si uis me flere, dolendum est
Primum ipsi tibi, tunc tua me infortunia lædent.

Quo modo tragœdia se submittat, & comœdiæ similis fiat, nunc Horatius osten-
dere instituit, poetas quosdam tragicos sui temporis reprehendens, ut Euripidem qui, Te-
lephum, & Peleum inopes, & egentissimos loqui inflatus, & superbius faciunt, &
quidem eo tempore, cum propter inopiam, & calamitatem aliorum opem implorare, &
miseratione homines allicere uolunt. hoc prudenter non fit, inquit Horatius. tunc
enim Thelephus, & Peleus fastum deponere, & blandis, miserabilibusq; uerbis uti
debent. & sic tragœdia se submittet. hæc respiciens M. Tullius in oratore ad Brutum
sic ait. An ego Homero, Ennio, reliquis poetis, & maxime tragicis concederem, ut ne
omnibus locis eadem contentione uterentur? crebroq; mutarent? nonnunquam etiam
ad quotidianum genus sermonis accederent? ipse nunquam ab illa acerrima contentio-
ne discederem? TELEPHVS, ET PELEVS. Telephus fuit rex Mysorum, qui
aliquando ad inopiam redactus dicitur, quare tragœdiæ argumentum præbuit: Tele-

phum autem tragœdiam scripsit Agathon, ut testatur Athenæus libro decimo, nemo non audiuit hunc Telephum Achillis hasta uulneratum, ab eadem fuisse sanatum, unde libro sexto Græcorum epigrammatum pulcherrimi hi uersus leguntur, quos quidam ad amicam scripsit, quam amabat perditissime.

τῆλεφος εἰμι κέῃν. σὺ δὲ γίνεο πρὸς Ἀχιλλεύῃ.

Κἀλλεῖ σὺ πάθῃν τὸν πότον, ὥς ἐβαλδύ.

Telephus ego sum o puella. tu uero fias fidelis Achilles. pulchritudine tua desiderium meum exple, ut illud iniecasti. Peleus pater Achillis Phocum fratrem necauit, eiecit a patre exulauit. hunc non ponit Aristoteles in familijs tragicis, sed tamen addit, καὶ ὅσοις ἄλλοις συμβέβηκεν ἢ παθεῖν θανάτῳ ἢ ποιῆσαι, et quibuscunque alijs accidit uel grania perpeti, uel efficere. Telephus perpeffus est, Peleus effecit. Peleus Aeaci filius Phthijs imperauit. Plato in Theage, τὸ δὲ δὴ πηλὸς ὁ αἰακὸς αἰφθίῳ. etc. PROIICIT AMPULLAS. ampullæ uitrea uasa sunt, quæ, ut Muræni nos sæpe uidimus, cum sunt, uitrum tumescit, et artifices os uehementer inflant, ut spiritu materiæ uitreæ formam ampullæ reddant. quia igitur ampullæ, et artifices illi tumidi sunt, Horatius tragica, et inflata uerba ampullas uocat. nam etiam in epistolis libro primo scribens ad Iulium Florum hac similitudine usus est, de Tityo loquens. An tragica desenuit? et ampullatur in arte? quanquam non inficias ierim, Horatium hic per ampullas posse innuere cucurbitulas illas, quibus sanguis mittitur: sunt enim ex quoque tumide, et tum ex ære, tum è uitro sunt. æreas magis laudat Paulus libro sexto his uerbis. ἀλλὰ ὀλκιστὶ τῶν μᾶλλον εἰσὶν αἱ χαλκῆ καὶ, πλείονος αἰσχρομένη φλογὶς, ἢ τῆς ὑαλίνων ἐπίμωστος καὶ σφραγισμένη. aptiores ad attrahendum sunt æræ, plus flammæ sustinentes, quàm fragiles uitreæ. SESQUIPEDALIA VERBA. longa, ut uideantur esse sesquipedalia, ut illud Aristophanis in nubibus, νεφέλαι βροντησκέραντοι. altera dictio tonitrum, et fulmen comprehendit. Flamminius, et uiuent sæclis innumerabilibus. SI CURAT COR SPECTANTIS. etc. et hoc quidem inquit facit Telephus, et Peleus sicurat cor spectantis tetigisse querela, idest, cum uult miserationem ob aduersam fortunam suam captare. quæ tamen sic non captari solet à prudentibus. inepti igitur poetæ erant, qui sic Telephum, et Peleum inducebant. dicit autem querela, quia in tragœdia ubique querimonie sunt propter τὸ φοβερὸν, καὶ τὸ ἐλεεινόν, quæ inesse tragœdijs debent. nam in Aiace Sophoclis est τὸ φοβερὸν, idest, horribile, cum amens exprimitur Ajax: quis enim non exhorreat? cum Deos uidemus amentia nos pretere solitos, nisi officium coluerimus? in Philoctete uero est τὸ ἐλεεινόν à Sophocle expressum, idest, miserabile. de quo hic Horatius, tum alijs in locis, ubi Philoctetes loquitur, tum uero maxime, ubi miser exit ad herbam colligendam, qua pedi tabido medicinam faciat. certe Sophocles Philoctetem ipsum loquentem miserabiliter facit, non superbe, cum ille præsentem fortunam suam incommodam ante oculos haberet, non ueterem illam omnibus bonis circumfluentem, quæ tum abierat, Philoctetes Neoptoles

IN POETICEN HORATII

num, qui in Lemnum insulam uenerat, ubi Philoctetes in solitudine multos annos duri-
titer uitam egerat, sic alloquitur, orans ut se auehat.

πρὸς νῦν σε πατὴρ, πρὸς τε μητὴρ ὦ τέκνον
πρὸς τ' εἴ τι σοι κατ' οἶκον ἔστι πρὸς φίλεις,
ἱκέτης ἱκνούμαι. Et quæ sequuntur.

Te per parentes fili, Et per eos omnes, qui tibi domi cordi sunt maxime, supplex oro.
DULCIA SVNT O. non satis est, inquit, tragœdiam esse pulchram, idest am-
pullis, Et magnificis uerbis redundantem: sit dulcis, idest miserabilis, Et dulci ora-
tione animum audientium alliciens. M. Tullius in oratore ad Brutum: Dulce igitur
orationis genus, Et solutum, Et effluens, sententijs argutum. Et c. quibus uerbis et
ipse, à saporibus similitudine ducta, dulcem orationem appellauit. sic Virgilius de Dido=
ne. Dulces exuniæ, dum fata, deusq; sinebant, Et c. quorum uersuum dulcedine cor=
reptus Augustus iterari eos sibi à recitante iussit, quia miseratione ducebatur, quæ
dulce quiddam uidetur continere. ET QUOCVNQVE VOLENT. agat, in=
quit, tragœdia animum auditoris, quocunque uolet ipsa: tunc eam ego præclare scri-
ptam putabo. tria requiri uidentur in poeta, quæ requiruntur in oratore: Cicero enim
in libro de claris oratoribus sic ait, ubi de M. Calidio loquitur. sed cum à nobis paulo an-
te dictum sit, tria uideri esse, quæ orator efficere deberet, ut doceret, ut delectaret,
ut moueret, duo summe tenuit, ut Et rem illustraret differendo, Et animos eorum,
qui audirent, deuinciret uoluptate: aberat tertia illa laus, qua permoueret, atque in-
citaret animos. Horatius tertiam illam partem in poeta requirit, quam in oratore Cice-
ro: sine hac enim duæ illæ, docere, Et delectare, quas intelligebat Horatius cum dice-
bat, non satis est pulchra esse poemata, plane inanes uidebuntur. nam libro primo de
oratore Crassus, quis nescit, inquit, maximam uim existere oratoris in hominum menti-
bus uel ad iram, aut ad odium, aut ad dolorem incitandis, uel ab iisdem hisce permo-
tionibus ad lenitatem misericordiamq; reuocandis? Cicero, Et alij duplicem animi per-
turbationem, siue affectum ponunt, alterum leniorem, qui miserationem, Et beneuo-
lentiam allicit; alterum acriorem, qui ad iram, Et odium impellit. prior ἡδὺς dici-
tur à Græcis, posterior πρὸς ὄδον. libro secundo de oratore, non enim, inquit Cicero, sem-
per fortis oratio queritur, sed sæpe placida, summissa, lenis, quæ maxime commen-
det reos. Et post. Huic autem est illa dispar adiuncta ratio orationis, quæ alio quodam
genere mentes iudicum permouet, impellitq; ut aut oderint, aut diligant, aut inui-
deant, aut saluum uelint, aut metuant, aut sperent, aut cupiant, aut abhorreant,
aut latentur, aut mœreant, aut misereantur, aut punire uelint, aut ad eos motus
adducantur, si qui finitimi sunt, et propinqui his, ac talibus animi perturbationibus.
Horatius hic intelligit placidiorem animi perturbationem, non illam uehementiorem.
Laertius in uita Zenonis. ἔλεον μὲν ὄντι εἶναι λυπρὴν, ὥς ὅτι ἀναξίως καὶ παθοῦναι.
miserationem esse dolorem, cum indigne aliquis multis malis afficitur. hoc plane ipsum
Horatius innuit. de perturbationibus hisce animi lege Quintilianum libro sexto, cap.
tertio.

tertio, Aristotelem libro secundo rhetoricorum, Ciceronem præterea libro quarto quaestionum Tusculanarum, et Melanethonium ipsum libro primo rhetoricorum, cap. uigesimotertio. VT RIDENTIBVS ARRIDENT. Telephus, et Peleus si captare miserationem uolunt, miseros se non arrogantes, et superbos ostendant. nam homines si quem ridentem uident, arrident, si flentem, simul flent. quare tu fleas primum necesse est, qui miseratione dignus uideri optas, ut alij tecum postea commoueanur. in hac parte Cicero excellebat, quare ei peroratio libenter ab alijs oratoribus, qui eandem causam tuebantur, relinquebatur. ipse de se in oratore ad M. Brutum sic ait. quid de miserationibus loquar? quibus eo sum usus pluribus, quod etiam si plures dicebamus, perorationem mihi tamen omnes relinquebant, in quo ut uiderer excellere, non ingenio, sed dolore assequebar. DOLENDVM EST PRIMVM IPSI TIBI. Polus histrio, Electram Sophoclis agens, Orestis ossa non tulit, sed filij, quem modo amiserat, et serio luxit. cuius fletu miserabili facile omnes commoti doluerunt. Gellius libro septimo cap. V. Quintilianus libro sexto cap. tertio sic ait: summa enim, quantum ego quidem sentio, circa mouendos affectus in hoc posita est, ut moueamur ipsi. Cicero libro secundo de oratore, neque fieri potest, ut doleat is, qui audit, ut oderit, ut inuideat, ut pertimescat aliquid, ut ad fletum, misericordiamque deducatur, nisi omnes ij motus, quos orator adhibere uolet iudici, in ipso oratore impressi esse, atque iniusti uidebuntur. Aristoteles in poetice sua ante Horatium præcepit, dolendum prius illi, qui mouere luctum, et miserationem ciere alijs uelit, his uerbis: ὅταν δὲ δῶα τὸν καὶ τῆς χάριτος σιωπῇ χαζόμενον. πιθανώταται ὅτι ἄλλοι τῆς αὐτῆς φύσεως οἱ ἐν τοῖς πάθεσιν εἰσι, δι' ὃ καὶ χεῖρ ἐν ὁ χεῖρ χαζόμενος, καὶ χαλεπαίνει ὁ ὀργιζόμενος ἀλλ' ἡδυνώτατα. hoc est quantum fieri potest, id fingendum, quod ex habitibus naturalibus comparatur: nam hi suapte natura persuadent maxime, qui in perturbationibus uersantur, quare perturbat perturbatus, iram ciet iratus uerissime. TVA ME INFORTVNIA LAEDENT. quibus aliorum infortunijs moueamur uehementius, docuit in sua poetice Aristoteles ipse summus poetarum magister. ait enim nos moueri, ὅταν ἄλλοι πῶς τι δόξαν. quum aliquid præter spem, atque opinionem contigit, καὶ ἄλλοι τῶν μόνων, καὶ τύχης, et si quæ a casu, et fortuna eueniunt. ἀλλὰ ὥς πῶς ἐπὶ τῆς φαντασίας γιγνέσθαι, sed sponte accidisse uidentur. οἱ αἰσθητοὶ τῶ μύθου ἐν αὐτῇ ἀπικτείνον τὸν αἰὸν τῶ θανάτου τῶ μύθῳ θεωροῦντι ἐμπάν. ut statua Mityi Argis eum lapsa interfecit, qui eam spectabat, et mortis Mityi auctor extiterat. Nihil unquam fuit Philoctete Sophoclis miserabilius, qui cum sibi a Neoptolemo arcum, quo sibi uictum casus uolucris, et feris in uasta illa Lemni solitudine parabat, raptum uidisset, feras uocat, quibus discerpatur, quæ tamen nisi ex animo fudisset, multis cum lachrymis, multisque singultibus, neminem commouisset. Ion apud Platonem in libro sui nominis, cum dixisset se Homeri carmina recitantem mœstissime, si mœsta sint, hæc addit de auditoribus. καὶ τοῦτο ὅτι ἐκείνοις οὐκ αὐτὸς αἰῶθεν ἀπὸ τῶ ἑμῶς κλαίοντάς τε, καὶ δεινὸν ἐμὲ λήπντας, καὶ

IN POETICEN HORATII

σωδαρμολύτας τοῖς λεγμένοις . uideo enim undique illos de loco superiore e' suggestu flentes , & mœste se inuicem aspicientes , & ob ea , quæ dicta sunt , simul obstupentes .

XV.

Telephe, uel Peleu male si mandata loqueris,
Aut dormitabo, aut ridebo. tristia mœstum
Vultum uerba decent, iratum plena minarum,
Ludentem lasciuia, seuerum seria dictu,
Format enim natura prius nos intus ad omnem
Fortunarum habitum, iuuat, aut impellit ad iram,
Aut ad humum mœrore graui deducit, & angit,
Post effert animi motus interprete lingua.
Si dicentis erunt fortunis absfona dicta,
Romani tollent equites, peditesq; cachinnum.

Actionem respondere orationi debere, etiam atque etiam hic poeta monet. nam si alia dicet, alia uultu actor testabitur, uerbi gratia si uultu hilari mœstam orationem, aut mœsto hilarem repræsentabit, exhibilabitur: ideo enim Aesopus tragœdus, & Roscius comœdus perillustres olim extiterunt, quia uultu orationem imitabantur, qui ad audiendum Hortensium accurrebant, quotiescunque dicturum illum rumor percrebuerat, ut foro petitos gestus in scenam referrent. nam Hortensius plus studiij in corporis decoro motu, quam in ipsa eloquentia ponebat. Valerius Maximus. & quia in gestibus erat accuratior, uulgo illum saltatriculam uocitabant. Gellius libro primo. in omni actione tria sunt, uox, gestus, uultus. Cicero in oratore ad Brutum sic. est autem actio quasi corporis quadam eloquentia, cum constet e' uoce atque motu. & post, dicerem etiam de gestu, cum quo iunctus est uultus. etc. hic Horatius in uultu maxime actionem probat tragicam, & in gestu, quando teste Cicerone gestus, & uultus iuncti sunt. in gestu autem posita sunt fere omnia. Demetrius Cynicus Neronis tempestate mimum cum uidisset Marti, & Veneris adulterium saltantem, δὲ καὶ ἰνὸν τοῖς χερσὶν αὐτοῦ λαλεῖν. uideris ipsis manibus loqui. iure igitur optimo Horatius de actione sibi reticendum minime existimauit, quæ maximi ponderis apud omnes est. unde Cicero in Oratore ad Brutum sic inquit. nam et infantes actionis dignitate eloquentiæ sæpe fructum tulerunt, & disertis deformitate agendi multi infantes putati sunt: ut iam non sine causa Demosthenes tribuerit & primas, & secundas, et tertias actioni. hæc ille. TELEPHÉ, VEL PELEV. non alloquitur Telephum, uel Peleum, sed eum qui in scena hos repræsentabat, unde addit mandata, si male inquit mandata loqueris, si male actione rem tibi mandatam exprimes. mandata hic fere id significant, quod apud eundem Horatium alibi partes secundæ. poeta mandat, actor mandata loquitur. in epistola ad Lollium libro primo.

Vt puerum sæuo credas dictata magistro

Reddere, uel partes minimū tractare secundas.

Aristoteles libro tertio Rhetoricorum Theodorum admirari uidetur optime mandata loquentem, ὅς ἡ Θεόδωρος φωνὴν πεπονθε περὶ τὴν αἰσῶν ἡχοῦνται, ἢ μὲν γὰρ τῆς λέξεως εἰκοθεν εἶναι, αἱ δὲ αἰσῶναι, qualis erat uox Theodori, si cum uoce aliorum hypocritarum conferatur: hæc enim dicentis esse uidebatur, aliorum uoces, alienæ. DORMITABO, AUT RIDEBO. sic Cicero in libro de claris oratoribus, ubi de M. Calidio. itaque tantum absuit ut inflammare nostros animos, somnum isto loco uix tenebamus. non attente audientem sic describit Aristoteles libro decimo ad Nicomachum de moribus, ὅς τῶν ἀλλοτρίων οἱ ἔργα μαθήζοντες, ὅταν φωνῶν οἱ ἀπὸν ὁμιλοῦσι, τότε μάλιστα αἰσῶναι. ut in theatris legumina edentes: cum enim inepti actores sunt, hæc præsertim faciunt. TRISTIA MOESTVM VULTVM VERBA DECENT. ut decorum in oratione appareat, sit pathetica. Aristoteles libro tertio Rhetoricorum, πᾶσι δὲ, καὶ μὲν ἢ ὕβρις, ὁρμητικὸν λέξις. pathetica autem, si quidem contumelia erit, irati dictio sit. quod uertit Horatius, iratum plena minarum: quod si quis tristem causam agit, & uultus non sit mœstus, non commouebit. Cicero hoc pulcherrime demonstrauit in Bruto, ubi M. Calidum Q. Gallio dedisse crimini ait, quod sibi uenenum parauisset, Cicero se pro Gallio sic respondisse Calidio inquit. Tu istuc M. Calidio nisi fingeres, sic ageres? præsertim cum ista eloquentia alienorum hominum pericula defendere acerrime soleas, tuum negligeres? ubi dolor? ubi ardor animi? qui etiam ex infantium ingenijs elicere uoces, & querelas solet: nulla perturbatio animi, nulla corporis, frons non percussa, non femur, pedis, quod minimum est, nulla supplotio. quibus uerbis demonstrat, M. Calidium nemini persuasisse, quod non mœsto uultu suam causam tam tristem egerat. uide etiam Valerium Maximum libro octauo cap. decimo, Quintilianum libro XI. cap. tertio, ubi hoc ipsum de M. Calidio referunt. FORTVNARVM HABITVM. per fortunarum habitum intellige animi perturbationes, quæ a fortuna uel læta, uel tristi exoriantur. ueniunt, & recedunt. Virgilius libro sexto. Hinc metuunt, capiuntq; dolent, gaudentq; nec auras respiciunt. Horatius in epistolis.

Gaudeat, an doleat, cupiat, metuatur, quid ad rem? Si igitur ueniunt, et recedunt, dispositiones sunt, non habitus, in quibus Aristoteles in prædicamentis, ubi agit de qualitate, ea constituit, quæ semper, aut diutius perdurant, ut in dispositionibus, quæ ueniunt, ac recedunt celeriter, nec respondeas habitum a dispositione contineri, ut docet Aristoteles, qua ratione libro secundo physicorum fortunam casui subiecit. nam contra fecit Horatius. dic in poetis hæc non esse diligentius excutienda. FORMAT ENIM. natura inquit nos primum intus format ad omnia, idest in animo primum perturbationes ciet, quas demum lingua significamus, quare sic loquamur, ut uideamur ex animo loqui. est locus desumptus e sophista Platonis, ubi hospes Theæteto probat, quia lingua aliquando mentitur, mendacium inesse etiam ani-

IN POETICEN HORATII

mo, propterea quia quæ eloquimur, antea animo conceperamus ubi: hospes hoc etiam profert, οὐκ οὖν διαίολα μὲν καὶ λόγος ταυτὸν. igitur cogitatio, et oratio idem. INTVS. in animo, ibidem Plato. ὁ μὲν αὐτὸς τῆς ψυχῆς περὶ αὐτὴν διάλογος αὐτὸ φωνῆς γιγνώμενος, ὅτε αὐτὸς ἡμῖν ἐπινομάσθαι διαίολα. qui intus fit animæ cum se ipsa dialogus sine uoce, cogitatio a nobis appellatus est. Aristoteles libro primo Rhetoricorum, cum de triplici genere bonorum differeret, animi, corporis, fortunæ, bona fortunæ extra esse dicit, alia in ipso homine. τὰ τ' ἐν αὐτῷ, καὶ τὰ ἐκτὸς ἀγαθὰ. bona, quæ in ipso, et quæ extra sunt, et quæ sequuntur. IV=VAT. delectat, hoc uerbo bonas perturbationes complectitur. Cicero libro quarto quæstionum Tusculanarum secundum Stoicos loquens. partes autem perturbationum uolunt ex duobus opinatis bonis nasci, et ex duobus opinatis malis, ita esse quatuor, ex bonis libidinem, et lætitiā, ut sit lætitiā præsentium bonorum, libido futurorum. libidinem igitur, et lætitiā Horatius uerbo hoc innuit. AD HV=MMVM. ueteres in graui mœrore, et angore humi se sternebant, puluere comas fœdantes, et uultum. Catullus in Epithalamio Pelei. Canitiem terra, atque immundo puluere fœdans. Homerus libro Σ. Iliadis, ubi Achilles audiuit ab Antilocho de morte Patrocli.

ἀμφοτέρῃσι δὲ χερσὶν ἑλὼν κέων αἰθαλόεσσαν
χρυσὸν καυκεφαλῆς, χρυσὸν δ' ἔθηκεν πρὸς ὤπιον.

Vtraque manu puluerem desumens in caput sparsit, et gratam faciem deturpauit. Virgilius etiam libro decimo de Mezentio,

Canitiem immundo deformat puluere, et ambas
Ad cœlum tendit palmas, et corpore inheret.

ANIMI MOTVS. curas animi. quas motus nuncupat, quia, ut ait Aristoteles libro secundo physicorum, corpora naturalia sunt, quæ in se habent principium motus, et quietis. corpora autem naturalia sunt, animalia omnia, et ipsorum partes, et plantæ, et elementa. motus fit uel cum de loco ad locum mouemur, uel cum excrescimus, et decrescimus, atque etiam corrumpimur. nam φθίσω nominat Aristoteles, uel κατὰ ἀλλοίωσιν. idest, ut nostrates philosophi interpretantur, per alterationem. hic Horatius motum per alterationem innuit, qui fit cum alijs post alias curis distinemur. κατὰ ἀλλοίωσιν lege Aristotelem libro primo de generatione, et corruptione. INTERPRETE LINGVA. recte linguam interpretem animi appellauit. nam linguæ munus est, perspicue sensa animi eloqui: quod nisi faciet, suo munere non fungetur teste ipso Aristotele libro tertio rhetoricorum, καὶ ὡς ὅτε λέξιος ἀρετὴ σαφὴ εἶναι, συμφέρον γὰρ, ὅτι ὁ λόγος ἐὰν μὴ δηλοῖ, οὐ ποιήσει τὸ ἐκ τῆς ἀρετῆς. uirtus dictionis diffiniatur, ut perspicua sit: cuius rei signum est, quod oratio, nisi perspicue animum interpretetur, suo munere non fungetur. AB=SONA DICTA. si oratio erit absona, idest abhorrens a fortunis dicentis, a statu, et conditione eius qui dicit, ut cum aliquis infelix hilari fronte loquitur: sumpta

similitudo à musicis imperitis, qui, cum alio tono personandum sit, alio personant. exempli gratia. Pythagoras ebrium iuuenem faces foribus amica admoventem spondaeorum cantu repressit. si daëtylis fuisset usus, eius dicta iure poterant absona uocari. TOLLENT CACHINNUM. non moderate ridebunt. sic Cicero in libro de fato. Zopyrus stupidum esse Socratem dixit, & bardum, quod iugula concina non haberet. obstruētas eas partes, & obturatas esse dicebat. addidit etiam mulierosum, in quo Alcibiades cachinnum dicitur sustulisse. EQVITES, PEDITESQVE. Porphyrio sic, ordo equester, & plebeius. nos Romanos milites omnino interpretabimur: ciues enim Romani militabant, non serui: quod an innuat Porphyrio, non plane compertum habeo, ita est concisus, & obscurus. Pompeius difficillimo reip. tempore seruos armauit, ut scribit Cæsar libro primo de bello civili. sed id pro tempore euenit, in more positum non erat. Virgilius de milite spurio. uetitisq; ad Troiam accesserat armis. & Cæsar uehementer in Deiotarum indignatus fuit, cum comperit inter milites sibi à Deiotaro missos seruum esse, ut in oratione Ciceronis pro rege Deiotaro inuenies. Cicero pro Muræna clarissimis uerbis testatur, Romanos ciues militia reuersos Romæ in rep. uersari solitos. uoluntas militum, inquit, quæ cum per se ualet multitudine, tum apud suos gratia, tum uero in consule declarando multum etiam apud uniuersum populum Romanum auctoritatis habet suffragatio militaris. Hic igitur Horatius per equites, peditesq; ciues Romanos intelligit, qui pugnare ipsi, & in castra solebant proficisci. quod Athenienses etiam faciebant, ut Demosthenes in oratione de falsa legatione docet, ubi de Aeschine loquitur, cuius uerba Athenienses audire noluerant, & crebris clamoribus interruperant, πολλοὺς ἐπὶ τοῦ πολεμικοῦ εἶναι, ὀλίγους δὲ τοῦ στρατοπέδου, ὅταν δὲ. multos dixit obstrepentes esse, paucos autem ad bella euntes, cum opus sit.

XVI.

Intererit multum Dauus ne loquatur, an heros,
Maturus ne senex, an adhuc florente iuuenta
Feruidus, an matrona potens, an sedula nutrix,
Mercator ne uagus, cultor ne iuuentis agelli,
Colchus, an Assyrius, Thebis nutritus, an Argis,

Egit Horatius proxime de oratione pathetica, idest perturbationum plena, nunc moratam aggreditur, quæ rationem habet sexus, ætatis & gentis, & aliarum huiusmodi rerum. Cicero in oratore ad Brutum καὶ πᾶν, idest decorum uocat, ubi etiam sic inquit, huius ignoratione non modo in uita, sed sæpissime & in poematis, & in oratione peccatur: est autem, quid deceat, oratori uidendum, non in sententijs solum, sed etiam in uerbis: non enim omnis fortuna, non omnis honos, non omnis auctoritas, non omnis ætas, nec uero locus, aut tempus, aut auditor omnis eodem aut uerborum genere tractandus est, aut sententiarum. quæ uerba Ciceronis idem omnino

IN POETICEN HORATII

continent, quod descripti Horatii uersus comprehendunt. Aristoteles libro tertio rhetoricorum de morata oratione sic. ὅπ' ἀκλῆσθ' ἢ ἀρμύττουσα ἐκείτω γλῆσι, καὶ ἔξει. λέγω δὲ γλῆσι μὲν καὶ ἡλικίαν, δὲ πᾶσι, ἢ αἰνῆ, ἢ γέρον, καὶ γυνή, καὶ αἰνῆ. quæ mire expressit Horatius positis tamen nominibus alijs, uerba Aristotelis sic uerti possunt, quia sequitur conueniens unicuique generi, & habitui. dico autem genus secundum ætatem, ut puer, uir, senex, & mulier, & uir. Horatius. maturus ne senex, an adhuc florente iuuenta. Fervidus. cum dixit Aristoteles ἔξει, innuit uarios habitus hominum. Horatius sic Dauus, an heros, an matrona potens, an sedula nutritrix, mercator ne uagus, cultor ne uirentis agelli. in morata oratione est etiam natio. Aristoteles, καὶ λῶκων, καὶ θετταλῶς. & Lacedæmonius, & Theſſalus. Horatius sic. Colchus, an Assyrius, Thebis nutritus, an Argis. Dionysius in libro ποδὶ λῶκων ἰζαυτάδως sic inquit, ἐν ταῖς ὅσιν πᾶσι τὸν ἑλῶν ὁ λῶκων, ἢ βαρβάρως καὶ ἰόλων, quærendum in uniuersum est, græcus ne sit qui loquitur, an barbarus. mox græcum, & barbarum in suos populos diuidit, & alia persequitur diligentius, quæ ad orationem moratam pertinent, quæ nos hic breuitatis gratia prætermittimus. DAVVS NE LOQVATVR, AN HEROS. in Parergis hunc locum declarauimus, hic etiam tamen monebimus, quosdam legere, herus ne, quosdam, an Irus. nam de Iro Homerus in odyssea, & Ouidius, immundæ cura fidelis haræ. ego non inani ratione adductus, sic legendum putarim, diuus ne loquatur, an heros. ut heros nobiles personas indicet tam in comœdia, quàm in tragœdia, diuus deos significet, qui in comœdia, & in tragœdia inducuntur, ut Mercurius in Amphytrione Plauti, plutus in pluto Aristophanis, Hercules in Philoctete Sophoclis. alioquin Horatius in numerandis personis defecisse uidebitur, diuinas præteriens. FERVIDVS. calidus: Iuuenes enim plus sanguinis habentes calidiores sunt, quàm senes, qui frigidi sunt, quia sanguis senibus torpet, et congelatur, ut Galenus est auctor. Virgilius.

Sin, has ne possim naturæ accedere partes,

Frigidus obstiterit circum præcordia sanguis.

MATRONA POTENS. fortasse clarissimam fœminam indicat, senatoris uxorem. nam Vlpianus iuriconsultus, libro primo Digestorum, titulo de senatoribus lege octaua sic inquit, clarissimarum fœminarum nomine senatorum filie, nisi quæ uiros clarissimos sortitæ sunt, non habentur: fœminis enim dignitatem clarissimam mariti tribuant, parentes uero, donec plebeijs nuptijs fuerint copulatæ. tam diu igitur clarissima fœmina erit, quàm diu senatori nupta est, uel clarissimo; aut separata ab eo, alijs inferioris dignitatis non nupsit.

XVII.

Aut famam sequere, aut sibi conuenientia finge
Scriptor. honoratum si forte reponis Achillem,
Impiger, iracundus, inexorabilis, acer,

Iura neget sibi nata, nihil non arroget armis,
 Sit Medæa ferox, inuictaq; flebilis Ino,
 Perfidus Ixion, Io uaga, tristis Orestes.
 Si quid inexpertum scenæ committis, & audes
 Personam formare nouam, seruetur ad imum
 Qualis ab incepto processerit, & sibi constet.

Porphyrus hunc contextum sic inducit. Hoc aliud præceptum est: nam poeta scriptu-
 rus, aut secundum hominum consensum debet aliquid describere, aut, si historiam tan-
 quam tritam non uult attingere, debet conuenienter notam inducere. quibus uerbis
 Porphyrio poetæ institutum non demonstrat. hic enim Horatius duo esse poetarum ar-
 gumenta scribit, alterum non nouam personam inducens, sed eam, quæ ab alijs etiam
 poetis celebrata est, ut Ajax Sophoclis est, in qua persona non licet temere multa com-
 minisci, sed ea plane sunt commemoranda de eius moribus, atque ingenio, quæ apud
 ueteres poetas reperimus. Ajax semper habitus est furiosus, et terribilis, talis à Sopho-
 cle exprimitur. alterum poetarum argumentum est, cum noua persona inducitur, de
 qua nullum apud alios poetas impressum extet uestigium. tunc dare operam diligen-
 ter debemus, ut eam ubique sibi similem fingamus, ut primis extrema respondeant.
 AUT FAMAM SEQUERE. sequi autem famam debemus, idest fabulas ab
 alijs receptas, etiam si temere fictæ uideantur: neque enim à primis poetis recedere li-
 cet. Aristoteles in poetice quædam in Homero probari testatur, quæ temere efficta ui-
 deri possint, tamen recipiuntur, ἐπεὶ καὶ τὰ ἐν Ὀδυσσεύϊ ἀληθῆς τὰ πρὸς τὴν ἐκεί-
 σιν, in odyssea consentanea non uidentur, quæ de expositione Ulyssis dicuntur. allu-
 dit Aristoteles ad locum Homeri, qui est libro decimotertio odysseæ. Ulysses naufragus
 ad Alcynoum uenerat, is misit, qui Ulysses cum donis amplissimis aueherent, qui al-
 tissimo somno sopitus solum tandem se in litore cum donis esse animaduertit. quis hoc
 credat? quis de auro pluuiæ Danaes? quis de alijs? poetæ tamen ueterum figmenta tan-
 quam leges seruant: quare Aristoteles etiam atque etiam præcipit. οὐδὲ πρὸς κλειμυλῶος
 μυθολογία λένει οὐκ ἔστι, λέγει δὲ διὰ τὴν κλυτὰ μνήσαν ἀπὸ τανού(ου) ἅπασαν τὴν ὀρε-
 σου, καὶ τὴν Εὐρυπύλῳ ἅπασαν τὴν ἀλκιμῶνον. receptas fabulas non licet immuta-
 re: dico autem, ut Clytemnestram ab Oreste occisam, & ab Alcæone Eriphylem.
 SIBI CONVENIENTIA FINGE. si fingis, finge conuenientia sibi, idest
 personæ tribue ea, quæ ei conueniunt. foemina si fortitudinem tribueris, fortasse non
 conuenientia finxeris. Aristoteles in poetice. δὲ τὸ ὅρον δὲ τὰ ἀρμύλλοντα, ὅτι γὰρ ἀν-
 δρῶν μὲν τὸ ἥθος, ἀλλ' οὐκ ἀρμύλλον γυναικὶ τὸ ἀνδρεῖον, ἢ ἀνδρῶν εἶναι. se-
 cundo loco conuenientia: est enim fortis quidem mos, sed non conueniens mulieri, ut for-
 tis sit, uel acris. Herodotus quidem Artemisiam fortem facit, quia historiam scribens
 ueritati se addixit. poeta autem qui fingit, non Artemisiam aut Fuluiam Antoni uxo-
 rem aut Cheliam fortissimas foeminas respiciet, sed commune foeminarum ingenium,

IN POETICEN HORATII

quæ timida esse solent, exprimet. unde Virgilius de Cleopatra.

Ipsa uidebatur uentis regina uocatis

Vela dare, & laxos iam iamq; immittere funes.

Illam inter cades pallentem morte futura

Fecerat ignipotens undis, & Iapyge ferri.

REPONIS. sumptum ab Homero, iterum tu tuis in scriptis ponis, atque illustras. aliquando reponere est rem pro re beneficium compensando reddere. ut Iuturna apud Virgilium de Ioue,

Hæc rapta pro uirginitate reponit.

HONORATVM ACHILLEM.

exemplum affert Achillis, quem sui similem passim, ut ab Homero didicimus, effingere, atque exprimere debemus. & est præceptum hoc similitudinis, quod a conuenienti elicitur, conueniens refertur ad sexum, ætatem, dignitatem, simile ad unum aliquem hominem, in quo poeta seruet similitudinem, ut Homerus in Achille. Aristoteles in poetice. Ἐἶπον τὸ ὁμοίον. ἔστι γὰρ ἐπὶ τοῦ οὐ τοῦ ἁπλοῦς, καὶ ἀρμόττον ποιῆσαι. tertio loco simile est. nam hoc diuersum ab eo indicatur, quo bonum, & conuenientem morem fingimus. sic Virgilius Aeneam ubique pium, ubique fortem expressit. Lucanus ubique Casarem improbum, & tyrannidis cupidum, Pompeium uero excellenti uirtute præditum, sed fortunam aduersissimam habentem. si descriptionem hanc Achillis Horatianam cum Pindarica conferes, quæ est ode tertia Nemeorum, magnam uoluptatem capies. IMPIGER. uelox. Homerus multis locis de Achille πόδας ὠκὺς Ἀχιλλεύς, pedibus celer Achilles. de eodem Pindarus in Nemeis ode tertia.

κτείνοντα τ' ἐλάφους ἀνδρὶ κυ-

νάει, δολίων θ' ὀρέων:

ποσὶ γὰρ κρατίων.

Occidentem cernos sine canibus, & dolosis retibus: pedibus enim pollebat. IVRA NEGET, &c. neget iura nata sibi, id est nolit legibus parere, ut feroces nolunt: principes autem legibus soluti sunt, & Achilles quidem princeps erat. Vlpianus iuris consultus libro primo Digestorum, titulo de legibus, lege trigesima prima sic inquit, Princeps legibus solutus est. Augusta autem licet legibus soluta non est, princeps tamen eadem illi præiulia tribuunt, quæ & ipsi habent. quod fortasse Plato improbens in symposio leges reges urbis nuncupat, φασὶν οἱ πῆλεις βασιλεὺς νόμοι δ' ἄκατα εἶναι. NIHIL NON ARROGET. omnia putet se armis posse consequi: arrogare enim est sumere, & uendicare sibi. docet Horatius fortem describendum Achillem, non dolosum, ut ui pugnet, non fraude, ut libro primo græcorum epigrammatum Lacedæmonium dicentem inuenies.

κείνοι τεχνάεντες, ἐγὼ δὲ μὲν, ὥς ἐπίοικεν

τοῖς Λακεδαιμονίων ποιῶσι, εἰς κρατῶ.

Illi Messenij scilicet, & Argiui, dolosi sunt, ego uero, ut filios decet Lacedæmoniorum, ui, ac uirtute polleo, & uinco. MEDAE A FEROX. quæ ulta Iasonis perfidiam

perfidiam ei filios comedendos dedit, & fratrem Absyrtum lacerauit, eiusq; membra disiecit, ut insequentis illam patris cum Iasone fugientem impetum retardaret. quam Mitridatem Ponti regem imitatum ait Cicero in oratione pro lege Manilia, qui aurum dissipauit, & prædam opimam, ut insequentis milites Luculli prædæ intentos reprimeret. **FLEBILIS INO.** hæc fugiens Athamantem maritum furiosum in mare se cum filio deiecit, mox Leucothea dicta, filius Palæmon. flebilem uocat, ob mariti furorem, & quod, cum dea esset, in eius templo sacerdotes flebant, ut Aristoteles scriptum reliquit libro secundo rhetoricorum, οἱ ξυοφαίης ἐλεῖται δ' ὅπως οὐκ ἐστὶν, εἰ δ' οὐκ ἐστὶν τῇ λελυκτοῦ, καὶ θρωοῦσι, ἢ μὴ, σωεῖται λελυκτοῦ, εἰ μὴ θρόνῳ ὑπολαμβάνουσι μὴ θρωοῦν, εἰ δ' αὖθρῳ πῶν. μὴ θύειν. ut Xenophanes Eleates quærentibus, deberent ne Leucothæ sacra facere, & flere, nec ne, consuluit, si deam esse censerent, ne flerent; si hominem, ne sacra facerent. de hoc diximus etiam in Parergis libro primo, cap. decimosexto. **PERFIDVS IXION.** quod conuiua Iouis Iunonem de stupro interpellauit, cui illa similem sibi nubem obiecit, ex qua is Centauros procreauit. qua fabula ambitiosos significari non uero bono, sed eius umbra fruantes, ambitione scilicet, Plutarchus docet in uita Agidis, & Cleomenis. **IO VAGA.** quæ in uaccam à Ioue conuersa, ne Iuno adueniens eius furtum deprehenderet, æstro à Iunone agitata, ubi ad Nilum peruenit, apud Aegyptios diuinos honores meruit. Ouidium lege. de ea Virgilius libro septimo.

At leuem clypeum sublatis cornibus Io
Auro insignibat, iam setis obsita, iam bos,
Argumentum ingens, & custos uirginis argus,
Calatâq; amnem fundens pater Inachus urna.

TRISTIS ORESTES. propter conscientiam occisæ matris. Virgilius. Hinc Agamemnonius furis agitatus Orestes. quas furias Cicero in oratione pro Sex. Roscio Amerino malam conscientiam interpretatur. In Oreste Euripidis sic Orestem Menelaus increpat, ὁ μὲν Τροφόντης ὁ φόνω πρὸς ὧν φόνον. ὁ matricida, morte mortem cumulans. cui sic Orestes respondet, ὁ πατρὸς ἀμυντῶρ, ὃν σὺ πρὸς δῶκες θανατεῖν. ὁ patris ultor, quem tu in morte prodidisti. Euripidis Orestem ante oculos habebat Horatius, cum hæc scribebat; uel certe Aristotelem, qui libro tertio rhetoricorum, ubi de epithetis agit, sic inquit, ὅτι μὲν Τροφόντης ὁ φόνω πρὸς ὧν φόνον ἀπὸ φαύλου, ἢ ἀπὸ τοῦ οὐ καλοῦ, οἱ δὲ μὴ Τροφόντης, ὅτι δ' ἀπὸ τοῦ βελτίου, οἱ δὲ πατρὸς ἀμυντῶρ. licet epitheta à loco malo, & turpi deducere, ut matricida: licet etiam à meliori parte, ut patris ultor. tristis igitur erat Orestes, uel cum illum Menelaus, & alij increpabant, quod matris nece se inquinauerat, uel cum ipse secum facinoris speciem memoria repetebat. **INEXPERTVM.** hæcenus dictum est de ijs, qui famam sequuntur: nunc de ijs dicit, qui personas inducunt à nullis ante poetis inductas. et ideo eos ait scenæ committere, idest tragœdiæ rem inexpertam, ab alijs non tentatam. hoc innuit fecisse Aeschinem Demosthenes in oratione de falsa legatione, his uerbis. ὅς γὰρ ἀνῶνασ καὶ νοῦς ὥς πὸς δρᾶμα.

H

IN POETICEN HORATII

τα, καὶ ὅτι οὗτος ἀμφοτέρους πρὸς διαμεμετρημένῳ τῷ ἡμῶν αἰρεῖς, διώκων,
 δῆλον ὅτι πάνθενος εἰς πῖς. PERSONAM NOVAM. de qua nullus alius
 poeta dixerit, uel nouam, ex historia in poema deductam, & iccirco quasi hospitem,
 ut si quis Horatiam scribat, uel Porciam Bruti. AD IMVM. ad finem. AB
 INCEPTO. ab initio. similem sibi ubique finge. innuit Horatius aequalitatem,
 quam Aristoteles in poetice τὸ ὁμοίαν uocat, τὰ παρ' ὅν δὲ τὸ ὁμοίαν, etc. discrepant
 inter se ὁμοίον, καὶ ὁμοίαν, idest simile, & æquale, nam similitudo ad eos refertur,
 de quibus alij etiam scripserunt, æqualitas ad eos, de quibus nos tantum scribimus,
 perpetuam aequalitatem seruare debemus in ea, quam inducimus, persona, ut sit sibi
 constans. in hoc Euripides in ea tragœdia peccauit, quæ Iphigenia inscribitur, quem
 etiam Aristoteles reprehendit, his uerbis. τὴ δ' αὖτις αὖτις ἢ αὖτις ἢ αὖτις,
 οὐδὲν γὰρ εἴκειν ἢ ἢ κετ' οὐνοῦσα, τῇ ὑστέρῃ. Iphigenia in Aulide inæqualitatis exem=
 plum est, nam cum supplex est, nihil sibi similis postera die uidetur. primum apud
 Euripidem Iphigenia Agamemnonem patrem orat, ne se mactet, cum inquit.

ἢ κετ' οὐνοῦσα δὲ γένεσιν ὅζα πῶ σέθεν,
 τὸ σῶμα τ' οὐ μὲν, ὃ πρὸς ἐπικεν ἢ δε σοι,
 μὴ μ' ἀχλὺς ἄωρον. ἢ δὲ γὰρ τὸ φῶς
 βλέπειν. τὰ δ' αὖτις γὰρ μὴ μ' ἰδεῖν αἰσθησῶς.

Supplicem me ad tua genua aduoluo.

Corpus meum, quod hæc tibi peperit,

Ne mihi intempestiuum perdas: suauis enim est lucem

Aspicere, & quæ sub terra sunt, ne me uidere cogas.

Mox cum pro ea intercedit Achilles, ne mactaretur, ait illa uelle se libenter pro salute
 Græcorum mori.

σὺ δ' ὦ ξεῖνε

μὴ θνήσκε δὲ μὲ, μὴ δ' ἀχρητείνης ἴνα,
 εἰ δὲ σῶσαι με ἐλλάδα, λῶ δ' αὖτις με δα.

Tu uero hospes,

Ne mea causa pereas, nec quenquam perimas,

Sine, ut Græciam seruem, si queamus.

At uero Virgilius similem sibi Didonem, & constantem ubique conformat: illa enim
 ubique amat, modo aperte amorem dissimulat:

Neque te teneo, nec dicta refello.

I, sequere Italiam, & uentis pete regna per undas.

Mox amantem pœnitet, cum ad Aeneam mittit Annam,

Ire iterum in lachrymas, iterum tentare precando

Cogitur.

In ipso etiam rogo conspectis Aeneæ donis illa=
 chrymauit.

Hic postquam Iliacas uestes, notumq; cubile

Conspexit, paulum lachrymis, & mente morata
Incubuitq; thoro. &c.

XVIII.

Difficile est proprie communia dicere, tuq;
Rectius Iliacum carmen deducis in actus,
Quàm si proferres ignota, indictaq; primus.
Publica materies priuati iuris erit, si
Non circa uilem, patulumq; moraberis orbem,
Nec uerbum uerbo curabis reddere fidus
Interpres, nec desilies imitator in arctum,
Vnde pedem proferre pudor uetet, aut operis lex.

Cum in superiore contextu dixisset Horatius, nouam aliquando personam induci, cum nos rei sumus auctores; aliquando non plane nouam, sed ab alio poeta desumptam, quem in fabula imitatur; nunc difficilius esse prius genus poematis censet, deinde edocet, quo modo poetam, quem imitatur in fabula, quæ prius ab illo uulgata est, superare artificio, atque omni genere possimus, ut ei omnem laudem rei inuentæ præripiamus. DIFFICILE EST PROPRIE COMMUNIA DICERE. difficile est, rem à nullo ante tractatam, & ideo communem, proprie dicere, idest ita præclare scribere, & perfecte absolvere, ut tua laus sit, & propria, ut nemo amplius futurus sit, cui te uincendi, uel proxime ad te accedendi, uel pertenuis spes ostendi possit. hunc sensum politissime Hircius expressit libro octauo de bello Gallico, ubi Cæsarem ait in commentarijs communia proprie dixisse. adeoq; inquit, probantur omnium iudicio, ut prærepta, non præbita facultas scriptoribus uideatur. quasi dicat Hircius, commentarij libri sunt, quibus res breuiter comprehendimus, ut ab alijs explicantur, & luminibus orationis illustrentur, Cæsar tamen præripuit, non præbuit alijs scribendi facultatem, quia communia proprie dixit. nam communia hic, idest ab alijs intacta, & propterea nullius propria interpretamur, similitudine earum rerum, quæ nullius in potestatem sunt redactæ. de quibus Imperator Iustinianus libro secundo institutionum civilium his uerbis meminit, & quidem naturali iure communia sunt omnium hæc, aer, aqua profluens, et mare, et per hoc littora maris. IN ACTVS. actus sunt in comœdia, & tragœdia. deducemus Iliacum carmen, idest Homeri Iliadem in actus, si ab Homero argumentum tragœdiæ sumemus, et sic illum quasi prælucentem sequentes rectius aliquid scribemus, quàm si communia, & inexperta ab alijs consecutemur. illud enim longe est difficilius. Aristoteles etiam in poetice ex Homero argumenta sumi tragœdiarum, & comœdiarum scripsit, ex Iliade, & Odyssea tragœdiarum ex margite comœdiarum, ὃ γὰρ μὲν γείτης αἰάλαρον ἔχει ὥς πρὸς Ἰλιάς, καὶ ὁ δὲ ὅσῃ περὶ τῶν τραγῳδίας, οὕτω, καὶ οὕτως, περὶ τῶν κωμῳδίας. Erasmus in chiliadibus sumi ait argumenta tragœdiarum ex Iliade, comœdiarum ex Odyssea

sea, quem nos tantum uirum correximus in Parergis, ubi permulta alia contra illius sententiam annotauimus. uide Erasmus in prouerbio ἱλιάς κακῶν. Sophocles iliaceum carmen in actus deduxit, cum Aiace[m] scribebat. de quo ante Homerus in iliade cecinerat, Euripides uero cum Iphigeniam, Orestem, & alij alia, ex Homero fabulam quasi scintillas auferentes, quas illi tragœdijs accendebant. QUAM SI PROFERRES. rectius, inquit, & facilius ex Homero argumentum sumes comœdiæ, uel tragœdiæ, quàm si tu ignota, & non dicta ab alijs proferres, idest primus ederes, & scriberes. nam inuenire difficile est, inuentis addere persfacile, ut ait Aristoteles in topicis. hinc libro primo eorum, quæ post physica inscribuntur, Aristoteles idem sic ait, τὸν μὲν οὖν περὶ τῶν εἰδῶν τὸν ὁ ποιῶν οὐκ ὀφείοντα τίχυναι πᾶσι τοῖς κοιναῖς αἰσθήσεσι, δὲ αὐτῶν ὑπὸ τῆς αἰσθητικῆς, μὴ μόνον διὰ τὸ χεῖρ σιμεν εἶναι τὴν ὀρεῖδεντων, ἀλλὰ ὡς σπὸν καὶ διαφθόντα τῶν ἄλλων. primum igitur par est, eum, qui quamlibet artem circa sensus communes inuenit, admirationi hominibus esse, non solum quia res ab illo inuentæ utilissimæ sint, sed quia sapere, & inter alios uidetur excellere. unde etiam post paulo aperte Aristoteles Aegyptios honeste nominat, qui primi philosophati sunt. PUBLICA MATERIES. hætenus de difficultate explicandæ rei, quam ante nos nemo attigerit. nunc docet, quo modo antecellere illi possimus, qui rem prior uulgauerit. publicam materiem, idest ab altero iam publicatam exponimus. neque enim publicum, & commune idem esse censemus, quemadmodum nec iurisconsulti existimant, ut Iustinianus demonstrauit libro secundo institutionum ciuiliū cap. primo. at Madius, clarissimus philosophus, communia paulo ante pro publicis, & ab altero acceptis, & sic nobis cum illo communibus, interpretatus est, & hic publica, idest communia exponit, cuius hæc uerba sunt, subiungit difficile esse communia proprie dicere, ita scilicet ea nouo modo exprimere, ut à nullo accepta uideantur. & post. regulamq; tradit, qua seruata fieri potest, ut publica priuata fiant, hoc est communia propria. nam sic libentius ab alijs accipiemus, quæ nostra fieri posse confidimus. hæc ille. cuius ego auctoritatem libenter sequerer, si mihi scrupulus eriperetur, qui mihi in animo residet. nam Horatius uerbum illud communia statim aperit, cum inquit, Quam si proferres ignota, indictaq; primus. communia ergo sunt, ignota, & indicta. præterea si communia pro ab altero dictis, atque ab altero acceptis posuisset, subdidisset non particulam, Quæ, sed particulam, tamen; ut hic sensus extaret: difficile est ita explicare, quæ ab altero accipias, ut tua laus sit, & propria, tamen rectius ab iliade, & facilius argumentum sumes, quàm si nouam rem aggredereris. quæ si in medium afferrem, ut eruditissimi Madii sententiam oppugnarem, iure uideri possem ineptus. sed nos hæc quidem testata reliquimus, ut fidi interpretis partes tueamur, qui, quod tacite ipse secum sentit, indicet alijs etiam liberius. PRIVATI IURIS. propria illius, qui fuerit accuratior, & dixerit excellentius. uerba sunt iurisconsultorum. Iustinianus libro primo institutionum ciuiliū, cap. octauo sic. nam quædam personæ sui iuris sunt, quædam alieno iuri subiectæ. item publicata ab altero, alterius

propria erunt in diuerso genere poematis. nam Ajax proprius est Homeri epici, proprius etiam Sophoclis tragici. ORBEM. recte imitaberis, et imitatione uinces, si non anxius fueris in uertendo toto orbe, id est toto poematis corpore, nec te iisdem uerbis addices, quæ antiquior usurpauit poeta, nec uereberis quædam prætermittere, quædam etiam addere. per orbem igitur uniuersum poema intellige eius poetæ, quem imitaris, et cum quo contendis. si per orbem periodum acciperes, non esses fortasse exhibendus. nam periodus est quidam orbis, et est patula, quia pluribus membris constat. Cicero in oratore uerborum ambitum uocat, qui certe orbis est. nam de periodo loquens sic ait, meæ quidem aures et perfectæ, completoque uerborum ambitu gaudent, et curta sentiunt, nec amant redundantia. VILEM. quia contemnenda ab illo est, qui fabulam ab altero sumit, et ideo illi uilis est periodus, cum non in periodis, sed in materie desudare debeat ambitiosius. PATVLVM. periodus patula est, et ampla. Quintilianus libro nono, cap. quarto sic ait. habet periodus membra minimum duo. medius numerus uidetur quatuor, sed recipit frequenter et plura. modus eius à Cicerone aut quatuor senariis uersibus, aut ipsius spiritus modo terminatur, præstare debet, ut sensum concludat. uide Ciceronem in libris oratoriis. Madius meæ quidem sententia præclare Horatium hic innuere inquit, ordinem eius, à quo fabulam accipimus, esse immutandum, sic enim circa orbem non immorabimur. NEC VERBUM VERBO. sic Cicero in libro de optimo genere oratorum: conuertienim ex Atticis duorum eloquentissimorum nobilissimas orationes, inter se contrarias, Aeschinis, Demosthenisque, nec conuerti, ut interpretes, sed ut orator, sententijs iisdem, et earum formis tanquam figuris, uerbis ad nostram consuetudinem aptis, in quibus non uerbum pro uerbo necesse habui reddere, sed genus omnium uerborum, uimque seruauit: non enim ea me annumerare lectori putauit oportere, sed tanquam appendere. Cicero in Catone uertens locum Xenophontis ex libro octauo de institutione Cyri, ubi moriens Cyrus filios alloquitur his uerbis, εἰ μὲν οὐ πῶς ἔχει ταῦτα ὡς πρὸς ἐγὼ οἶομαι, καὶ ἢ Διὶ καὶ λαίπει τὸ σῶμα, καὶ πῶς ἐμὲ Διὶ καὶ ταυδὸν μὲν οἱ ποιεῖται, ἃ ἐγὼ δίομαι. sic inquit. quare si hæc ita sunt, sic me colite, ut Deum. qua inuersione Cicero multa omisit. eam nos expendimus in Parergis, audacius fortasse in Ciceronem inuerti, sed tamen non sine argumentis. atque utinam extarent Aeschines, et Demosthenes à Cicerone uersi. quemadmodum uertendi græci essent, melius perspicere potuissimus. quanquam mihi quidem hoc desiderium leuauit uir doctissimus, atque eloquentissimus, Paulus Manutius, qui quatuor Demosthenis orationes contra Philippum superioribus annis ita quidem in latinam orationem uertit, ut nihil fieri possit perfectius: ille enim non solum præceptum Horatii, et Ciceronis in uertendo seruauit, sed etiam latinam linguam re ipsa probauit Græca esse uberiorem, et locupletiolem. quod uerbo tantum affirmauit Cicero libro primo de finibus, et libro secundo Tusculanarum quaestionum. NEC DESILIES IMITATOR IN ARCTVM. tu, qui imitator es, non fidus interpretes, ne descendas in angustum hunc locum, ut uerbum

IN POETICEN HORATII

uerbo uelis interpretari, & liberius exspatiari non possis. id enim omnino faciendum uidetur, quod elegantissime, & doctissime noster Riccius praescribit libro secundo de imitatione, his uerbis. Cicero Milonem caedis reum fortissima oratione (si eam habuit integram, quae pro Milone legitur) defendit, at Brutus idem effecisse, sed alio idem effecisse modo dicitur, neque fortasse imperite. quid uero si Hortensius eam quoque causam perorasset? num ei quasi ad alterius eorum utrius ingenium inueniendi ratio conclusa, atque circumscripta esse debuisset? ut non solum multa addi ad aliorum inuenta, uerum etiam alio illa ipsa modo inueniri, atque excogitari facile possint. Socrates in Ione Platonis, πὶ δ' οἱ ἄλλοι ποιῶντες ἔωσαν τοῦτον. quid alij poetae non de his ipsis rebus agunt? cui respondet Ion. ναὶ, ἀλλ' ὅ σὺν ἄλλοις οὐκ ὁμοίως τι ποιῶντες, ὡς ὁμῆρος. na, at non earatione, qua Homerus, alij carmina panxerunt. PVDOR VETET. pudor uetat nos proferre pedem, idest discedere ab ijs, quae temere sumus aggressi, & sic malle solemus in errore obstinate persistere, quam cessare, quae res laudabilis non est. unde Plato in Carmide Socratem inducit praclare Carmidis opinionem oppugnantem, qui dixerat temperantiam esse pudorem, οὐκ ἀλλὰ σωφροσύνη αὐτὴ αἰδώς. εἰ ποῦ τὸ μὲν ἀγαθὸν τυγχάνει οὐκ αἰδώς δὲ μηδὲν μᾶλλον ἀγαθὸν, ἢ καὶ κακόν. non igitur temperantia pudor esset, si haec bona est, pudor non minus malus, quam bonus. uerba haec omnia, desilire in arctum, unde pudor proferre pedem uetet, militarem quandam imaginem praeseferunt. nam Imperatores, qui in locum angustum, & in hostium insidias deueniunt, malunt aliquando occumbere, quam fugere. Xenophon in paralipomenis libro primo, καὶ Μιχαήλ τις δὲ εἶπεν, ὅτι ἢ πῶς ἐστιν ἔδωκεν μὲν καὶ κλονοῖται αὐτὸν ἀπὸ θανάτου, φέρει δὲ αἰχρὸν ἔστιν, εἴη. Callicratides uero inquit, nihilominus me mortuo sparta habitabitur, fugere omnino turpe est, inquit. OPERIS LEX. institutum, quo iam opus tractare coepisti. turpe enim est, aliquid aggredi, quod demum omittere cogaris, ut si uerbum uerbo redere inceperis, mox te ad fabulam tantum exprimendam conuertas. legem appellauit, quod institutum est, etiam Epictetus. ὅσα περ σέθενται, τοῖς νόμοις, ὡς ἀσεβήτων, αὐτὰ βλάπτει. quaecunque proposita sunt, his ueluti legibus, ut peccaturus, si inde pedem proferas, confiste.

XIX.

Nec sic incipies, ut scriptor Cyclicus olim,
Fortunam Priami cantabo, & nobile bellum.
Quid dignum tanto feret hic promissor hiatu?
Parturient montes, nascetur ridiculus mus.

Red it ad Epicum Horatius, quem monet, ne uelit principium poematis sui grandioribus uerbis contexere, propterea quod principium tenue potius esse debet, quam turgidum, atque inflatum. proponit uero sibi Cyclicum poetam pro cunctis exagitantem, qui bellum Troianum scribens nimis grandi principio erat exorsus, eiusque in com-

paratione Homerum ob excellentem artem summe extollit. requirit hoc etiam in oratorio principio Quintilianus libro quarto cap. secundo his uerbis. nec minus diligenter, ne suspecti simul in ulla parte, uitandum, propterea quod minime ostentari debet in principijs cura, quia uidetur ars omnino dicentis contra iudicem adhiberi. M. Tullius in oratore ad Brutum sic inquit, medius ille autem, quem modicum, et temperatum uoco, si modo suum illud satis instruxerit, non extimescet ancipites dicendi, incertosque casus: etiam si quando minus succedet, ut saepe fit, magnum tamen periculum non adibit: alte enim cadere non potest. Zetes Hesiodi interpres Procli principium inflatus arguit his uerbis, quasi huiusmodi principium omnibus sit uitandum, ἡμετέροισι καὶ συμφᾶζει κρημνηγορῶν. CYCLICVS. Antimachus cognomento Cyclicus, uel quispiam alter, qui in circulis, quos graeci uocant κύκλοι, unde Cyclicus deductus uidetur, sua carmina, ut ait Acron, recitaret, cuius mihi sententia placet, quam ueterum etiam scriptorum testimonijs munire possumus. Plutarchus enim in libro de musica sic habet, ἔχεις ἐφ' ἑσὶ ἀδίκυκλούς ποδὶ μασιωνὸς λόγους, habes inquit circularis de musica sermones. hic poeta fortasse etiam curabat, ut a rapsodis sua carmina passim recitarentur: erant enim rapsodi carminum recitatores, Plato in Ione. ἀλλὰ σοφοὶ μὲν ποὺ ἐς ἐμᾶς οἱ ῥαψῳδοὶ, καὶ οἱ ὑποκριταί, καὶ ὧν ὑμῶς ἀδεύετε ποιήματα; sed uos rapsodi sapientes estis, et hypocritae, et quorum uos poemata canitis. de ijs, quae Aristoteles uocat ἐκκύκλια libro primo de moribus ad Nicomachum, annotauimus in Parergis libro secundo, cap. XX. contra Eustratii sententiam. FORTVNAM PRIAMI. sic incipiebat Cyclicus, promittens se dicturum de uicissitudine rerum maximarum: ubi enim fortuna dominatur, ibi sint incerti exitus rerum necesse est. de ea Marcellinus sic ait libro decimoquarto in fine, haec fortuna mutabilis, et inconstans fecit Agathoclem Siculum ex figulo regem, et Dionysium, gentium quondam terrorem, Corinthi literario ludo praefecit, haec Andri- scum in Fullonia natum ad Pseudophilippi nomen euexit, et Persei legitimum filium artem ferrariam ob quaerendum docuit uictum, et quae sequuntur. talia pollicebatur Cyclicus dicturum se de Priamo, qui olim Asiae rex diruta, atque inflammata Troia, ad miseram fortunam redactus misere a Pyrrho fuit contrucidatus. nam sequens Marcellinus hoc etiam addit de Pompeio. istius iniquitate Pompeius post quaesitum Magni ex rerum gestarum amplitudine cognomentum ad spadonum libidinem in Aegypto trucidatur. Pindarus cum tantum in humanis rebus posse fortunam uideret, eam filiam Iouis appellauit ode IB. olympiorum.

λίον μου πᾶς ἔλωδ' ἐλδ' ἰδρίου
σώτειρα τύχη.

Obtestor filia Iouis liberalis seruatrix fortuna. HIATV. granditate. nam pleno ore uersus est proferendus. hiatus terrae est. Virgilius. sed mihi uel tellus optem prius ima dehiscat. Catullus. cum grauis exustos aestus hiulcat agros. PARTVRIENT MONTES. usurpatur hic uersus in eos, qui magna quidem pollicentur, sed nihil

IN POETICEN HORATII

praestant. Lucianus in libro de conscribenda historia, sic, εἴ ποὺ δρῶντα εἶδες ποιῶντα, πρὸς πῶν ἡρακλῆος πρῶμμεγα, ἢ ἱτάνος ποδινέμιον, οὐδὺς γοῦν οἱ ἀκνύ-
 (G)υπας (G)αίφδρῶντα αὐτοῖς τὸ, ὡς αὐτοὺς ὄρος, idest sicubi amorem uideres ludentem,
 personam Herculis magnam, uel Titanis gestantem, statim audientes secum dicunt,
 parturijt mons. Athenæus libro decimoquarto de cœnis sophistarum, Tachum regem
 Aegypti iocatum ait in Agesilaum, qui corpore pusillus erat, nomine uero celeber, τὸ
 δὲ σῶμα τῶν ὡς αὐτοὺς ὄρος. ἔδῃ δὲ ἐφ' ὅσον. τὸ δ' ἐπεκεν μῦ. scomma hoc
 erat. parturibat mons. Iuppiter autem quid pareret metu percussus expectabat. hic ue-
 ro murem peperit. cui respondit Agesilaus, Φαίνομαι σοι πότε καὶ λέων. tibi aliquan-
 do etiam leo uidebor. RIDICVLVS MUS. desit in unam syllabam mus, non si-
 ne artificio. nam Quintilianus libro octauo, cap. quarto sic inquit, risimus merito nu-
 per poetam, qui dixerat, prætexit in cista mures rosere Camilli. at Virgilij miramur
 illud, saepe exiguus mus. nam epitheton exiguus aptum, proprium efficit, ne plus ex-
 pectaremus, & clausula ipsa unius syllabæ non usitata addidit gratiam. imitatus
 utrunque Horatius, nascetur ridiculus mus. hæc Quintilianus.

XX.

Quanto rectius hic, qui nil molitur inepte,
 Dic mihi musa uirum, captæ post tempora Troiæ
 Qui mores hominum multorum uidit, & urbes.
 Non fumum ex fulgore, sed ex fumo dare lucem
 Cogitat, ut speciosa dehinc miracula promat,
 Antiphatem, Scyllamq; & cum Cyclope Charybdim.

QUANTO RECTIUS HIC. quanto melius, inquit, Homerus incipit, quàm
 Antimachus Cyclicus? hunc Antimachum, si modo per Cyclicum Antimachum intel-
 ligit, Horatius hic prorsus irridet. de eo tamen Cicero honorificentius loquitur in li-
 bro de claris oratoribus his uerbis. nec enim posset idem Demosthenes dicere, quod
 dixisse Antimachum Clarium poetam ferunt, qui cum conuocatis auditoribus lege-
 ret eis magnum illud, quod nouistis, uolumen suum. & cum legentem omnes præ-
 ter Platonem reliquissent, legam, inquit, nihilominus: Plato enim mihi unus instar est
 omnium. ibi Corradus, uir doctissimus, clarum poetam legit non Clarium. hic tamen,
 inquit, in alijs libris legimus clarum, fortasse melius, quod ut dicimus saepe exempli
 causa, Virgilius nobilis, & clarus poeta, sic raro dicimus Virgilius Mantuanus poe-
 ta. Antimachus præterea Colophonius à Suida Athenæo, & alijs, non Clarius appel-
 latur. quod si quis arguat clarum locum Colophoni uicinum fuisse, & à uicinis locis
 licere Claros homines appellare: dicam, poetis, non oratoribus, & historicis hoc ipsum
 concedi. poetam uocat Cicero, ita, ut unus sit è sex illis, qui per excellentiam poetæ
 nominantur, ut interpretes Oppiani scribit, & Lilius refert. Thebaida composuit, &
 libros quatuor, & uiginti scripsit ante, quàm duces ad urbem perduceret, ut Lilius
 in poetis

in poetis refert. hæc de Antimacho libenter persecuti sumus. ex quibus conijcere possumus nobiliorem illum poetam fuisse, quàm hic Horatius indicat, quando per Cyclicum Acton, & Porphyrio Antimachum exponunt. NIL MOLITVR INEPTÈ. nil meditatur, & scribit imperite. unde Socrates in Platonis Ione iure optimo Homerum ἀρίστου, καὶ θεῖο τῶν τῆς ποιητικῆς uocat, idest optimum, & maxime diuinum inter poetas. & cum poetam dicimus, illum per excellentiam inter græcos intelligimus, ut inter latinos Virgilium: ut Iustinianus etiam ait libro primo institutionum ciuiliū. DIC MIHI MVSA VIRVM. duobus uersibus expressit Horatius principium odysseæ tribus uersibus constans.

αἰδοῖ μοι ἄνεπε μοῦσα κλυτὰ τεύχεα, ὅς μ' ἄλγεα πολλὰ
 πλάγχθη, ἐπεὶ σοίης ἰδὼν πολλὸν ἔθρον' ἐπόρε,
 πρὸς δ' αἰθρῶν πύργον ἄσπερον, καὶ νόον ἔγνω.

In qua uersione defecisse mihi quidem uidetur Horatius. nam κλυτὰ τεύχεα, quæ dictio lumen horum carminum, & splendor maximus est, non attingit. ea uero Ulysssem multa scientem, floridius græce, quam nos uno uerbo exprimere latine possimus, significat. quod si quis hic pro Horatio argutabitur, dicens, hoc illo carmine fuisse declaratum, Qui mores hominum multorum uidit, & urbes: huic ego respondebo, tertium Homeri uersum illo retulisse Horatium, non dictionem illam πολλὰ τεύχεα. quam non addidisset Homerus, si tertio tantum uersu, quem conceperat animo, sensum eloqui potuisset. NON FVMVM EX FVLGORE. illi ex fulgore fumum dant, qui initio præclare se gerunt, mox tanquam lumen uidentur extinguī, & deficiunt paulatim, uel etiam repente. sumpsit similitudinem Horatius ab acris, & aqueis corporibus, etiam terreis; quæ cum sunt combusta, fumum retinent, & nigredine sunt aspersa. Aristoteles in libro de coloribus, τὸ δὲ μέλαν χρώμα συμβαίνει γινέσθαι, ὅταν ὁ αἰὲρ, καὶ τὸ ὕδωρ ἔσῃ τῆ πρὸς διαφανοῦς, διὸ καὶ πάντα τὰ καρόμυα μελαίνονται, καὶ τὰ πρὸς ξύλα, καὶ αἰθρανοὺς σβεδίνους τῆ πρὸς, καὶ ὁ ἐν τῇ κοράμῃ καπνὸς ἐκκεννομένης τῆ αἰὲρ παρέχοντος αἰ τῇ κοράμῃ ὑγρὸς, καὶ καρόμυον. nigrum autem colorem fieri contingit, cum aer, & aqua ab igne comburuntur, quare & omnia ambusta nigrescunt, ut ligna, & carbones igne extincto, quin & fumus, qui ex late-re prodit, ubi humidum, quod lateri inerat, excernitur, & comburitur. ubi Portius, clarissimus philosophus, quod ad fumum attinet, sic inquit. Quod in lignis declarauit, & carbonibus, idem in terreis usu uenire demonstrat, confirmans id per fumum, quem terrea exhalant, qui iccirco nigricat, quoniam ignis educit humiditatem, eamq; adurit. & paulopost. καπνὸς, quem fumum uocamus, est lignorum, eorum scilicet, quæ ex mixtura humidæ, & terreæ substantiæ constant. λιχνὺς autem est thuris, picis, & odorabilium, quæq; minus habent humiditatis, ac magis terrea sunt. νύκτωρ uero, quem nidorem quidam interpretantur, est olei, eorumq; quæ oleagina sunt, & pingua. sed hæc quarto Meteororum ab Aristotele diffusius discutiuntur. cap. de uisibili. SED EX FVMO DARE LVCEM. ἢ lucem dant ex fu-

IN POETICEN HORATII

mo, qui è tenui, ac mediocri principio altius prouehuntur, & perpetuo quodam tenore semper excreſcunt: non qui poſt illuſtre principium, quaſi quodam repente uento deſtituti flacceſcunt, ut de Galba inquit Cicero in Bruto, & ſuperioribus menſibus Bononiæ, uir nobiliſſimus, Franciſcus Bolognetus, de quodam poeta Ethruſco dicebat, cuius principio nihil eſſe poteſt illuſtrius, reliquo poemate nihil obſcurius. hoc eſt, inquit, fumum ex fulgore, non ex fumo dare lucem. SPECIOSA MIRACULA. per miracula ea monſtra hominum, uel ferarum potius intelligit, quæ ſtatim reſert. ſpecioſa autem, ideſt immania. nam, quæ uaſta ſunt corpora, plus ſpeciei & formæ habent, quàm exigua. Homerus de Tydeo exigui corporis, ἄδδς μὲν ἔλω καὶ ὄς. forma malus erat, ideſt non ſpecioſus, quod alibi de Dolone etiam protulit. uel ſpecioſa, pulchre explicata. ANTIPHATEM. Leſtrygonum regem, qui homines deuorabat. Homerus odyſſ. κ. SCYLLAM. de hac, & Charybdi, odyſſ. μ. CYCLOPE. Polyphemo, odyſſ. θ.

X XI.

Nec reditum Diomedis ab interitu Meleagri,
Nec gemino bellum Troianum orditur ab ouo,
Semper ad euentum feſtinat, & in medias res
Non ſecus, ac notas auditorem rapit, & quæ
Deſperat tractata niteſcere poſſe, relinquit,
Atque ita mentitur, ſic ueris falſa remiſcet,
Primo ne medium, medio ne diſcrepet inum.

Mirabitur fortaſſe aliquis, cur Horatius de principio heroico hic agat, quod non à primis rebus, ſed à medijs, uel poſtremis deducitur, cum de hac ipſa ratione ſuperius contextu ſexto ſatis multa præceperit; & Horatium ſupernacanea uel hoc, uel illo loco ſcripſiſſe affirmabit. quam nos quæſtionem ſic diſſoluimus. in ſexto contextu Horatius de ordine agebat, & quia ad ordinem referuntur principium, medium, ultimum, obiter etiam de principio hoc ipſo heroico, & breuiter uerba fecit, nunc proprie, & uere de principio diſſerit, quare occaſio non fuit dimittenda. quinetiam obiter hic repetit primum huius libri præceptum, cum inquit, primo ne medium, medio ne diſcrepet inum. ſolent enim ueteres, & boni ſcriptores ſæpe ea repetere, quæ alibi explicauerunt. Ariſtoteles in primo libro de Anima de perturbationibus animi, ideſt τῶν πρὸς τῶν, obiter, & breuiter diſputauit, de ijs in libro ſecundo rhetoricorum proprie, & ſuſius diſſeruit: de ſenſibus copioſe dixit libro ſecundo de Anima, de iſdem mox librum conſcripſit, quem etiam inſcripſit τῶν αἰσθητικῶν καὶ αἰσθητικῶν. quid Cicero? quoties eadem repetit, atque inculcat? hoc uero notum eſt lippis, ut aiunt, & tonſoribus. In oratore ad M. Brutum ſic etiam docet. Cum autem, quid, et quo loco dicat, inuenerit, illud eſt longe maximum, uidere, quonam modo. ſcitum eſt enim, quod Carneades noſter dicere ſolebat, Clitomachum eadem dicere, Carneades

dem autem etiam eodem modo eadem dicere. saepe autem usu uenire solet, ut de ijsdem rebus nobis dicendum sit uberius, de quibus alibi pressius diximus, ut Themistius inquit libro quinto physiorum, contextu nono. hæc uero persecuti sumus copiosius, quia multos mirari animaduertimus, quamobrem Horatius bis de principio heroico egerit. **NECREDITVM DIOMEDIS.** Diomedem regno pulsum, & redeuntem uxor Aegiale arcuit. uide Dictem Cretensem. Meleager autem frater Diomedis fuit, qui tantum consumebatur, quantum facem fatalem mater Althæa consumebat. Hyginus, & Ouidius. **GEMINO OVO.** bellum Troianum ob raptam Helenam exarsit, sed Homerus a sacerdote Chryse, cuius filiam Agamemnon ad Troiam captiuam habebat, exorsus est, non ab ortu Helenæ: quæ ex ouo nata perhibetur: Iuppiter enim in Cycnum uersus cum Læda coiuuit: Ouidius. Fecit olorinis Lædam recubare sub alis. Athenæus libro secundo de cœnis sophistarum, de Helena sic ait, ὡς ἐστὶν ὡὸν ἐν γαλυννῶν, quod esset ex ouo genita. quidam aiunt ouum e coelo decidisse, ut ibidem scribit Athenæus. symposiis libro secundo Plutarchus sic habet, τὸ τυνδάρειον ὡὸν οἱ πρῶτοι λέγουσιν οὐ γὰρ οὐ πῆρς ἀλλὰ φῶτα. Tyndareum ouum poetæ aiunt e coelo delapsum apparuisse. Acron ex ouo gemino prognatos ait Castorem, & Pollucem, de Helena non meminit: cui tamen reclamant Athenæus, cuius uerba retulimus. nos ex altero ouo natam Helenam, ex altero Castorem, & Pollucem dicimus. Sebastianus quidem Corradus, uir doctissimus, qui cum Regij de gemino hoc ouo Horatii uerba feceram, ut eius sententiam elicerem, nuper ad me Bononia sic scripsit. **GEMINO.** nam ex altero Pollux, & Helena, ex altero Castor, & Clytemnestra nati dicuntur: quanquam Pausanias in Laconicis, Hyginus, Lucianus, Lycophronis interpretes, et omnes pene scriptores, quos ipsi uidimus, unum ouum fuisse testantur, ex quo nati sunt Castor, Pollux, Helena: ut sequendi uideantur illi, qui gemino interpretantur, utriusque sexus, uel magno, uel in quo essent gemini, uel pari, uel potius duos uitellos habenti: sic enim scribit Aristoteles libro sexto de historia animalium, τὰ δὲ διμῶν τῶν ὡδῶν δύο ἔχει λεγόμενα: & libro primo de generatione animalium, τὰ δὲ διμῶν τῶν ὡδῶν δύο ὡὰ ὄντι: et Plinius libro decimo, cap. quinquagesimo quarto, quædam gallinæ omnia gemina oua pariunt, & geminos interdum excludunt pullos. **AD EVENTVM, ET IN MEDIAS RES.** ad finem, & ad medium se confert, unde initium petit. uide quæ diximus supra contextu VI. ex Plutarcho, et Theone. **AVDITOREM.** cur non lectorem potius? responde, quia etiam Homeri scripta recitabantur, ut tragœdiæ, & comœdiæ. Plato in Ione, ubi Ion ait se ab Epidaurijs uenire, καὶ ἐκ τῶν ἑπιδωρικῶν ἀκούειν τῶν ποιητῶν οἱ ἐπιδωρικοί; num rapsodorum certamen deo Epidaurij instituerunt? rapsodi autem erant ij, qui Homerij, et aliorum epicorum carmina recitabant, ut eodem dialogo Plato testatur. **TRACTATA NITESCERE.** ea prætermittit, quæ polite uerbis explicari non possunt: sunt enim quædam ita horrida, ut splendescere oratione nequeant. quare Timentem poetæ saepe imitantur. de quo Cicero sic in Oratore ad Brutum. si denique pi-

IN POETICEN HORATII

pietor ille uidit, cum in immolanda Iphigenia tristis Calchas esset, mœstior Vlysses, mœreret Menelaus, obuoluendum caput Agamemnonis esse, quoniam summum illum luctum penicillo non posset imitari. uide etiam Quintilianum libro secundo, cap. decimoquarto. translatio est à ferro, quod rubigine infectum, si tractetur, splendet. uel refer hoc ad magnitudinem rei, & historiae: quam uniuersam si uellet poeta complecti, ita excresceret, ut comprehendi animo non posset, & sic tractata non niteretur. Aristoteles in poetice de Homero, qui non totum bellum Troianum, sed eam belli partem tantum, quæ ad iram Achillis attinet, expressit. *λίαν γὰρ αὐτὸ μέγας, καὶ οὐκ ὀπωπὸς ἐμελῶν ἔσθ' ὅσων*. res nimium excreuisset, & comprehensibilis animi oculis non futura erat. ATQUE ITA MENTITVR. mentiri, & fingere poeta debet, ut Homerus fecit, sed tamen in mendacijs constare sibi debet, ut omnia inter se & principium medio, et medium fini respondeant, ne monstrum fiat, de quo initio huius libri legimus: poeta enim non propter metrum, sed propter fabulam, et fictionem poeta est: quare fingere omnino statuatur, sed prudenter. Aristoteles in poetice. *οὐ τὰ μινόμενα λέγειν, ὅσοι ποιητὴς ὄντων ἔστι, ἀλλὰ ὅσα αὐτοὶ λήσονται, καὶ τὰ δυνάμει* τὰ ἔχοντα τὸ εἶναι, ἢ τὸ ἀσχετῶν. non officium poetæ est res ueras, & gestas dicere, sed quæ fierent, & quæ uel secundum uerisimile, uel secundum necessarium fieri possent. illud etiam addit Aristoteles, poetam non futurum, qui nihil fingendo Herodotum metro exprimeret, sed historicum. unde Lucanus, qui historiam de bello civili carmine retulit, poeta non habetur. is apud Martialem de seipso sic loquitur. Sunt quidam, qui me dicunt non esse poetam, sed qui me uendit bibliopola putat.

XXII.

Tu, quid ego, & populus mecum desideret, audi.
Si plausoris eges aulae manentis, & usque
Sessuri, donec cantor uos, plaudite, dicat,
Aetatis cuiusque notandi sunt tibi mores,
Mobilibusq; decor naturis dandus, & annis.

Quia superius ijs uersibus, Intererit multum Diuus ne loquatur, an heros, Maturus ne senex &c. seruandum in aetate eorum, qui inducti loquuntur in scena, decorum praeuenerat, & nullum eius rei praeceptum attulerat, nunc latius hanc rem tractat, diligenterq; ea omnia, quæ cuique aetati conueniunt, expendit. Cicero in oratore suo ad M. Brutum hoc silentio non inuoluit, cum his uerbis utitur. Semperq; in omni parte orationis, ut uitæ, quid deceat est considerandum, quod & in re, de qua agitur, positum est, & in personis & eorum qui dicunt, & eorum qui audiunt. nec uero non attigit etiam Aristoteles libro tertio rhetoricorum. *ἐπεὶ καὶ ὁ ταῦτα εἰ δοῦλος, καὶ μισθῶ, ἢ λίαν νέος, ἀπεπέσσει*, quoniam & hic in soluta oratione si seruus, ornatum orationis prae se ferat, aut ualde iuuenis, erit indecorum.

ET POPVLVS MECVM. pollicetur Horatius se suum & populi iudicium

deprompturum. dicet quispiam, non debuit tantum populo tribuere, ut eum doctissimorum hominum & poetarum elegantissimorum iudicem constituat. nam populum in poematibus diiudicandis delirare Vitruuius est testis locupletissimus, cuius hæc uerba sunt in proæmio libri septimi, ubi mentio est poetarum, qui coram populo recitabant. Aristophanes uero, cum ab eo sententia rogaretur, eum primum pronunciari iussit, qui minime populo placuisset. respondere potes ijs uerbis Ciceronis, quæ sunt in Bruto. plane inquam Attice disputationem hanc de oratore probando aut improbando, multo malim tibi, & Bruto placere; eloquentiam autem meam populo probari uelim. etenim necesse est, qui ita dicat, ut à multitudine probetur, eundem doctis probari. dic nomine populi contineri senatum, equites, plebem, ut auctor est Iustinianus libro primo institutionum ciuiliū, ubi, quid lex sit, docet: quare prudentes etiam, et doctos homines hic intelligi, qui optime possint de poematibus sententiam ferre. **S I P L A V S O R I S E G E S.** plausus loco laudis erat. Suetonius in Galba cap. sexto sic ait. à C. Cæsare ludis substitutus postridie quàm ad legiones uenit, solenni sorte spectaculo, plaudentes inhibuit, data tessera, ut manus penulis continerent. si tibi uis plaudī, inquit hic Horatius, si uis ab hominibus undique applaudentibus tua poemata laudari. **A V L A E A M A N E N T I S.** aulae expectantis, quibus insideret: aulaeis enim utebantur etiam tapetum loco. Horatius in epistola ad Augustum lib. ij. epist.

Quattuor, aut plures aulae premuntur in horas,

Dum fugiunt equitum turmæ, peditumq; cateruæ.

Aulaeis etiam parietes scenæ ornabantur. Virgilius libro tertio georg.

Vel scena ut uersis discedat frontibus, utq;

Purpurea intexti tollant aulae Britanni.

C A N T O R. in tragædijs enim, et comædijs cantores adhibebantur, ut nunc etiam adhibentur. apud Terentium in Andria habes. modos fecit Flaccus Claudi filius, tibijs, paribus, dextris, & sinistris. sed de hoc inferius suo loco plura dicemus. **V O S P L A U D I T E, D I C A T.** peracta comædia, uel tragædia dicebant, plaudite. Quintilianus libro sexto, cap. tertio sic ait. cum uentum est ad ipsum illud, quo ueteres tragædiæ, comædiæq; clauduntur, plaudite. **N O T A N D I.** uariandi, & quasi notis distinguendi, ne, quod est adolescentum, tribuas senibus, &c. tractum ab ijs, qui sunt ab epistolis principum, qui, ne res intelligantur, si literæ interceptantur, notis scribunt, et uariis notis uarias res significant. Suetonius in Tito Vespasiano cap. tertio. è pluribus comperi, notis quoque excipere uelocissime solitum, cum amanuensibus suis per iocum, ludumq; certantem imitari chirographa, quæcunque uidisset, ac profiteri sæpe, se maximum falsarium esse potuisse. **D E C O R D A N D V S.** decorum habendum. decor hic proprietatem indicat. **M O B I L I B V S.** naturas, & annos mobiles esse dixit, quia uolant anni, & naturæ, uel ingenia mutantur: quæ enim pueris placent, robustioribus displicent, &c. facies etiam fugientibus annis alia, atque alia fit, ut mobilis iure dici possit. Horatius in odis libro quarto.

IN POETICEN HORATII

Nunc & qui color est, puniceæ flore prior rosæ,
Mutatus Ligurinum in faciem uerterit hispidam.

Alphenus iurisperitus libro quinto Digestorum, titulo de iudiciis, lege septuagesima-
sexta sic inquit. quod si quis putaret partibus commutatis aliam rem fieri, fore, ut
ex eius ratione, nos ipsi, non iidem essemus, qui abhinc anno fuisset, propterea
quod, ut philosophi dicerent, ex quibus particulis minimis consisteremus, eæ quotidie
ex nostro corpore decederent, aliæq; extrinsecus in earum locum accederent.

XXIII.

Reddere qui uoces iam scit puer, & pede certo
Signat humum, gestit paribus colludere, & iram
Colligit, ac ponit temere, & mutatur in horas.

Incipit à puero ordinem naturæ secutus. quatuor autem ponit ætates, pueritiam,
adoleſcentiam, uirilitatem, ſenectutem. Sic etiam Hippocrates libro primo aphorismo-
rum, ſeſtione decimaterſia his uerbis, Senes facillime ieiunium ferunt, mox qui æta-
te ſunt conſtituta, minus adoleſcentes, omnium minimum pueri, præſertim qui acio-
ri ſunt ingenio. Gellius uero libro nono cap. uigeſimo octauo ſic ait. Tubero in hiſto-
riarum primo ſcripſit ſeruium Tullium regem populi Romani, cum illas quinque
clafſes, iuniorum cenſus faciendi gratia, inſtitueret, pueros eſſe exiſtimafſe, qui mino-
res eſſent annis decem, & ſeptem, eoſq; ad annum ſextum, & quadrageſimum
iuniores, ſupraq; eum annum ſeniores appellafſe. Tullius igitur, ut patet ex Gellio,
treſ tantum poſuit ætates. ſeruius libro quinto in illo uerſu, Euryalus forma inſi-
gnis, uiridiq; iuuenta, ſic ait, Aetates omnes Varro ſic diuidit, infantiam, pue-
ritiam, adoleſcentiam, iuuentam, ſenectam. Horatius Hippocratem ſecutus eſt.

REDDERE VOCES. non loqui ſimpliciter, ut putat Acron, ſed reſpondere: quod
clarius indicium eſt, puerum linguam communem noſſe. poterit enim quiſpiam cer-
tas uoces memoriæ mandare, & eas emittere expectata occasione, ſed reſpondere ex
tempore, id demum eſt eius, qui linguam calleat. unde Cicero in diuinatione de Cæ-
cilio homine indocto, qui temere profitebatur, ſe ad accuſandum Verrem idoneum eſſe
ſe, ſic inquit. ſi enim mihi hodie reſpondere ad hæc, quæ dico, potueris; ſi ab iſto libro,
quem tibi magiſter ludi neſcio quis ex alienis orationibus compoſitum dedit, uerbo uno
diſceſſeris: poſſe te & illi quoque iudicio non deeſſe, & cauſæ, atque officio tuo ſa-
tisfacere arbitror. Ariſtoteles libro primo phyſicorum, ubi docet uniuersalia nobis,
quàm ſingularia, magis eſſe perſpicua, de infantibus, qui ſari, & reſpondere uoces ne-
ſciunt, ſic ait, καὶ τὰ νεοττοῖα δὲ τὸ μὲν πρῶτον πάντας τοὺς αἰσθητοὺς πατρῶας περ-
σά γοῦν δὲ, καὶ μητρῶας τοὺς γυναικας, ὑσθρον δὲ διορίξει τούτων ἐν ἑαυτοῖς.
infantes primum quidem omnes homines patres appellant, & omnes fœminas ma-
tres, deinde uero unumquemque horum diſtinguunt. PEDE CERTO. ſignum
eſt iam eius, qui ſe aliquantum ætate corroborauit, pede certo, ideſt confirmato ita

incedere, ut signet humum, uestigium imprimens. Virgilius hoc signum à pede in uitulo robusto expressit. iam cornu petat, & pedibus qui spargat harenam. PARIBVS COLLVDERE. nam omnes sibi simile appetunt, et amicitia à similitudine oritur, ut demonstrauit Aristoteles libro octauo de moribus ad Nicomachum. idem libro secundo magnorum Ethicorum, interrogatum Empedoclem, cur canis in Ceramide dormiret, respondisse scribit, ὅτι ἔχει τὴν καὶ ἀμείδι ὁμοίον ἢ κύνων, quod simile quiddam cum Ceramide canis habet. de quo loco Aristotelis quid nos sentiamus, in Parergis habes libro tertio cap. decimo à nobis declaratum. IRAM COLLIGIT, AC PONIT TEMERE. irascitur repente, & collectam iram temere, idest facile deponit. unde Aristoteles libro secundo rhetoricorum, de pueris loquens, καὶ θυμικοὶ, inquit, καὶ ὀξύθυμοι iracundi sunt, & acutam quidem iram habent. cur uero cito placentur, causam reddit, ὀξύθυμοι γὰρ αἱ ἐὺλαΐσεις, καὶ οὐ μέγα λαι, ὥς περ αἱ τῶν καμνόντων δίψαι, καὶ πείναι. celeres enim eorum cupiditates sunt, non uehementes, ut egrotantium fames, & sitis. MUTATVR IN HORAS. Aristoteles libro secundo rhetoricorum, οὐ μετὰ βολοὶ δὲ, καὶ ἀσπίκροι περὶ τοῖς ἐπιθυμίας. mutabiles sunt, & cito cupiditatibus satiantur. quod Ptolomæi exemplo notum est, qui Pompeij studiosus cum esset, repente Cæsaris partes tue ri cœpit. cui caput etiam obtruncati Pompeij misit. Plutarchus, Petrarcha, & alii. hanc mutationem tanquam prodigium, & portentum cauere debent adolescentes: nam apud omnes male audiunt. Cæsar, inquit Plutarchus, afferentem Pompeii caput, ut scelus execratus: gemmam uero Pompeii cum suscepisset, illachrymauit. eius gemmæ signum erat ensifer leo. & si, ut fortunæ seruiret, Ptolomæus hoc effecit.

XXIII.

Imberbis iuuenis, tandem custode remoto,
Gaudet equis, canibusq; & aprici gramine campi,
Cæreus in uicium flecti, monitoribus asper,
Utilium tardis prouisor, prodigus æris,
Sublimis, cupidusq; & amata relinquere pernix.

IMBERBIS: impubes. Paulus iuriconsultus libro uigesimo septimo digestorum, lege quarta: si adhuc impubes tutela agat, nihil consumitur. uide titulum de tutelæ rationibus detrahendis, & utili curationis causa actione. CUSTODE REMOTO. adolescentum mores nunc aggreditur, quibus custodem, idest pædagogum dare necesse non est. erant serui pædagogi, qui puerum ad magistrum ducebant, eiq; custodes præerant, ut Darius Pamphilo. Fabius Annibalis pædagogus dictus est, quod illum per montes sequens, eius incendia, & populationes arcebat. Plutarchus in uita Fabii. Suetonius uero in uita Claudii sic ait: diu etiam, atque post tutelam receptam, alieni arbitrii, & sub pædagogo fuit, quem barbarum, & olim super instrumentarium ex industria sibi appositum, se quibuscunque de causis quamseuissime

IN POETICEN HORATII

coerceret, ipse quoque libello conqueritur. GAUDET EQVIS, CANIBVS= QVE. uenatione. sic in Andria, aut equos alere, aut canes ad uenandum. studium uenationis in adolescentibus laudat Athenæus libro primo, quod bellicam quandam speciem præ se fert. ὡς δὲ κωνχεσίᾳ δὲ ὑβρίζουσιν οἱ νέοι περὶ σμῆλ' ἐπὶ τῷ πολεμικῶν κινδύνῳ. APRICI GRAMINE CAMPI. campum Martium intellige, in quo se adolescentes uarie exercebant. in odis libro primo,

= Cur apricum

Oderit campum patiens pulueris, atque Solis?

Vide Ciceronem in oratione pro Cælio, & Vegetium. apricum dixit, sub Sole iacentem, non opacum. Virgilius in georg.

= Apricos

Bacchus amat colles.

CAEREVS IN VITIVM FLECTI. ut cæra in deteriolem partem, & in uitia à uirtute detorquetur. nihil cæra lentius, & flexibilis est, nihil ad omnia mutabilis, ut Horatius hic similitudine eius rectissime usus uideri possit. Simplicius, doctissimus interpres Aristotelis, libro primo physicorum, sectione decimaquinta sic ait. Item alia diuisione unum dicitur potestate, aliud uero actu, & hæc adeo mutuo se habent in generatione, ut, quod unum actu est, plura sit potestate, et contra, unum potentia multa sit actu, ut apparet in cæra, quæ cum continua sit, & una actu, multa est potentia, quod diuidi in multa potest, & quæ sequuntur. apud Sophoclem in Philoetete Neoptolemus in uitium cæreus est, qui cum dolis Philoetetem circumuenire nollet, licet ei plurimum instaret Ulysses, mox repente sententiam mutat, & Philoetetem circumscribit. licet autem cærei in uitium sint adolescentes, prauitamen ipsi non sunt: nam si peccant, improbis consilijs deprauati peccant, non suo pte ingenio. Plato lib. III. de rep. de his. ἅ τε οὐκ ἔχοντες οἱ ἑαυτῶν πρῶτα δειγμάτων ὁμοιοπαθεῖν τοῖς πειρητοῖς. exempla non habent in se ipsis earum perturbationum, quæ improbi. MONITORIBVS ASPER. inimicus atque insensus ijs, qui eum peramanter, & perofficiose monent, ut patres ipsi aliquando cogantur filios huiusmodi odisse, ut de Hortensio ab alijs dissentiens, uir eruditissimus, Paulus Manutius in epistolis ad Atticum annotauit. Socrates in Theæteto Platonis Theætetum adolescentem alloquens sic ait, ὥς τε ἀπὸ χυλῶς δάκνεν ἑτοίμοι εἶναι, ἐπειδὴν τινὰ λήρον αὐτῷ ἀφαιρᾶμεν. ut temere mordere prompti sint, cum ineptias ijs aliquas demo. UTILIVM TARDVS PROVISOR, PRODIGVS AERIS. Aristoteles libro secundo rhetoricorum cum adolescentes ambitiosos, et contentione gaudentes uocasset, hoc addidit, ὧς οὐκ ἔστιν ἡμῶν, minime cupidi pecuniarum. sunt enim, inquit Aristoteles, οὐκ ἐλπιδὸς bene sperantes. quare Alexander iuuenis cum primum Persarum oram conspexit, quæcunque habebat amicis donauit, cuidam quærenti quid sibi seruasset, respondit ἐλπίδα, idest spem. Plutarchus in uita. AERIS. pecuniæ: æs enim impendebant. in usu fuit sero argentum, et aurum. uide Plinium libro trigesimoquarto, capite primo, & secundo.

et secundo. Virgilius. Non unquam grauis ære domum mihi dextra redibat.
SVBLIMIS, CVPIDVSQVE. superbus, et cupidus. uel sublimium res
rum cupidus. ut illud Virgilij in georgicis.

Nec mihi displiceat maculis insignis, et albo. Idest maculis albis. hoc
autem adolescentibus usu uenit, quia, ut ait Aristoteles libro secundo rhetoricorum, uo-
lunt alijs antecellere: ita sunt animi sublimis, et elati. ὑψηλὸς ὡς ἐν πύρρῳ
υἱός τις. Iuuentus enim adamat excellentiam. AMATA RELINQVERE
PERNIX. ad ea relinquenda, et despicienda, quorum mirifico desiderio flagrat,
celer, et propensus est. Plato in epistola ad Dionis propinquos de Dionysio adolescente,
αἱ ὧς ἐν πύρρῳ υἱός τις τοῦ τὰ χεῖρα. horum enim cupiditates citæ sunt. PERNIX.
uelox. Virgilius de fama.

Pedibus celerem, et pernicibus alis. Non relinquere iuuenes amata
tantum ait Horatius, sed addit esse pernices, idest inconsideratos. nam amata relin-
quere aliquando prudentis est, sed tamen ante, quam relinquis. uerte te in gyrum ra-
tionis, ut loquitur Cicero libro primo de officiis. πολλὴ ἐμπειρὴ χρόνον, inquit Plato
in Philebo. multum temporis in cogitationem adhibens.

XXV.

Conuersis studiis ætas, animusq; uirilis
Quærit opes, & amicitias, inseruit honori,
Commisisse cauet, quæ mox mutare laboret.

Nunc uero de ætate uirili mentio est, quæ studia, et cupiditates suas à curis adoles-
centum ad res grauiiores conuertit. CONVERSIS STVDIIS. contrarijs.
adolescentes prodigi æris sunt. hæc quærit opes, etc. QVÆRIT OPES, ET
AMICIT. INSERVIT HONORI. quia non utilitatem tantum, sed etiam
dignitatem sectatur. Aristoteles libro secundo rhetoricorum de uiris. καὶ οὐτὲ περὶ τὸ
καλὸν ζῶντες μένουν, οὐτὲ περὶ τὸ συμφέρον, ἀλλὰ περὶ ἅμφο. nec ad honestum
duntaxat in uita spectantes, nec ad utile, sed ad utrumque. hanc mediam ætatem Ari-
stoteles designat et corporis, et animi uigore. uigorem corporis ab annis triginta ad
quinque, et triginta perducit, animi ad nouem, et quadraginta. COMMI-
SISSE CAUET. cauet committere, et efficere, quæ mox laboret, et conetur
immutare, quia illam poenituerit. nam, ut summus imperator Scipio apud Cicero-
nem libro primo de officiis dicebat, turpe est dicere, non putaram. Caius iurisconsul-
tus recte admonet libro undecimo Digestorum, titulo de interrogationibus, lege quina-
ta his uerbis: qui interrogatur an hæ res, uel quota ex parte sit, uel an in potestate
habeat eum, cuius nomine noxali iudicio agitur, ad deliberandum tempus impetrare
debet, quia, si perperam confessus fuerit, incommode afficietur. Electra in Oreste Euripidis
sic Helenam alloquitur, ὅτ' ἐπεὶ φρονέεις οὐ, τότ' ἐλπίπος αἰχρῶς δέμω, nunc
scro recte sentis, quæ tunc domos turpiter reliquisti. Megabazus Darium monuit, ut

K

IN POETICEN HORATII

ait Herodotus in Terypcore, ne sineret in Thracia Istieum urbem muniri, ὥς οὖν προ-
εἶων τὸ μέλλον γινέσθαι, ut recte prospiciens, quod futurum erat.

XXVI.

Multa senem circumueniunt incommoda, uel quòd
Quærit, & inuentis miser abstinet, ac timet uti,
Vel quòd res omnes timide, gelideq; ministrat,
Dilator, spe longus, iners, auidusq; futuri,
Difficilis, querulus, laudator temporis acti
Se puero, censor, castigatôr; minorum.

Sene et utis incommoda, & miseras deplorat Horatius, et, quid afferat secum mali
prouectior ætas, docet. **MULTA SENEM.** multa incommoda senem circum-
ueniunt, quasi hostem. uerbum enim circumuenire militare est. unde est illud de sene-
ctute, & uelut agmine factò Morborum trahit omne genus. incommoda autem se-
nectutis ea sunt, quæ statim subiiciuntur, ea præterea, quæ referuntur à Xenophonte
in apologia Socratis, ubi Socrates pridie quàm moreretur, multa disputans præclare in-
ducitur. is igitur letus, quòd ad senectutem malis omnibus septam, et circumuentam
non peruenisset, ea mala recenset. καὶ ὁρᾷ τὰ χεῖρον, καὶ ἀνίστην ἥσσαν, καὶ δυσμα-
δίσιον εἶναι, καὶ ὡς ἐμαθόν, ἐπιστοιμένους, et quæ sequuntur. et uidere deterius,
& audire minus, & esse indocilem, & tardiores, & eorum, quæ didici, obliuio-
rem. Hippocrates lib. II. aphorismorum, sectione LIII. magnitudo, inquit, corporis
iuuentæ quidem neque indecens, neque illiberalis, senectæ uero inutilis, & deterior
paruitate. ubi Galenus sic. in sola ergo longitudine, quòd sit iuuentæ liberalis, sene-
ctæ uero inutilis, uere diceretur. ex hac enim senescentes gibbi fiunt, & uix possunt
onus perferre, quod Hippocrates inutile dixit. **INVENTIS MISER AB-**
STINET. comparat sibi opes, & copias, mox partis abstinet, uere miser, atque
infelix. Aristoteles causam reddit libro secundo rhetoricorum, ἅμα δὲ καὶ δὴ τὸ ἐμα-
θὲν ἴσασιν, ὥς χαλεπὸν τὸ κτερίζεσθαι, καὶ ῥαδίον τὸ ἀπὸ βλάβης. simul propter
experientiam sciunt, ut parare opes difficile est, abicere uero, ac dissipare, facile. parcit
etiam arcæ senex, quia auarus nunquam expleri potest, ut in satyris passim Horatius do-
cet, apud Stobæum Eusebius dicebat, auaritia ad cumulandas opes nullum sibi uentum
sufficientem reperit. **TIMIDE GELIDEQVE.** timiditas frigus consequitur.
nam quæ inepte fiunt, frigide fieri dicuntur. Terentius, nimirum hi frigent homines,
& sine Cerere, & Baccho friget Venus. quæ ratio loquendi ab eo manasse uideri potest,
quod frigus cibum corrumpit, calor alit, τὸ γὰρ θερμὸν αὐξάνει, καὶ διμouερεὶ τὸ
ψυχρὸν, ut ait Aristoteles in libro de sensu & sensibili, cibum calor auget, & effingit. ubi
Alexander Aphrodisiensis, cibus si concoctus, confectusq; fuerit, addet quippiam, quo cre-
scunt animalia, at si grauis, & minime concoctus, minuet, nec alet. Demetrius Phale-
reus, quæ in oratione minus apte dicuntur, ψυχρὰ uocat, id est frigida, quod facit etiam

Aristoteles libro tertio rhetoricorum. **DILATOR.** rem semper procrastinans, ac differens. Ennius de Q. Fabio Maximo. Vnus homo nobis cunctando restituit rem. at Minutius iuuenili furore rem confici cum Annibale volebat. Liuius libro duodecimo, Plutarchus in Fabio. **SPE LONGVS.** non diu sperans, nam hoc iuuenum est, sed tardus ad sperandum. Acron spem inquit longiorem habet uiuendi. Aristoteles, ut supra annotauimus, iuuenes dixit esse *ὁ ἐλπιδὴς*, idest bene omnia sperantes. hic interpretabimur, spe longus, idest tardus ad sperandum, uel eam spem, qua semel teneri senex coepit, diutius retinens, nec facile, et temere dimittens. ægre enim senes ad sperandum inducuntur, sed ubi sperare coeperint, non facile spem ponunt. Aristoteles quidem libro secundo rhetoricorum de senibus ægre sperantibus, καὶ ἀμωσὲς καὶ τὸν πᾶν πῆσι διασπᾶν ἀεὶ τὸ ἰσως. & dubitantes illud forsan semper addunt. Si Horatius, ut putat Acron, spem diutius uiuendi innueret, clarius hoc indicasset: neque enim me latet illud Ciceronis in Catone, nemo est tam senex, qui se annum non speret posse uiuere. **AVIDVS FVT VRI.** scire cupiens, quæ futura sunt. unde Ianum ueteres tricipitem finxerunt, quia præterita, præsentia, & futura considerabat, & erat uir circumspæctus, ut ingeniose Alciatus in suis emblematis scripsit. Ioui etiam tres oculi dabantur, ut Pausanias in Archadice obseruauit. **DIFFICILIS, QVERVLVS.** morosus, & semper dolens. Aristoteles, καὶ ἀλαίλοι μάλλον, ἢ δέ. & supra modum queruli. **LAVDATOR TEMPORIS ACTI SE PVERO.** laudans ea tempora, quibus puer nixit, non quibus senex, nam præsentia tempora corrupta esse dicit. Cicero etiam sæpe sic exclamat, ut pro Deiotaro. ò tempora, ò mores. talis Nestor est apud Homerum. causam reddit Cicero in Catone, quod memoria senes potius, quàm spe sustentantur. **CENSOR.** semper censet, & castigat iuniorum mores. censor autem, idest quasi censor: scimus enim censores fuisse terribiles, & difficiles. ut pro Cluentio Cicero copiose docuit. C. Fabritius censor senatu mouit P. Cornelium Ruffinum, quod in conuiuio habuisset decem libras argenti. Fenestella libro secundo. multa præclare de censorum seueritate Plutarchus in uita Catonis censorij explicuit.

XXVII.

Multa ferunt anni uenientes commoda secum,
 Multa recedentes adimunt, ne forte feniles
 Mandentur iuueni partes, pueroq; uiriles,
 Semper in adiunctis, æuoq; morabimur aptis.

ANNI VENIENTES. annos uenientes uocat eos, quibus corroboramur, & confirmamur: recedentes, quibus in ætatem ingrauescentem uergimus. ἀμὴν dicitur ætas robustior, postquam debilitamur, quod frugibus etiam tribuit Thucydides libro tertio, ἀμὲν τῷ σίτῳ ἀμώζοντι ἐστὶ τὸ δὲ (ὅτι ἐς τὴν ἀπὸ τῆς) de Peloponnesiis loquens, qui atticum agrum inuaserunt. qui sint anni uenientes, & recedentes, supra docuimus ex Aristotele, in illum uersum, Conuersis studiis ætas, animusq; uirilis. NE

IN POETICEN HORATII

FORTE SENILES. uide, inquit Horatius, ne hæc, quæ dixi esse in senibus, et adolescentibus tribuas, ne ue pueris, quæ sunt uirorum. Hic dicit quispiam: si recte hoc ab Horatio præcipitur, sine dubio Sophocles in Philoetete hallucinatus est, qui Neoptolemo adolescenti partes seniles, et uiriles tribuit, abhorrentem illum ab omni scelere effingens, cui nihil sit honesto antiquius, nihil æquitate illustrius. nam Vlyssi callide hortanti, ut mendacio Philoetetem falleret, ut ab insula Lemno ad Troiam auehi posset, sic respondit, ἔγωγε οὐδὲν ἐν τέχνῃς περὶ δόσαν κακῆς. insitum mihi à natura est, ut nihil dolo malo agere uelim. responde, aliud esse bonum adolescentem effingere, aliud in adolescente partes seniles, et uiriles exprimere: licet enim adolescentes prudentes facere, modo ea, quæ in ijs elucet prudentia, non sit supra captum ætatis. unde Aristoteles libro septimo de moribus ad Nicomachum, Neoptolemum hunc Sophoclis uehementer laudat, ἐπεὶ τὸς γὰρ οὐκ ἐμυλῶν οἷς ἐπεὶ δὴ ἔπειθ' ὁδοσέως, ἀλλὰ τὸ λυπεῖ δουρὶ δουρὶ μὲν. amplissimis uerbis laudandus est, quod non potuerit ab Vlysse persuaderi, quia mentiri doleret. **IN ADIVNCTIS.** in iis moribus, qui unicuique ætati sunt adiuncti, quos ipse Horatius hic, et Aristoteles in rhetoricis explicauerunt. **ÆVO APTIS.** in rebus morabimur, et insistemus, quæ ætati conueniant. æuum hic Horatius pro ætate usurpauit. licet æuum ad res sempiternas referatur, non ad mortales: ut ait Aristoteles libro primo de cælo. καὶ τὸν αἰὲν δὲ λόγον, καὶ τὸ τῆς παντὸς οὐρανοῦ τέλος, καὶ τὸ τὸν πάντα ἄπειρον χρόνον, καὶ τὴν ἄπειραν ποταμὸν χρόνον τέλος αἰὼν ὄντιν, ὅτι τῆς αἰεὶ εἶναι εἰληφῶς τὴν ἐπὶ πᾶσι μέαν, ἀθάνατος, καὶ θεός. hac ipsa ratione et uniuersi cœli finis, et infinitum tempus, et ipsam infinitam uniuersitatem comprehendens finis æuum est, inde nomen sumens, quod semper sit immortale et diuinum. Virgilius proprie dixit libro decimo Aeneid. ubi de nymphis maris. Et dedit esse deas, æuumq; agitare sub undis.

XXVIII.

Aut agitur res in scenis, aut acta refertur.
 Segnius irritant animos demissa per aurem,
 Quàm quæ sunt oculis subiecta fidelibus, & quæ
 Ipse sibi tradit spectator. non tamen intus
 Digna geri promes in scenam, multaq; tolles
 Ex oculis, quæ mox narræt facundia præsens,
 Nec pueros coram populo Medea trucidet,
 Aut humana palam coquat exta nefarius Atreus,
 Aut in auem Progne uertatur, Cadmus in anguem.
 Quodcunque ostendis mihi sic, incredulus odi.

Non sunt omnia in scenis tragicis, et aliis representanda, atque oculis subiicienda: multa sunt narranda tantum, quæ scilicet incredibilia iudicabuntur, si quis ea representarit. Medea igitur trucidasse filios dicitur. in scena nemo simulet Medæ personæ

nam sustinens se eos necare, quia perspicuum erit mendacium, &c. hoc seruat Euripides in sua Medea. Sophocles in Aiace non inducit Aiace se palam necantem, sed dissipatum rumore ait de nece eius uoluntaria. idem Clytemnestram in Electra clamare facit, cum eam Orestes uulneribus conficit, ut longissime exaudiatur. ubi interpret sic rem perpendit, ἔσθ' οἱ ἐχθροὶ τὰ γέγονότα ὡδὸν ἀπαρτίζοντες ἔξω οἱ ἄγγελοι, in more positum est, ut intus gesta nuncii foras nuncient. quod hic non fecisse Sophoclem ait, quia ἐν ἀρχαῖς τὸ πρῶτον γίγνεται, ἢ δὲ ἀπὸ τοῦ σημειώμενον. clarius res explicatur, quàm si à nuncio referatur. Aristoteles in sua poetice præceptum hoc non prætermisit, ὅτι μὲν οὖν εὐφροδὸν, καὶ ἐλπίδων ἐκ τῆς ὀψέως γίνεσθαι, ἔστι δὲ καὶ ἢ ἀπὸ τῆς συστάσεως τῶν πραγμάτων, ὅπως ὅτι πρὸ τῶν, καὶ ποιητὴς ἀμείνων. terribile uero illud, & miserabile cum ab apparatu scenæ proficiscitur, tum à rerum compositione, quod est multo præstantius, & peritioris poetæ. ACTA REPERTVR. dicitur à nunciis esse intus acta, ut obseruauimus ex interprete Sophoclis. SEGNIVS IRRITANT. demissa per aurem, idest audita, quia anima sentit per quinque sensus tanquam fenestras, ut docuit Cicero libro primo quaestionum Tusculanarum. Segnius irritant, minus mouent, quàm quæ ipsis oculis inuidentur. Cicero in epistola ad Curium libro septimo familiarium. quanquam hæc etiam auditu acerbata sunt, tamen audire tolerabilius est, quàm uidere. Aristoteles in libro de sensu, & sensili. πρὸς μὲν τὰ ἀόρατα κρείσσων ὁ ὤψις, πρὸς δὲ νοῦν καὶ τὰ συμβεβηκὸς ἢ ἀκούσι. ad ea, quæ necessaria sunt, uisus præstat, ad mentem uero, idest ad disciplinas, & animi ornamenta comparanda auditus præstantior per accidens est: καὶ τὰ συμβεβηκὸς δὲ, ἢ ὁνομάτων καὶ σύνθεσι, per accidens autem, quia ex nominibus constat, & ex oratione pendet. OCVLIS SVBIECTA FIDELIBVS. idest, quæ uidentur, oculi tamen & ipsi, si res interuallo remota sit, falluntur, ut docet etiam Aristoteles libro tertio de cælo, exemplo stellarum, quæ scintillare uidentur, & non scintillant: quare oculo non animam similem facit libro secundo de anima, sed corpus; animam uidendi uirtuti, quæ oculo inest. SPECTATOR. spectator ipse sibi tradit, quæ ipse uidet. nam quæ audit, ei ab alio traduntur. est autem spectator, qui iudicat uim poetarum, & oratorum, ut laudet tantum, uel uituperet: qui sedet de futuris iudex, senator est; qui de præteritis, proprie iudex dicitur. nam Quintilianus libro tertio sic inquit: qui uero defendunt, tria faciunt genera auditorum, unum quod ad delectationem conueniat, alterum quod consilium accipiat, tertium quod de causis iudicet. quæ sumpta sunt ex libro primo rhetor. Aristotelis, ubi inter alia, hæc uerba leguntur, ὁ δὲ πρὸς τῆς διωάμεως ὁ θεωρὸς, qui de ui tantum oratorum iudicat, spectator est. INTVS DIGNA GERI. γερονότα ὡδὸν. intus facta etiam Sophoclis interpret dicit. intus autem fiunt, quæ in conspectu hominum non aguntur, sed intus esse acta dicuntur. PROMES IN SCENAM. εἰς ὀψιν, ut ait Aristoteles, in conspectum. FACVNDIA PRÆSENS. absit, inquit, res ipsa ex oculis: adsit, qui recitet: Interpret So

IN POETICEN HORATII

phoclis in suis scholiis, τὸ μὲν φορτικὸν τῆς ὁμῆως ἀπίστη, & δὲ εὐαργίς οὐδὲν ἦσαν καὶ διὰ τῆς βοῆς ἐπεγαμυτὸν ὄν, idest molestia uisus abfuit, cum Clytemnestra ab Oreste trucidaretur: rei autem claritas nihilominus per uocem confecta est. hæc in scholiis Electra. MEDEA. errauit igitur Seneca, apud quem Medea filios spectantibus omnibus trucidat: filios autem, quos illa ex Iasone progenuerat, à quo despecta, ut iniuriam illam ulcisceretur, filios crudeliter necauit. ATREVS. supra. ibi coena Thyestæ. IN AUEM PROGNE. quæ Ityn filium Tereo marito comedendum apposuit, quod ille Philomelam sororem uitiat. Ouidius. libro quarto georg. virgilius sic. Et manibus Progne pectus signata cruentis. Thucydides libro secundo retulit in historia hanc fabulam. καὶ εἰς ὅσον εἰς τὸν αἶ γυναικὲς ἐν τῇ γῇ ταύτῃ ἐπεξῶν. πολλοῖς δὲ καὶ τῶ ποιητῆς εἰ ἀνδρὸς μνήμῃ δαυλίας ἡ ὄρεως ἐπὶ νόμῳ. & facinus in Ityn mulieres in hac terra commiserunt: à multis autem poetis, ubi de Luscinia mentio est, Daulias auis nominata est. Progne igitur insequente Tereo in auem Dauliam, idest in hirundinem, ut alii in Lusciniam uersa est. Sophocles tragædiam Tercum, ut est author Aristoteles in poetice, scripsit, sed non palam in scena Prognetem in auem uertit. ut faciendum hic Horatius docet. CADMVS IN ANGVEM. post conditas Thebas, laceratum à canibus nepotem Aetæonem, aliasq; calamitates exceptas, Cadmus cum uxore in serpentem mutatus abiit. ut Ouidius in libris τῶ μεταμωφῶων narrat. & ego apud illustrissimum Aloysium Cornelium Cardinalem in aulais pulcherrime rem totam expressam uidi, in uilla Polysolo, quæ est in agro Patauino, ubi multos menses cum doctiss. & nobiliss. Federico Cornelio Cardinalis fratre, quem honoris causa nomino, in studiis consumpsi. INCREDVLVS ODI. non solum credo, sed etiam odio habeo, quæ mihi audes oculis subiicere, cum falsa prorsus, & ficta sint, quia me credulum, ac stolidum censes. quibus uitii qui laborant homines, passim irridentur, ac decipiuntur. Aristoteles libro secundo rhetoricorum, καὶ οὐ μὴ ὁ λοβεῖς μὴ δὲ φυλακτικὸς, ἀλλὰ πισδτικὸς, ἐὰν δὲ πᾶντας λαθεῖν. & non cautos, nec res suas diligenter custodientes: hos enim omnes facile est decipere, & circumscribere. Suetonius in Claudio cap. trigesimo septimo de eius credulitate sic. Vnus ex litigatoribus seducto in salutatione affirmauit, se uidisse per quietem occidi eum à quodam, deinde paulo post, quasi percussorem agnosceret, libellum tradentem aduersarium suum demonstrauit, confestimq; is pro deprehenso ad prænam raptus est. &c. quia igitur turpe est credulitate peccare, odimus eos, qui perspicuis nos mendaciis aggrediuntur, & quasi stolidos circumuenire conantur. hucigitur spectant uerba illa, incredulus odi.

XXIX.

Neue minor quinto, neu fit productior arctu
Fabula, quæ posci uult, & spectata reponi.

Agitur hic de quantitate fabulæ, quæ nec pauciores, nec plures quàm quinque

actus debet habere. Aristoteles in poetice iustam magnitudinem fabulae inesse debere exemplo, & similitudine animalis probat. nam si sit animal $\pi\alpha\mu\mu\kappa\rho\nu$, idest ualde exiguum, pulchrum non uidebitur, quia rem minimam, minimo temporis spatio percipere, & perpendere non possumus. quod si animal sit $\pi\alpha\mu\mu\epsilon\chi\alpha\iota\varsigma$, idest admodum grande, & uastum, contemplatio distrahetur, & res ipsa comprehendi animo non poterit. tum sic concludit. $\omega\varsigma\tau\epsilon\ \delta\epsilon\iota\ \kappa\alpha\iota\ \delta\alpha\iota\mu\omicron\delta\epsilon\ \tau\eta\varsigma\ \sigma\omega\mu\alpha\tau\omega\upsilon$, καὶ $\tau\eta\varsigma\ \zeta\omega\omega\upsilon$ $\epsilon\chi\epsilon\iota\ \mu\epsilon\lambda\acute{\iota}\mu\epsilon\chi\epsilon\iota\varsigma$, $\tau\epsilon\tau\alpha\rho\ \delta\epsilon\ \delta\upsilon\sigma\omega\iota\omega\ \pi\acute{\omicron}\nu\ \epsilon\iota\acute{\nu}\alpha\iota$, οὐτῶ καὶ $\tau\eta\varsigma\ \mu\upsilon\delta\omega\upsilon$ $\epsilon\chi\epsilon\iota\ \mu\epsilon\lambda\acute{\iota}\mu\eta\kappa\omicron\varsigma$, $\tau\epsilon\tau\alpha\rho\ \delta\epsilon\ \delta\upsilon\mu\eta\mu\epsilon\gamma\alpha\lambda\acute{\omicron}\nu\ \epsilon\iota\acute{\nu}\alpha\iota$ $\tau\eta\varsigma\ \mu\eta\kappa\iota\omega$. quare, ut in corporibus, & animalibus magnitudinem esse oportet, quæ tamen oculis comprehendi possit, sic & in fabulis longitudinem, quæ memoria teneri queat. **PRODVCTIOR.** longior, tragædias unius diei circuitu solitas recitari, epopœias uero multo maiore temporis intervallo refert in poetice Aristoteles. nam de tragœdia loquens sic ait. $\pi\epsilon\rho\iota\delta\omicron\upsilon\ \eta\lambda\iota\omicron\upsilon\ \epsilon\iota\acute{\nu}\alpha\iota$, ἢ $\mu\eta\kappa\rho\tau\acute{\omicron}\nu\ \eta\zeta\alpha\lambda\lambda\acute{\alpha}\tau\tau\epsilon\upsilon$, tragœdiæ intra unius solis, uel paulo plus minus uel, periodum actio est. quibus uerbis diem artificialem intelligi ab Aristotele, doctissime ibi Robortellus demonstrat. **QV AE POSCI VVLT, ET SPECTATA REPONI.** quæ uult posci a populo Romano, & non reponi, idest deponi, nisi spectata: populus enim aliquando reponebat non spectatas, quas non probabat. Horatius libro secundo in epistola ad Augustum:

Si discordet eques, media inter carmina poscunt,
Aut Vrsus, aut pugiles, his nam plebecula gaudet,
Verum equitis quoque iam migravit ab aure uoluptas
Omnis ad incertos oculos, & gaudia uana.

Vel spectata reponebatur fabula in bibliothecis publicis, ut optima, & digna, quæ in manibus omnium uersaretur. Horatius libro primo in epistola ad Iulium Florum.

Quid mihi Celsus agit monitus, multumq; monendus
Priuatas ut querat opes, & tangere uitet
Scripta, Palatinus quæcunque recepit Apollo.

Per Apollinem Palatinum bibliothecas intelligit, quæ erant ad ædem Palatini Apollinis. Acron legit, & spectanda reponi, ut sit sensus, & reponi spectanda, ut denuo agatur. cuius sententiam magis probarem, si reposci legeretur, non reponi, ut in codice Peregrini Aluernij doctissimi amici mei scriptum reperi. nam denuo fabulas reposci solitas uel Demosthenes probat de falsa legatione. $\alpha\upsilon\lambda\gamma\acute{\omicron}\nu\ \delta\epsilon\ \sigma\phi\omicron\kappa\lambda\acute{\epsilon}\varsigma\ \pi\omicron\lambda\acute{\alpha}\kappa\iota\varsigma$ $\mu\epsilon\lambda\acute{\iota}\ \delta\iota\omicron\delta\omega\epsilon\omicron\varsigma$, $\pi\epsilon\lambda\acute{\alpha}\kappa\iota\varsigma\ \delta\epsilon\ \alpha\rho\iota\sigma\tau\omicron\delta\eta\mu\omicron\varsigma\ \alpha\omega\omicron\kappa\eta\rho\iota\tau\epsilon\upsilon$.

XXX.

Nec deus interfit, nisi dignus uindice nodus
Inciderit, nec quarta loqui persona laboret.

Duobus hisce carminibus duo præcepta traduntur uberrima, de non temere inducendo aliquo numine, & de apto loquentium personarum numero, qui ternarium ex-

IN POETICEN HORATII

cedere non debet. deum inducunt poetæ descendentem ex machina sublata quasi co-
litus, qui res perplexas explicet, atque inuolutam fabulam euoluat. M. Tullius libro
primo de natura deorum sic inquit: quod quia quemadmodum natura efficere sine ali-
qua mente possit, non uideris, ut tragici poetæ cum explicare argumenti exitum non
potestis, confugitis ad deum, cuius operam profecto non desideraretis, si immensam,
& interminatam in omnes partes magnitudinem regionum uideretis. Aristoteles in
poetice, ἀλλὰ μηχανὴ χρησέσθων τὰ ἐξω τῆ δράματος, ἢ ὅσα περὶ τῆ γίγνεναι, ἀ ἔχ-
οῖον τε αἰθερώπων εἰδέναι, ἢ ὅσα ὑπὸ δρόν, ἀ δὲ αὐτοῦ περὶ ἀποδείξεως, καὶ ἀγγελίας.
ἀπαντα γὰρ ἀπὸ δρόμου τοῦ θεοῦ ὁρᾶν. machina utendum in ijs, quæ extra tragæ-
diam sunt, quæcunque uel prius fuere, quæ scire homines non possunt, uel quæ futu-
ra denunciatione, diuinatione ue indigeant: concedimus enim dijs, ut omnia uideant.
Polybius præterea libro tertio historiarum reprehendens historicos, qui Annibali alpes
transeunti deum apparuisse uiam indicantem affirmabant, sic inquit, ἵδ' ὦν εἰς τὴν
ἐμπύπτον εἰς τὴν πάλαιστον τοῦ Ἰσχυροῦ γράφοις. καὶ γὰρ ἐκείνοις πᾶσι αἱ καὶ ἡ-
σσοφαὶ τῆς δράματος περὶ δρόνου τοῦ θεοῦ, καὶ μηχανῆς διὰ τὸ τοῦ πρώτου ἀπο-
δείξεως τοῦ θεοῦ, καὶ πάλαιστον γράφειν. unde idem committunt, quod tragici.
nam eorum omnium fabulæ ad extremum deo, et machina indigent, quia initio quæ-
dam temere, & præter rem finxerunt. machinæ exemplum passim reperies in tragicis
græcis, in Oreste Euripidis, ubi Apollo de raptu Helenæ ea aperit, quæ nota non erant,
in Electra Euripidis, ubi Castor, & Pollux Theoclymeni futura prædicunt. Aristoteles
enim ait deos induci ex machina, ut res præteritas, uel futuras patefacerent. Polybius,
et Cicero addunt etiam tertiam causam, ut res perplexas explicarent. unde Sophocles in
Philoctete Herculem inducit, qui Philoctetem hortetur, ut ad Troiam pergat, cum id
ei Neoptolemus precibus, & Ulysses minis persuadere non potuissent, & iam res de-
sperata esset. VINDICE. qui rem perplexam, & iam desperatam uindictæ, &
claritatem recuperet. hinc uindictæ libertatis. Liuius libro tertio ubi de Virginia, &
Appio Decemuiro. Budæus in Pandectis. NODVS. res perplexa, & obscura. Ci-
cero ad Atticum libro quinto: Cæsari nullus honos à senatu habeatur, dum hic nodus
expeditur. uide Erasmus in prouerbio, Nodum soluere. NEC QUARTA LO-
QVI PERSONA LABORET. tres uult Horatius loqui personas in tragæ-
dia, licet hoc semper à ueteribus non sit obseruatum: quatuor uetat. in Aiace Sopho-
clis loquuntur Ulysses, Teucer, is qui chorum repræsentat, in Philoctete Neoptolemus,
chorus, Philoctetes, aliquando quarta persona Ulysses adhibetur.

XXXI.

Auctoris partes chorus, officiumq; uirile
Defendat, neu quid medios intercinat actus,
Quod non proposito conducatur, & hæreat apte.
Ille bonis faueatq; , & consilietur amice,

Et regat

Et regat iratos, & amet peccare timentes.
 Ille dapes laudet mensæ brevis, ille salubrem
 Iustitiam, legesq; & apertis ocia portis.
 Ille tegat commissa, deosq; precetur, & oret,
 Vt redeat miseris, abeat fortuna superbis.

Tragœdiæ partes, ut docet in poetice Aristoteles, secundum quantitatem hæ sunt, prologus, episodium, exodus, choricum. non mirum igitur uideri debet, si hoc loco agit Horatius de choro. erat autem duplex chorus, alter quidem tragicus, alter uero comicus. in comico, ut Iulius Pollux libro quarto testatur, personæ sunt quatuor, & uiginti, in tragico quindecim. & chori quidem in respondendo, & alloquendo unus tantum personam sustinebat, ut in poetice Aristoteles refert, cuius uerba breuitatis causa prætermittimus. AUCTORIS. alij aliter. ego auctoris, idest suavis exponam: & ut opinor, recte: chorus enim semper fere aliquid suadet, & Cicero auctore pro suatore utitur frequenter, ut de claris oratoribus, dolet nihil tam perpetuam auctoritatem de pace ualuisse: in oratione octaua contra M. Antonium. pater tuus, quo utebar sene auctore adolescens. Parrhasius actoris legit, idest mimi. sed mimotam graues, honestaq; partes non tribuuntur. OFFICIUM VIRILE. laudabile. uiri dicuntur qui sunt præstantes. alij fæminæ. Virgilius ex Homero, o uere Phrygiæ: neque enim Phryges. Homerus libro septimo odysseæ, ubi Minervam in puellam uersam Corcyra Vlysses interrogat, quæ uia sit ad ædes Alcynoi, & orat ut illa sibi dux esse uia uelit, οὐκ αἶ μοι δῆμιν αἰδώς ἡγήσαο Ἀλκινόου. non mihi ad ædes uiri Alcynoi dux esses? Alcynoum uirum appellauit, idest uirtute excellentem. chorus igitur officium uirile defendet, si, cum alij uarijs perturbationibus agentur, ipse ea suadebit, quæ honesta, et conducibilia esse uidebuntur. NEV QUID MEDIOS INTERCINAT ACTVS. nil canat chorus in tragœdia, quod abhorreat à re proposita. chorus autem canebat, ut notum omnibus esse potest. nam in Philoctete Sophoclis chorus Rhæam hoc cantu extollit.

ὄρεσθ' ἀπαμειβόμενοι
 μᾶτ' ὅτ' αὖτις διὸς
 ἃ τὸν μέγαν πακτωλὸν δ' ἔχουσιν νεμεῖς
 σέ κ' αἰ μᾶτ' ὅτ' ἴτις ἐπιδάμει.

Montana mater Iouis, quæ magnum auriferum Pæctolum incolis, te ibi etiam mater canimus. Aristoteles in poetice de choro, ἐπεὶ ὁ λῆξ' ἄδουσιν. proposito hærentia canunt. & Agathon quidem primus chori cantum instituit. ibidem Aristoteles. πρῶτον ἄρ' ἔατο ἀχόθωνος τὸ τοιοῦτον. ILLE BONIS FAVEAT. in Philoctete chorus Sophoclis partes Philoctetæ tuetur, & miseratione eius ducitur, qui olim rex potentissimus solus tunc in antro duriter uitam agebat. Vlysses tamen, & Neoptolemus ei indigne insidias struebant. chorus inquit:

K

IN POETICEN HORATII

οικτείρω νιν ἔγωγε ὅπως
μὴ τῆς κηδομένης ἔρωται
μὴδὲ στυγερὸν ὄμμα ἔχων,
δύσπνοος μένος ἀεί
νοσσεῖ μὲν νότον ἀγριόν.

Huius ego miseratione ducor, qui neminem habet, qui eius curam sustineat, eumq; alat, solus infelix in solitudine semper agresti, & acerba peste discruciat. quod dicit chorus, ut Vlysssem, et Neoptolemum Philoctetæ conciliet viro optimo. ET CONSILII ET VRAMICE. fideliter consilia afferat, sine fuco, & fallacijs, ut fauit chorus in Electra Sophoclis: illa enim, postquam in mentem ei uenit de obitu patris, miserabiliter conqueri coepit, & suas deplorare querelas, ut eius fletu nihil esset tristius. at uero periculum erat, ne Clytemnestra, & Aegystus, qui Agamemnonem acerrimo odio prosequerentur, cum eam inimicum hominem flere audissent, in eam uehementer indignarentur, eiq; aliqua ratione nocerent. eam igitur chorus monet, ne altissima uoce contendat, ne ueliberius uociferetur.

μὴδὲν μέγας αὐτοῦ.

ET REGAT IRATOS. Euripides in Hippolyto obseruauit. cum Theseus peteret à Neptuno, ut fugientem Hippolytum excitatis maris monstribus perderet; chorus, ut eius iram leniat, ignoscere eum filio debere ait, ut lapsuræ domui consulat. & ΛΑΪΩΝ ΣΟΪΣ Εὐλὰς δέ μοις. cogita, quod tuæ familiæ optimum sit. AMET PECCARE TIMENTES. In Philoctete Sophoclis chorus amat Philoctetem, quod uir bonus sit, & officium semper coluerit,

ἀλλ' ἴσος αἰῶσις αἰὲρ
ὁ λυθ' ὡς ἀνείκως

Sed iustus & æqui obseruantissimus hic uir sic perijt indignius. ILLE DAPES LAUDET. parsimoniam chorus laudabit, & alia præstabit, quæ subdit Horatius: quæ omnia partes sunt generalis, & late patentis huius præcepti, amet peccare timentes. quanta laus sit sobrietatis & parsimoniæ, illustri exemplo docet Ammianus Marcellinus libro uigesimo primo, ubi de Iuliano Imperatore his uerbis loquitur. toleranter, & fortiter nullius cibi indigens mundioris, sed paucis contentus, & uilibus oppida forinsecus transibat, incaute, imitatus egregium illud Cyri ueteris dictum, qui cum delatus ad hospitem interrogaretur ab eo, quid ad conuiuium parari deberet, panem responderat solum. sperare enim aiebat se prope riuum cœnaturum. MENSÆ BREVIS. Verrem Cicero septima in eum oratione accusat, quod totos dies conuiujs trahe- ret. ita, inquit, diei breuitas conuiujs, noctis longitudo stupris, & flagitijs conterebatur. mensam breuem, idest conuiuium simplex, & breue in odis etiam laudat Horatius.

Persicos odi puer apparatus &c.

& in Satyris.

Modo sit mihi mensa tripes, &

Concha salis puri.

SALVBREM IUSTITIAM.

quod corporum est, tribuit iustitiæ. nam corpora dicuntur salubria, cœlum salubre. Pindarus ode octaua olympiorum seruatricem iustitiam urbium uocauit. nam ut salubritas corpora, sic ea urbes tuetur,

ἐνθα σὺ θάρα διὸς ξενίου
παρεστος ἀσπίδα δίμυς,

Hic seruatrix, Iouis hospitalis assecla exercetur iustitia. iustitiam Aristoteles ueram uirtutem esse ait in libro quinto de moribus ad Nicomachum, quod alijs pro sit, & ius suum cuique tribuat, ut stellæ Eous, et Hesperus alijs lucent, οὐθ' ἑσπέρως, οὐθ' ἑωσὺς οὐ-
τω δωμάσῃς. neque Hesperus, neque Eous tam admirabilis, quàm iustitia est. chorus iustitiam laudat in Andromache Euripidis.

μηδὲν δύνω ἐξω
κράτος ἐν δαλάρμοις
καὶ πόλει δέω αἰετῇ.

Nihil sine iustitia in thalamis, nihil in urbe ualet. LEGES. non contentus iustitia leges etiam nominauit: quia non idem est lex, & iustitia. de iustitia Vlpianus iuriconsultus libro primo Digestorum, titulo primo, lege decima sic. Iustitia est constans, & perpetua uoluntas ius suum cuique tribuendi. de lege uero Papinianus titulo tertio eiusdem libri sic. lex est commune præceptum uirorum prudentium consultum, delictorum, quæ sponte, uel ignorantia contrahuntur, coercitio, communis reip. sponso. de legibus chorus in Oedipo tyranno Sophoclis.

ἂν ὁλυμπος πατὴρ μένος, οὐδ' ἐν
δυνατὶ φύσις αἰδῶν ἐπικεν. &c.

Quarum cœlum pater solum est, neque illas leges mortalis hominum natura peperit. APERTIS OCIA PORTIS. leges silent inter arma: ut C. Marius dixisse, testatur Valerius Maximus. ubi igitur leges pollent, ocia sint necesse est: ubi ocia, quies, & apertæ urbium portæ. nam clausæ portæ urbium inimicitiam, & bellum indicant, unde Cæsari uenienti Massylienses portas urbis cum clausissent, hostes iudicati sunt. Cæsar de bello ciuili libro secundo. in Aiace Sophocles ocia tacite laudat, cum laboris duritiem ostendi, τὸ νόος πόνω πόνον φέρει. labor labori laborem affert. Huic Horatii uersiculo Vergilianus ille libro octauo è regione respondet,

= & mœnia clausis

Bellum aciuunt portis.

TEGAT COMMISSA. secreta, quæ

sibi ab aliquo communicata sunt, ne publicet. Horatius in epistola ad Torquatum libro primo, Ne fidos inter amicos Sit qui dicta foras eliminet. chorus in Electra, cum Electræ consilium audisset, ne res temere tentetur, monet, & rem non uulgat.

ἐν τοῖς τοιούτοις ὅστις ἡ περυσία, & quæ sequuntur.

Portia uxor Bruti, cum uirum sibi arcana de nece Cæsaris communicare nolle uidisset, uerentem, ne forte illa doloris impatiens rem proderet, gladio sibi femur transfixit, ut se

L ij

IN POETICEN HORATII

constantem probaret. Dion libro quadragesimo quarto. VT REDEAT MISERIS. ut felicitas amissa miseris reddatur. quod non solum tragici chori faciunt, sed etiam Pindarus ode secunda olympiorum, quæ scripta est ad Theronem Agrigentinum, Iouem alloquens sic precatus est.

ἀλλ' ὦ κρόνιε παῖ ῥαΐας
ἔδος ὀλύμπου νέμων
ἀέθλων τε κρυφαῖ
πόρον τ' ἀλφειᾶς
ἱαμφθαῖς αἰδοῦς
ὄφρων ἀρῶν καὶ ἐπὶ πα-
τρίσιν ἰσχυροῖσιν.

Iuppiter saturni, & Rhææ fili, cælum incolens, & Alphæum, ubi certamina fiunt, qui cantus non despicias, patriam his regionem redime.

ABEAT FORTUNA SUPERBIS. Chorus in Electra Sophoclis,

ποῦ ποτε κεραινοὶ διὸς, ἢ ποῦ φαίθω
Αἴλιος, εἰ ταῦτ' ἐφορᾷ τις
κρυπτοῦσιν ἐκκλῶσι.

Ubi nam fulmina Iouis, uel lucens sol? si hanc immanitatem Clytemnestræ intuentes cælant? & miseram Electram è tantis malis non eripiunt? nam tum abit fortuna superbis, cum ij pœnis uindicantur, quibus digni sunt, & ad calamitatem rediguntur.

XXXII.

Tibia non ut nunc orichalco uincta, tubæq;
Aemula, sed tenuis, simplexq; foramine paucō
Aspirare, & adesse choris erat utilis, atque
Nondum spissia nimis complere sedilia flatu,
Quò sane populus numerabilis, ut pote paruus,
Et frugi, castusq;, uerecundusq; coibat.

Aristoteles in poetice sex in tragœdijs requirit, apparatus, dictionem, musicam, idest, μελοποιίαν, mores, sententiam, fabulam. Hactenus Horatius dictionem, mores atatum, fabulam, ipso initio, sententiam etiam non uno in loco effinxit, & tractauit. hic aggreditur μελοποιίαν, & musicam, quæ cantum chori consociabat. non pertinet, ut Aristoteles ait, ad artificium poetæ. nam tragœdia etiam sine musica consistere posset. quare hanc partem ἀτεχνότατον καὶ ἡμισὲς οἰκείον τῆς ποιητικῆς uocat, idest minime artificiosam, minimeq; propriam poetices. proderat autem, & adhuc in eo prodest, quod uersus solutæ orationi similes, numerosiores uideri facit, et magis poeticos. M. Tullius in oratore ad Brutum sic: quorum similia sunt quædam etiam apud nostros, uelut illa in Thyeste, Quem nam te esse dicam? qui tarda in senectute, & quæ sequuntur. quæ, nisi cum tibicen accessit, orationi sunt solutæ simillima. hæc

ille. choris musici adhibebantur : quod in uerbis etiam Demosthenis in oratione contra Midiam perspicuum est, τὸν ἀρχὸν τὰ ἰδιὸν ληρὸν ὁ νόμος τοῖς χοροῖς ἀνὰ τὸν κελύδ, principem iubet lex choris tibicines decernere, atque adhibere. primum cantus Doricus personabat, mox Phrygius, postremo Lydius, ut auctor Plutarchus est in libro de musica, δῶκεν μὲν τὴν πρῶτην, φρυσὶ δὲ τὴν δευτέραν, λυδισὶ δὲ τὴν τρίτην. licet Aristoteles libro octauo politicorum, tragœdiæ aptiorem mixolydium esse existimet, quia fit ὁ δυνετικὸς τῶς, idest flebilis, licet illi Plutarchus etiam non reclamet. TIBIA. tibijs utebantur in scenis : licet eas damnet Aristoteles libro octauo politicorum : quas abiecit Minerva, quod eas instantes turpem uultum præ se ferant, καὶ δὲ τὴν ἀρχιμουσικὴν τῶ πρῶτον τῶ ποιῆσαι δυσχερὲς τὸν θεόν. Et propter indecorum uultum indignatam deam hoc fecisse. ORICHALCO VINCTA. orichalcum tibijs addebant, quasi ornamentum, non quod eo duo ligna, ex quibus tibia confabatur, uincirentur ; ut male nonnulli affirmarunt : stultum enim est existimare, nulum lignum tam grande posse reperiri, ut tibiam conficere possit ; et necesse esse, duo ligna coire, ut grandis tibia componatur. ignorare iidem uidentur, quid sit uincire, cum duo corpora, non unum uinciri putant. nam eorum argumentum uerbo uinciri tantum nititur. Ciero tamen libro secundo quæst. Tuscul. sic inquit : si se lachrymis dedet, uincitur, Et constringatur amicorum custodijs. Lege de his musicis instrumentis libro quarto apud Pollucem. VT NVNC. quibus temporibus imperium Romanum florentissimum est : Roma enim gentibus imperabat uel sub Cæsare, ut est apud Ciceronem libro tertio de officijs. olim, inquit Horatius, cum resp. erat tenuis, tibia non erat ampla, et operosa ut nunc : utebantur autem tibijs dextris, Et sinistris, idest grauibus, Et leuibus, ut Donatus ait. hinc se dicebant transire a tibijs dextris ad sinistras. Cicero in oratione pro Muræna sic. transit idem iuriconsultus tibicinis latini modo. de Sulpitio loquens, qui Murænam accusans de crimine ad crimen transibat. FORAMINE PAUCO. olim, inquit, in tibia pauca erant foramina, quia Et ipsa erat pertenuis. Diodorus Thebannus plura addidit foramina, ut Pollux ait, Et fecit tibiam πολλὰ ῥήματα, idest multis locis perforatam, ἀρχαῖος ἀνὰ τὸ πινυμένον τῶς ὁδοῦς. latus inducens spiritui uias. Dionysius, ubi de choris satyristarum uerba facit, ἀλίστους uocat tennes tibias, de quibus hic Horatius, quas exactis regibus Romani adhibebant. malus quidam interpres tibicunculas uertit uerbo non latino, sed ridiculo, atque infaceto. nam si Iouius noster in Eulogijs Cæli Calchagnini inscriptionem libri de quæstionibus epistolicis exagitat, Et sine stomacho non profert, quid nos de tibicunculis, quod uocabulum est longe ineptius, sentiemus ? cum eius auctor sit is, qui omnem operam, et studium in aliena errata colligenda contulit, et unum se ex iis esse profiteatur, quos in Lyside Plato appellat ἀπὸ λανθόντων. nam si id uerbo non proficitur, re mihi quidem præstare uidetur. ASPIRARE, ET ADESSE CHORIS. erat quidem tibia tenuis, et simplex, sed tamen illius temporis choris erat utilis, Et satisfaciebat cumulatius. cum aspirare dixit, expressit tibicinem chori cantum consociantem, unde statim est

IN POETICEN HORATII

illud, et adesse choris: tibicen enim hoc faciebat, ut initio huius contextus ex Cicerone docuimus. aspirare pro iuuare, etiam Ouidius libro primo metamor. usurpauit, dii coeptis, nam uos mutastis & illas, aspirate meis. Gellius libro I. cap. XI. sic inquit. ecce autem pro tibicina laconica tibiae quoque illius concionatoriae in mentem uenit, quam C. Graccho cum populo agenti praesse, ac praemonstrasse modulos ferunt. sed nequaquam sic est, ut a uulgo dicitur, canere tibia solitum, qui pone eum loquentem staret, uarijsq; modis tum demulcere animum, actionemq; eius, tum intendere: quid enim foret ea re ineptius? si ut planipedi saltanti, ita Graccho concionanti numeros, et modos, & frequentamenta quaedam uaria tibicen incineret? sed qui hoc compertius memoria tradiderunt, stetisse in circumstantibus dicunt, occultius, qui fistula breui sensim grauiusculum sonum inspiraret, ad deprimendum, sedandumq; impetum uocis, & quae sequuntur. uide de hac fistula Gracchi etiam Quintilianum libro primo, cap. de musica, Ciceronem libro tertio de oratore, Valerium Maximum libro octauo. ut igitur Gracchi orationem fistula, sic chori cantum tibicen iuuabat. nam uerbum aspirare lenem tibicinis sonum indicat. ASPIRARE, ET ADESSE CHORIS. tibicines non solum tibijs suis personuisse, inquit, sed etiam adesse solitos choris, idest saltasse cum choris. quem morem Aristoteles testatum reliquit in poetice, his uerbis. ἁρμονία μὲν, καὶ ἑυθυμοῖς ἡρώμελαι μένον ἢ τε αὐλητικῇ, καὶ ἢ κιθαριστικῇ. harmonia simul, & numero tantum utuntur illae, quae ad tibias, quaeq; ad citharas imitationes spectant. numerum autem pro saltu posuisse Aristotelem, consequentia illa uerba declarant, αὐτῶ δὲ τῶ ἑυθυμῶ μίμοντι αἱ ἁρμονίασ' οἱ τῶ ὀρχηστῶν. numero uero ipso sine harmonia imitantur saltatores. NONDUM SPISSA NIMIS. erat olim tibia idonea, licet parua, ad personandum ita, ut passim exaudiretur, quamuis tunc sedilia, & loca, ubi fabulae recitabantur, spissiora non essent, quod frequentes auditores non conuenirent. uenit nunc mihi in mentem, quod scribit Athenaeus libro octauo de Stratonico. διδάσκον γὰρ κιθαριστὰς, ἐπειδὴ εἰ τῶ διδασκαλίας ἔχον εἰνέα μὲν εἰς ἑνὸς τῆς μουσῶν, τὴ δ' ἀπὸ πλῶτος μίαν, μαθητὰς δὲ δύο, πινδαυολέου πνός, πόσιω ἔχει μαθητὰς, ἐφ' ἣ σὺ τοῖς θεοῖς δώδεκα. citharistas docens, cum in ludo nouem haberet Musarum imagines, Apollinis unam, discipulos uero duos, & ex eo quispiam sciscitaretur, quot discipulos haberet, cum deis, inquit, duodecim. huius nimirum sedilia spissiora non erant. NUMERABILIS, UT POTE PARVVVS. nam quae parua, & pauca sunt, facile numerantur. unde Ouidius, pauperis est, numerare pecus. Plato in philebo, de finito, & infinito agens, ὅτι ἡ τῶ πν ἑνὸς ἢ ἀπείρου πολλὰ ἔστι, περάσομαι φερέδν. quod quodam modo infinitum multa facit, dicere conabor. ET FRUGI. bonus. laus eius, qui non magnas opes, & copias habuit, ut ueteris illius populi Romani. Cicero pro Deiotaro sic. omnes sunt in illo regiae uirtutes, quod te Caesar ignorare non arbitror, sed praecipue singularis, & admirabilis frugalitas: & si hoc uerbo scio laudari reges non solere. frugi hominem dici, non multum habet laudis in rege: fortem, iustum, seuerum, grauem,

magnanimum, largum, beneficum, liberalem, hæ sunt regie laudes, illa priuata est. CASTVSQVE, VERECVNDVSQVE. hoc inquit propter foeminas, quæ in theatrum, ut fabulas audirent, ueniebant. Cicero libro primo quæstionum Tusculanarum sic: frequens enim confessus theatri, in quo sunt mulierculæ, & pueri, mouetur audiens tam grande carmen, &c. quò tamen ut se conferre possent, ægre à maritis impetrabant, ut Caius iurisc. innuit libro uigesimoquarto Digestorum, tit. primo, lege trigesima secunda, sic: Nuper ex indulgentia principis Antonini recepta est, alia causa donationis. quam dicimus honoris causa, ut ecce si uxor uirolati clauis petendi gratia donet, uel ut equestri ordinis fiat, uel ludorum gratia.

XXXIII.

Postquam cœpit agros extendere uictor, & urbem
 Latior amplecti murus, uinoq; diurno
 Placari genius festis impune diebus,
 Accessit numerisq; modisq; licentia maior.
 Indoctus quid enim saperet, liberq; laborum
 Rusticus urbano confusus, turpis honesto?
 Sic prisce motumq; & luxuriam addidit arti
 Tibicen, traxitq; uagus per pulpita uestem.
 Sic etiam fidibus uoces creuere feueris,
 Et tulit eloquium insolitum facundia præceps,
 Utilemq; sagax rerum, & diuina futuri
 Sortilegis non discrepuit sententia Delphis.

POST QVAM COEPIT AGROS. quemadmodum crescente Romano imperio tragædiæ comædiæq; etiam, & musices amplitudo creuerit, hic habemus. Florus libro primo de quatuor ætatibus urbis Romæ sic scribit. Prima ætas sub regibus fuit, prope CCL. annos, quibus circa ipsam matrem suam cum finitimis luctatus est. hæc erit eius infantia. sequens à Bruto, Collatinoq; Coss. in Ap. Claudium, Q. Fuluium Coss. CC. annos patet, quibus Italiam subegit. hoc fuit tempus uiris, armisq; incitatissimum. ideo quis adolescentiam dixerit. dehinc ad Cæsarem Augustum CCL. anni, quibus totum orbem pacauit. hic iam ipsa iuuenta imperij, & quasi quædam robusta maturitas. à Cæsare Augusto in seculum nostrum haud multo minus annis CC. quibus inertia Cæsarum quasi consenuit, atque decoxit. sed oritur hic quæstio, quam uir doctissimus Iacobus Grifolus excitauit. quo modo maior licentia numeris, & modis accessit, cum Roma cœpit latioribus mœnibus cingi? quod factum est, cum Sabini in urbem, Albani, nonnulliq; alij recepti sunt, ut est apud Liuium libro primo. Si præterea post Græciam tantum deuictam, & post punica bella cœpere Romani Græcos imitari, ut est apud Horatium libro secundo epist. Græci enim primi tragædias scripserunt, & comædias. huic quæstioni sic prudenter posse responderi existimarim. Romanos cœa

IN POETICEN HORATII

pisse quidem Græcos imitari post Græciam deuictam & post Punica bella, cum primum interiores literas attigerunt, & optimam, excellentemq; poetices speciem animo uiderunt, sed tamen prisca etiam temporibus rudes poetas Romæ extitisse, quorum etiam Saturnios numeros quasi Saturni seculo editos Horatius appellat libro secundo epistolarum ad Augustum scribens,

Græcia capta ferum uictorem cepit, & artes

Intulit agresti Latio. sic horridus ille

Defluxit numerus Saturnius, & graue uirus

Munditiæ pepulere, sed in longum tamen æuum

Manferunt, hodieq; manent uestigia ruris.

Serus enim Græcis admouit acumina chartis,

Et post Punica bella quietus quærere cepit

Quid Sophocles, & Theſpis, & Aeschylus utile ferrent.

His uersibus perspicuum est, prisca etiam urbis temporibus Romæ poetas, rudes tamen & inornatos fuisse. quare ab ijs fabulæ edi potuerunt. sed mihi quispiam hæc Ciceronis uerba obijciat, quæ sunt libro primo quaestionum Tusculanarum. nam cum apud Græcos antiquissimum è doctis sit genus poetarum, siquidem Homerus fuit, & Hesiodus ante Romam conditam, Archilochus regnante Romulo, serius poeticam nos accepimus. annis fere CCCCX. post Romam conditam, Liuius fabulam dedit App. Claudio Cæci F. M. Tudisano Coss. &c. Ego uero existimo Ciceronem asserere, Liuium primum fabulam dedisse Romæ ex ijs, quorum scripta legi potuerunt. sed alii ante Liuium Andronicum (sic enim illum cognomento Diomedes appellat) poetas fuerunt, si diligenter uersus Horatii in epistolis à nobis adductos perpendimus, quorum scripta interierant. quid? non ne ibidem Cicero sic inquit? quanquam est in Originibus, solitos esse in epulis canere conuiuas ad tibicinem de clarorum hominum uirtutibus. ergo Romæ prisca etiam temporibus poetas, & musici fuerunt. nam poetas erant, quos in epulis cecinisse Cato in Originibus refert. idem Cicero in libro de claris oratoribus sic. utinam extarent illa carmina, quæ multis seculis ante suam ætatem in epulis esse cantata à singulis conuiuijs de clarorum uirorum laudibus in Originibus scriptum reliquit Cato. LATIOR AMPLECTI MVRVS. Roma sub Romulo quatuor colles comprehendit, Esquilinum, Auentinum, Palatinum, Capitolinum: tres alios complexa est sub serui Tullio, Quirinalem, Viminalem, Cælium. unde Virgilius. Septem quæ una sibi muro circumdedit arces. PLACARI GENIVS FESTIS IMPVNE DIEBVS. genio deo operam dabant non sine musica, & carmine. Virgilius libro secundo georg. quiddam simile refert,

Nec non Ausonii, Troia gens missa, coloni

Versibus incomptis ludunt, risuq; soluto,

Oraq; corticibus sumunt horrenda cauatis,

Et te Bacche uocant per carmina læta, &c.

Placabantur

Placabantur dii infensi, qui non prodesse, sed obesse solebant, ut Auerunc, & Robia-
gi. hinc altare Iouis Veionis cum sagittis. de quibus uide apud Gellium. At Genius mi-
tissimus deus non erat placandus. hic igitur placari pro coli positum est. Horatius saepe
sic loquitur, ut in odis libro primo.

Et thure, & fidibus iuuat

Placare, & nituli sanguine debito

Custodes Numidæ deos,

Qui nunc Hesperia sospes ab ultima

Charis multa sodalibus

Nulli plura tamen diuidit oscula

Quam dulci Lamie.

Vbi legendus est Acron accuratus in-
terpres. Ego autem hic genio dedisse operam, idest uoluptati, ad quam sumus propensi,
ueteres illos, non interpretor. sic Iason potius alios secutus errantes interpretatus est.
erant sacra quedam, quibus Tellurem, Syluanumq; aruorum deum, illam porco,
hunc lacte, & Genium floribus, ac uino placabant agrestes, quæ sacra Horatius hic
certe innuit, & in epistola ad Augustum libro secundo epistolarum clarius expressit
his uersibus:

Agricolæ prisci fortes, paruoq; beati

Condita post frumenta leuantes tempore festo

Corpus, & ipsum animum spe finis dura ferentem

Cum socijs operum pueris, & coniuge fida

Tellurem porco, Syluanum lacte piabant,

Floribus, & uino Genium memorem breuis æui.

Hæc igitur sacra Genij Horatius significat, non uoluptates hominum luxuriose uiuen-
tium, ut credit Iason. nam Horatium hic de sacris Genij loqui illa etiam, quæ hoc sta-
tim libro leguntur carmina testantur, festis impune diebus. functusq; sacris, & po-
tus, & exlex. VINOQUE DIVINO. quia mane Genium floribus, & ui-
no agricolæ placabant, non noctu, ut adducti Horatij uersus declarant. orgia enim
Bacchi noctu fiebant, non sacra Genij. quæcunque igitur Iason hic de duodecim horis
diei, & de solido die, & de hora cœnandi commemorat, nihil omnino ad hunc locum
spectant. singula igitur non confutabimus, ne præter rem aliquid & nos à proposi-
to Horatii discedentes dicamus. satis est, monuisse hunc Horatii locum non fuisse ab
Iasone intellectum. alibi igitur, quando hic locus non patitur, ea omnia refelle-
mus, quæ ille de solido die in oden Horatii memoriæ prodidit, & nostram opinionem
sexcentis argumentis corroborabimus, quam in Parergis testatam reliquimus libro
primo, cap. undecimo. IMPVNE. sobrie, sine ebrietate. nam qui bibunt so-
brie, impune ferunt: qui uero ita uino incalescunt, ut ebrii discedant, id non fa-
ciunt impune, sed uidentur à Baccho uulnerati, quem iccirco ueteres, ut ait Athe-
næus, fingeant κερκόροπον, idest cornutum. de illo Ouidius sic: Pendeat &

M

IN POETICEN HORATII

mitis cornibus uua tuis. & hæc sobrietas mirifice antiquis illis uiris conuenit, quibus nihil fuit moderatius. unde illud apud Ciceronem de antiquorum hominum integritate. nihil ex omni memoria sumi potest illustrius. & illud, ò tempora, ò mores. quò referri ea omnia possunt, quæ libro primo de diebus, & operibus Hesiodus de antiquis commemorat. loquitur autem hic Horatius de Romanis antiquis, qui uino Genium piabant, ut demonstratum est. ACCESSIT NUMERISQUE, MODISQUE LICENTIA MAIOR. ueteres licentius saltare, & tibiis personare cœperunt. per numeros saltationem intelligit eorum, qui in sacris Genii & aliorum deorum psallebant, & saltabant. super etiam citauimus ex Aristotelis poetice ea uerba, αὐτῶν δὲ τῶν ὀυθμῶν μὴ οὐδὲν ἄρμονίᾳ οἱ ἴσθ' ὀρχασθῶν. numero uero ipso sine harmonia imitantur saltatores. nec uero omnem saltationem numerus significat, sed peritiorum tantum: quod clarissime colligitur ex his uerbis Ciceronis in Paradoxis. extra numerum si se moueat histrio, exhibebitur, & explodetur. modus tibiæ sonum indicat, de quo superius plura ex Aristotele, & Plutarcho, ibi, Tibia non ut nunc. etc. apud Græcos Timotheus plures chordas lyre addidit, cum ea ante ex septem constitisset, ut auctor est in libro de musica Plutarchus. sed illud mihi querendum uidetur, cur licentia dixit Horatius, quæ in malam partem accipitur? cur illa carmina addidit statim?

Indoctus quid enim saperet, liberq; laborum

Rusticus urbano confusus, turpis honesto?

Quibus rusticum Genio sacra peragentem cum modis, & numeris non sapientem fuisse ait, eumq; excusat, quòd rusticus erat, indoctus &c. responde, iccirco, licentiam accessisse numeris, & modis in sacris Genii, innuere Horatium, et hoc rusticorum crimen excusare, quia per modos licentiores Fescennina carmina plena conuitiis intelligit, quæ in sacris Genii primum exorta sunt, ut hic innuitur, & in epistola ad Augustum libro secundo aperte dicitur, ubi de sacris Genii mentio fit.

Fescennina per hunc inuenta licentia morem

Versibus alternis opprobria rustica fudit, & quæ sequuntur.

Qui mos conuitiandi in comædia remansit, ut notum est. falluntur, qui credunt ueteres Romanos hic reprehendi, quòd ob ignorantiam rudi musica contenti uenustiorum rem, & iucundiorum non curarent. nam Horatius non uenustiorum musicam quæ accessit, fuisse significat, sed uitiosiorum ob iurgia, unde licentiam, & luxuriam ei tribuit, cum inquit,

Accessit numerisq; modisq; licentia maior,

Sic prisce motumq; luxuriam addidit arti Tibicen.

Quòd si per licentiam, & luxuriam iucunditatem musicæ indicaret, eius auctorem non appellasset indoctum & rusticum. nam huiusmodi homines rudes esse solent, non elegantiores, ut aperte Cicero in Quintio, & Sex. Roscio duabus nobilissimis orationibus probauit. LIBER LABORVM. quia festis diebus Genio sacra faciebat, ut nuperrime ex Horatio probauimus. & diebus festis rustici labores intermittere solent,

nisi ea præsent, quæ Virgilius libro primo georg. festis diebus posse confici affirmat.

Quippe etiam festis quædam exercere diebus

Fas, & iura sinunt. riuos deducere nulla

Religio uetuit, segeti prætere sepe,

Insidias anibus moliri, incendere uepres,

Balantumq; gregem fluuio mersare salubri.

RUSTICVS VRBANO CONFVSVS, TVRPIS HONESTO.

erant enim tribus rustica, & urbana. Plinius libro decimo octauo sic. rustica tribus laudatissima eorum, qui rura haberent, urbana uero, in quas transferri ignominia esset, desidia probro. inuenies plura apud Dionysium libro septimo. turpis, et honestus referuntur ad uitia, & uirtutes animi, ut, rusticus, & urbanus ad fortunæ conditionem. rusticis obiicit uitium temporis: tunc enim rustica tribus in numeris, modisq; non exercebant. rusticum urbano confusum inquit fuisse respiciens Rosciam legem sui temporis. nam L. Roscius Otho tribunus plebis legem tulit, ut equitibus Romanis in theatro quatuordecim gradus, in quibus sederent, ascriberentur, ut scribit Liuius libro nonagesimo nono. de ea Cicero pro Muræna sic. L. Otho, uir fortis, meus necessarius, equestri ordini restituit non solum dignitatem, sed etiam uoluptatem. itaque lex hæc, quæ ad ludos pertinet, est omnium gratissima, quod honestissimo ordini cum splendore fructus quoque incunditatis est restitutus. Horatius libro primo epistolarum de lege Roscia, ut propius spectes lachrymosa poemata Puppæ, idest tragædias. MOTVM, ET LVXVRIEM. motum, idest saltationem ad tibias. Horatius in epistola ad Villicum, libro primo epist.

= nec meretrix tibicina, cuius

Ad strepitum salias terræ grauis.

Addit autem motum pro auxit. nam ante etiam saltabant, sed additus motus fuit liberior, & indecentior, qualem nemini conuenire uidemus. hic fortasse obiectus Deiotaro fuit. pro quo sic Cicero in oratione. quæ crux huic fugituo potest satis supplicii afferre? Deiotarum saltantem quisquam, aut ebrium uidit unquam? et pro Muræna. saltatorem appellat L. Murænam Cato. maledictum est, si uere obicitur, uehementis accusatoris: sin falso, maledici conuiciatoris. idem leges etiam in oratione pro domo. est quidam motus antiquus, & pudentior, quem principes uiri, & clarissimi summa grauitate tuentur. hunc non intelligit hic poeta, quia addidit, & luxuriam, quæ tam ad motum, quàm ad tibiam licentiosem attinet. LVXVRIEM. potes etiam interpretari insolentiam Fescennini carminis, quæ ex luxurie oritur quadam: quæ si absit, frigemus potius, & moderati sumus. Virgilius libro tertio georg. de lupo agro qui non prædabatur.

= acrior illum

Cura domat.

PER PVLPIA. libro secundo epistolarum de Plauto. Quam non astricto percurrat pulpita socco. uagus autem tibi

M ij

IN POETICEN HORATII

cen traxit uestem per pulpita simul ipse personans, & saltans, ut quidam exponunt, quorum opinio non placet, quia tibicen id præstare non potuisset, præsertim in motu illo acriore, quem ait poeta additum fuisse. ego tibicinem traxisse uagum per pulpita uestem existimo, quia, cum crebra recitarentur tragœdiæ, & tibicen ad omnes accerseretur, per diuersa pulpita uagabatur. traherat autem uestem, quam talarem, & longam gerebat, ut grauitatem præ se ferret. VOCES CREVERE. tibicines non solum personabant tibijs, & fidibus, sed etiam canebant, dum alij saltabant. Pollux de uocibus, ad quas saltabant. ποῦ μοι τὰ ῥόδα; ποῦ μοι τὰ ἰα; ποῦ μοι τὰ καλὰ σέλινα; ubi mihi rosæ? ubi mihi uiolæ? ubi mihi pulchra apia? posuit autem fides pro tibijs, speciem pro specie. sed quo modo fides seueræ erant, si tibicen luxuriam prisca arti addiderat? seueras dixit non præsens tempus, sed præteritum respiciens. et seueras, idest non molles: seueri enim homines molliem oderunt. Iason refert hæc ad cantum chori, sed quàm apte ipse uiderit. nos ex Polluce probauimus tibicines etiam cecinisse, non solum personuisse. alteram præterea interpretationem asserimus. hæctenus Horatius de fabulæ incremento circa melodiam, nunc de incremento circa stilum poetarum agit, qui creuit fidibus seueris, idest cum prisca, & seuera melodia, unde statim illud sequitur. ET TVLIT ELOQVIVM INSOLITVM. declarat enim quid per uoces intelligat, idest uerba, & dictiones: insolitum autem eloquium, idest nouum, non uitiosum, ut putat Acron. nam antiquum potius uitiosum fuit: tunc enim latina lingua cum inops esset, licuit noua, & insolita uerba excudere, nec tunc locum habebat præceptum Cæsaris, à Quintiliano relatum libro secundo, uerbum insolens, ut scopolum, esse uitandum: non enim hic poeta de lingua latina perfecta loquitur, sed de ea, quæ coeperat excrescere, & locupletari, quod quidem celeriter factum est, quare addit. FACVNDIA PRÆCEPS. Horatius libro secundo epistolarum ad Augustum scribens populum Romanum mirifico, & acri ingenio ad celeriter perdiscendum fuisse ait, ut eius facundia iure præceps dici possit.

Et placuit sibi natura sublimis, & acer,

Nam spirat tragicum satis, & feliciter audet.

sic Cicero de oratore libro primo questionum Tuscul. at contra oratorem celeriter complexi sumus. & hic poeta populum Romanum extollit, quod celeriter ingenio docili, et uigilanti didicerit, quæ summa laus est, ut Socrates asseuerat in Carmide Platonis. νοῦν δὲ καὶ τὸ κινεῖν ταχέως καὶ τὸ παλαίειν ὀφέως, πλὴν καὶ λῖον τὸ ἡσυχῆ καὶ ῥαδίως. Citharæ artem celeriter addiscere, & palestram, longe pulchrius est, quàm lente, seroq;. sensum Horatii non eliciuit Acron, qui facundiam præcipitem pro ea exponit, quæ cum ingenti impetu fertur, & furibunde, & delphicæ amissa morâ dacitate similis est. VTILIVM RERV M SAGAX. supra docuimus tragœdiam res utiles docere, ubi de choro diximus: hic autem utilitas queritur honesta, non quam Curio apud Ciceronem libro tertio de officiis quærebat, ubi hæc uerba leguntur: male etiam Curio cum causam Transpadanorum æquam esse dicebat: semper au-

tem addebat, nuncat utilitas. DIVINA FVTVRI. diuinans futurum. Sophocles in Electra,

ὅταν δὲ πῖς θεὸν

βλάπῃ, δύναιτο αὐτὸν, οὐδὲ αὐτὸν ἰσχυρὸν φύξαι.

Siquis apud deos offenderit, non, vel si robustior sit, effugiet. hæc sententia de futuro est: quam si quis seruabit, nunquam periclitabitur: & quidem uerissima habenda. nam ut Horatius in odis inquit,

Reum antecedentem insequitur pede pœna claudo.

SORTILEGIS NON DISCREP VIT. tragœdiarum sententiæ ita ueræ sunt, ut ab oraculo Apollinis non discrepent. de Delphico oraculo notum est. uide Liuium libro primo, ubi Superbi filii, & Brutus Delphos ad consulendum oraculum profecti sunt, de eo, qui post Superbum regnaturus sit. oraculum autem Delphicum, & reliqua omnia ambiguo se responso tuebantur, ut illud apud Ciceronem in libris de diuinatione. Cræsus Halym penetrans magnam peruerteret opum uim. expressum scilicet ex Herodoto, κροῖστος ἄλλω διαβάς μεγάλῳ ἀρχὴν διαλῦσαι. ignotum est enim, utrum regnum periturum sit Cræsi, an Cyri. ut autem res euenerit, oraculum mendax non reperietur. Parrhasius de philosophis intelligit, quorum ait obscuriora esse dicta Delphicis responsis. cuius quàm ridicula sit opinio, facile omnes iudicabunt; cum hic Horatius ποδὶ τῷ γωμῶν uerba faciat: quæ sententiæ in tragicis, ut satis demonstrauimus, occurrunt.

XXXIII.

Carminē qui tragico uilem certauit ob hircum,
Mox etiam agrestes satyros nudauit, & asper
Incolumi grauitate iocum tentauit, eò quòd
Illecebris erat, & grata nouitate morandus
Spectator, functusq; sacris & potus, & exlex.

Nihil tragœdia tristius est, in qua duo illa, ut est in poetice Aristotelis, exprimuntur, miserabile, & terrificum. ut igitur spectantium animi aliqua iucunditate reficerentur, ac recrearentur, satyros induxerunt qui in tragœdia saltarent, & risus hominum elicerent. eos quidem Sophocles è tragœdia græca eiecit, ut ait Aristoteles, mox iterum à latinis sunt recepti, ut postliminio uenisse uideri possint. Virgilius, qui saltantes eos in tragœdijs latinis conspexerat, hunc uersiculum in Aeglogis habet,

saltantes satyros imitabitur Alphesibœus.

Quemadmodum tragœdia seueritatem iocis satyrorum temporarit, Demetrius Phaleræus in libro de elocutione his uerbis docet. τραγωδία δὲ χυτὰς μὲν πρὸς λαοὺς αἰεὶ καὶ πολλοῖς, ὁ δὲ γίλως ἐχθρὸς τραγωδίας, οὐδὲ γὰρ ἐπινοήσειεν αὐτὸς τῶν τραγωδίων παίζεσθαι. ἐπεὶ σάτυρον γὰρ αἰτὶ τραγωδίας. tragœdia autem in multis rebus gratias, & facetias assumit, & risus quidem tragœdiæ inimicus est: neque enim quisquam apte ludentem, atque hilar-

IN POETICEN HORATII

rem tragœdiam conficeret . nam tum satyrum pro tragœdia scribet , & confinget . iccirco autem olim satyri à tragœdia reiecti sunt , ut , eorum ineptiis , & ridicula oratione dimissa , tragœdia grauior uideretur . Aristoteles in poetice sic , δὲ τὸ ἐν σατυρικῇ μετὰ βλάβειν , ὁ δὲ ἀπὸ σατυρικῆς . quia è satyrico euasit , sero grauitatem tandem recepit . sed Sophoclem quispiam reprehendet , quòd omni lepore tragœdiam priuarit , ac rigorem tantum , & tristitiem ei reliquerit , ut nulla ex ea uoluptas capi potuerit . responde , Sophoclem non sustulisse tragœdiæ risum , sed honestiorem fecisse . nam tres histriones induxit , cum unus esset antiquitus , duos Aeschylus instituisse . Aristoteles in poetice , τρεῖς δὲ καὶ σκλωροχρόνῳ Σοφοκλῆς . tres , & scenæ apparatus Sophocles produxit . OB HIRCVM VILEM . Ἰρῶς , idest hircus , tragœdiæ præmium . hinc tragœdia dicta est . uilem uocat hircum uel quia tenue præmium erat tanti poematis , uel ob foetorem . Horatius libro primo epist. nam nimis arcta premunt olidae conuiuia capræ . miror quosdam putasse , uilem esse hircum poeseos habita ratione , cum tragœdiam in poetice Aristoteles grauiissimam rem esse dicat , eamq; epopœiæ anteponat . CERTAUIT . poetae sæpe certatim sua scripta recitabant , ut palmam referrent . horum certamina commissiones appellat Suetonius in Augusto , ubi uetuisse ait Augustum suum nomen in commissionibus celebrari . licet commissiones ex tempore fusa carmina certatim uideri possint . de poetarum certaminibus sic Aristoteles in poetice , ἀγωνισματα γὰρ ποιούντες . &c. inducentes certamina . Agathon in conuiuio Platonis uicerat in certamine , & epinicia , idest conuiuia ob uictoriam statuerat . Socrates loquitur . χεῖς γὰρ αὐτὸν διέφυγον τοῖς ἀθηναίοις φοβηθεὶς τὸν ὄχλον . heri cum in epiniciis uitani , quia turbam , & tumultum ueritus sum . AGRESTES SATYROS . erant satyri Sileni , & alii dii rustici , qui saltabant . Pollux libro quarto , σατυρικὰ δὲ πρὸς σατυρὸς πελὶος , σατυρὸς γλῆφον , σατυρὸς ἀγλῆδος , σίληνος , &c. Satyrica autem personæ , satyrus canus , satyrus pubes , satyrus impubes , Silenus . de horum saltatione Athenæus libro decimoquarto . ἡ δὲ γυμνοποιικὴ πρὸς ἐμφορῆς ὅτι τῇ Ἰαγνῇ ὀρχήσεται , ἢ πρὸς ἐμμελίᾳ καλεῖται . nuda exercitatio similis est tragicæ saltationi , quæ emmelia dicitur . de emmelia hac Plato libro tertio de legibus sic , δύο δὲ τῶν ὀρχήσεων τῶν καλῶν εἶδη , τὸ μὲν περικυκλὸν πρὸς ἴχαν , ὃ δὲ ἐπὶ πῶλον ἐμμελίαν ἐπὶ νόμον , duæ honestarum saltationum species sunt , altera bellica , quam Pyrrhichen , altera pacis propria , quam emmeliam nominarunt . NVD AUIT . ut leuius , & commodius saltarent . Sic Luperi nudi per forum excurrerant : quod de M. Antonio Luperco legitur Philippica secunda apud Ciceronem . INCOLVMIGRAVITATE . non supra modum facetus aspersit sales grauitate , quod non efficiunt nimis seueri , ut Crassus , quem Asconius in Verrem ἀγλασόν appellat , quòd nunquam raderet . Aristoteles libro secundo ad Nicomachum de moribus , ποδοὶ δὲ τὸ ἡδὺ τὸ μὲν ἐν παιδιᾷ ὁ μέσος οὐτάρ πελὶος , καὶ ἡ διάθεσις οὐτάρ πελὶα . ἡ δὲ ἀποδιδόλη βωμολοχία , καὶ ὁ ἔχων αὐτῶν βωμολοχός . ὁ δὲ ἐν μέσῳ ἀγρῖνός τις , καὶ ἡ ἐξὶς ἀγροικία . in suauitate ioci qui mediocritatem adhibet , facetus est , & dispositio , face-

ta quædam iucunditas: exuperatio autem scurrilitas, & eam habens scurrilis: qui uero deficit, rusticus, & habitus rusticitas nuncupatur. ASPER. primo, & per se asper in tragœdia, mox innatam asperitatem facetiis condidit. GRATA NOUITATE. nouitas fuit in satyris primum adhibitis, & admissis in tragœdiam. et germanum, uerumq; epitheton nouitati addidit: solet enim ea esse omnibus gratissima. Lucianus in Zeuside suorum scriptorum nouitatem quamplurimos in admirationem adduxisse affirmat, καὶ πάντες αὐτὸν, καὶ οὗτος ἰπποκράτους, τὸν γὰρ μὲν τῆς συγγραφῆς πρῶτον ξένον οὐκ ἔχον, καὶ πολλὰ αὐτῇ τὸν νεωτέρου τῶν παλαιῶν. omnes unum & idem significabant, sententiam scriptorum peregrinam, & multam in ipsa nouitatem. sic etiam in scriptis tragicorum, receptis satyris, nouitas probata est. MORANDVS. detinendus, ut libentissime audiret, spectaret ue. FVNCTVS. in ludis enim publicis, qui diis instituebantur, tragœdiæ recitabantur. POTVS, ET EXLEX. ebrius, & nullas leges colens: ideo autem legum hostis, quia ebrius. quare Pittacus duplici poena ebrios afficiendos esse putauit, tum quod ebrietate essent correpti, tum etiam quia propter ebrietatem semper tetrum aliquod facinus admittunt. Laertius in Pittaco. Aristoteles libro secundo rhetoricorum. uel exlex, idest ab omni cura, & labore immunis, quod Demosthenes in Leptinem sic expressit. φήσει δὲ ἀνὰ ξίους ἄνδρες ἀνιθεώπων ὀρεοφίλους τέλδαν. dicet indignos quosdam homines immunitatem consecutos. per potum autem intellige, non penitus ebrium, sed ita uino grauatum, ut sine satyris attentus haberi non potuerit, quæ somnum illi excuterent.

XXXV.

Verum ita riores, ita commendare dicaces
 Conueniet satyros, ita uertere seria ludo,
 Ne quicunque deus, quicunque adhibebitur heros
 Regali conspectus in auro nuper, & ostro,
 Migret in obscuras humili sermone tabernas,
 Aut, dum uitat humum, nubes, & inania captet.
 Effutire leues indigna tragœdia, uersus,
 Vt festis matrona moueri iussa diebus
 Intererit satyris paulum pudibunda proteruis:

Causam, qua satyros in tragœdiam ueteres poetæ inuexerint, superiore contextu poeta explicuit. nunc quo modo, quo ue decoro inducendi satyri sint, diligenter nos admonet. nam qui tragœdiam scribet, nec nimium ut satyricus se submittet, nec nimium ut tragicus se attollet. RISOIRES. satyri riores sunt, quod aptissimi sint ad risum apud spectatores concitandum, & quia cum risu hominum uitia incessunt, & exagitant. Quintilianus libro sexto, cap. de ridiculis sic. dicacitas sine dubio à dicendo, quod omni generi commune, dicta est, proprie tamen significat sermonem cum risu aliquos incessentem. & re uera cum aliquem carpinus, alicuius ue aucto-

ritatem contemnimus, semper fere ridemus, ut apud Platonem in Euthydemo, Socratem irridet Euthydemus, et Dionysodorus, quod ab illo militaris artis præcipue periti essent iudicati. ἐπεὶ λαοὶ τὴν οὐκ ἄμφω ἐλέφαντες εἰς Ἀθήνας. ambo riserunt se mutuo spectantes. adduximus testes Quintilianum, et Platonem, sed res ipsa loquitur: omnis enim grammaticus docuit, risorem esse, et qui risum cieat, et eum, qui ipse rideat. DICACES. facetos. Cicero libro secundo de oratore duo genera facetiarum ponit, cauillationem, et dicacitatem, cauillationemque esse interpretatur, dispersas per totam orationem facetias, dicacitatem uero breuem, et astutam, quæ ideo dictum uocetur. ITA VERTERE SERIA LUDO. ita conueniet tragædiam, poema serium, et graue, ludo, idest iocis satyricis commiscere, ut præclarissimus consensus fiat. quod Plato in sophista sic expressit. πάντα εἰς ταὐτὸν συνάγεμεν, ὥς δὴ αὐτὰ ἐπινοίωνεῖν Ἀλλήλοις. omnia misceamus, quæ possint sibi mutuo prodesse. NE QVICVNQVE DEVS. sensus est, ne qui in tragædia deum, aut heroa representarit, in satyra migret in tabernas obscuras, idest satyrorum personam induat, qui humiles dei in humilibus tabernis uersari solent, ut dii, heroesque in auro, et ostro. non enim graues personæ in satyricas ineptias sunt induendæ. hinc non absimili ratione Cicero Scæuolam, grauiissimum, et clarissimum libris II. et III. de oratoreloquentem, aut præsentem non adhibuit, ubi de rebus tanto uiro dignis non agebat, imitatus Platonem idem in Socrate seruantem, ut in epistolis ad Atticum scriptum reliquit. HEROS. uir grauis. heros uere semideum significat. Plutarchus in libro de oraculis. ex Hesiodo sic, ἔστι θεὸς τὸ λαογόνος, τὸ ἀνθρώπων, ἔστι δαίμων, ἔστι δὲ ἥρωας, ἔστι αἰθερώπιος, τὸ ἡμιθεῖος εἰς ἥρωας ἀφικνέμενος. exposuit Hesiodus eorum, qui ratione utuntur, quatuor genera, deos, deinde damonas multos, et bonos, mox heroas, postremo homines, semideis in heroas coniectis. rectissime igitur noster Flamminius semideum, idest heroa, Paulum III. Pontificem maximum, appellat in elegia, in qua de Alexandro Farnesio Cardinale sic inquit.

Progenies claris edita semideis.

Dionysius libro primo historiarum, ubi de Ilia ex Marte granida scribit, sic de heroibus sentit. καὶ μετὰ τὸ θεῖς, καὶ τὸ θνητὸν γένος ὑπὸ χυλὸς φύλας, ὡς δαίμονων φύλον ἐπὶ χεῖ, καὶ τὸ μετὰ αἰθερώπιος, καὶ τὸ θεῖς, καὶ τὸ μετὰ ἡρώων φύλον ἐπὶ χεῖ. et cum media quædam inter diuinum atque humanum genus natura sit, quam damones sustinent, et hominibus, et deis mixtum heroum ortum esse genus. NUPER. cum in tragædia aureis, et purpureis uestibus paulo ante fulsisset, tanquam rex quidam. IN OBSCURAS TABERNAS. quid regibus cum tabernis? quæ erant pauperum. Horatius in odis libro primo.

Pallida mors æquo pulsat pede pauperum tabernas,

Regumque turres.

Vel intellige tabernarias comœdias ex personis obscuris, et plane tabernarijs, ut Grifolus docte ante me obseruauit, licet ego sicetiam

interpretor, non esse præstantem personam in satyros, & Silenos bibaces inducendam, ut eos etiam representet. nam hi dii bibaces cum sint, uinaria taberna delectari uidentur. Virgilius de Sileno.

Chromis, & Mnasyllus in antro

Silenum pueri somno uidere iacentem,

Inflatum hesterno uenas, ut semper, Iaccho.

Tabernas igitur uinarias Horatius innuit, in quibus liberi, & ingenui homines nos uersabantur. Halicarnassensis libro nono, οὐδὲν γὰρ ἡλικίων οὐτὲ καὶ πηλόν, οὐτὲ χειροτέχνην εἶον ἔχειν. nemini Romano licebat popinam, & mechanicam uitam exercere. idem de Atheniensibus affirmat Isocrates in Areopagitico, οὐ καὶ πηλείω δὲ φαγεῖν, ἢ πίνειν οὐδέ τις οὐδ' αὖ οἰκέτης ἐπεικὴς ἐτόλμησε. in popina uero edere, aut bibere nemo nec seruus quidem frugi ausus est. HUMILI SERMONE. cum oratione, quæ non grauius tractet, qualis agrestibus Satyris tribuitur. at dixerit quispiam, inducam grauioribus personas, illustrioribusq; quæ inter satyros quidem uersentur, sed tragice, & grauius dicant. his respondendum est, grauitatem sermonis satyros non decere, seruandum igitur esse in personis decorum. nam in Euthydemo Platonis non laudatur Euthydemus, qui id non seruauit, cum puero Clynie grauius quæstionem proposuit, an discant qui sapientes sunt, uel qui indocti. ubi Socrates sic inquit. καὶ εἰ περὶ κλον ἄτε μὲν ἄλλου ὄντος τὸ δὲ ὅτι μὲν ἔστιν ἐνθεοῖα τε. &c. et puer magnitudine rei propositæ erubuit. DVM VITAT HUMVM. dum tragœdia humile genus uitat, ne se altius, quàm par est, extollat. humum dixit, quæ nihil inferius, abiecius ue. Menelaus apud Homerum segnes socios terram uocat, & aquam. Vos, inquit, estis χοῖα, καὶ ὕδωρ. NVBES, ET INANIA CASPET. altius euolet, ut Icarus fecit. de quo in odis.

Ope Dædalea

Nititur pennis, uitreo daturus

Nomina ponto.

Iason supra naturalia, & incorporea innuere hic Horatium affirmat. cum tamen elementa corpora simplicia dicantur, et naturalia. quod Aristoteles libro secundo physicorum sic testatur, τῶν ὄντων τὰ μὲν ὅτι φύσει, τὰ δὲ δι' ἄλλας αἰτίας, φύσει μὲν τὰ τε ζῶα, καὶ τὰ μὲν αὐτῶν, καὶ τὰ φυτὰ, καὶ τὰ ἀπλὰ τῶν σωμάτων, οἷον γῆ, καὶ πῦρ, καὶ ἄηρ, καὶ ὕδωρ. τῶν δὲ μὲν γὰρ εἶναι, καὶ τὰ τοιαῦτα φύσει φανερὰ. Eorum, quæ sunt, omnium, quædam naturalia sunt, quædam alijs causis adscribuntur, naturalia quidem sunt, animalia, & eorum partes, & plantæ, & simplicia corpora, ut terra, & ignis, & aer, & aqua. hæc enim, & huiusmodi naturalia contineri dicimus. quare Iason non belle hic philosophatus est. LEVES VERSVS. nam proxime dictum est, nimiam illam tenuitatem, & tabernarium sermonem tragœdiæ non esse congruentem. quini- mo M. Tullius in libro de optimo genere oratorum, in tragœdia inquit comicum uitiosum est. EFFVTIRE. inepte loqui, id fortasse, quod Græci dicunt λαλεῖν. apud

N

Xenophontem. ὁ εἰς οὐ μὲν λαλεῖν, ἀδυνάτοί τ' ἐστι δὲ λέγειν. optimus quidem ad effu-
tiendum, sed ad dicendum longe impar. VT FESTIS MATRONA. ut
matrona grauitatem in choreis, sic tragœdia in satyris tueatur. festos dies intellige, ut
Acron sentit, eos, quibus matri Deorum sacra fiebant: tunc enim matronæ saltabant,
uel, ut soleo ego interpretari, Calendas Martias, qui dies festis mulierum dicatus erat.
Paulus iuriconsultus libro uigesimo quarto Digestorum, titulo de donationibus inter
uirum, & uxorem, lege trigesima prima, sic inquit. si uir uxori munus immodicum
Calendis Martijs, aut natali die dedisset, donatio est. in quem locum lege Budæum in
Pandeſtis. PVDIBVND A. tragœdia inter proteruos, & lasciuos satyros erit
pudibunda, ut matrona, quæ grauis est. nam matronarum proprius pudor est, præ-
sertim cum inter uiros uersantur. unde fœminis non licebat uel pro se, uel pro alijs
apud iudices, ullosq; magistratus dicere. uide Valerium Maximum libro octauo, cap.
tertio, Vlpianum iuriconsultum libro tertio Digestorum, titulo de postulando, le-
ge prima.

XXXVI.

Non ego inornata, & dominantia nomina solum
Verbaq; Pisones satyrorum scriptor amabo,
Nec sic enitar tragico differre colori,
Vt nihil intersit, Dauus ne loquatur, an audax
Pythias emuncto lucrata Simone talentum,
An custos, famulusq; dei Silenus alumni.

Supra comoediam, et tragœdiam distinxit. nunc satyram ab illis separat: primum
autem de elocutione satyrica agit. INORNATA, ET DOMINANTIA.
Acron, & Iason inornata pro humilibus, & rusticis exponunt, dominantia Acron
pro significantibus, & proprijs, Iason pro grauibus. quid alij etiam sentiant, unus-
quisque uidere potest. me iudice hic sensus est Horatii. satyricus non id curare tantum
debet, ut proprijs uerbis utatur. nam etiam translata satyræ conueniunt. paulo in-
fra clarior est hæc sententia, ubi simplicem, et uulgarem esse uult Horatius satyricam
inventionem, sed elocutione ita perpoliri, ut non quiuis possit eam commode tractare.

Ex noto fictum carmen sequar, ut sibi quiuis

Speret idem, sudet multum, frustra q; laboret

Ausus idem: tantum series, iuncturaq; pollet.

Sunt igitur inornata, & dominantia, quæ propria etiam dicuntur. nam propria ora-
tionem perspicuam reddunt, translata uero ornatam, ut ait Aristoteles, propria non
ornant. ergo inornata uideri iure optimo possunt. Aristotelis uerba sunt libro tertio
rhetor. τὸ δὲ ὀνομάτων, καὶ ἑρμείων ἑστὶ μὲν ποιεῖν τὰ ὑψηλὰ, μὴ τὰ πενιχρὰ δὲ,
ἀλλὰ καὶ κοινὰ μὲν τὰ ὀνόματα. ex nominibus, et uerbis propria quidem per-
spiciam efficiunt; non humilem autem, sed ornatam alia nomina. Dominantia etiam

propria sunt, quòd in sua significatione consistunt, & non transferuntur. ideo dominari, & in suo regno permanere uidentur. Quintilianus libro octauo, cap. de tropis, transfertur ergo nomen, inquit, aut uerbum ex eo loco, in quo proprium est, in eum, in quo aut proprium deest, aut translatum proprio melius est. Madius hic per inornata, & dominantia uerba, communia, & uulgaria interpretatur, non multum à nobis discrepans, & sententiam poetæ eam, quam nos, elicit. nam quod forte, inquit, quispiam putaret, rudem, atque inpositam prorsus esse debere Satyrorum locutionem, id Horatio non placet. NOMINA VERBA QVE. utrunque apposit, quia propositio ex nomine, & uerbo constat, ut docet etiam Aristoteles in libro de interpretatione, & Cicero libro primo quæstionum Tusculanarum his uerbis. an tu dilectis ne imbutus quidem es? in primis enim hoc traditur, omne pronunciatum, (sic mihi in præsenria occurrit, ut appellarem axioma, utar post alio, si inuenero melius) id ergo est pronunciatum, quod est uerum, aut falsum. cum igitur dicis, miser M. Crassus, aut hoc dicis, miser est M. Crassus, ut possit iudicari, uerum id, falsum ne sit, aut nihil dicis omnino. quo loco Cicero axioma, non, ut Aristoteles, pro certa, uera, & concessa propositione sumit, sed pro simplici propositione, quæ ex nomine, & uerbo conflata sit, Stoicorum more, ut ex Laertio in Zenone licet intelligere. hospes in sophista Platonis sic inquit. ἐκὼν ὅζον μάτων μὲν μένων συνεχὼς λεγόμενων οὐκ ἔστι ποτέ λῆξις, οὐδ' αὖ ἐν μᾶτων χρεῖς ὀνομάτων λεχθέντων. Igitur non ex nominibus tantum, nec ex uerbis sine nominibus prolatis oratio conficitur. SATYRORVM SCRIPTOR. si ego satyras in tragœdia scriberem. TRAGICO DIFFERRE COLORI. non sic, inquit, contendam differre à tragœdia, ut à comœdia etiam non differam, sed ab utraque discrepare enitar. de colore supra diximus, contextu undecimo ibi, Descriptas seruare uices, operumq; colores &c. adhuc enim Horatius agit de genere sermonis satyrici, non de inuentione, ut alii arbitrantur, de qua est in sequentibus uersibus, ibi, Ex noto fictum carmen &c. DAVVS NE. Dauus, Pythias, Simo, personæ comicæ sunt, Silenus satyrica. alia comicis, alia satyricis uerborum ratio comparanda est. nam dissimiles personæ eodem orationis genere uti non debent. EMVNCTO. deluso, ablato ei talento. naso enim suspendere, & deludere solemus. hinc apud Martialem rhinocerotis nares habere, pro deludere. hoc innuit hic poeta: quia emungere nasi est. Horatius libro secundo epistolarum.

Prætulerim scriptor delirus, inersq; uideri,

Dum mea delectent mala me, uel denique fallant,

Quàm sapere, & ringi.

Aristoteles tria genera contemptus ponit libro secundo rhetoricorum. ἢ ἂν δ' ὅτιν ἔδῃ ὀλιγωρίας, καὶ ἀφρόνησις τε, καὶ ἐπιχειρήσις, καὶ ὑβρις. idest, ut victorius etiam uertit, desipientia, & ut ita loquar, incommodatio, & contumelia. Horatij locus pertinet ad incommodationem prærepto sen talento. ALVMNI DEI. Bacchi. lege comitatum Bacchi apud Ouidium li-

IN POETICEN HORATII

bro quarto metamor. in quo etiam silenum reperies. CVSTOS, FAMVLVS= QVE. pædagogus. Plato in Lyside, de pædagogis Menexeni, & Lysidis. πῦναι λον, καὶ ἐκέλευον αὐτοὺς οἰκιστὰς ἀπαιεῖν. ἦ δὲ καὶ τῶν δούλων. acciuerunt, & ut domum irent, iusserunt: iam enim aduersperascebat. hoc est custodis, & famuli officio fungi.

XXXVII.

Ex noto fictum carmen sequar, ut sibi quiuis
Speret idem, sudet multum, frustra q; laborer,
Ausus idem. tantum series, iuncturaq; pollet,
Tantum de medio sumptis accedit honoris.

Haftenus de elocutione satyrica, nunc de inuentione præcepta traduntur. quam uult Horatius ex noto sumi, idest è uulgo: non autem subtilem, acutam, & exquisitam esse: satyri enim cum sint rustici, non sunt callidi, sed simplices potius. at si uulgaris eorum sententia uulgaribus etiam uerbis uestiretur, & nullis facibus uerborum illuminaretur, nulla præclara dispositione digereretur, nihil esset ineptius. quare rudis inuentio satyrica præstanti dispositione, & elocutione adiuuanda est. Ciceronis in oratore ad Brutum uerba quedam huic loco Horatii mirifice respondent. ac primum, inquit, informandus est ille nobis, quem solum quidam uocant Atticum. summissus est, & humilis, consuetudinem imitans, ab indifertis re plus, quàm opinione differens: itaque eum qui audiunt, quamuis ipsi infantes sint, tamen illo modo confidunt se posse dicere. nam orationis subtilitas imitabilis quidem illa uidetur existimanti, sed nihil est experienti minus. hæc Cicero. Acron mea quidem sententia hic non recte, sic inquit, ex noto fictum carmen sequar, argumenta satyrica ex tragædijs notis constringam. neque enim præcipit Horatius inuentionem satyricam sumendam ex notis tragædijs, sed ex noto, idest è uulgari, & communi ratione, quæ rudis est. Madius clarissimus non multum discrepat ab Acrone: sic enim inquit. quod scilicet in reprimendis satyris notis quibusdam carminibus, aliqua tamen ex parte immutatis, non nulla scilicet demendo, atque in eorum locum satyris congruum aliquod reponendo, nos apte uti posse admoneat. Iam uero quid nos sentiamus, expressimus, & nostram sententiam non solum Ciceronis uerba, quæ adduximus, adiuuant, sed etiam Hermogenes corroborat, qui libro secundo de Idæis oratorijs. ubi agit τῶν ἀφελείας, idest de simplicitate, qualem nos in satyris esse uidemus, sic ait, εὐνοικε τοίνυν εἰσὶν ἀφελείας ἀπὸ τῶν μὲν εἰπεῖν αἱ κατὰ γὰρ. sententiæ simplicitatis sunt simpliciter dicendo pure. SEQVARE. probabo, pedibus iens in sententiam eorum poetarum, qui hoc facient. tractum enim est à ueteribus, qui pedibus ibant in sententiam. Cicero libro primo famul. epist. ij. ad Lentulum de tribus legatis frequentes ierunt in alia omnia. ubi Paulus Manutius, uir doctissimus, post adductum Ciceronis testimonium ex libro decimo ad Plancum, et Hircij ex libro octauo de bello Gallico, sic inquit: sunt autem uerba, qui



bus, cum discessio faciendā esset, minister publicus praeibat, cum ita diceret, qui haec sentitis, ite in hanc partem, qui alia omnia, in illam, &c. SPERET IDEM. quia res perfacilis uidetur. Cicero in oratore. nam orationis subtilitas imitabilis illa quidem uidetur existimanti, sed nihil est experienti minus. Quintilianus libro quarto: neque enim aliud in eloquentia cuncta experti difficilius reperient, quam id, quod se dicturos fuisse omnes putant, postquam audierunt. SERIES. dispositio. Cicero in Bruto. omnia ueniebant Antonio in mentem, eaque suo quaque loco, ubi plurimum proficere, & ualere possent, ut ab Imperatore equites, pedites, leuis armatura, sic ab illo in maxime opportunis orationis partibus collocabantur. IUNCTURA. uerborum. ut series rerum, est compositio. Cicero in Bruto. sed tamen Antonius in uerbis et eligendis, neque id ipsum tam leporis causa, quam ponderis, et collocandis, et comprehensione deuinciendis nihil non ad rationem, et tanquam ad artem dirigebat. nec minus clare Quintil. libro nono, cap. ultimo. Iunctura sequitur ea in uerbis, incis, membris, periodis. omnia nanque ista et uirtutes, et uitia in complexu habent. DE MEDIO. id, quod paulo ante ex noto, id est e uulgari captu, & qualitate. quod hic de satyra, idem de comedia dixit Horatius libro secundo epistolarum, ad Augustum scribens.

Creditur, ex medio quia res accersit, habere

Sudoris minimum, sed habet comedia tanto

Plus Veneris, quanto ueniae minus.

Sic Cicero locutus est in oratore ad Brutum. uerba legenda sunt, potissimum bene sonantia, sed ea, non, ut poetae, exquisita ad sonum, sed sumpta de medio. satyra autem comediae similior, quam tragoediae est: quia comedia etiam humilis est. supra contextu xij.

Indignatur item priuatis, ac prope socco

Dignis carminibus narrari coena Thyestae.

Alii his uerbis, de medio sumptis, mediocrem inuentionem significari existimant, quos tamen res ipsa confutat.

XXXVIII.

Siluis deducti caueant me iudice Fauni

Ne uelut innati triuiis, ac pene forenses

Aut nimium teneris iuuenentur uersibus unquam,

Aut immunda crepent, ignominiosaque dicta,

Offenduntur enim quibus est equus, & pater, & res,

Nec, si quid fracti ciceris probat, & nucis emptor,

Aequis accipiunt animis, donant ue corona.

Inuentionem satyricam uulgarem, et communem in superiore contextu expetendam esse monuit Horatius: sed hoc non sufficit, ut illa praeclare paretur. nam uulgus uarie loquitur, aliquando pudorem praese fert, aliquando turpitudinem, & lasciuos, urbanaeque mores. ut igitur decorum seruetur, satyri agrestes agresti oratione utantur, non

IN POETICEN HORATII

urbana, & deprauata, qualis in ore populi esse solet. qui rusticis semper corruptior, & callidior est. FAUNI. in satyra erant Fauni, Satyri, Sileni, Panes: à satyris tamen nomen sumit. sic Romæ templum Castoris, & Pollucis, à Castore tantum nomen accipiebat. Suetonius in Cæsare. INNATI TRIVIIS, AC PENE FORENSES. idest urbani, et immunde loquentes: in urbe enim mores hominum corrupti sunt. quare Marcus Imp. sapientissimus Commodum filium ab urbe dimisit in Pannoniam, quò tamen eum adulatores reuocarunt, unde turpissimus euasit. Herodiani libro primo. καὶ λαοὺς ἄπο μνησκοντες αὐτὸν τῆς ἐν ῥώμῃ ψυχῆς, διὰ ματαίαν, καὶ ἀκατάστατον πρὸς διηρομένους, &c. adulatores in memoriam ei redigentes Romanas delicias, spectaculq; et cantus suauis enarrantes, &c. IUVENENTVR. ut iuuenes lasciuant. quod uitium illius ætatis proprium est. Horatius libro secundo epist. scribens ad Florum.

= ne potum largius æquo

Rideat, ac pulset lasciua decentius ætas.

Plato in Euthydemo de Ctesippo. ὕβρις δὲ, ὅτι τὸ νέος εἶναι. contumeliosus autem, quia iuuenis est. NIMIVM TENERIS. agrestes enim uersus solent esse non teneri, sed simplices. libro primo epigrammatum Græcorum Mnasilchi poetæ epigramma est, quo fistulam reprehendit, quæ à montibus in urbem uenire ausa sit, ubi inepta uidetur. ubi inter alios hic uersiculus legitur. ἃ δ' ἀρχία μουσ' ἐν ὄρει νέμεται. agrestis musa in monte habitat. rationem hic reddit Horatius, quia decenter non potest tenera effingi. CREPENT. eloquantur. hinc crepare montes, apud Longolium in epistola ad Bembum libro primo. Horatius in satyris libro secundo.

Siquid Stertinius ueri crepat.

IMMVNDA. obscœna. ne scribenti

satyras poetæ id obijciatur, quod Aeschinem Demostheni obieciſſe Theon retulit in prologymnasmatibus: φησὶν αὐτὸν μὴ καὶ δορὸν τὸ στόμα, μηδὲ ὄρεν τὴν φωνὴν περὶ τῶν. illum inquit ore esse immundo, etiam ea parte, qua uocem emittit. IGNOMINIOSA. dum alijs notam inurit infamiæ satyrus maledicus. αἰσχρὸν δ' φθορτικόν. in poetice Aristoteles uocat contumeliam, quæ turpem hominem reddit, in quem maledicta coniiciuntur, sed tamen eius corpus non corrumpit. uel ignominiosa, idest ignominia digna, ac plena, ut, qui dicit, infamia ardeat. nam ut in Lachete Platonis inquit Laches ipse, uerba, & uita hominis solent esse inter se congruentia, διώμενος ἅμα τὸν τε λέγοντα, καὶ τὰ λεγόμενα, ὅτι πρὸς πάντα ἀλλήλοις καὶ ἀρμόττοντα ὄντι. dicentem simul, & dicta spectans, quòd conueniunt, respondentq; inter se mutuo. QUI BVSEST EQVVS. equester ordo, qui à senatorio, & plebeio equo, ut hic apparet, distinguebatur, item annulo à plebe, & sedem in quatuordecim graduum ordinibus separatam habebat, ut poemata commodius audirent. Suetonius in Cæsare sic, Ludis Decimus Laberius eques Romanus mimum suum egit, donatusq; quingentis sestertijs, & annulo aureo sessum in quatuordecim ex scena per orchestram transiit. ET PATER. patritij. patres dicti centum illi, quos in senatum Romulus asciuit: hoc

rum filii patritii. *Linus libro primo. ET RES.* & res familiaris, & opes. nam senatores, & equites census faciebat, quadringenta sestertia censum implebant equestrem. *Iuuenalis satyra decimaquarta.*

Sume duos equites, fac tertia quadringenta.

Et hoc lege Roscia institutum est. *Horatius epistola prima libri primi.*

Is ne tibi melius suadet, qui rem facias, rem

si possis recte, si non, quocunque modo rem,

Vt propius spectes lachrymosa poemata Puppi.

Vbi de Roscia lege mentio est. Senatorius census duplex, ab Augusto etiam auctus. *Suetonius in Augusto*, censum senatorium ampliavit, & pro octingentorum milium summa duodecies sestertium taxauit. *FRAC TI CICERIS, ET NV CIS EMPTOR.* plebs inops gaudebat liberioribus iocis, non ita alii. hæc propter inopiam legumina emebat. *Cicero pro Muræna* de plebis inopia sic. ipsi denique, ut solent loqui, non dicere pro nobis, non spondere, non uocare domum suam possunt, atque hæc à nobis petunt omnia, neque ulla re alia, quæ à nobis consequuntur, nisi opera sua compensari putant posse. tales Romæ capitecensi. *Sallustius in Iugurtino bello*, de Mario. capitecensos plerosque. id factum alii inopia bonorum, alii per ambitionem consulis memorabant. de his etiam *Gellius libro decimo quinto*, cap. decimo. *DO NANT VE CORONA.* bonos poetas edera coronabant. *Virgilius egloga septima.* Pastores edera crescentem ornate poetam Arcades. uel non dignos corona putant, & coetu audientium. illud non reticendum uidetur: cum equites equo, patritii patre, equites, senatores re, ut docuimus, significantur, plebs leguminibus, lasonem plebem intelligere per rei dictionem, quasi uero equites, & senatores rem familiarem non habuerint; & qui locupletiores sunt, ut senatores, & equites, non fuerint potius re significandi.

XXXIX.

Syllaba longa breui subiecta uocatur iambus,
Pes citus, unde etiam trimetris accrescere iussit
Nomen iambeis, cum senos redderet ictus,
Primus ad extremum similis sibi, non ita pridem,
Tardior ut paulo, grauiorq; ueniret ad aures,
Spondeos stabiles in iura paterna recepit,
Commodus, & patiens, non ut de sede secunda
Cederet, aut quarta socialiter. hic & in Acci
Nobilibus trimetris apparet rarus, & Enni.

De elocutione tragica, & comica ut plenius uideatur præcepisse, agit nunc etiam de instrumento elocutionis. nam metrum poetis instrumentum est elocutionis: in tragicis autem, & comicis metris plurimi iambs reperiuntur, & spondei. igitur de iam-

IN POETICEN HORATII

bo, et spondeo hic non reticendum sibi putauit Horatius. SYLLABA LONGA BREVI SVBIECTA. duæ syllabæ, prior brevis, posterior longa iambum conficiunt. M. Tullius libro tertio de oratore. nam quum sint numeri plures, iambum, & trochæum frequentem segregat ab oratore Aristoteles Catule uester, qui natura tamen incurrunt ipsi in orationem, sermonemq; nostrum, sed sunt insignes percussiones eorum numerorum, & minuti pedes. Quintilianus libro nono, cap. ultimo, sic. Iambum breui, longaq; huic contrarium è longa, & breui, hunc nos choreum, ut alii trochæum nominemus. hæc ille. pedes autem huiusmodi in pœsi constant metrum, in soluta oratione rithmum Aristotelis libro tertio rhetoricorum, διὸ εὐθμὸν ἀπὲρ χεῖν τὸν λόγον, μὲν δὲ μὴ. πρῶτα γὰρ ἔσται. quare in oratione esse oportet rithmum, seu numerum, non metrum: sic enim erit poema. PES CITVS. si comperetur cum spondeo tardo, qui constat è duabus syllabis longis. sic Aristoteles in prædicamentis, ubi agit de iis, quæ sunt πρὸς τὴν, milium magnum uocat ratione minoris, montem paruum ratione altioris. in odis etiam celeres iambi dicuntur. & in celeres iambos Misit furem. TRIMETRIS ACCRESCERE IVSSIT NOMEN IAMBEIS. Iambicum carmen sex ietibus constans, trimetrum dicitur, propter celeritatem, cum sit senarium. ut statim apparet, ibi, cum senos reddere potest, qui libro nono cap. ultimo sic inquit. longam esse duorum temporum, breuem unius, etiam pueri sciunt, & hoc est, quod ait Cicero in oratore, choreum, qui ex longa, & breui constat, eodem spatio claudi, quo trochæum, qui est ex tribus breuib. quia scilicet longa chorei ualet duas breues trochei. quia igitur breuitas in syllabis contrahit, longitudo producit, ac diffundit, iambus propter priorem syllabam breuem ex senario in trimetrum colligitur, ac reducitur. ACCRESCERE. in codice Bernardini Parthenij, uiri doctissimi, qui Vincentiæ publice græcas, et latinas literas magna cum laude profitetur, accedere est, non accrescere. et quidem non inepta lectio est. nam iambico uersui in trimetrum contracto contrahi nomen uidetur, non accrescere. nisi accrescat, quia non solum senarium, sed etiam trimetrum appellant. PRIMVS AD EXTREMVM SIMILIS SIBI. idest à principio ad finem olim ex iambis duntaxat constans. sic in Verrem oratione septima, qui furta in Sicilia nunquam intermisit, antequam hoc delectum, præclarumq; consilium iste dedit, ut ab ijs nummo acciperet, ac sui similis esset. TARDIOR VT PAVLO, &c. inferi coeperunt mox spondei inter iambos, ut uersus grauior redderetur, cum grauitate spondeorum leuitas iamborum temperata esset. nam spondei tardi sunt, cum ex duabus longis syllabis constant. Dionysius in libro de compositione, ὁ δὲ ἀμφοτέρωσ' ἑὸς σὺλλαβᾶς μακρὰς ἔχον κύκληται μὲν ἀπὸνδῆτος, ἀξίωμα δ' ἔχει μέγα, καὶ σεμνότητα πηλλῶ. utranque syllabam longam habens spondeus uocatus est. magnam autem dignitatem, & plurimum grauitatis præ se fert. Pythagoras spondeis iuuenes bacchantes, & in castissimam domum impetum facientes repressit, cum in eos ipse noctu incidisset, quo tempore stellas contemplabatur. IN IVRA PATERNA. in eum locum, quem

IN POETICEN HORATII

Et data Romanis uenia est indigna poetis,
Iccirco ne uager? scribamq; licenter? an omnes
Visuros peccata putem mea? tutus, & intra
Spem ueniae cautus. uitauit denique culpam,
Non laudem merui. uos exemplaria græca
Nocturna uersate manu, uersate diurna.

Latinos poetas reprehendit, quod spondeos nimium adamarint, & Græcos ijs an-
teponit, quorum in scriptis crebriores iambi sunt. MAGNO CVM PONDE-
RE. propter crebros spondeos, quos stabiles paulo ante uocauit propter pondus, &
grauitatem. non enim magnum sonantes uersus innuit Horatius, ut Acron, Parrha-
siusq; & Acronem sequuti Grifolus Iasonq; crediderunt. nec uero Madii doctissimi
hic opinio admodum placet, qui de magno carminum uolumine exponit. OPERAE
CELERIS NIMIUM. ordo est. iudex premit uersus &c. crimine turpi operæ
nimium celeris, idest uituperat, quod præpropere, & sine cura, studioq; scripti sint.
sic prope Thucydides libro tertio in concione Diodoti, τοῦ μὲν δὲ δύο τὰ ἐναντία τὰ
ὁ βουλήν εἶναι, τὰ γὰρ τε, καὶ ὁρᾶν. rectis consilijs duo maxime contraria esse iudico,
celeritatem, & iram. Plinius libro sexto epistola secunda. paucioribus clepsydri præ-
cipitamus causas, quæ diebus explicari solebant. AVT IGNORATAE AR-
TIS. quæ exigit mixtos spondeis iambos in carmine. quod qui non præstiterunt,
poetæ hic ab Horatio reprehenduntur, non qui graues, & ponderosos uersus edide-
runt. nam hoc laudi tribuendum est, non uitio uertendum. Virgilius de Sophocle
sublimi, & graui poeta, qui imperatorias laudes stylo æquare posset. Sola Sophocleo
tua carmina digna cothurno. ubi Seruius sic. Sophocles autem tragicæ diographus fuit
altisonus. NON QVIVIS IVDIX. non omnes iudices adhiberi recte senten-
tiam ferre de poematibus possunt. Vitruuius libro septimo in proœmio sic inquit: Ari-
stophanes uero, cum ab eo sententia rogaretur, eum primum pronuciari iussit, qui
minime populo placuisset. ubi de poetis loquitur. IMMODVLATA. metho-
do, & modulo poetico non recte efficta. modulum latius patet. Horatius libro pri-
mo epistolarum.

Metiri se quenque suo modulo, ac pede uerum est.

Lilius Gregorius Gyraldus, uir summus in literis, duos libros de poetis nostrorum tem-
porum edidit: in quibus ita ille acri iudicio singulorum poetarum scripta tanquam in
libra Critolai expendit, ut facile doceat, quæ modulata, quæ immodulata poemata esse
censeat. nec uero illum usquam opinio fefellit, nisi ubi me bonum iam poetam esse di-
cit, cum tamen ea carmina nostra legerit, quæ mihi olim adhuc puero exciderunt.
nam si ea præstantia in pangendis carminibus essemus, quæ Ioannes Baptista Pigna
Ferrariensis est, iuuenis in omni genere literarum præstantissimus, ac summus, quæ alij
complures, quos ille nominat; certe mihi iure optimo locum in suis libris Gyraldus esse

uoluisset. ROMANIS POETIS. latinos poetas uenia hac fuisse indignos ait, qua stondaicos, non iambicos uersus panxerunt. Et ut non perfectos non solum hic, sed etiam libro secundo epistolarum arguit. in hoc enim de poetica libro Horatius summi, ac perfecti poetæ speciem quærit: quæ si spectetur, iam latinum poetam, quem ualde mireris, inuenies neminem. sic in oratore Cicero perfecti oratoris exemplum effingens, ea laude Crassum, Antonium, Hortensium clarissimos oratores priuat, his uerbis. in ea urbe, in qua, ut ait Antonius, auditus eloquens nemo erat. atqui si Antonio Crassus eloquens uisus non est, aut sibi ipse, nunquam Cotta uisus esset, nunquam Sulpicius, nunquam Hortensius. Et c. si perfecti aut oratores hi, aut poetæ illi non extiterunt, nobiles tamen fuisse nemo inficias ibit. AN OMNES VISVROS, etc. cum scimus omnium oculos in nos esse coniectos, melius officium colimus. Aristoteles libro secundo rhetoricorum Cydiæ illud refert, ὡς πρὸς κυδίας πρὸς τὸ σάμεον κληροχίας ἐδῆμαζον. ἡ δὲ ἡδὴ ἄπο λαβὴν τῶν ἀθανάτων πρὸς ἐπὶ κληροχίας ἐλκευατο. αὐτὸς ὁρῶντας, καὶ μὴ μόνον ἀνθρώπων ἀλλὰ καὶ ἀνθρώπων. sicuti Cydias de Sami colonia in concione dixit: rogabat enim Athenienses, ut circumstare Græcos omnes putarent, ut uidentes, non audituros tantum ea, quæ decreuerint. Et Cicero in oratione pro Sex. Roscio Amerino M. Fannium in eo iudicio quæsitorem sic alloquitur. quanta multitudo hominum conuenerit ad hoc iudicium, uides: quæ sit omnium mortalium expectatio, quæ cupiditas, ut acria, ac seuera iudicia fiant, intelligis. quibus uerbis non modo multos, sed etiam intelligentes adesse præmonet. TUTVS, ET INTRA SPEM VENIAE. referuntur hæc ad uerba illa consequentia, uitauī, Et merui, non ad superiora. nam uirum doctissimum Iacobum Grifolum Iason minus prudenter reprehendit, quod, ut ego, hæc cum consequentibus coniunxerit. nam hic germanus poetæ sensus est. si uenia contentus sum, culpam quidem nullam sustinebo, sed tamen laudem non referam, ac promerebor: solet enim laus à præstanti uirtute, non à uenia proficisci. spem ueniæ dixit, quod admodum uulgare est, ideo non laudabile: quis enim est, qui se diues non sit? Hesiodus libro primo de operibus, Et diebus, omnia mala è uase Pandoræ euolasse ait, solam spem in imo uase remansisse. μόνον δὲ αὐτὸ δι' ἐλπίς ἐὶ ὁρῶντες ἡμεῖς τὸν ἄπο χεῖλεσιν. innuens, spem apud omnes residere, nec abire. VITAVI DENIQUE CULPAM. quod gloriosum non est. Cicero libro familiarium, in epistola ad Pætum. iam pater eius accusatus à M. Antonio, sutorio atramento absolutus putatur. NON LAUDE MERVI. quam solam petere debemus. unde M. Marcellus hoc indicans templum honori erexit: ut præter Liniū Vitruuius libro septimo testatur. EXEMPLARIA GRAECA. nam, ut postea dicit, Graijs ingenium, graijs dedit ore rotundo Musa loqui. cum igitur Græci perfecti sint, ad eorum nos imitationem Horatius cohortatur. Euripidi quædam errata Aristoteles in poetice opponit, quæ fortasse dilui possunt. eius hæc uerba sunt, ὅτι δὲ πρὸς διδύμα πινέας μὲν ἦεν μὴ αἰαγ-καίων, οἳ ὁ μὲν λῆος ἐν τῷ ὀρέσει. τὸ δ' αἰαγέτω καὶ ἡ τῆς μελαλίπυρος ἑῆσις, τὸ

IN POETICEN HORATII

ἀνὴρ μάλον ἢ τὸ ἀνδρὶ ἐπιχρῆσθαι, οὐδὲν γὰρ εἰσὶν ἡ ἱκετεύουσα τῇ ὕδρῳ, idest
 exemplum improbi moris sit alioqui minime necessarium, ut Menelaus in Oreste: deco-
 ri uero non seruati, Menalippes sermo: in aequalitatis autem, Iphigenia in Aulide: non
 enim, cum supplicat, talis uidetur, qualis postera die est. quod attinet ad Menelaum,
 Orestes in Oreste Euripidis, necata matre Clytemnestra opem à patruo Menelao implo-
 rat. is opem non fert, imo matricidam increpat. hoc uidetur exemplum esse miræ cu-
 iusdam probitatis, qui ne filio quidem ex fratre, qui se matricidio inquinauerat, potue-
 rit non aduersarius esse, cuius quasi iudicium dii immortales secuti Orestem furijs agi-
 tarunt. unde Virgilius. hinc Agamemnonius furijs agitatus Orestes. Alterum cri-
 men est de Menalippe, quam Euripides philosophorum more de natura disputantem
 induxit: uidetur autem esse ἀπειρεσίς, idest indecorum, foeminae tam excellentem re-
 rum cognitionem tribuere. sed excusari potest Euripides. nam decorum potius serua-
 uit: Menalippem enim Neptunus erudierat. qui potuit igitur foemina à tanto deo eru-
 dita non Cassandras, & Carmentas, Mutias, & Licinias, & Cornelias Romanas do-
 Etrina uincere? Dionysius Halicarnassensis in libris rhetoricis, ubi agit, ποῦ ἐχρημά-
 σμ' ὡς λόγου, sic inquit, ἡ δὲ μενελίππη ἐπειδὴ μὴ μὲν ἄπο τῶ ποσειδῶνος. Me-
 nalippe autem à Neptuno erudita fuit. Tertium peccatum uidetur in Euripide esse,
 quod Iphigeniam primum patri supplicem, ne Dianæ mactaretur, inducit, mox ala-
 crem ad moriendum pro salute Græcorum omnium eam effingit. Cicero enim libro ter-
 tio de officijs, sic inquit. Agamemnon cum deuouisset Dianæ, quod in suo regno pul-
 cherrimum natum esset; illo anno immolauit Iphigeniam, qua nihil erat eo quidem
 anno natum pulchrius. in quo tantum abest, ut Euripides reprehensione dignus sit, ut
 in cœlum potius ob prudentiam ferendus uideatur. nam si puellam constantem, et in-
 trepidam effinxisset; cum primum ei mortis nuncius allatus est, non seruasset profe-
 Eto decorum: id enim uirtutis specimen puellæ dedisset, quod uix in Regulo, Codro,
 & Decijs repertum est. puellæ timidae sunt, & nihil morte acerbius putant. iure igitur
 primum timidam Iphigeniam Euripides facit. at altero die salutem Græcorum ui-
 ta chariorem habet. quid tum? illam patris preces, illam necessitas, illam salus suo-
 rum, illam gloria mouere potuerunt. at inconstans est. nimirum foeminae inconstantes
 esse solent. Virgilius. Varium, & mutabile semper Foemina. cur autem mortis
 contemptum in maximi Regis filia indigne ferimus, quem fuisse in priuatis foeminis,
 Arria, Portia, & alijs scimus? NOCTVRNA MANV. nam studiosis non
 est dormiendum παννυχίον, idest per totam noctem, quam Græci ueteres cogitationem
 appellarunt, quod noctu etiam cogitationes nostræ euigilare debent. Pindarus in Ne-
 meis, in od., qua Sogenem Aeginensem laudat.

αἴδου σέθεν

οὐ φάος, οὐ μέλαινα σπινθήρες δ' φρόνα.

Tibi sine Lucina ait nos nec diem uidere, nec noctem posse. ibi δ' φρόνη, idest cogita-
 tionem bonam pro nocte habes.

XXXXI.

At nostri proavi Plautinos & numeros, &
Laudauere sales, nimium patienter utrunque,
Ne dicam stulte, mirati: si modo ego, & uos
Scimus inurbanum lepidio seponere dicto,
Legitimumq; sonum digitis callemus, & aure.

Plautum, et Plauti imitatores, laudatoresq; damnat. AT NOSTRI PRO-
AVI. de Plauto lib. ij. epist. scribens ad Augustum Horatius sic, Gestit enim numum
in loculos dimittere posthac securus cadat, an recto stet fabula talo. Plauti laudatio-
nem tribuit maioribus. nam Plautus perantiquus est. de eo sic Cicero in libro de claris
oratoribus. Accius autem à Q. Maximo quintum Consule captum Tarento scripsit
Liuium, annis triginta post, quam eum fabulam docuisse, & Atticus scribit, & nos in
antiquis commentariis inuenimus: docuisse autem fabulam annis post undecim Cn. Cor-
nelio Q. Minutio Coss. ludis Iuuentatis, quos Salinator Senensi praelio uouerat. in quo
tantus error Accij fuit, ut his Coss. quadraginta annos natus Ennius fuerit. cui si æqua-
lis fuerit Liuius, minor fuit aliquanto is, qui primus fabulam dedit, quam ii, qui
multas docuerunt, ante hos Coss. & Plautus, & Næuius. huius M. Accii Plauti uis-
tam Crinitus, & Lilius Gyraldus scripserunt. Gellius libro tertio, cap. tertio, est au-
ctor, Plautum in pistrino comædias composuisse, cum ob uictum quærendum trusatis
les molas circumageret. NUMEROS. poeticos, non oratorios. de ambobus Ari-
stoteles libro tertio rhetor. sic. τὸ δὲ ὅλημα τῆς λέξεως οὐ μὴτε ἐμμετρὸν εἶναι, μὴτε ἀ-
ριθμικόν. formam autem orationis esse oportet, nec poeticis numeris astrictam, nec omni-
no numerorum expertem. numeri igitur poetici metrum efficiunt, oratorij speciem quan-
dam metri, non metrum. Cicero etiam in oratore sic inquit. nam qui isocratem maxi-
me mirantur, hoc in eius summis laudibus ferunt, quod uerbis solutis numeros primus
adiunxerit. cum enim uideret oratores cum seueritate audiri, poetas autem cum uolu-
ptate, tum dicitur numeros secutus, quibus etiam in oratione uteremur, etc. SALES.
facetias. de quibus copiose Cicero libro II. de oratore. Quintilianus lib. VI. NE DI-
CAM STULTE. stulte sentiebant, quia uerum ignorabant. stultitia autem oritur
ex ignorantia, ex qua tanquam ex fonte manat; cum scilicet ea ignoramus, quæ sunt
alijs notissima, non quotiescunque ignoramus. Socrates enim apud Xenophontem lib. iij.
ἀφ' ἑμῶ. sic ait his exemplis. ἐχὼ τε γὰρ τῆς μέγας ὁδὸς οἷόν τι εἶναι, ὥς τε καὶ πλεονεξίας
πύργος ἢ τεύχεα: διεξιὼν ἐχὼ τε οὐ πῶς ἰσχυρὸς, ὥς τε ἀδυνατεῖν οὐκ ἔστιν. ἀδυνα-
στεῖν οὐκ ἔστιν. si quis se ita procerum esse putet, ut portas urbis transiens se curuet,
et ita robustum, ut domos attollere conetur, hunc stultum dicere possumus. ET VOS.
opifones. INVRBANVM LEPIDO. Cicero de oratore II. de inurbano sic. ui-
tandum est oratori utrunque, ne aut scurrilis iocus sit, aut inimicus. Aristoteles libro II.
rhet. ἐω μὲν ὁ λόγος uocant. per lepidum elegantem iocum intelligit, unde Aemylj Lepidi

dicti sunt. Aemylus enim græce Lepidum significat. Plutarchus in uita Aemylj Pauli. δὲ αἰμυλίου λόγον, καὶ ἔστιν αἰμυλῖος περὶ σαυροβείας. DIGITIS ET AURE. metaphora à musicis, qui legitimos sonos digitis, & aure iudicant. Quintilianus libro undecimo, cap. de pronuntiatione. sunt quædam latentis sermonis percussiones, & quasi aliqui pedes. et post: ut sit unus motus, nouum crimen: alter, C. Cæsar: tertius, & ante hunc diem: quartus, non auditum, &c. Hesiodus libro primo operum, & dierum, de choreis.

αἰεὶ δὲ πόδας, καὶ χεῖρας ὅμοιοι
τόρπον ὡς δαλίησι.

Hunc motum aures metiri solent, & manus.

XXXII.

Ignotum tragicæ genus inuenisse camoenæ
Dicitur, & plaustris uexisse poemata Thespis,
Quæ canerent, agerentq; peruncti fœcibus ora.
Post hunc personæ, pallæq; repertor honestæ
Aeschylus & modicis instrauit pulpita tignis,
Et docuit magnumq; loqui, nitq; cothurno.

Quemadmodum libro primo de diuina philosophia Aristoteles, antequam proposi-
tam rem aggredieretur, Aegyptios primum philosophatos esse dixit, & à quibus pri-
mum auctoribus philosophia manarit, edocuit: sic quidem hic Horatius de origine poe-
tices tragicæ agit, & quo modo producta creuerit tragœdia, demonstrat. THE-
SPIS. hunc inuentorem fuisse tragicæ affirmat Horatius, cuius rei auctor est
etiam Plutarchus in uita Solonis. fuit autem Thespis Atheniensis, ut scribit Suidas. Ari-
stoteles in poetice Dorienses, non Athenienses tragicæ, & comœdiæ inuentores nomi-
nat, his uerbis, διὸ καὶ αὐτὸν ποιοῦντα τῆς τε τραγῳδίας, καὶ τῆς κωμῳδίας οἱ δὲ
εἰσ. & quæ sequuntur. quamobrem tragicæ, & comœdiæ Dorienses sibi uen-
dicant. altercabantur pro hac laude Dorienses cum Atheniensibus, & uocabulis pa-
trij se tuebantur. nam nos, aiebant, uicos appellamus κώμας, uos Athenienses δῆμους.
sed comœdia dicitur ὅτι τῆς κωμῆς. nos facere σπαῖ dicimus, uos περὶ τῆς. drama-
ta igitur, idest comœdia, & tragicæ, Doriensi uocabulo nominatur. quod testatiss-
imum argumentum est, Dorienses utriusque poematis fuisse auctores. quæstio hæc di-
scutietur, si uarijs opinionibus rem hanc apud ueteres iactatam respondebimus, & Ho-
ratium eorum sententiam esse secutum, qui originem tragicæ ad Athenienses ut no-
biliore auctores retulerunt. IGNOTVM. nam si tum primum à Thespide, uel,
ut alij asseuerabant, ab Epigene, ut est apud Suidam, uel à Doriensibus, tragicæ
reperta est: necesse est, ut ante genus tragicæ ignotum latuerit; quia res cognitionem,
ac scientiam præcedit. Aristoteles in prædicamentis, in ijs, quæ uulgo relatiua dicun-
tur, τὸ γὰρ ἐπιστὶ τὸν περὶ τὸν αὐτὸν δόξει τῆς ἐπιστήμης εἶναι, &c. quod sciri potest

prius, quàm scientia esse uideretur. ET PLAVSTRIS VEXISSE POE= MATA. alii omnes, uel tam multa Thespidem scripsisse aiunt, ut ea plaustris adueheret, Acronis auctoritatem secuti, uel certe eum sua poemata portasse in curribus cum iis omnibus, quæ ad actionem necessaria uidebantur, exponunt. ego, scenam à Thespide plaustris circumductam, interpretor, per urbem. Virgilius libro tertio georg.

Vel scena ut uersis discedat frontibus, utq;

Purpurea intexti tollant aulae Britanni.

Vbi Seruius sic inquit. scena quæ fiebat, aut uersilis erat, aut ductilis. uersilis tunc erat, cum subito tota machinis quibusdam conuertebatur, et aliam picturæ faciem ostendebat: ductilis tunc, cum tractis tabulatis hac, atque illac species picturæ nudabatur interior. Horatius poemata nominauit pro scena, causam ut aiunt pro causa= to. nam propter poemata scena comparatur: et poemata in scena concinebantur. unde subdit. Quæ canerent, etc. AGERENT QVE. et repræsentarent: hinc actores. quia Scipio ex Lælii sententia omnia statuebat, ipse actor dictus est, Lælius poeta. Plutarchus in libro, quo disputat, an gerenda sit à sene resp. PERVNCTI FOECIBVS ORA. Suidas de Thespide, καὶ πρῶτον μὲν χρίσας τὸ πρῶτον ἡμῶν Διὶ Ἰταλῶν δειξεν. et primum faciem fuco perunctus in tragœdia recitauit. sed an fuco fœcem iure dixerit Horatius, alii uideant: fucus enim fœx esse non uidetur, nisi quia aliam faciem reddit. quare male audiunt, qui se fuco inficiunt. nam Aelianus libro septimo de Archidamo Lacedæmoniorum rege, et de sene quodam fucato, sic inquit, αἰσῆς ἐν ὁ ἀρχιδάμος ὁ πρῶτος λακεδαιμονίων βασιλεὺς τὸ αὖ ἐφ' οὗτος ὑγιὲς ἔπει, ὅς οὐ μόνον τῇ ψυχῇ τὸ ψῦδος, ἀλλὰ καὶ τῇ κεφαλῇ πομπόει. surgens igitur Archidamus Lacedæmoniorum rex, quid hic, inquit, sanum dicat? qui non solum in anima mendacium, sed etiam in capite circumfert. quid si per fœcem caliginem, et fauillam intelligamus? qua hodie in genialibus diebus multos sibi uultum inficere uidemus licentius. ea tinctus Damon Cheronæus militem Romanum sui libidine ardentem aggressus interfecit, ut ait Plutarchus in Cimone. PERSONAE. Aeschylus, inquit, personam inuenit, fortasse, quia duos mimos addidit. Aristoteles in poetice. καὶ τὸ πρῶτον ἑποικρίτης πάλιν ὁρῶντος αἰὲς εἰς δύο πρῶτος αἰσχυλὸς ἤγαγε. et tunc hypocritarum numerum ab uno ad ternarium primus Aeschylus prouexit. uel intellige personam pro ficto uultu, quo in choreis uti, ne de facie dignoscatur, soleamus. persona etiam ueteres Romani utebantur, ut de M. Antonio, qui Cleopatraz amorem flagrabat, scriptum reliquit in uita Plutarchus. de tibicinibus Valerius Maximus libro secundo, cap. primo, sic. tibicinum quoque collegium solet in foro uulgi oculos in se conuertere, cum inter publicas, priuatasq; ferias, actiones personis tecto capite, uariisq; ueste uelatis concentus edit. Gellius libro quinto, cap. septimo, unde dicta persona sit, docet. PALLAE. stolæ. de hac Athenæus libro primo. καὶ αἰσχυλὸς δὲ οὐ μόνον ἱστῶρε τὴν τῆς στολῆς οὐκ ἐπείκει, καὶ σεμνότις, etc. et Aeschylus non solum inuenit honestatem, et grauitatem, etc. Horatius libro secundo epistolarum

IN POETICEN HORATII

ad Augustum scribens de hac ueste, sic,
 Diuitiæq; peregrinæ, quibus oblitus actor
 Cum stetit in scena, concurrat dextera læuæ.
 Dixit adhuc aliquid? nil sane. quid placet ergo?
 Lana Tarentino uiolas imitata ueneno.

MODICIS INSTRAVIT PULPITA TIGNIS. Aristoteles in poetice non Aeschilo hoc, sed Sophocli inuentum tribuit. καὶ σὺ λωορχαὶ δὲ αὖ σοφοκλήης. Et scenæ apparatus Sophocles inuenit. fortasse Aeschylus modicam scenam, Sophocles ampliorem instituit. quod tacite Aristotelis, Et Horatii uerba innuunt. scenam tragicam Vitruuius columnis, signis, alijsq; rebus exornat, ut regijs; comicam priuatis, satyricam arboribus, speluncis, montibus. hoc in loco Iason sic inquit: non dicit scenam Thespim inuenisse, sed modicis tignis pulpita instruisse. Et non uidet mentionem hic non de Thespide, sed de Aeschilo incidisse. MAGNUM QVE LOQVI. nam, ut libro decimo Quintilianus scribit, grandiloquus sæpe ad uitium usque est. Aeschylus. sed nimirum granditas hæc omnium tragicorum est germana. Horatius libro primo epistolarum, ad Iulium Florum scribens de Tityo, An tragica desinit, Et ampullatur in arte? sæpe etiam personæ in tragœdia inducuntur iratæ, Et ideo loquentes inflatus. ut loquitur apud Sophoclem Oedipus tyrannus contra Creontem.

οὐ γὰρ σὺ πῶς δούρῃς ἡλθεις; ἢ ἑσόνδε ἔχεις
 τόλμης πεσσωπν; Et quæ sequuntur.

Tu, qui talises, quo modo huc uenisti? an tantam uultu audaciam præ te fers? ut merito de illo Platonis illud in Protagora de Prodico usurpare possimus, δὲ πῶς φωνῆς ἐὰρ πῆτα βόμβησεν οἰκίᾳ. uocis grauitate domus intonuit. NITIQVE CO-
 THVRNO. stylo tragico, Et sublimi uti. supra demonstratum est, soccum comicorum esse, cothurnum tragicorum. Virgilius nymphis etiam dedit. Purpureoq; alte furas uincire cothurno. Theramenes, quia uersatili erat ingenio, cothurnus dicebatur. Plutarchus in politicis. Αἰ μάλιστα τὸν Θεραμένης καὶ θορον ἑσπιδν μὲνον ἀμφοτέρωσις ὁμολεῖν. Theramenis cothurnum induentem cum utrisque uersari, atque assuescere oportet. tragici etiam duo illa diuersa præstare debent in primis, miserationem, Et terrorem, ut docet in poetice Aristoteles, ut conuenire his iure optimo cothurnus putetur.

XXXXIII.

Succesit uetus his comoedia non sine magna
 Laude, sed in uitium libertas excidit, & uim
 Dignam lege regi. lex est accepta, chorusq;
 Turpiter obticuit sublato iure nocendi.

Quo modo comoedia uetus magno omnium plausu excepta primum sit, mox ob maledicta repudiata, hoc contextu habemus. SVCCESIT VETVS HIS COMOEDIA.

MOEDIA. fuit comœdia uetus, media, noua, ut inquit apud Terentium Donatus. Horatius de ueteri tantum, ut digniori agit. quis inuenerit apud Græcos comœdiam, docuimus superiore contextu. Donatus tamen dubium esse ait de Græcis. nam inter Latinos Liuium Andronicum auctorem nominat, quod M. Tullius etiam fatetur libro primo quaestionum Tusculanarum. successit tragœdia comœdia, quia, ut ait Donatus, tragœdia primo prolata est. nam ut ab incultis, et feris moribus paulatim peruentum est ad mansuetudinem, ad urbes conditas, ad mitiorem uitam, ita res tragica multo ante comicas inuenta. Aristoteles in poetice de comœdia. ἡ δὲ κωμῳδία τῷ μὴ ἀποδοῦναι ὡς ἀρχῆς ἐλάττω. καὶ γὰρ ῥεῖον καμωδῶν ὁ πῶτε ὁ ἀρχὸν ἐδωκεν. comœdia, quia negligebatur, primum latuit. nam ei chorum magistratus sero dedit. A phallicis carminibus obscenis, quæ in sacris Bacchi concinebantur, comœdiam manasse, et ipsam parum pudentem, in poetice auctor Aristoteles est. **IN VITIUM LIBERTAS EXCIDIT**. quia nominabantur ij, in quos maledicta coniiciebantur, ut uidemus in Pluto Aristophanis, qui Patrocleum nominat, cum sordidissimum hominem innuere uellet.

ἐν πατρὸς κλέους ὄρῳ μοι,

ὅς οὐκ ἐλάουσα πρὸς τοῦ πατρὸς ἐλάνει.

A Patrocle uenio, qui tota uita nunquam lotus est. in Nephelis uero quid in Socratem non dicit? cuius rei gratia legendus est Plato in Apologia. nimirum ueteris comœdiæ proprium maledicere terat, ut pro flagitijs notam infamiæ peccantibus inureret. Aristoteles in poetice. ἡ δὲ κωμῳδία ὅστις, ὡς παρ' εἰπεῖν, μίμησις φαντασμάτων μὲν, οὐ μὲν τοι κατὰ πᾶν κακίαν, ἀλλὰ τῷ αἴχρῳ ὅστις τὸ χυλοῖον μέλει. τὸ γὰρ χυλοῖον ὅστις ἀμάρτημα ἔχει, καὶ αἴχρῳ αἰσάδων, καὶ οὐ φθαρτικόν, οἷον οὐδὲς τὸ χυλοῖον πέρσῃ πον αἴχρῳ τὶ, καὶ διετραμμίον αἰδῶ ὁδύνης. Comœdia autem, ut diximus, est imitatio deteriorum, non tamen secundum omne uitij genus: quam ridiculum à turpi proficiscitur: ridiculum enim aliquo pacto peccatum est, et turpitudine sine dolore, minimeq; noxia, perinde ac ridicula statim appareat, deformis facies, distorta sine dolore. Horatius etiam hoc comprobat libro primo, satyra quarta.

Eupolis, atque Cratinus, Aristophanesq; poeta,
Atque alij, quorum comœdia prisca uirorum est,
Si quis erat dignus describi, quod malus, aut fur,
Quod moechus foret, aut sicarius, aut alioquin
Famofus, multa cum libertate notabant.

Hinc omnis pendet Lucillius, hosce secutus.

LEX EST ACCEPTA. de cohibenda maledicentia ueteris comœdiæ. his uerbis ueteres latam esse legem significabant. nam Cicero etiam libro tertio de officijs sic loquitur, honestius hic, quam Q. Pompeius, quo, cum in eadem causa esset, deprecante, accepta lex non est. **CHORVS**. hic in comœdia contumeliosus erat, impro-

P

IN POETICEN HORATII

bis detrahens . nam , ut supra dictum est , amat peccare timentes . non timentes igitur peccare odio habet . sed modum in iurgiis statuere debuit . TVRPITER OBTI-
CVIT . quia turpe est , non sponte , sed legis poena à flagitijs cessare , & excidere in uim dignam lege regi . uiri boni ultro officium colunt . Paterculus libro secundo de M. Liuius Druso sic ait . cum edificaret domum in Palatio , in eo loco , ubi est quæ quon-
dam Ciceronis , mox Censorini fuit , nunc Statilij Sisennæ est , promitteretq; ei archite-
ctus , ita se eam edificaturum , ut libera à conspectu , immunis ab omnibus arbitris es-
set , ne quisquam in eam despicere possit , tu uero , inquit , si quid in te artis est , ita com-
pone domum meam , ut , quicquid agam , ab omnibus perfici possit . SVBLATO IV-
RE NOCENDI . adempta facultate , & præcisa licentia maledicendi . quam le-
ges nullo pacto ferunt . nam Vlpianus iuriconsultus libro uigesimo octauo Digesto-
rum , titulo , qui testamentum facere possunt , lege decima octaua sic inquit . Si quis ob
carmen famosum damnetur , senatusconsulto expressum est , ut intestabilis sit . ergo
nec testamentum facere poterit , nec ad testamentum adhiberi testis .

XXXXIIII.

Nil intentatum nostri liquere poetæ ,
Nec minimum meruere decus , uestigia græca
Aufi deferere , & celebrare domestica facta ,
Vel qui prætextas , uel qui docuere togatas .
Nec uirtute foret , claris ue potentius armis
Quàm lingua Latium , si non offenderet unum
Quenque poetarum limæ labor , & mora . uos ô
Pompilius sanguis carmen reprehendite , quod non
Multa dies , & multa litura coercuit , atque
Perfectum decies non castigauit ad unguem .

Latinorum poetarum ingenium laudat , quod non semper Græcorum esse imitato-
res uoluerint , sed ipsi ex ingenio multa feliciter sint aggressi : negligentiam tamen eo-
rum in expoliendis , emendandisq; scriptis accusat . NOSTRI POETAE . latini , quos libro secundo epistolarum nominat ,

Pacuius docti famam senis , Accius alti ,
Dicitur Afrani toga conuenisse Menandro ,
Plautus ad exemplar Siculi properare Epicharmi ,
Vincere Cæcilius grauitate , Terentius arte . & de Ennio .
Ennius & sapiens , & fortis , & alter Homerus ,

Ut critici dicunt , &c . NIL INTENTATVM LI-
QUERE . nihil in scribendo prætermiserunt , omnia tentauerunt . Virgilius de Caco .
At furij Caci mens efferata , ne quid inausum ,
Aut intentatum sceleris ue , doli ue fuisset , &c .

Posteriorem uersum uidetur Virgilius ex oratione Demosthenis *ποδὶ πρὸς τὸς βασιλεῖς* expressisse . ille enim de Aeschine sic , *οὐδὲν ἐμὲ λοιπὸν ἔμοχθεῖν* . nihil sceleris cum intentatum reliquerit . tres autem hi loci trium scriptorum simillimi sunt .
NEC MINIMUM MERVERE DECVS. quod ipsi multa tentarint , non semper uestigijs Græcorum insistentes . & tentare rem arduam , semper gloriosum fuit . nam ut apud Gellium libro primo , cap. decimo octauo ait Varro , successum fortuna , experientiam laus sequitur . tum etiam laus sequitur , cum res ex animi sententia non euenit . Cicero in oratore ad Brutum . quod quoniam me sæpius rogas , aggrediar , non tam perficiendi spe , quàm experiundi uoluntate . hinc apud Ouidium Phaetontis epitaphium .

Hic situs est Phaeton , currus auriga paterni ,

Quem si non tenuit , magnis tamen excidit ausis .

Aristoteles libro primo de diuina Philosophia , experientia , inquit , facit artem , in experientia uero casum . **VESTIGIA GRAECA AVSI DESERERE.** non ueritatem imitationem Græcorum dimittere . libro primo epistolarum , ad Mecænatem scribens sic ait Horatius de se ipso .

O imitatores seruum pecus , ut mihi sæpe

Bilem , sæpe iocum uestri mouere tumultus .

Libera per uacuum posui uestigia princeps ,

Non aliena meo pressi pede . qui sibi fudit

Dux regit examen , & quæ sequuntur .

Cicero in oratore ad Brutum . atque utinam in Latinis talis oratoris simulachrum reperire possemus . esset egregium non quærere externa , domesticis esse contentos . Philoponus libro primo in posterioribus analyticis duplicem esse scientiam docet , alteram per inuentionem , alteram per disciplinam : quædam enim addiscimus per inuentionem , cum ipsi nobis duces sumus , quædam per disciplinam , quæ uel imitando , uel audiendo comparantur . priorem scientiam Philoponus , & hic Horatius præstare affirmant . **CELEBRARE DOMESTICA FACTA.** uel res Romanas scribendo , ut scripsit Ennius , quem Scipiones de familia Cornelia , quam uersibus extulerat , optime promeritum suo sepulchro mortuum condiderunt . Cicero pro Archia . uel quia latina fabularum argumenta desumpserunt . ut hodie faciunt doctissimi uiri Ioannes Baptista Gyraldus , Georgius Trissinus , Speronus Speronius , Bernardinus Tomitanus , Alexander Picholomineus , Benedictus Varchius , Hercules Bentiuolus , & alij . **VEL QVI PRÆTEXTAS , VEL QVI DOCVERE TOGATAS.** qui latinas fabulas scripserunt : prætextas autem , idest eas fabulas , quæ refertæ erant nobilioribus personis , togatas uero , in quibus minus erant illustres personæ . nam togam uulgo omnes gerebant , prætextam uero tantum ij , qui dignitate excelebant , & alto loco nati erant . Octauius Cæsar purpureas uestes senatoribus tantum dedit , ut scribit Dion libro quadragesimo nono . scimus autem purpuram prætextæ prætextam fuisse . Cicero etiam li-

bro sexto ad Atticum epistola prima, magnus inquit prætextatus illo die fui. Diomedes togatas fabulas pro genere poni ait, prætextatas pro specie, & recte. sed miratur, hic togatas pro specie positas esse. at non debuit mirari, quia sæpe generis nomen species retinet. Aristoteles libro primo rhetoricorum σημεῖον genus esse omnium signorum inquit, mox hoc nomen speciei imponit, τὸ μὲν οὖν εἰς ἑκάστην, καὶ τὸ σημεῖον, καὶ περὶ ἑκάστην, καὶ τὸ διαφθόρουσιν, εἰρηλατὸν μὲν καὶ νῦν. nam σημεῖον pro signo non necessario usurpauit. idem reperies in Quintiliano libro quinto, cap. quarto. Cicero in Topicis. genus est uxor, eius due formæ, una matrum familias, hæ sunt, quæ in manum conuenere, altera earum quæ tantum modo uxores habentur. hic Boetius obseruat species, sæpe, & genera iisdem nominibus significari. de hoc annotauimus etiam in Parergis libro primo, cap. no. non fuit igitur, quamobrem hæc res Diomedis admirationem moueret. NEC VIR TUTE FORET, &c. Italia, inquit, uel Roma uirtute militari clarior, quam literaria non esset, sed parem laudem ex utroque studio retulisset, si latini poetæ sua scripta emendarent accuratius. id latinos assecuturos fuisse Horatius inquit, quod Ciceronis uirtute assecutos fuisse questus est Apollonius, cum Græcam Ciceronis orationem audiuit, & Græcis iam præreptam à Romanis esse non solum bellicam, sed etiam literariam gloriam doluit, ut scribit Plutarchus. LIMA LABOR. emendandi cura. tractum ab artificibus mechanicis, qui lima opus emendant, & perpoliunt. sic Dionysius Halicarnassensis in libro de compositione, de Demosthene loquens, quem limæ labor non offendeat. ὁ δὲ Δημοσθένης οὕτω οὐδὲς ἀθλιὸς ὡς, ὥς τε ὁ πάντεσσιν ἄνθρωπος λόγιος, μέγας, καὶ βυθιοῦς ὥς περ οἱ πλάσαι πῦρ πειρῶντος ἀνὰ μέτρον ἐπερᾶν τοῖς τοῖς τυπῶσι τὰ κώλα, στίβων αὐτῶ καὶ καὶ τὰ ὀνόματα. Demosthenes in scribendis orationibus ita erat anxius, ut ueluti fictores mensuras, et numeros immutans typis membra his aptare conaretur, nomina huc, atque illuc torquens. ET MORA. ibidem Halicarnassensis de Isocrate. ὁ μὲν πανηγυρικὸν λόγον, ὥς τὸν ἐλάχιον χρόνον χρόνοντες ἀφαινοῦσιν, ὡς ἐπὶ δὲ σιωπῆς ἐξάβ. hic Panegyricam orationem, ut qui minimum tempus scriptis suis significant, decem annorum spatium composuit. de Platone sic. ὁ δὲ πλάτων ὅς ἐστιν ὁ διαλόγος ὁ δὲ λίαν ὀργάνησεν τὰ γράμματα ἐπὶ. Plato autem suos dialogos octoginta annos natus è manibus non deposuit. VOS O POMPILIUS SANGVIS. uos ὁ Calphurnii filiones, qui oriundi estis à Numæ Pompilio secundo Romanorum rege. sanguis, idest proles. Anchises apud Virgilium Cæsarem sic alloquitur, libro sexto. Proiice tela manu sanguis meus. Pindarus in Nemeis ode tertia.

πρωτοῦ ἀρχαῖον φέρος
αἰακιδῶν αἰὲς ἔστιν
ἐδὲ πόντος αἶμα.
Procul fulgens oritur lumen
Acacidarum, illinc,
O Iuppiter: tuus enim sanguis est. Aristoclidam Aeginetam Iouis sanc

guinem Pindarus appellat. Pompilius est nominandi casu pro casu uocandi, ut apud Virgilium,

Corniger Hesperidum fluuius regnator aquarum.

Sic contra casus uocandi pro casu nominandi sepe apud Homerum, & Hesiodum, ut $\mu\eta\pi\epsilon\tau\alpha\ \xi\delta\eta$. **MVLT A LITVRA COERC VIT.** Latini tamen poetæ *lituram*, et emendationem in suis scriptis turpem putabant, ut in epistolis etiam legimus.

Et placuit sibi natura sublimis, & acer,

Nam spirat tragicum satis, & feliciter audet,

Sed turpem putat in scriptis, metuitq; *lituram*.

Dicit autem libros *lituris*, emendationibusq; coerceri, quia, nisi prudentes erunt scriptores, libri statim è manibus impoliti euolabunt. incredibili enim desiderio parandæ gloriæ flagramus. librum suum Horatius sic alloquitur libro primo epistolarum.

Vertumnum, Ianumq; liber spectare uideris,

Scilicet ut prostes Sosiorum pumice mundus,

Odisti clauas, & grata sigilla pudico, &c.

Sed interponendum tempus est, ante, quàm lucubrationes edamus: tempus enim sapientissimum philosophi dixerunt esse, ut Aristoteles est testis libro quarto physicorum. $\delta\iota\omicron\ \kappa\alpha\iota\ \omicron\iota\ \mu\epsilon\lambda\iota\ \sigma\omicron\ \phi\omicron\ \tau\alpha\ \tau\omicron\upsilon\ \epsilon\lambda\epsilon\gamma\omicron\upsilon$. uide quid in eum locum annotauimus in Parergis libro tertio, cap. decimo septimo contra doctissimi Argyropyli interpretationem. coercere autem est exire uolentem retinere, inuitum. Virgilius de styge animas coercente. Et nouies styx interfusa coercet. **DECIES.** sæpius. numerus pro numero. **AD VN= G V E M.** seruius declarans illud Virgilii libro secundo georg.

=nec secius omnis in unguem

Arboribus positis secto uia limite quadret.

In unguem inquit, idest ad perfectionem. & est translatio à marmorarijs, qui iuncturas unguibus probant, hæc ille. sic Plutarchus in præceptis salutaribus. $\alpha\kappa\epsilon\lambda\epsilon\tau\iota\varsigma\ \sigma\phi\omicron\sigma\phi\alpha\ ,\ \kappa\alpha\iota\ \delta\iota\omicron\upsilon\upsilon\gamma\gamma\omicron\varsigma\ \lambda\epsilon\gamma\omicron\mu\epsilon\lambda\iota\ \nu\ \delta\iota\alpha\ \tau\alpha$. ualde diligens, & ad unguem quæ dicitur diata.

XXXXV.

Ingenium misera quia fortunatius arte

Credit, & excludit sanos Helicone poetas

Democritus, bona pars non unguēs ponere curat,

Non barbā, secreta petit loca, balnea uitat:

Nanciscetur enim pretium, nomenq; poetæ,

Si tribus Anticyris caput insanabile nunquam

Tonfori Lycino commiserit.

Democritus philosophus naturam requiri in poeta, non artem aiebat. cuius sententia si plausibilis uideretur, frustra tam multa Horatius de arte poetica præcepisset.

IN POETICEN HORATII

Democritum igitur hic irridere uidetur, & eos omnes eludit Horatius, qui Democriti-
cos se esse fingentes, ut boni poetæ uiderentur, omnem artem etiam in nitore corporis
sperebant. IN GENIUM MISERA, &c. Democritus ingenium fortuna-
tius, idest felicius ad scribenda poemata esse dicebat misera arte, quam ipse miseram
in comparatione cum natura putabat. fuit autem Democritus philosophus, Abderita-
nus, qui in philosophia passim ab Aristotele confutatur: multa enim perperam sensit.
Laertius in eius uita. δοκεῖ δ' αὖ τῷ τὰ δὲ, ἀρχαῖς εἶναι τῶν ὁλῶν ἀτόμῳ, καὶ κενόν:
ἀπείρου εἶναι καὶ σμους, καὶ γλῆφῳ, καὶ φθαρτῷ: πάντεσσι καὶ ἀνάντων γίνεσθαι.
hæc autem ipsi uidentur, atomos, & uacuum. omnium rerum principia esse: innu-
merabiles esse mundos, qui geniti sint, & corrumpi possint: omnia necessario fieri.
de atomis conuicit eum Aristoteles libro primo physicorum, de mundis libro primo de cœ-
lo, de necessitate in libro de interpretatione, de uacuo libro quarto physicorum. quid
mirum igitur, si Horatius noster hic illius sectatores irridere non dubitauit? EXCLU-
DIT SANOS HELICONE POETAS. idest præstantes esse posse poetas il-
los negat, qui sani ingenio sunt, nam Helicon mons est Musis dicatus. Aristoteles in
poetice non multum a Democrito discrepuit, ubi hæc uerba leguntur. δι' ὃ δ' αὖ φησὶς ἡ
ποιητικὴ εἶναι, ἢ μάταιον. τῶν τῶν γὰρ οἱ μὲν οὐ πάλαιοι, οἱ δ' ἔξῃ ταῖς τέχαις εἰσιν. quare
uel uersatilis ingenii uiri, uel furore perciti poetica est. etenim poetarum alij ipsa natu-
ra ad poeticam propensi sunt, alij autem ad inquirendum idonei. Plato etiam in Apo-
logia non sapientes, sed furore quodam correptos poetas tantam copiam carminum ef-
fundere existimat, ὅτι οὐ σὺν ἀποιοῖεν, ἀποιοῖεν, ἀλλὰ φησὶ πῶς, καὶ ἐν τοῖς ἀ-
ζοντες, ὥς περ οἱ θεομαῖντες, καὶ οἱ χρησμῶδοι. quia non ob sapientiam canerent,
quæ canunt, sed ob naturam quandam, & diuino furore afflati, ut deorum, et ora-
culorum interpretes. plura etiam Plato in Ione, quæ nos breuitatis causa reticemus.
non igitur solus Democritus sensit, quæ diximus, sed cum eo etiam Aristoteles, et Pla-
to. quid igitur? num hos etiam reprehendit Horatius? responde, non Democritum hic
reprehendi, ut credidit Iason, & alij quidam putarunt. nam Democritus non spreuit
artem, sed ea fortunatius ingenium esse dixit, sed eos irrideri, qui se Democriticos esse
iactantes artem penitus neglexerunt, & ut solam naturam sequi uiderentur, ipsius
etiam corporis ornatum, & curam contempserunt. quasi uero in eo munditiarum con-
temptu poetice posita esset. Cicero libro secundo de oratore Democriti sententiam probat,
& interpretatur, his uerbis. sæpe enim audiui poetam bonum neminem, id quod a
Democrito, & Platone in scriptis relictum esse dicunt, sine inflammatione animorum
existere posse, & sine quodam afflatu quasi furoris. BONA PARS. magna
pars. idem Horatius in satyris,

At bona pars hominum decepta cupidine falsi.

NON VNGVES PONERE. ut ociosi, & elegantes faciunt, libro primo epi-
stolarum. ad Mecænatem scribens Horatius,
= conspexit, ut aiunt,

Adrasum quendam uacua tonsoris in umbra

Cultello proprios purgantem leniter unguēs.

Reduuiam curare inquit Cicero pro Sex. Roscio Amerino. ἔντες δὲ Γραῖς dicuntur unguium sordes. NON BARBAM. barbam enim non alebant. licet Cicero pro Caelio aliter sentire uideatur, cum ait Clodiam non horridis uirorum barbis delectari, sed mollioribus adolescentum barbulis. Octavius quo tempore Scriboniam repudiavit, Liuiæ amore captus barbam sibi rasit. Dion libro XLVIII. Suetonius in Nerone sic inquit. Gymnico, quod in septis edebat, inter Buthysiae apparatus barbam primam posuit, conditam in auream Pyxidem, et pretiosissimis margaritis adornatam, Capitolio consecrauit. barbam quidem alebant in luētū. nam Orosius libro quinto Rutilium scribit accusatum, quia sibi bene conscius erat, barbam non aluisse, aliorum reorum consuetudinem contemnentem. Liuius libro sexto. coniecto in carcerem Manlio satis constat magnam partem plebis uestem mutasse, multos mortales capillum, ac barbam promississe. isti igitur, quos hic irridet poeta, alebant barbam, ut artis hostes, naturæ studiosi uiderentur, quia Democriti sententiam non intellexerant. sic illud apud Gellium, Barbam uideo, philosophum non uideo. SECRETA PETIT LOCA. quod clarissimum stultitiæ testimonium est. Aristoteles in problematibus de Aiace, et Bellesrophonte melancholicis. ὦν ὁ μὲν ἐν σπλάγχνος ἐχέει παντελὸς, ὁ δὲ τὰς ὀρυμνίας ἐδίωκε. quorum alter omnino furiosus euasit, alter uero solitudines sectabatur. Ouidius de poetis.

Carmina secessum scribentis, et ocia quærent.

Horatius libro secundo epistolarum, scribens ad Florum,

Scriptorum chorus omnis amat nemus, et fugit urbes

Rite cliens Bacchi, somno gaudentis, et umbra.

BALNEA VITAT. si cultum corporis despiciabant, balnea uitanda erant. quia in balneis lauabantur, et ungebantur, ut ait Galenus libro tertio de uictu acutorum, sectione quinquagesima prima. pransuri ibant in balneum. Athenæus libro octauo. ὁρῶν ἐφ' ὧν ποτὶ ὁ αὐτὸς ἔρατο οὐκ ἔφη βαθεῖν εἰς τὸ βαλανεῖον, οὐ γὰρ οὐ μὲν πρὸς τοὺς ζῶντας ἐκπονήσωσι. Antigonas in balneum ire noluit, ne auis, quam comesturus erat, ei surriperetur. et post cœnam, uide de Cæsare in oratione pro Deiotaro. balneatorum merces quadrans erat. Horatius satyra tertia. dum tu quadrante lauaris. uide Alciatum in Parergis, ubi declarat Quintiliani, enigma in cubiculo Nola, in triclinio Coa. in balneis patres cum puberibus filiis non lauabantur. Cicero libro primo de officiis, libro secundo de oratore, ubi de ridiculis differitur. erant publica, et priuata balnea. nam Ulpianus iuriconsultus libro septimo Digestorum, titulo de usufructu, et c. lege decimatertia sic inquit. ergo et si balneum sit in domo usibus dominicis solitum uacare, in ultima parte domus, uel inter dietas amœnas, non recte, nec ex boni uiri arbitratu facturum, si id locare cœperit, ut publice lauet. balnea aliam quando ab Aedilibus conducebantur, ut populus gratis lauaret. Alphenus iuricon-

IN POETICEN HORATII

sultus libro decimonono Digestorum, titulo locati, & conducti, lege trigesima. Aedilis, inquit, in municipio balnea conduxerat, ut eo anno municipes gratis lauarent. NANCISCETVR PRETIUM NOMENQVE POETAE. [acquiret poeta nomen, et pretium. per pretium auctoritatem intellige. nam qui despecti sunt, nullius pretii sunt. Catullus.

Rumoresq; senum seueriorum

Omnes unius aestimemus assis.

uel pretium posuit pro corona poetarum ex hedera, quam praemium doctarum frontium appellauit ode prima libri primi,

Me doctarum hederæ præmia frontium

Dijis miscent superis. & Virgilius in eglogis.

Pastores hedera crescentem ornate poetam.

Per nomen, salutationem poetæ accipe. unde supra,

Descriptas seruare uices, operumq; colores

Cur ego si nequeo, ignoroq; poeta salutor?

SI TRIBVS ANTICYRIS. si nunquam tonsori Lycino commiserit, idest, tonderit, caput insanabile tribus Anticyris, idest ita stultum ut helleboro sanari non possit, non unius insulae Anticyræ, quæ helleborum large parit, sed trium Anticyrarum, si modo tres essent. alibi Horatius de Anticyra sic,

Danda est hellebori multo pars maxima auaris,

Nescio an Anticyram ratio illis destinet omnem.

De helleboro Plinius libro uigesimo quinto, cap. quinto, Dioscorides libro quarto, Hippocrates aphorismorum libro quinto, cap. primo. conuulsio, inquit, ex helleboro lethalis est. ubi Galenus sic. ijs qui helleborum acceperunt, album scilicet: hunc enim simpliciter album nominant. Carneadem quidem in Zenonem scripturum candido se helleboro aiunt perpurgasse. TONSORI LYCINO. de tonsoribus Plinius libro septimo capite quinquagesimono, sic inquit. frequens gentium consensus in tonsoribus fuit, sed Romanis tardior. in Italiam ex Sicilia uenere, post Romam conditam quadringentesimo, quinquagesimo quarto, adducente P. Ticinio Mena, ut auctor Varro. ante intonsi fuere. primus omnium radi quotidie instituit Africanus, sequens D. Augustus cultris semper usus. hæc Plinius. comam dijs nouebant ueteres pro salute. Pausanias in Atticis. ex Homero. ὃς τὸν Πηλεΐα δ' ἔαδαι Φησι τῷ περὶ χειρῶν κερῆν ἀνίσσω δινὸς ἐν τοῖσιν ἀχλὺς πλὴν κέρων. qui Peleum uouisse ait Sperchio, se, incolumi reddito à bello Troiano Achille, comam attonsurum esse. dedecoris causa aliquando coma alicui tondebatur. Lucianus in Timone, ὃς πλοκομὸς πῶν κερῶν ἐπὶ π' αὐτῷ. cum tu o Iuppiter ab ipsis, impuris scilicet hominibus attonsus sis. tondebantur in morte alicuius, quem unice diligebant. Arrianus libro septimo ubi de morte Ephesionis, καὶ κέραι αὐτοῦ ὅσον τῷ κερῶ πλὴν κέρων. & Alexandrum in morte Ephesionis comam totondisse. item cum patria in potestatem hostium redacta erat. Herodotus in Eran-

το, μισλῆαι

to, μιλίοιοι πάντες ἀπικέροντ' τοῖς καὶ ἀλγῶς. Milesii omnes capita totonderunt. rasum caput signum erat seruitutis, unde Romani ciues, ut scribit Orosius. libro quarto, cap. duodecimo, ē seruitute in Græcia erepti depositis comis, capitibusq; abasis I. Quin-
tij Flamminii liberatoris currum prosequuti sunt; ut indicarent, se olim in seruitute fuisse, modo illius uirtute liberatos postliminio in patriam redire.

XXXXVI.

O ego læuus,

Qui purgor bilem sub uerni temporis horam,

Non alius faceret meliora poemata. uerum

Nil tanti est. ergo fungar uice cotis, acutum

Reddere quæ ferrum ualet exors ipsa secandi,

Munus, & officium nil scribens ipse docebo,

Vnde parentur opes, quid alat, formetq; poetam,

Quid deceat, quid non, quod uirtus, quod ferat error.

Ironia utitur Horatius, & se artificiose increpat, qui ad horum hominum exempla uitam non instituat. mox se in eos conuertit, seq; hanc potius conditionem expectare ait, ut sine furore, & stultitia doceat, quæ ipse non scribit, quam ut Democritorum uitam uiuens summus poeta habeatur. O EGO LAEVS. o me ineptum, atque imprudentem. Virgilius.

= si mens non laua fuisset,

Sæpe sinistra caua prædixit ab ilice cornix.

QUI PURGOR BILEM. hunc locum uerba Galeni declarare possunt, quæ sunt libro tertio de uictu acutorum, sectione secunda. Pitrocholes uinum dulce esse incommodum affirmat ijs, in quibus biles amara plurima coaceruatur. medici pro bile simpliciter flauam, & pallidam intelligunt: atram bilem totum hoc dicunt, non bilem simpliciter. hæc acetosa est, illa amara, quæ si aqueis humiditatibus miscetur, humida, & pallida uidebitur. edulia dulcia eam generant, præsertim mel, & uinum dulcia. hæc Galenus. Purgor bilem, in plerisque codicibus leges. in codice peruetusto, qui est apud me, qui fuit olim Romuli Amasæi, doctissimi uiri, ac ciuis mei, purgo bilem, inueni. utraque lectio probanda est. SUB VERNI TEMPORIS HORAM. hoc tempus purgationibus Hippocrates decernit, uer scilicet, ut tibi melius respondebit Odus medicorum huius, & superioris memorie facile princeps; qui Patauii tanquam alter Aesculapius medicinæ libros publice summo loco profectur. & Andreas Minutius Serauallensis docebit, qui in arte medica inter principes medicos excellit. horam dixit Horatius pro tempore anni, non simpliciter pro hora, quæ diem diuidit. sic Hesiodus libro secundo de operibus, & diebus, de græue loquens.

ἡ τ' ἀρόριον πῶμα φέρει, καὶ χεῖμαρς ἄγλυ
ἀδινει οὐβερνῶ.

IN POETICEN HORATII

NON ALIVS FACERET, etc. quàm ego, nisi me purgarem. NIL TANTI EST. ut adduci possim ad imitandum insanos hosce Democriticos. FVNGAR VICE COTIS. quæ non ipsa secat, et ferrum tamen acuit, ut secet. sic ego cum nolim Democriticos imitari, poeta quidem non habebor, alios tamen poeticam artem docebo. similia sunt illa apud Philoponum libro primo in posterioribus Analyticis, ubi declarat illud Aristotelis, credibiliores esse propositiones conclusione, quia illud magis est, propter quod unumquodque tale est. ob uinum homo ebrius est, uinum tamen non est ebrium. per ensen pereunt homines, ensis tamen magis non perit. calescimus per motum, motus non calidior. sol ignitus non est, et calorem ciet. nam Aristoteles libro primo meteororum sic inquit. ὁ ἥλιος ὥς πῦρ μάλιστα δοκεῖ εἶναι θερμὸς, φαίνεται δὲ λευκὸς, ἀλλὰ οὐ πρῶτον ὥν. sol ut maxime calidus esse uidetur, albus apparet, cum tamen ignitus non sit. nec dissimili ratione Hesiodus libro secundo de operibus, et diebus.

Δείξω δὲ τοι μέτρα πολυφλοίσβοιο θαλάσσης,
οὐτ' ἐπὶ νηὺς ἑλὶς σελῶσι μύθος.

Metra tibi resonantis maris rei nauticæ ignarus ostendam. quin uero Horatius Isocratis apophthegma retulerit, dubium cuiquam esse non potest. nam Plutarchi hæc uerba sunt in uita Isocratis. καὶ περὶ τὸν ὀρόμενον, διότι ἐν ὧν αἰῶνος ἰκανὸς ἄλλους ποιεῖ, εἶπεν, ὅτι καὶ αἱ ἀνέστη αὐτῷ μέτρον μέν, ἔδωκεν αὐτῷ, τὸν δὲ σίδηρον τμητικὸν ποιούσιν. interroganti quid sit, quod cum ipse in foro nunquam dicere auderet, alios tamen in eo præstantes redderet, respondit, etiam cotes ipsas quidem secare non posse, ferrum tamen, ut secare possit, exacueret. EXORS. sine sorte, et facultate. Virgilius alio significatu. Ducunt Exortem Aeneæ. MVNVS, ET OFFICIVM. duæ hæc dictiones uel idem significant, uel diuersa: ut munus finem poetæ innuat. differunt enim inter se finis, et officium. officium poetæ est imitari. nam ποιησις ὅστις μίμησις, ut ait in poetice Aristoteles. finis uero prodesse, et delectare. Horatius paulo post. Et prodesse uolunt, et delectare poetæ. Quintilianus libro secundo, cap. decimo sexto, hæc non distinxit, inquit finem oratoris esse benedicere, non persuadere: cum officium sit benedicere, finis persuadere. Aristoteles libro primo topicorum. οὐτ' ἐπεὶ ὁ ἑκαστοὶς ἐκ παντὸς τοῦ πρὸς αὐτὸν πείσσει, οὐτ' ὁ ἰατρὸς ὑγιαίνει, ἀλλ' ἐὰν τῷ εἰδελφῷ μὲν μὴ δὲν πρῶτον, ἰκανὸς αἰῶν ἔχων πῶς ἐπιστήμῃ φησὶ μὲν. nec orator omnino persuadere debet, nec medicus sanabit, sed si ea, quæ afferri possunt, non prætermittet, satis ipsum peritum esse dicemus. VNDE PARENTVR OPES. inuentionem, intellige, quæ scribenti opes, et copiam orationis suggerit. quod si nulla subsit materia, et inuentio, erit inanis sonitus uerborum, ut ait Cicero libro primo de oratore. QUID ALAT, FORMETQVE POETAM. inuentio ipsa alit, reliquæ partes, et præsertim elocutio orationem format. et materia quidem formam appetit. Aristoteles libro primo physicorum. ὅτι ὅστις ἡ ὕλη, ὥς πῦρ εἰς θάλασσαν ἄρρενος, καὶ αἰχρὸν καλῶς. hoc materia est, ut foemina marem, turpe pulchrum appetens. ualde ad hunc locum pertinent de materia, et forma orationis illa Ciceronis uerba in oratore ad Brutum, de

materia loquor orationis etiam nunc, non de ipso genere dicendi: uolo enim prius habeat orator rem, de qua dicat, dignam auribus eruditis, quam cogitet quibus uerbis quicquid dicat, aut quo modo.

XXXXVII.

Scribendi recte sapere est & principium, & fons.

Rem tibi Socraticæ poterunt ostendere chartæ,

Verbaq; prouisam rem non inuita sequentur.

Qui didicit patriæ quid debeat, & quid amicis,

Quo sit amore parens, quo frater amandus, & hospes,

Quod sit conscripti, quod iudicis officium; quæ

Partes in bellum missi ducis, ille profecto

Reddere personæ scit conuenientia cuique.

Inuentionem, elocutionem, & decorum poeticum manare ait ex philosophiæ, quæ de moribus est, fontibus. nam inuentionem quidem ex philosophia locupletiore parari, nemini dubium est, de elocutione dubitare quispiam posset. nam philosophorum oratio pressior, & angustior est, poetarum copiosior, & amplior. respondet Horatius, illustri materia è libris philosophorum comparata, & prouisa, uerba ultro copiose dicenti occurrere, atque in buccam, ut aiunt, fluere, quibus ille sententias grauissimas uestiat, atque exornet. de decoro uero dubitandum non est, cum omnium personarum officia philosophia nobis aperiat. ut hic Horatius, & Cicero in oratore ad Brutum his uerbis testatur. nihil enim de religione, nihil de morte, nihil de pietate, nihil de charitate patriæ, nihil de bonis rebus, aut malis, nihil de uirtutibus, aut uitijs, nihil de officio, nihil de dolore, nihil de uoluptate, nihil de perturbationibus animi, & erroribus, quæ sepe cadunt in causas, sed ieiunius aguntur, nihil inquam sine ea scientia, quam dixi, grauiter, ample, copiose dici, & explicari potest. SCRIBENDI RECTE, &c. sapere, inquit, idest sapientia, quæ philosophia comparatur, principium est, ac ueluti quidam fons recte scribendi. quod libro primo de oratore L. Crassus sic confirmat. sed si me audierit, quoniam philosophia in tres partes est distributa, in naturæ obscuritatem, in differendi subtilitatem, in uitam, atque mores, duo illa relinquamus, idq; largiamur inertiae nostræ: tertium uero, quod semper oratoris fuit, nisi tenebimus, nihil oratori, in quo magnus esse possit, relinquemus. Plato in Phædro summum oratorem fuisse Periclem docet, quia sapientiam cum eloquentia coniunxerat. περὶ πᾶσιν ὅτι οἱ μὲν τὸ ἐπὶ τῷ ὄντι αἰσθασιώτατοι, μετὰ τὸ λογισμὸν ἐμπληροῦντες, καὶ ὑπὲρ φύσιν νοῦν τε, καὶ αἰσθησάμενοι μένος, ὡς δὴ πρὸς τὸν πλεονέχον ἐποιεῖτο αἰσθασιώτατος, ὡς τὸ ὅτι ἐκλυσε τὸ πλεονέχον λόγων τέχνη τὸ πρὸς ὅσον αἰσθησάμενος. quem locum Platonis sic Cicero in oratore ad Brutum uertit. siquidem etiam in Phædro Platonis, hoc Periclem præstitisse cæteris dicit oratoribus Socrates, quod is Anaxagoræ physici fuerit auditor, a quo censet eum, cum alia præclara quædam, & magnifica didi-

IN POETICEN HORATII

eisset, uberem, et foecundum fuisse, gnarumq; , quod est eloquentiae maximum, quibus orationis modis quaeque animorum partes impellerentur. REM. materiam, argumentum. SOCRATICAE CHARTAE. Platonis libri. in quibus passim disseminatae sunt Socratis disputationes. uel scripta philosophorum. nam ab uno Socrate omnes philosophorum familiae deductae sunt. M. Tullius libro tertio de oratore sic ait. nam quum essent plures orti fere à Socrate, quod ex illius uariis, & diuersis, & in omnem partem diffusis disputationibus alius aliud apprehenderat; profeminatae sunt quasi familiae dissentientes inter se, & multum disiunctae, & dispares, quum tamen omnes se philosophi Socraticos & dici uellent, & esse arbitrarentur. Vnum Socratem sapientem esse oraculum respondit. quare Laerlius de Socrate carmen retulit.

ὁ θεὸς ὄντως

καὶ σοφὸν εἶπε θεός, καὶ θεὸν ἡ σοφία.

Te reuera & sapientem deus dixit, & deum sapientia. VERBAQVE PROCVISA M. elocutio, inquit, preparatam inuentionem ultro sequetur, & comitabitur. tunc enim tibi uerborum fontes redundabunt. coniungit elequentiam cum sapientia, quas disiunctas queritur libro primo de inuentione, & libro tertio de oratore his uerbis. sed ut huius tamen eiusdem sapientiae doctores essent, ut Gorgias, Thrasymachus, Isocrates inuenti sunt, qui, cum ipsi doctrina, atque ingenii abundarent, à re autem civili, à negocijs animi quodam iudicio adhorrerent; hanc dicendi exercitationem exagitarent, atque contemnerent, quorum princeps Socrates fuit. & post. hinc dissidium illud extitit, quasi linguae atque cordis, absurdum sane, atque inutile, & reprehendendum, ut alij nos sapere, alij dicere docerent. hæc Cicero. sed Iacobus etiam Sadoletus Cardinalis in suis libris de laudibus philosophiae hæc eadē deplorat. PATRIAE QUID DEBEAT. aggreditur præcepta philosophiae, quæ est de moribus. quam in primis poetis necessariam esse contendit. patriæ autem debemus omnia. nam ortus nostri partem patria sibi, partem amici, partem parentes uendicant, ut docuit ex Platonis Phædro Cicero libro de officiis. Paterculus quidem libro secundo de Aemilio Paulo, qui Persen uicit, sic scriptum reliquit. is cum in concione extra urbem more maiorum, ante triumphi diem ordinem actorum suorum commemoraret, deos immortales precatus est, ut, si quis eorum inuideat operibus, ac fortunæ suæ, in ipsum potius sæuiret, quàm in remp. quæ uox ueluti oraculo emissa magna parte eum spoliauit sanguinis sui. nam alterum ex ijs, quos in familia retinuerat, liberis, ante paucos triumphi, alterum post pauciores amisit dies. Victores præterea in sacris certaminibus patriæ suas laudes condonabant, cui omnia debere se existimabant. Pindarus in Isthmijs ode tertia de Melisso Thebano.

καὶ πύξαι θεῶν

ἰσχυροῦς καὶ κρατερός.

Per præconem Thebas nominauit equorum in cursu uictor. QUID AMICIS. pro his agendum μέχρι βωμῶν, idest usque ad aras, ut aiebat Pericles, teste Gellio li-

bro primo, Lampridius in Alexandro sic. his accessit, quod amicos, & parentes Alexander, si malos reperit, aut puniuit, aut, si uetus uel amicitia, uel necessitudo non fuit puniri, dimisit à se dicens. his charior est mihi tota resp. amicus ipse, non amici fortuna diligatur. Diodorus libro decimo septimo de Alexandro Macedone. ἔπειτα τῶν ἐταίρων εἶπε, μηδὲν καὶ ἐξ ὧν ἡ φαισίανος τὸν κρατερὸν σὸν ὄντος, ἐπεὶ φθίγγας, κρατερὸν μὲν εἶναι φιλοβασιλέα, ἡ φαισίανος δὲ φιλαλέξανδρον. postquam ex familiaribus quidam dixit, Craterum illum non minus, quam olim Hephæstion solebat, amare; respondit, Craterum quidem esse Regis amicum, Hephæstionem uero Alexandri amicum fuisse. notum est Aristotelis illud libro octauo de moribus ad Nicomachum. φίλος ἐστὶν ὁ αὐτοῦ, amicus alter ipse est. QVO SIT AMORE PARENS, &c. parentibus primus honor debetur μετὰ θεῶν θεοῦς, idest post deos. ut ait Plutarchus in libro περὶ φιλαδελφείας. Oppius in triumphu seruientibus M. Antonio, Octauio, Lepido, patrem ætate confectum humeris sublatum ab urbe extulit, ut ab inimicorum hominum crudelitate eum eriperet. auctor Appianus libro tertio. hanc pietatem in suo Aenea Virgilius confinxit. QVO FRATER. Pollux, ut Castorem ab inferis educeret, ipse mortem obiit, non ueritus pro fratre mori. Plutarchus in libro de amore fraterno, Virgilius libro sexto. Sic fratrem Pollux alterna morte redemit. de his etiam Pindarus in Nemeis ode prima.

μεταμεβόμενοι δ' εὐαλ-

λάξ ἀμύρον, τὸν μὲν πρὶν παῖδι φίλῳ

Διὶ νέμεντο, τὸν δ' ἄπο κέποι γαίῃσιν.

Mutuo diem alternantes, hanc quidem apud charum parentem Ionem, hanc uero sub terra ducunt, & habitant. HOS PÆS. declarat hoc Vlisses libro octauo odysseæ, qui Corcyrenses omnes ad certamen, & ludicrum laccessit, præter hospitis Alcynoi Regis filium Laodamantem. ξένος γὰρ μοι ὁδε ὄντι. hic enim mihi inquit hospes est. Aristoteles libro tertio rhetoricorum, ubi agit de metaphora, ξένος γὰρ ξένος μάλιν θάυμαζομεν. hospites enim plus admiramur. libro nono ad Nicomachum, uulgatum apophthegma probat, τὸ μήτε πολλοί ξένος, μήτ' ἄξιος, neque multos hospites habens, neque nullos. Pindarus ode penultima olympiorum sic Corinthum laudat.

ἀμύρον ἀσπίς,

ξένοισι δὲ θοράκην τε γνώσομαι

τὸν ὀλέθρον κέρινον.

Mansuetam, ac benignam ciuibus, hospitibus autem seruientem cognoscam felicem Corinthum. CONSCRIPTI. patres conscripti centum erant, quos in Senatum acciuit Romulus. horum filij patritij. Liuius libro primo. de horum officio Cicero philippica septima. est autem nostri consilij patres conscripti in posterum quamlongissime prouidere. iccirco in hac custodia tanquam in specula collocati sumus, ut uacuum metis populum R. nostra uigilia, et prouidentia redderemus. hac Cicero. qui eos patres, et Sena-

IN POETICEN HORATII

tores describit, qui olim Romæ floruerunt, nunc Venetijs florent, quando hæc sola urbs Romanæ reip. quoddam instar habet. IUDICIS. Aristoteles libro quinto de moribus ad Nicomachum. ὁ γὰρ δικαστὴς βούλεται εἶναι, οἷς δὲ καὶ οὐκ ἐμμελὲς, καὶ γὰρ ἡμεῖς δικαστὴν μέσσην. Iudex quasi ius animatum esse debet: iudicem enim quærunt, qui medius sit, idest æquus omnibus, & neutram in partem nisi iuste propensus. IN BELLVM MISSI DVCIS. ut non solum cædem hostium optet, sed etiam det operam, ut ex suis, si fieri possit, neminem amittat: quod de Sylla refert Eutropius, qui bello Italico nullum ex suis desideravit: ne res præpropere gerat, sed cunctetur, quod de Q. Fabio scribunt Livius, & Plutarchus, & alij. item alia seruet innumera- bilia, quæ Socraticus Xenophon in Cyro effinxit. ILLE PROfecto. qui hæc omnia præclare tenet, cuique personæ scit tribuere convenientia, idest τὰ πρέποντα. & sic in inuentione mirificus erit.

XXXXVIII.

Respicere exemplar uitæ, morumq; iubebo
Doctum imitatore, & ueras hinc ducere uoces.
Interdum speciosa locis, morataq; recte
Fabula nullius Veneris, sine pondere, & arte
Valdius oblectat populum, meliusq; moratur,
Quàm uersus inopes rerum, nugæq; canoræ.

Poeta, qui omnium officia nouit in philosophia, quæ est de moribus, tanquam in quodam exemplari, in singulis personis propria officia explanet, quæ Horatius ipse proxime persecutus est. scit enim quid filio, quid fratri, hospiti, Senatori, Iudici, Imperatori conueniat. cuique igitur personæ quid reddendum sit, quasi quodam in exemplari uidebit, philosophiæ præcepta recolens. EXEMPLAR VITAE, MORVM QVE. quod ex philosophia comprehenderit, ut docuimus, generatim, sigil- latim cuique personæ reddet. exemplar enim est Idæa, quæ, ut ait Plato in Parmenide, singularia omnia continet, & ab ijs seiuncta est. Aristoteles libro primo de cælo, ubi quæritur, unum ne sit cælum, an secus se res habeat. δόξειεν γὰρ αἰὲν ὁδοῦ ποιοῦν μὲν οὐρανὸν εἶναι, καὶ μόνον εἶναι αὐτὸν. αἱ ἅπασαι γὰρ καὶ τοῖς φέρονται, καὶ τοῖς ἀπὸ τῆς γῆς γινώσκουσιν, καὶ συνεπιδόσιν ἐπὶ τοῦτον ὅστιν αὐτὴν τε καὶ ἅντλην ἡ μορφὴ, καὶ μεμνημέ- νῳ μὲν τῆς ὕλης. sic ratiocinantibus uidebitur fieri non posse, ut unus mundus sit: in omnibus enim rebus & naturalibus, & artificiosis, aliud idæa est, aliud ipsum cor- pus conflatum ex materia, & forma. DOCTVM IMITATOREM. doctum poetam. nam poesis imitatio est. Aristoteles in poetice, cum omnes poeseos species nomi- nasset, sic addidit, πᾶσαι τυγχάνουσιν οὐσαι μιμήσεις τὸ σιωπᾶν. omnes ad sum- mam hoc consequuntur, ut sint imitationes. poeta autem arte naturam, & idæam imitatur. VERAS HINC DVCERE VOCES. habebit poeta ante oculos idæam uerbi gratia Senatoris, cum Senatorem loquentem inducet. ei uoces dabit ex

idea uitæ, & morum erutas, quæ sint præclaræ, & graues; & Senatorem non effin-
get qualis uulgo in rep. esse solet, sed qualis esse debet. ueras hic uoces, idest honestas
exponimus. uerum enim pro honesto sumitur. Horatius libro primo epistolarum.

Metiri se quenque suo modulo, ac pede uerum est.

Libro secundo ad Atticum, epistola prima, quid uerius, quàm in iudicium uenire, qui
ob rem iudicandam pecuniam acceperit? SPECIOSA LOCIS. plus inquit de-
lectationis populo fabulæ afferunt, iocis, & facetijs refertæ, etiam si uerborum lumi-
na non eluceant, quàm quæ uerbis illustribus abundant, et quasi stellis insignitæ sunt,
si nullum, uel leue argumentum habeant. nam populus re plus, quàm uerborum le-
nocinio delectatur. Acron locis, non iocis legit, sic inquit. Si opportune fuerint indu-
ctæ personæ, aut locis, aut argumentis, ut non sit argumentum absurdum. hæc ille.
ego etiam locis libentius legerim, quia de argumentis e philosophiæ fontibus hauriendis
loquitur Horatius. Philosophia autem locos nobis argumentorum, & rerum suppedi-
tat, non iocos: grauis enim est, non iocosa. Horatius libro primo epistolarum ad Me-
cœnatem scribens.

Nunc itaque & uersus & cetera ludicra pono,

Quid uerum, atque decens, curo, & rogo, & omnis in hoc sum.

MORATA QVE RECTE. quia dixerat, respicere exemplar uitæ, morumq;
iubebo Doctum imitatore. & sane in tragœdia sex requirit Aristoteles in poetice.
αἰδιότης οὖν πάσης τραγῳδίας μὲν εἶναι εἰς, καὶ ἂν ποῖα τίς ὅστιν ἡ τραγῳδία. τῶν τε
δὲ μὲν τοῦ, ἡδὴ, καὶ λείψ, καὶ διαίτια, καὶ ὅψις, καὶ μέλο ποίη. necesse est,
ut in omni tragœdia sex partes existant, quibus qualitatem tragœdia sumit. eæ uero
hæ sunt, fabula, mores, elocutio, sententia, apparatus, melodia. NULLIVS
VENERIS. sine uenustate floridorum uerborum. quam Dionysius in libro de
compositione sic expressit. τὸ δὲ πρὸς τῶν λείψων, καὶ ὁ λόγος. circa
diëctiones ambitio, & elegantia quasi quædam. MELIVS QVE MORA =
TVR. melius detinet. nam populus res, quæ dicuntur, curat, rationem dicen-
di despicit. unde Cicero de Hortensio in oratore ad Brutum. dicebat melius, quàm scri-
psit Hortensius. ad Hortensium tamen audiendum omnes undique confluebant; cum
tamen in corporis decoro motu plus studii, quàm in ipsa eloquentia poneret. Valerius
Maximus libro octauo, cap. decimo. QVAM VERSVS INOPES RE =
RVM. uersus inopes rerum, & nugæ canoras uocat eorum poemata, in quibus præ-
ter uerborum florem nihil reperiatur. nulla enim sententia grauior, nullus philosophiæ lo-
cus tractatur. qualia Christophori Longolij scripta esse Lascharis censebat, & diëctita-
bat. at dixerit quispiam: eloquentia sine sapientia stare non potest. cui ego respondeo,
hic ab Horatio non eloquentiam, sed loquentiam damnari. nam loquentes sunt, non elo-
quentes, qui sine gravitate sententiarum scribunt. pulchre Plinius libro quinto, episto-
la uigesima. Iulius, inquit, Candidus non inueniuste solet dicere, aliud esse eloquentiam,
aliud loquentiam. nam eloquentia uix uni, aut alteri: iam non sumus Antonii, ut

IN POETICEN HORATII

credamus nemini: hæc uero, quam Candidus loquentiam appellat, multis, atque etiam impudentissimo cuique maxime contingit. hæc Plinius. cum hoc nosset M. Antonius, populum plus delectari sententijs, quam uerbis; dicere solebat, oportere se in iudicia nihil asferre, præter fidem, atque ingenium. auctor Cicero oratione 1. contra Verrem.

XXXXIX.

Græcis ingenium, græcis dedit ore rotundo
Musa loqui, præter laudem nullius auaris.
Romani pueri longis rationibus assiem
Discunt in partes centum diducere. dicat
Filius Albin, si de quincunce remota est
Vncia, quid superat? poteras dixisse, triens. *en*
Rem poteris seruare tuam? redit uncia, quid fit?
Semis. ad hæc animos erugo, & cura peculi
Cum semel imbuerit, speramus carmina fingi
Posse linenda cedro, & leui seruanda cupresso?

Græcos laudat, qui sapientiam ab eloquentia non disunxerunt, sed utranque complexi sunt. mox in Romanos inuehitur, qui propter auaritiam liberos suos non in præclarissimis literarum studiis, sed in arithmetica, & mercatura exercent. GRAIIS INGENIUM. Græci semper disciplinis floruerunt, ante hos tamen Aegyptii. à quibus Pythagoras philosophiam accepit, quam primus in Græciam inuexit. Iſocrates in Eusiride, ὅς αὖ κε μένος εἰς αἴνῳ πόν, καὶ μάθῃ τῆς ἐκείνων γλώσσας τὴν πᾶλ᾽ ἄλλω ὡς τοσούτῳ πρὸς εἰς τοῦ ἑλλῶος ἐκέμσε. Græci quidem ingenio, & literis, Romani armis excelluerunt. Cicero enim libro primo questionum Tusculanarum, doctrinam, inquit, Græcia nos, & omni literarum genere superabat, in quo erat facile uincere non repugnantes. nam cum apud Græcos antiquissimum è doctis sit genus poetarum, siquidem Homerus fuit, & Hesiodus ante Romam conditam, Archilochus regnante Romulo, serius poeticam nos accepimus. & quæ sequuntur. nunc etiam Græci aliquot doctissimi uiri uiuunt, qui Horatiana hac laude dignissimi sunt, è quibus sunt Georgius Comes Corinthius, & Franciscus Portus, quorum alter Venetijs, alter Ferrariæ plurimum rem literariam prouehunt. ORE ROTUNDO. eloquentia perfecta. tractum est à forma spherica, & circulari, quæ perfecta est. Cicero libro secundo de natura deorum sic. cumq; duæ formæ præstantes sint, ex solidis globus; sic enim σφαῖρα interpretari placet; ex planis autem circulus, aut orbis, qui κύκλος græce dicitur: his duabus formis contingit solis, ut omnes earum partes sint inter se simillimæ, à medioq; tantum absit extremum, quantum idem à summo. idem in libro de uersitate de Deo, & forma Mundi loquens: formam autem, & maxime sibi cognatam, & decoram dedit: à quo enim animante omnes reliquos contineri uellet animantes, hunc ea forma figurauit, qua una omnes reliquæ formæ concluduntur, & globosum est

sum est fabricatus. Aristoteles etiam libro primo de cœlo, ubi de circulari motu cœli disputat, sic ait. ἀλλὰ μὴν καὶ πρῶτην γε αἰατικὸν εἶναι τὴν πρῶτην φοράν. τὸ γὰρ πλεον περὶ τὸν τῆ φύσει τῶ ἀπὸ λούς. ὁ δὲ κύκλος τῶ πλεον. Veruntamen hanc, ut ita dicam, lationem primam esse necesse est. nam, perfectum ut imperfecto prius sit, natura postulat. circulus autem ex perfectis formis est. hinc igitur Horatius rotundam eloquentiam Græcorum esse dixit. sic etiam Cicero in oratore ad Brutum loquutus est. Nam cum concisus ei Thrasymachus minutis numeris uideretur, et Gorgias, qui tamen primi traduntur arte quadam uerba iunxisse; Thucydides autem præfatiior, nec satis, ut ita dicam, rotundus; primus insituit dilatare uerbis, et mollioribus numeris explere sententias. PRAETER LAudem NULLIVS AVARIS. cupidissimis ita laudis solius, ut eius avari uideantur. honesta laus est. licet enim nobis esse laudis, et gloriæ cupidis. Pindarus in Isthmiis, ode quarta.

εἰς δὲ πῶς ὁ λόγος ἐστὶν ἀκούει,
μὴ μᾶλλον ἐστὶν ἐνέδοι.

Si quis multis officiis ornatus bene audias, et præclare, ne Iuppiter esse cupias. Ob solam laudem, qua illum Homerus extulerat, Achillem fortunatum esse putavit Alexander, cum in Sigeum uenisset. Cicero pro Archia. non igitur, ut quidam deblatterant, Græcos hic Horatius tacite ut ambitiosos carpit. ROMANI PVERI. Romanorum institutum damnat, apud quos pueri numeris operâ nauabant, non literis politionibus, et assem in suas uncias diuidere uarie discebant. sic lib. I. epist. ad Mecœnatem scribens Horatius.

O ciues ciues querenda pecunia primum est,
Virtus post numos. hæc Ianus summus ab imo
Perdocet, hæc recinunt iuuenes dictata, senesq;
Lano suspensi loculos, tabulamq; lacerto.

LONGIS RATIONIBVS. minutis, ideo longis, non scilicet ratiocinationi simili libus, qua breuiter Hortensius argumenta in certa capita distribuēbat. Cicero in diuinatione sic. quid cum accusationis suæ membra diuidere cœperit, et in digitis suis singulas partes causæ constituere? Quintilianus libro quarto, cap. ultimo. diuisionem Hortensii in digitos diductam uocat. ASSEM IN CENTVM PARTES. in plurimas, et minutissimas. numerus pro numero. de asse iam dicemus. FILIVS ALBINI. Albinus Romæ erat numularius. numularij autem in uico Iani mediij tabernas, et mensas habebant. Cicero Philippica sexta sic. L. Antonio Iani mediij patrono. ita ne? Ianus medius in L. Antonij clientela sit? quis unquam in illo Iano inuentus est, qui L. Antonio mille numum ferret expensum? Albinus male audiebant ob auaritiā Romæ. Florus libro tertio, ubi de bello Iugurthino, sic ait. igitur sequens ultio mandatur Albino. sed huius quoque, proh dedecus, ita corripit exercitum, ut uoluntaria nostrorum fuga uinceret Numida, castrisq; potiretur. SI DE QVINCVNCE REMOTA EST VNCIA. quincunx quinque uncias ualet, triens quatuor. si quis demit unciam à quincunce, remanet triens: semis ualet

R

IN POETICEN HORATII

uncias sex . si uncia redit quincunci , idest accedit , ex quincunce fiet semis . Theophilus libro secundo institutionum , capite de hæredibus instituendis , sic ait de asse , eiusq; partibus . Hereditas plerunque in duodecim diuiditur uncias , & uniuersa hæc hereditas as appellatur , habetq; partes in sese : quæ per propria nomina usque ad assem appellantur . sunt autem hæ . uncia duodecima pars hereditatis : sextans idest duæ unciae , sexta pars : quadrans quarta pars , hoc est unciae tres : triens tertia , quæ uncias quatuor efficit : quincunx tertia pars , & duodecima , hoc est quinque unciae : semis dimidia , hoc est unciae sex : septunx dimidia cum duodecima , hoc est septem unciae : bes duæ partes è tribus , græce διποπον , siue octo unciae : dodrans duæ partes è tribus , cum duodecima ; id ualet uncias nouem : dextans duæ partes è tribus cum sexta , idest unciae decem : denunx duæ partes è tribus cum quarta , hoc est unciae undecim : as unciae duodecim . hæc Theophilus . Vlpianus etiam iuriconsultus libro uigesimo octauo Digestorum , titulo de hæredibus instituendis , lege decima tertia sic inquit . paterfamilias distribuere hereditatem in tot partes potest , quot uoluerit , sed solennis assis distributio in duodecim uncias fit . TRIENS . quatuor uncie , & tertia pars assis . Cicero libro septimo ad Atticum , epistola octaua , Dolabellam uideo Linia testamento cum duobus cohæredibus esse in triente , sed iuberi mutare nomen . EN . REM POTERIS SERVARE TVAM . uerba patris , uel populi sunt probantis pueri responsum . in codice illustrissimi Federici Cornelii non En , sed ohe legimus : quæ uox est stupentis populi , uel fortasse etiam irridentis Horatii . qui in numeris subducendis tam acutus est , inquit , rem familiarem recte tuebitur . PECULI . opum . quid sit peculium , Vlpianus iuriconsultus libro decimo quinto Digestorum , titulo primo , lege quinta sic docuit . Peculium dictum est , quasi pugilla pecunia , siue pugillum patrimonium . peculium autem Tubero quidem sic definiuit , ut Celsus libro sexto Digestorum refert , quod seruus domini permissu separatim à rationibus dominicis habet , deducto inde , si quid domino debetur . fecit mentionem peculii Horatius artificiose , cum de parco homine loqueretur . nam peculium parsimonia paratur , ut in lege trigesima nona Florentinus iuriconsultus his uerbis annotauit . Peculium & ex eo consistit , quod parsimonia sua quis parauit , uel officio meruit à quolibet sibi donari : idq; uelut proprium patrimonium seruuum suum habere quis uoluit . IMBERIT . labefactarit . libro primo epistolarum , Quo semel est imbuta recens , seruabit odorem Testa diu . FINGI . scribi . expresit uerbum græcum ποιῶν , quod & fingi significat , & fieri . & ab eo poetæ dicuntur . LINENDA CEDRO . cedrus tincis non corrumpitur . scribit Plinius libro decimo tertio , cap. decimo tertio , libros Numæ in arca repertos , quos annū DXXXV . non corroserant . cuius rei rationem reddens & libros , inquit , cedratos , propterea arbitrari eos tineas non tetigisse . LEVI . SERVANDA CUPRESSA SO . in beneolenti arbore . alioquin cupressus infelix arbor est . M. Varro libro de etymologia sic inquit . Cupressi mortuorum domibus ponebantur , ideo , quia huius generis arbor excisa non renascitur , sicut ex mortuo nihil iam est sperandum . quam ob causam

sam in tutela Ditis patris esse putatur. Leuem cupressum uocauit priore syllaba longa, idest tangentibus non asperam, ut Virgilius. Tum leues ocreas electro, auroq; recocto, etc.

L.

Aut prodesse uolunt, aut delectare poetæ,
 Aut simul & iucunda, & idonea dicere uiræ.
 Quicquid præcipies, esto breuis, ut cito dicta
 Percipiant animi dociles, teneantq; fideles.
 Omne superuacuum pleno de pectore manat.
 Ficta uoluptatis causa sint proxima ueris,
 Nec, quodcunque uolet, poscat sibi fabula credi,
 Neu pransæ Lamiæ uiuum puerum extrahat aluo.
 Centuriæ seniorum agitant expertia frugis,
 Celsi prætereunt austera poemata Rhamnes,
 Omne tulit punctum qui miscuit utile dulci,
 Lectorem delectando, pariterq; monendo.
 Hic meret æra liber Sosis, hic & mare transit,
 Et longum noto scriptori prorogat æuū.

Varia hic præcepta sunt de fine poetarum, ut inuent, uel delectent, uel utrunque præstent, ut breues in præcipiendo sint, ut uerisimilia fingant, non incredibilia prorsus; ut poemata utilitate, & delectatione temperent. sic enim fore librum immortalem sperare possunt. PRODESSE. profunt poetæ uariis modis, sed etiam fabularum allegoria, quibus, quid optimum in uita sit, prudenter edocent. unde Isocrates in oratione ad Nicoclem de poetis loquens sic inquit. Αἱ δὲ εὐλογητοὶς ἢ πικρῇ, ἢ χαρμῶν τι καὶ χειροκρόν τοῖς πολλοῖς μὴ εἶναι ὠφελίμους τὰ τοῖς ἡρώδων ἡτέων, ἀλλὰ εἶναι μὲν τοὺς δὲ ποιητὰς. quī, quod multis perplaceat, scribere, uel pingere aliquid uolunt, eos oportet non eorum scripta, quī oratione utilissimi sint, perquirere, sed eorum potius, quī fabulis sint referti. moribus etiam nos ad officium poetæ boni inflammant. Proclus in quæstionibus poeticis, ἀπὸ τῆς ἡθικῆς λαμβάνων τὰ εἰδησια, &c. cum loqueretur de poeta Platónico. VOLUNT. debent. uide quid supra annorauimus, ibi, Versibus exponi tragicis res comica non uult. DELECTARE. & reuera poetæ magis uoluptatem, quàm res ipsas sequuntur. quare differre eos ab oratoribus, et quia liberius noua uerba fingunt, scribit Cicero in oratore ad Brutum, his uerbis: ego autem, etiam si quorundam grandis, & ornata uox est poetarum, tamen in ea cum licentiam statuo maiorem esse, quàm in nobis faciendorum, iungendorumq; uerborum, tum etiam nonnullorum uoluptati uocibus magis, quàm rebus inserviunt. libro secundo quæstionum Tusculanarum, de hac ipsa re clarius sic inquit. ita sunt deinde dulces, ut non legantur modo, sed etiam ediscantur. sic ad malam domesticam disciplinam, uitamq; umbratilem, & delicatam cum acceperunt etiam poetæ, neruos omnes uirtutis elidunt.

R ij

IN POETICEN HORATII

recte igitur à Platone educuntur ex ea ciuitate, quam finxit ille, cum mores optimos, et optimum reip. statum exquireret. AVT SIMVL. uel utrunque præsent, et iucundum, idest delectationem, et idoneum uitæ, idest quod utile est. particula, Aut, hic disiungit, non copulat. nam copulat apud Aristotelem libro primo in prioribus Analyticis, ubi sumitur pro, Et, $\pi\epsilon\sigma\sigma\alpha\sigma\iota\varsigma\ \delta\epsilon\iota\ \lambda\acute{o}\gamma\omicron\varsigma\ \kappa\alpha\iota\ \sigma\varphi\alpha\pi\iota\kappa\acute{\omicron}\varsigma$, $\eta\ \sigma\varphi\alpha\lambda\iota\kappa\acute{\omicron}\varsigma\ \iota\upsilon\omicron\varsigma\ \kappa\alpha\iota\ \sigma\tau\acute{\omicron}\nu\omicron\varsigma$. propositio est oratio affirmans, uel negans aliquid de aliquo. ubi Philoponus exponit η pro $\kappa\alpha\iota$. talis Homerus est, qualem hic summum poetam Horatius describit. nam in symposio Xenophontis hæc uerba leguntur. $\delta\ \varphi\alpha\tau\eta\rho\ \epsilon\pi\iota\mu\epsilon\lambda\omicron\upsilon\mu\epsilon\nu\omicron\varsigma$, $\delta\ \pi\omega\varsigma\ \alpha\iota\mu\epsilon\ \sigma\tau\acute{\omicron}\nu\omicron\varsigma\ \chi\lambda\omicron\iota\mu\epsilon\nu$, $\iota\omega\delta\iota\alpha\sigma\epsilon\ \mu\epsilon\ \alpha\pi\alpha\nu\tau\alpha\ \tau\alpha\ \delta\iota\mu\epsilon\rho\omicron\upsilon\ \epsilon\pi\iota\mu\alpha\delta\ \epsilon\nu$. pater, cum diligentiam adhiberet, ut in uirum bonum euaderem, me, ut totum Homerum ediscerem, coegit. tales et alii. quorum nota est præstantia. QVICQVID PRÆCIPIES, ESTO BREVIS. breuitatem commendat in præcipiendo, et sententiis, non in eloquendo. in eloquentia enim uerborum thesauri explicandi sunt. unde Zeno, ut est in oratore ad Brutum, compressis digitis dialecticæ, explicatis rhetoricæ significauit. VT CITO DICTA. ut docili homines ingenio cito, quid dictum sit, comprehendant. dociles autem sunt, qui cito intelligunt, ut Theopompus, quem frenis egere aiebat Isocrates, Ephorum uero tardum calcaribus. auctor M. Tullius libro tertio de oratore. quod Aristotelem de Theophrasto, et Callisthene pronunciaffe, Laertius scribit libro quinto in uita Theophrasti. $\omega\varsigma\ \tau\omega\ \mu\epsilon\lambda\iota\ \chi\alpha\lambda\iota\nu\delta\ \delta\iota\omicron\iota$, $\tau\omega\ \delta\epsilon\ \kappa\epsilon\iota\nu\epsilon\varsigma$. in Theophrasto comprimendo opus esse freno, in excitando Callisthene calcari. TENEANTQUE FIDELES. pauca autem melius memoria retinentur, quæ non præsentium, sed absentium est. Aristoteles in libro de memoria, et remiscencia, $\eta\ \delta\ \alpha\lambda\lambda\omicron\upsilon$, $\delta\iota\ \epsilon\tau\epsilon\kappa\omega\nu\ \kappa\alpha\iota\ \mu\eta\mu\epsilon\gamma\epsilon\sigma\tau\omicron\mu\alpha$. alterius rei est, ut imago, et monumentum: neque enim omnes Themistocli pares sumus, qui artem sibi præmonstrari optabat, qua multarum rerum obliuisceretur, quæ sibi animo excidere non poterant. Cicero libro tertio de oratore, libro secundo de finibus. OMNE SUPERVACVVM. quicquid superuacuum est, et nimis amplum, manat, effluitq; è pectore tanquam aqua è uase pleno. quibusdam etiam quæ non sunt superuacua. Cicero in Bruto de C. Curione sic ait. memoria autem ita fuit nulla, ut aliquoties, tria cum proposuisset, aut quantum adderet, aut tertium quæreret. qui in iudicio priuato uel maximo, cum ego pro Titinia Cotta perorasssem, ille contra me pro Ser. Neuiio diceret, subito totam causam oblitus est, idq; ueneficiis, et cantionibus Titinie factum esse dicebat. breuis igitur sit poeta in præcipiendo. FICTA VOLVPTATIS CAUSA. quæ fingis, inquit, ut delectes, sint proxima ueris, idest admodum uerisimilia: neque enim stulte fingendum est, et licentius. Aristoteles in poetice. $\omicron\upsilon\ \tau\omicron\ \tau\alpha\ \gamma\iota\nu\omicron\mu\epsilon\nu\alpha\ \lambda\acute{\epsilon}\gamma\epsilon\iota\nu$, $\tau\omicron\tau\omicron\ \pi\omicron\iota\eta\tau\omicron\ \delta\ \rho\epsilon\upsilon\delta\epsilon\iota\nu$, $\chi\lambda\lambda\alpha\ \delta\iota\alpha\ \alpha\upsilon\ \chi\lambda\omicron\iota\omicron$, $\kappa\alpha\iota\ \tau\alpha\ \delta\iota\omega\alpha\tau\alpha\ \kappa\alpha\iota\ \tau\alpha\ \tau\omicron\ \epsilon\iota\kappa\epsilon\varsigma$, $\eta\ \tau\omicron\ \alpha\iota\alpha\gamma\kappa\alpha\iota\omicron\nu$. non est poetæ officium res gestas narrare, sed quales fieri oportet, et quæ fieri possunt per uerisimile, et per necessarium. Horatius uerisimile tantum, Aristoteles etiam necessarium poetis proposuit. at melius sensisse uidetur hic nester. nam

tantum abest, ut poetæ necessarium exprimant, ut ea aliquando, quæ uerisimilia etiam non sunt, comminisci uideantur. Franciscus Robortellus quæstionem hanc excitat in suis commentarijs, quos in poetice Aristotelis edidit. Homerus, cæteri; poetæ deos ambrosia uesci aiunt, nectar imbibere, uulnerari, ut Venerem à Diomede, patere uiam ad inferos uiuis adhuc hominibus, esse Cyclopes, esse Sirenes, nebulas loqui, ut apud Aristophanem, mutari homines in feras Circeo poculo. hæc uero non esse uerisimilia quis non uidet? respondet Robortellus, poetæ aut in rebus secundum naturam mentiri, quod quilibet potest efficere, modo seruet uerisimile, et necessarium; aut præter naturam, duplici ratione, aut in rebus, quas hominum opinio comprobarit, aut quas nunquam antea audierimus. deos uulneribus affici, &c. uulgus iam opinatur. Cicero libro primo quæstionum Tusculanarum Homerum accusat, qui humana ad Deos transtulit, mallet, inquit, diuina ad nos. recte uidetur Robortellus. nam ut Aristoteles libro primo Topicorum scriptum reliquit, ὁδοῖα τὰ δοκούντα πᾶσιν, ἢ τοῖς πλείστοις, ἢ τοῖς ἁπλοῖς, καὶ τοῖς ἁπλοῖς ἢ πᾶσιν, ἢ τοῖς πλείστοις, ἢ τοῖς ἁπλοῖς γινώσκουσιν, καὶ ὁδοῖα. probabilia sunt, quæ omnibus, uel plerisque, uel sapientibus uidentur, et his quidem uel omnibus, uel plerisque, uel maxime illustribus, et probatis. NEC QVOD CUNQVE VOLET. fabula, inquit, non poscat, et cupiat sibi credi ea omnia, quæ ipsa uolet: prudentes enim nunquam induci in eam sententiam poterunt, ut temere fidei adhibendam esse fidem arbitrentur. sic Cicero oratione septima contra Verrem: nunc cum uiuum istum nescio quem produces, tamen ne id credi uoles? NEV PRANSÆ LAMIAE. non est fingendum, puerum aluo Lamia extrahi, quem illa deuorasset. nam frigidum esset commentum. Lamias esse stryges interpretatur Alciatus libro octauo, cap. uigesimo secundo in suis Parergis, ubi hunc etiam sibi uersum Horatii enodandum arripuit, sed historiam ex Diodoro non adducit, qua sola locus hic Horatii plenius explicari, atque illustrari potest. Diodorus enim libro uigesimo historiæ sic inquit de Lamia. αἱ τὸν λῶ δὲ μέγας κτείνω, καὶ σμίλῳ στυγερῆς, ὡς ὁ μυθολογῶν γινώσκων βασιλίσσαν λᾶμιν, τῷ καὶ λαι διαφύσσειν: δὲ δὲ πλὴν τῆς λυχρῆς ἀγριότητος διατυπώσκει φασὶν πλὴν ὅτι αὐτῆς τὸν μέγαν τῶν χροῶν διηρώδην. τῆς γὰρ γινώσκων αὐτῆς παίδων ἀπάντων πλὴν τῶν τῶν βαρυνθιμῶν τῶν τῶν παίδων, καὶ φθονοῦσιν τῆς αὐτῆς ἀλλων γυναικῶν οὐτε κνίαις, καὶ οὐτε ἐκ τῆς ἀγρίας λᾶν ἕκαστον παίδων ταῖς ἐρέφει, καὶ πρὸς χάριμα ἀγκυτείνων: διὸ καὶ καὶ ἡ μᾶς μέγας τῶν νῦν εἶον πρὸς τοῖς νῦν τοῖς διαμείνων πλὴν τῶν τῆς γυναικῶς τῶν τῶν φήμει, καὶ φεδρωτὰ τὴν αὐτῆς εἶναι πλὴν τῶν τῶν περὶ οὐδεῖαν. antrum immane erat, hedera, et smilace tectum, in quo reginam Lamiam natam esse fabulantur, forma excellentem: sed propter animi feritatem, ferinum eius uultum effinxerunt. nam cum obitu natærum omnium uehementius esset indignata, et aliarum mulierum foetibus inuideret, et complexibus matrum infantes eripi, et contrucidari statim imperauit. quare nostra etiam ætate, huius mulieris fama pueris, nomenq; formidolosum est, eiusq; mentio maxime eos metu conficit, ac percussos terret. CENTVRIÆ SENIORVM. ex

IN POETICEN HORATII

quibus centuriata comitia fiebant, idest generalia; non autem curiata, aut tributa. unde Cicero pro domo gloriatur, se centuriatis comitijs fuisse renocatum, quibus non fuerat à Clodio eiectus. AGITANT. iactant, abijciunt, quod ait Demosthenes ἐκποιοῦσι. EXPERTIA FRUGIS. non utilia, sed delectantia tantum: senes enim, quod utile est, sequuntur. ut ait Aristoteles libro secundo rhetor. & libro octavo Ethicorum. dixit expertia frugis sumpta translatione ab agris, qui spicas inanes produxerunt, & steriles herbas progenuerunt. Virgilius in georgicis,

At si luxuria foliorum exuperat umbra,
Nequicquam pingues palæa teret area culmos.

CELSI RHAMNES. Equites. tres erant equitum centuriæ Romæ, ut scribit Liuius libro primo, Rhamnenses à Romulo, Titienfes à Tatio dicti, rege Sabinorum, qui post raptas Sabinas in urbem fuit receptus; Luceres, quorum ignorare se originem fatetur Liuius: at Plutarchus in uita Romuli à Lucumone Ethrusco, qui Romulo contra hostes opem tulit, appellatos affirmat. de equitibus uide quid referat in suo libro Guidus Pancirolus, clarissimus huius ætatis iuriconsultus, qui de equitum origine accuratius scripsit. Celso uocat, idest superbos. superbi enim ὑπερηφανοί, idest despiciunt, ut Græci loquuntur. Iasonis mihi sententia non probatur, qui celso, idest iuuenes exponit, quod senes curui sint, iuuenes erecti. PRAETEREVNT. contemnunt, ut faciunt qui alicuius rei admiratione non capti in uia non consistunt. hoc πρὸς ἄνδρα apud Græcos significat. Demosthenes in oratione de falsa legatione, καὶ δὲ οὐκ ἔστιν ἡμεῖς οὐδὲν ἔχοντες, nunc uero, quod uos per diem molestia non afficit, & præsens dolore non conficit, negligentes præteritis. item πρὸς βασιλέα in eadem oratione, καὶ τὰς ἀποδοῦναι πρὸς βασιλέα, et inducias præterierunt. AVSTERA POEMATATA. quæ iuuant tantum, non etiam delectant: iuuenes enim delectant: iuuenes enim delectationem emolumento anteponunt. tractum à uino austero, non dulci. pulchre potest hic locus Athenæi uerbis explanari: is enim libro primo sic inquit, ex Aristophane, τὸν ἀθηναίων δῆμον οὐτὲ πενίαν οὐδὲ σκληρότητα, καὶ ἀσέμνησιν, οὐτὲ περὶ μύθους σκληρότητι οἶνους. Atheniensem populum nec poetis gaudere asperis, austeris ne, nec pramnijs austeris uinis. huc allusit Horatius austera poemata nuncupans, epitheto a uinis sumpto. OMNE TULIT PUNCTVM. qui miscuit utile dulci, idest qui simul & iuuat, & delectauit, quando senes quod utile est, iuuenes quod iucundum expetunt, is demum omne punctum tulit, idest omnibus suffragijs laudatus est. punctum pro suffragio usurpatur. Cicero pro Muræna. tamē admonitus re ipsa recordor, quantum hæc quæstiones in senatu habitæ punctorum nobis serui detraxerint. sumpta similitudo ab ijs, qui in comitijs, uel alibi omnibus suffragijs aliquid impetrant. licet paria suffragia apud Romanos uincere solerent. nam Dionysius Halicarnassensis libro septimo, ubi, quemadmodum Coriolanus fuerit damnatus, scribit, sic inquit: μὲν γὰρ καὶ εἴησι τότε φυλακιστῶν, αἷς ἡ ψήφος ἀνέδιδετο, καὶ ἀφ' αὐτῶν οὐκ ἔστιν ὁ μαρτυρῶν εὐνία. ὥστε εἰ δὴ οὐ πρὸς σπῆλτον αὐτῶν φυλακῇ,

διὰ τὴν ἰσομυθίαν ἀπὸ λυτῶν αἰσθητῶν ὁ νόμος ἡξίου. cum una, & uiginti tunc tribus essent, quibus suffragiorum ius permetteretur, Martius nouem habuit, quæ illum absoluebant. quare si duæ adhuc tribus illi accessissent, propter parem suffragiorum numerum absolutus fuisset, quemadmodum lex postulabat. Cælius epistola secunda libri octaua familiarium, sensum Horatii de omni puncto sic expressit. certe inquam absolutus est, me præsentem pronunciatum est, & quidem omnibus ordinibus, sed & singulis in unoquoque ordine sententijs. HIC MERET AER A LIBER SOSIIS. hic liber, qui lectorem & delectat, & iuuat, dignus est, qui ematur. Sosei librarij sunt, & bibliopola. in epistola ad librum suum.

Vetumnum, Ianumq; liber spectare uideris,

Scilicet ut prostes Sosiorum punice mundus.

Meret æra, quia uendendus iure optimo est, non spernitur. Plato tres Pytholai Pythagorici libros decem millibus denarium mercatus est. Aristoteles paucos libros Speusippi tribus talentis Atticis emit. Gellius libro tertio, cap. decimo septimo. uel meret, id est comparat. ET MARE TRANSIT. ad exterarum nationes legendus perfertur, Italia exit, quæ Adriatico, & Tyrrheno mari cingitur. sic alibi proficiscentes ex Italia innuit Horatius, libro primo epistolarum, ad Bullatium scribens, Cælum, non animum mutant, qui trans mare currunt. & Cicero in oratore ad Brutum, sic. quid enim possem? cum abuissem adolescens, & horum studiorum causa mare transissem? &c. quibus uerbis ea tempora indicat, quibus Rhodum, Athenasq; studiorum causa profectus est. at dixerit quispiam: latina lingua Italiæ finibus inclusa erat, ut pro Archia innuit Cicero. quid igitur attinet latinorum poetarum libros mare transire, & ad exterarum nationes perferri, à quibus non intelligantur? responde, ciues Romanos, ut publicanos, in prouincijs fuisse dispersos. Cicero pro lege Manilia. ij latine sciebant, Barbarietiam ipsi latinam linguam discebant, unde Iugurtha Marium in acie cecidisse latine exclamauit, ut Romanis terrorem incuteret. auctor Sallustius. quid de Siculis, nonne ita scribit Cicero in diuinatione contra Cæcilium? in quo si te multum natura adiuuaret, si optimis à pueritia disciplinis, atque artibus studuisses, & in his elaborasses, si literas Græcas Athenis, non Lilybæi, latinas Romæ, non in Sicilia didicisses, tamen esset magnum. & quæ sequuntur. Valerius Maximus libro secundo, capite primo, ubi de Eumene rege Asiæ mentio est, quæstionem hanc prorsus dissoluet: eius enim hæc uerba sunt. magistratus uero prisci quantopere suam, populiq; Romani maiestatem retinentes se gesserint, hinc cognosci potest, quod inter cætera obtinendæ grauitatis indicia, illud quoque magna cum perseverantia custodiebant, ne Græcis unquam nisi latine responsa darent. quinetiam, ipsa linguæ uolubilitate, qua plurimum ualent, excussa, per interpretem loqui cogeant, non in urbe tantum nostra, sed etiam in Græcia, & Asia, quo latinæ uocis honos per omnes gentes uenerabilior diffunderetur. PROROGAT AE VVM. quia mortui poetæ præstantes adhuc florent te fama uiuunt. sic libro secundo odarum. Viuet extento Procleius æuo. Xenophon in

IN POETICEN HORATII

libro de uenatione, ἐπελδ' ἔτι καὶ . ἀλλ' οἱ ἐπαινοὶ αὐτῷ μεγάλοι ἐχέοντο . mortui
sunt, sed eorum laudes nunc claruerunt .

LI.

Sunt delicta tamen, quibus ignouisse uelimus .
Nam neque chorda sonum reddit, quem uult manus, & mens,
Poscentiq; grauem persæpe remittit acutum:
Nec semper feriet, quodcunque minabitur arcus.
Verum ubi plura nitent in carmine, non ego paucis
Offendar maculis, quas aut incuria fudit,
Aut humana parum cavit natura . quid ergo ?
Ut scriptor si peccat idem librarius usque,
Quamuis est monitus, uenia caret, & citharædus
Ridetur, chorda qui semper oberrat eadem:
Sic mihi, qui multum cessat, sit Chærilus ille,
Quem bis, terq; bonum cum risu miror, & idem
Indignor . quandoque bonus dormitat Homerus.
Verum opere in longo fas est obrepere somnum .

Quia leges hætenus quamplurimas, & præcepta condendi poematis Horatius ex-
plicuit, ne quem rei magnitudo deterreret, cum se aliquando in errorem incursum
esse intelligeret, hic rem longe planiorem reddit . ait enim se non id expetere, nec nos
tam seueris legibus esse astrictos, ut nunquam liceat errare: ei tamen poeta ignosci,
qui cum ingeniose, & præclare multa scripserit, aliquas interdum maculas scriptis
consperserit: homines enim sumus: quare, aliquando ut peccemus, necesse est . cum ue-
ro poetam omni uenia indignum censet, qui crebris erroribus refertus sit, ac multum
cesset, ut perexiguus in conitor eluceat, at delicta sint pene innumerabilia . S V N T
DELICTA T A M E N . sunt, inquit, quædam poetarum errata, quibus uenia
condonanda est . Aristoteles quidem in poetice duplex poetarum erratum esse statuit,
alterum per se, alterum per accidens, per se, cum in ratione poetica peccatur, per ac-
cidens, cum in alia disciplina, ut in geographia, in astrologia poetæ hallucinantur .
priorem errorem grauius, posteriorem leuius feremus . ὡς δὲ πῶς ποιητικὴς διττὴ
ἡ ἁμάρτια, ἢ μὲν γὰρ καθ' αὐτὴν, ἢ δὲ κατὰ συμβεβηκός . ἢ μὲν γὰρ περὶ αἰετοῦ
μῆτρον εἶναι ἀδωαμίαν, ὡς δὲ ἡ ἁμάρτια: ἢ δὲ τὸ περὶ αἰετοῦ μὴ ὀρεῖσθαι, κατὰ
συμβεβηκός . ἀλλὰ τὸν ἰσχυρὸν ἄμφω τὰ δεξιὰ περὶ βελονῶν, ἢ ἑκάσθῃ τῇ χε-
ρὶ ἁμαρτήματα, οἷον τὸ κατὰ ἰατρικὴν, &c . poetices uero ipsius duplex peccatum est,
alterum per se, alterum per accidens . itaque quod ad imitandum non imitabile sibi pro-
posuerit, per se huius peccatum erit: proponere uero non recte, per accidens . quemad-
modum utrunque dextrum latus equum promouentem, aut secundum unamquamque
artem peccatum, uerbi gratia secundum medicinam . Lucanus igitur, qui Timaum
amnem

minem in agro Patauino esse putauit, errorem admisit per accidens. est enim Timaeus in agro Aquileiensi, ut nos contra Blondum probauimus copiose in Parergis libro secundo, cap. octauo. uersus Lucani sunt,

Aponus terris ubi fumifer exit,

Atque Antenorei dispergitur unda Timau.

Virgilii etiam error est per accidens, qui ceruos in Africa ab Aenea confixos esse facit, cum in Africa nulli cerui oriantur: haec enim non poetices artis sunt, sed geographiae. at uero Catullus per se deliquit, atque errauit. qui cum epithalamium Thetidis & Pelei describendum sibi proposuisset, quasi quodam uento alio raptus est, & puluinar, Ariadnaeque fabulam, a proposito digressus, multis uerbis persecutus est. iam igitur, quo modo Horatius, atque Aristoteles de poetarum erroribus sententiam tulerint, ex his, quae adduximus, perspicuum est. NAM NEQUE CHORDA. musici etiam errant, cum chorda non reddit concentum, quem manus, uoluntasque expetit. Boetius libro primo de musica, antiquam harmoniam septem chordis constituisse, scribit. & Plutarchus in libro item de musica est auctor, punitum ab Argiuis fuisse, qui pluribus, quam septem chordis uti coepit. NEC SEMPER FERRET. nec arcus semper ferit, quod minatur, id est non semper scopum attingit, in quem ictum dirigit. Lucianus in Nigrino praeclare hanc sententiam expressit. οὐ μὲν πάντες ὁρῶντες τοξόου σιν. non omnes ita sagittam mittunt, ut scopum feriant. Suetonius in Domitiano capite decimo nono sic inquit. sagittarum uel praecipuo studio tenebatur. post paulo. atque etiam ex industria ita quarundam ferarum capita figentem, ut duobus ictibus quasi cornua effingeret, nonnunquam in pueri procul stantis, praebentisque pro scopulo distansam dextrae manus palmam sagittas tanta arte direxit, ut omnes per interualla digitorum innocue euaderent. VERVM VBI. si, inquit, paucas inter res multas, res esse scriptas, maculas offendero, non ideo totum uolumen reiiciam. nam pauci errores multarum rerum artificio, & nitore compensantur. PLURA NITENT. plures sunt uirtutes poematis, quam uitia. nitent, dixit. nam uirtutes scriptorum quasi quaedam lumina elucent. Quintilianus libro octauo sic. non solum fortibus, sed etiam fulgentibus armis pugnandum est. Cicero in oratore ad Brutum, de Demetrio. tum illustrant eam quasi stellae quaedam translata uerba, atque immutata. INCURIA FVDIT. negligentia induxit. Socrates in sophista Platonis hanc cauendam sic monuit. σκεπτόμενοι, καὶ οὐ περὶ τοῦ οὐ τοῦ αἰαίδπως μέγαν τε, καὶ σμικρὸν λόγον. considerandum est, & magna, grauisque quaestio non est tam temere, timideque prodenda. non loquitur hic Horatius de incuria illa, de qua Cicero his uerbis in oratore ad Brutum. sed quaedam etiam negligentia est diligens. nam ut mulieres esse dicuntur nonnullae inornatae, quas id ipsum deceat: sic haec subtilis oratio, etiam incompta delectat. Horatius de uitiosa incuria, Cicero de laudabili agit. AUT HUMANA PARVM CAVIT NATVRA. non ego ipsis delictis offender, quae natura humana non potuit cauere: homines enim sumus, quare errata omnia uitare non possumus.

IN POETICEN HORATII

duobus modis decipimur, quos Aristoteles libro septimo Ethicorum his uerbis comprehendit. διόισι τὸ ἔργον μὲν ἐπισήμω, μὴ θεωρεῖν τὰ δὲ: καὶ τὸ θεωρεῖν τὰ περὶ τὴν, ἃ μὴ δὲ περὶ τὴν. differt, si quis rem prohe teneat, at non animum aduertat: & si animum quidem aduertat, ea uero efficiat, quæ effici non debent. unde Demosthenes in oratione in Leptinem sicuti Deum admiratur Cononem Atheniensem, qui ex omnibus Imperatoribus solus nihil unquam bello amisit. μόνος τῶν πάντων στρατηγῶν οὐ πόλιν, οὐ φρούριον, οὐ ναῦν, οὐ στρατὸν τὴν ἀπώλειεν οὐδένα ἡγεμόνα ὕμνησεν. ex omnibus Imp. solus non urbem, non præsidium, non nauem, non militem ullum, cum uester esset Imperator, amisit. QUID ERGO? quid dicendum? se ipsum interrogat Horatius, mox ipse responsum subiicit. uide Quintilianum libro nono, cap. de figuris sententiarum. SCRIPTOR LIBRARIUS. more Socratis per inductionem probat, eos esse reprehensione dignos, qui sæpius, non qui raro peccant. & primum librarii scriptoris exemplo utitur, qui si semper in eundem errorem incidit, æqua se excusatione tueri non poterit: eum autem intelligit, qui à patrono dictata scribebat. Cicero libro primo de oratore. tum Sulpicius, ò diem Cotta nobis, inquit, optatum: quod enim neque precibus unquam, nec insidiando, nec speculando assequi potui, ut, quid Crassus ageret meditandi, aut dicendi causa, non modo uidere mihi, sed ex eius scriptore, & lectore Deiphyllo suspicari liceret, id spero nos esse adeptos. his uerbis Deiphylus scriptor, & lector Crassi dicitur. erant enim serui etiam lectores, anagnostæ. lege Ciceronis epistolam ad Vatinius libro quinto familiarium. quem scriptorem Cicero, & Horatius, eum amanuensem Suetonius in Tito, capite tertio, his uerbis nominauit. è pluribus comperi, notis quoque excipere uelocissime solitum, cum amanuensibus suis per ludum iocumq; certantem; imitari chiographa, quæcunque uidisset, ac profiteri sæpe se maximum falsarium esse potuisse. dicti autem, ut opinor, amanuenses, quod manu, idest scribendo patronis præsto essent, ut alij erant à poculis, à secretis, &c. VENIA CARET. quia monitus, idem tamen adhuc peccat, idest in eodem scriptiois errore uersatur. idem de citharædo dicendum, qui eadem semper chorda oberrat. CHÆRILVS ILLE. fit ille Chærilus, idest similis Chæрили mali poetæ, qui in multis uersuum millibus paucissimos uersus edidit probos, & Alexandri Magni res gestas ausus est carminibus aggredi. ei grandem pecuniam Alexander largitus est, ut amplius non scriberet. Horatius libro secundo epist. ad Augustum scribens.

Gratus Alexandro regi magno fuit ille

Chærilus, incultis qui uersibus, & male natis

Rettulit acceptos regale numisma Philippos.

Maluit enim Alexander ab uno Lysippo fingi, atque ab Apelle pingi. ut ibidem Horatius, & Cicero libro quinto familiarium, in epistola ad Luceium. CVM RISVM IRROR. hunc Chærilum bis, terq; bonum cum esse uideo, idest duos, uel tres uersus elegantes fecisse, rideo, & miror. quia scio id temere, non de industria ei contigisse, rideo. quod nero stultis hominibus aliquando boni uersus in buccam fluant, me

cum ipse miror. stulti autem homines interdum recte sentiunt, non consulto, sed plane casu quodam: quod Aristoteles etiam scriptum reliquit libro primo rhetoricorum. *ἢ μὲν ἐν πολλοῖς οἱ μὲν εἰκὴ τῶν δ' ὁρῶσιν, οἱ δὲ διὰ συνήθειαν ἀπ' ἑξέως.* ex multis alij temere, alij hæc consuetudine faciunt, quæ ab habitu proficiscitur. ET IDEM INDIGNOR. quemadmodum video, & miror, cum malum poetam ornatos alia quando uersus facere uideo: sic indignor, cum excellentem poetam lapsum esse animaduerto: id enim non propter imperitiam, sed propter incuriam factum esse intelligo. QUANDOQUE BONVS DORMITAT HOMERVS. Homerum pro bonis omnibus poetis nominauit. & quandoque pro quocumque usurpauit, ut libro quarto odarum, in ode ad Iulium Antonium.

Concines maiore poeta pleetro

Cæsarem, quandoque trahet feroces

Per sacrum cliuum merita decorus

Fronde Sycambros.

Sic etiam iuriconsulti, ut Ciceronem præteream, boni auctores latinitatis, usurpant. Ulpianus libro uigesimo quarto Digestorum, titulo de soluto matrimonio, lege secunda: doctis actio filiae non erit adempta, quandoque sui iuris filia fuerit facta. Paulus libro uigesimo septimo, titulo nono, lege decimatercia: quandoque prædium domino cum fructibus uindictanti, doli exceptio non inutiliter opponitur, & quæ sequuntur. Homerus autem & ipse aliquando peccauit. cum Aristoteles in poetice reprehendit, quod Iugentem Ulysssem, uirum sapientissimum, ad Syllam induxerit, præter decorum summi uiri. *τὸ δὲ ἀπὸ τοῦ καὶ μὴ ἀρμόδιον τοῦ, ὅτε θεῶν ὁδυσσεὺς ἐν τῇ σὺν ἡλῆ.* indecori, & non conuenientis exemplum est, quando luctus Ulyssis ad Syllam describitur. DORMITAT. errat. cum enim dormimus, sensus sopiti sunt. sic cum erramus, uix euigilare uidentur. & somnus nobis inania spectra offert, quibus decipimur. nam ut scribit Philoponus apud Aristotelem in libris de anima, infelices felicibus per somnum pares sunt: in somnis enim & ipsi se locupletes, & omnibus bonis circumfluentes esse existimant. hinc dormire pro decipi usurpamus. VERVM OPERE IN LONGO. excusat Homerum, quod in longo opere dormitarit: longe enim plura in eo sunt, quæ laudem merent, quam quæ reprehensionem. OBREPERE SOMNUM. errorem incidere, maculam conspergi. Flamminius. Et somnus placidis irrepit blandus ocellis. somnum dixit, propter antithetum: ante enim dormire uerbum protulerat. quare suspicor Horatium ad Homerum cæcum allusisse. qua de re nos plura diximus in Parergis libro secundo, capite decimo septimo. Pausanias etiam in Corinthiacis, *ὁ μὲν περ διφθαέρημι οὐδὲν ὁφθαλμοῦς*, idest Homerum oculis corruptum, uel, ut nos loquimur, captum appellat.

LII.

Vt pictura poesis erit, quæ, si propius stes,
Te capiet magis, & quædam, si longius abstes,

s ij

IN POETICEN HORATII

Hæc amat obscurum, uolet hæc sub luce uideri,
Iudicis argutum quæ non formidat acumen.

Hæc placuit semel, hæc decies repetita placebit.

Duo genera poeseos, & picturæ ponit: quædam enim poesis est, quæ perfecta, & numeris omnibus absoluta acerrima doctissimorum hominum iudicia non timet, & quo diligentius excutitur, eo uidetur excellentior; similis scilicet picturæ clari, et præstantis artificis, quæ in luce quo magis spectatur, eo magis placet, et spirare uidetur. Quædam uero est poesis deterior, quæ leuiter tantum legenda est, & obiter. nam si eam perpendis, si ponderas, turpes labes tegere non poterit; similis picturæ, quæ a malo artifice adumbrata, non expressa, nec ullam præclaram speciem habens tenebras amat, non lucem, & longius stanti aliqua ex parte placet, propius consistenti risum mouet. VT PICTURA POESIS ERIT. picturam, et poesim ubique simillimas iudicari reperies. Aristoteles in poetice cum tragœdiam præstantiorum imitationem esse dixisset, ἡμᾶς δὲ μιμεῖσθαι τοὺς ἀγαθοὺς εἰκονογράφους, καὶ ὅτι ἐκείνοι ἀπεδοῦντες τῷ οἴκῳ μετὰ τοῖς ὁμοῖς πρὸς τοὺς καλλίους γράφουσιν. nos oportet bonos pictores imitari, qui dum proprias, uerisq; similes imagines referre student, pulchriores depingunt. & alibi in eodem libro. est igitur, inquit Aristoteles, principium, ac uelut anima tragœdiæ, fabula, secundo uero loco mores, in quo etiam picturæ similis esse apparet: si quis enim fucis pulcherrimis tabulam fusim illinat, non æque sane delectabit, ac si imaginem albo tantum distinxerit. SI PROPIUS STES. præstans pictura te prope stantem, deterior procul remotum delectabit. Cicero in oratore ad Brutum de utraque pictura sic mentionem fecit. in picturis alios horrida, inculta, abdita, & opaca, contra alios nitida, leta, collustrata delectant. Plato in sophista, de picturis. δὲ τὸ τὰ μὲν πόρεσθαι, τὰ δὲ ἐγγύθεν ὑφ' ἡμῶν ὁρᾶσθαι. quia alia procul stantibus, alia uero uicinis a nobis spectantur. HAEC AMAT OBSCURVM. deterior pictura in clarissima luce cerni non uult: non enim turpitudinem dissimulare posset, nisi in obscuro cerneretur. simili quodam modo Demosthenes oratione secunda pro Olynthijs, de Philippo. οὐ τὸ καὶ τῶν πόλεων, καὶ τῶν τυραννῶν, εἰς μὲν αὖ ἐξω πολέμοισιν, ἀφανῆ τὰ κακὰ τοῖς πολλοῖς ὄντι. ἐπειδὴν δὲ ὁ πόλεμος συμπλήκῃ, πάντα ἐπίνοσεν ἐκδηλὰ. sic de ciuitatibus, & de tyrannis. dum enim in hostico bella gerunt, eorum domestica mala multis sunt ignota: postquam uero iis bellum ultro illatum est, omnes eorum labes detexit. ARGVTVM. subtile. Virgilius de exiguo equi capite, argutumq; caput. uel argutum, non tacens quod sentit, sed libere quasi resonans. Virgilius de arbore obstrepente, Forte sub arguta confederat ilice Daphnis. HAEC DECIES. mala semel, bona decies repetita placebit, licet satietas oboriatur etiam in rebus optimis, si sapius repetantur. Dionysius in libro de compositione. κέρον γὰρ ἔχει καὶ τὰ καλὰ πάντα, &c. pulchra etiam omnia satietatem inducunt. quare laus

hæc præstantis poeseos, & picturæ uideri potest admirabilior, quæ eximiam conditionem habeant.

LIII.

O maior iuuenum, quamuis & uoce paterna
Fingeris ad rectum, & per te sapis, hoc tibi dictum
Tolle memor, certis medium, & tolerabile rebus
Recte concedi, consultis iuris, & actor
Causarum mediocris abest uirtute disert
Messallæ, nec scit, quantum Cassellius Aulus,
Sed tamen in pretio est. mediocribus esse poetis
Non homines, non dii, non concessere columnæ.

Iurisconsulti mediocres, tolerabiles sunt. poetae nisi sint summi, exploduntur. O MAIOR IUVENVM. alloquitur ex Pisonibus, quibus librum hunc dicauit, eum, qui erat ætate prouectior. quasi alios, qui erant iuniores, poeticis præceptis non idoneos putet. sic Aristoteles libro primo de moribus ad Nicomachum de lectione suorum librorum iuuenes reiecit, διὸ τῆς πολιτικῆς οὐκ ἔστιν οἰκίος ἀποατῆς ὁ νεός, etc. quare politices non idoneus auditor iuuenis est. VOCE PATERNA. fingi ad rectum eum ait paterna uoce, idest paternis præceptis ad ueram poeticen conformari. præcipua hæc laus parentum est, & summa liberorum felicitas, ut eorum institutionis cura parentibus sit antiquissima. Cornelius Tacitus in dialogo de oratoribus, lectissimis aliquot foeminis Romanis hanc laudem tribuit his uerbis. sic Corneliam Gracchorum, sic Aureliam Cæsaris, sic Acciam Augusti matrem præfuisse educationibus, ac produxisse principes liberos accepimus. FINGERIS AD RECTVM. conformaris ad rectam poetices imitationem. tractum à figulis, qui fingere dicuntur. libro septimo græcorum epigrammatum.

Ἄν' ἡν τῆς ἡμετέρας ἀφ' αὐτοῦ ὁρῶς.

Animam animæ meæ ipse amor effinxit. ET PER TE SAPIS. sic in epistola ad Scænam.

Quamuis Scæua satis per te tibi consulis, & scis.

Hesiodus, cuius sententiam apud Liuium libro duodecimo Minutius è manibus Annibalæ ereptus Fabio exponit, triplex ingenium esse docet lib. 1. de operibus, et diebus: primum, quod quidem per se sapit: alterum, quod recte monentibus obtemperat: tertium, ac perditissimum eorum hominum, qui nec ipsi prudentes sunt, nec monentibus morem gerunt. Hic Pisonem Horatius laudat, & quod patri dicto audiens sit, recte monenti, & quod ipse etiam per se sapiat. quod hic Horatius, per te sapis, dixit. Hesiodus sic. ὁς αὐτῷ πᾶν τὰ νοήσει. quod supra. uoce paterna fingeris ad rectum. sic Hesiodus.

ἔσθ' ὁς ἂν καὶ καὶ νεῖκος, ὁς εὖ ἐπὶ νόῳ πείθεται.

Et ille bonus, qui recte consulenti paret. TOLLE. tolle memor tibi hoc dictum, idest

IN POETICEN HORATII

audi, quod dicturus sum, & in memoria habe. **MEDIUM, ET TOLERABILE.** mediocritatem, & non excellentem cognitionem rerum. **CERTIS REBUS.** quibusdam tantum, non generatim omnibus. nam poetice mediocris tolerabilis non est. **CONSULTVS IVRIS, ET ACTOR CAUSARVM.** iuriconsultus, & patronus. hos distinxit, quia non idem profitebantur. patronus causas agebat: at iuriconsultus domi tantum de iure respondebat. M. Tullius libro primo de oratore. in eo autem iure, quod ambigitur inter peritissimos, non esse difficile oratori, eius partis, quamcunque defendat, auctorem aliquem inuenire, a quo cum amantatas hastas acceperit, ipse eas oratoris lacertis, uiribusq; torquebit. idem in topicis. priuata enim iudicia maximarum quidem rerum, in iuriconsultorum mihi uidentur esse prudentia. nam & adsunt multum, & adhibentur in consilio, & patronis diligentibus, ad eorum prudentiam confugientibus hastas ministrant. huc alludens Quintilianus libro nono, capite de compositione, sic inquit. quare mihi compositione uelut amentis quibusdam neruis intendi, & concitari sententiae uidentur. Horatius libro primo epistolarum, ad Iulium Florum scribens.

Seu linguam causis acuis, seu ciuica iura

Respondere paras, seu condis amabile carmen.

TRIA DIXIT, seu patronus es, seu iuriconsultus, seu poeta. ABEST VIRTUTE DISERTI MESSALLAE. refertur ad eum, qui cum actor causarum medio cris sit, Messalla disertus multo est inferior. de quo Cicero in Bruto sic. M. Messalla minor natus, quam nos, nullo modo inops, sed non nimis ornatus genere uerborum, prudens, acutus, minime incautus, patronus in causis cognoscendis, componendisq; diligens, magni laboris, multae operae, multarumq; causarum. haec Cicero in Bruto, qui in oratore ad Brutum ab Horatio dissentit, ubi difficilius esse ait oratione uti, quam uersibus. quam sententiam hic Horatius aperte refellit, cum mediocritatem in oratoribus, non in poetis tolerabilem esse contendat. uerba Ciceronis haec sunt. quo etiam difficilius est, oratione uti, quam uersibus: quod in illis certa quaedam, & definita lex est, quam sequi sit necesse; in dicendo autem nihil est propositum, nisi aut ne immoderata, aut angusta, aut dissoluta, aut fluens sit oratio. responde Horatium causa suae seruire. nam praeter alia argumenta, quibus colligere, & conuincere possumus, oratoriam artem esse poeticam difficiliorem; illud in primis spectandum est, quo libro primo de oratore Cicero utitur, oratoriam artem esse minus facilem, quia boni oratores rariiores, quam boni poetae semper extiterunt. quo argumento a raritate Aristoteles libro primo rhetoricorum aurum ceteris metallis pretiosius esse affirmat. καὶ τὸ ἀραιότερον τῷ χρυσοῦ, οἷον χρυσοῦ σιδήρου ἀραιότερον ὂν. & id, quod rarius est, melius eo est, quod uile, ut aurum ferro, cum minus in usum ueniat. **NEC SCIT QVANTVM CASSELLIVS AVLVS.** refertur ad consultum iuris, qui non ea eruditione in iure ciuili, qua A. Cassellius, polleat, & tamen in pretio, numeroq; sit, quia mediocres iuriconsulti inter alios locum habeant. de hoc A. Cassellio Pomponius in

risconsultus libro primo Digestorum, titulo de origine iuris, lege secunda sic ait. fuit A. Cassellius, & Q. Mutius Volusii auditor. & post. ex his Trebatius peritior Cassellio, Cassellius Trebatius eloquentior fuisse dicitur. Cassellij scripta non extant, nisi unus liber Bene dictorum. SED TAMEN IN PRETIO EST. licet mediocris sit. sic Cicero libro primo de oratore. quis enim non uideat C. Laelio aequali meo magno honori fuisse, homini nouo, illam ipsam, quamcunque assequi potuerit, in dicendo mediocritatem? quis uestrum, aequalem meum Q. Varium, uastum hominem, atque foedum, non intelligit, illa ipsa facultate, quamcunque habuit, magnam esse in ciuitate gratiam consequutum? NON HOMINES, NON DII, NON CONCESSERE COLUMNÆ. mediocritatem in poetis ferunt nec homines, qui in theatris poemata audiunt, nec Dii, quorum festis diebus carmina recitabantur, uel qui in theatris picti erant; nec columnæ in theatris erectæ. columnis sensum tribuit more poetarum. sic Plato in Euthydemo, ubi Euthydemum ab ijs omnibus, qui eum in Lyceo audierant, fuisse irrisum ait, καὶ οἱ κίονες οἱ ἐν τῷ λυκαίῳ ἐδορυμένῳ τ' ἰδοὶ βῶν ἀπορίν. & columnæ, quæ in Lyceo sunt, uiris illis obstreperunt.

LIIII.

Vt gratas inter mensas symphonia discors,
Et crassum unguentum, & sardo cum melle papauer,
Offendunt, poterat duci quia cœna sine istis:
Sic animis natum, inuentumq; poema iuuandis,
Si paulum summo discessit, uergit ad imum.

Similitudine probat, poetas esse omnino summos, atque excellentes debere. quem admodum, inquit, in conuiujs lautissimis musica si concors non sit, unguentum non bene olens, mel insipidum, ac papauer, & quidem si maxime proba hæc omnia non sint, conuiujs offendunt, quia uel optima hæc omnia fuerunt adhibenda, uel omnino repudianda: nam conuiuio necessaria ita non sunt, ut dimitti non possint: sic poemata, si excellentia non sunt, non probantur. nam etiam sine his sensa animi eloqui possumus, ut oratores faciunt. VT GRATAS INTER MENSAS. ueteres, ut nostra etiam ætate principes uiri faciunt, musica ad mensam utebantur. Lucianus in Prometheus, τὸν αἰθέρα περὶ δὲ τὸν διττὸν Ἰσχυρὶ τῷ ἀλντῇ ἐδωρήσατο καὶ λᾶς ἀλντῇ πρὸς τὸν πόρῳ. hominem bicolorem, duplicem uel Thespidi tibicini, qui in conuiuio recte concinuerat, dono dedit. Virgilius de conuiuio Didonis,

Cithara cinitus Iopas

Personat aurata, &c.

SYMPHONIA DISCORS. harmonia nullum concentum reddens. de symphoniis in oratione septima contra Verrem, & pro Milone. CRASSVM VNGVENTVM. Plinius libro decimo tertio, capite tertio de unguentis scribens, at hercule, inquit, iam quidam etiam in potu addunt. Suetonius in Nerone, cœnationes la-

IN POETICEN HORATII

queate tabulis eburneis uersatilibus, ut flores ex fistulis, & unguenta de super spargere-
rentur. sed de hoc plura scripsimus in Parergis libro secundo, capite decimo sexto, con-
tra ira Erasmus. SARDO CVM MELLE PAPAVER. in coenis etiam papa-
uere uescebantur, ut altius noctem edormirent. Plinius libro decimo nono, capite octauo
de papauere sic. Candidum, cuius semen tostum in secunda mensa cum melle apud an-
tiquos edebatur. sardum autem mel, & Corsicum propter amaras herbas teterrimum
est. DUCI. protrahi. SINE ISTIS. si bona fuissent, delectassent, ut quæ-
dam coenæ condimenta. fuerunt deteriora, ergo superuacanea. ANIMIS IN-
VANDIS. alij omnes poema hic exponunt inuentum ad delectandum tantum fuisse:
sed mihi hallucinari uidentur: cum hic Horatius de perfecto poemate differat, non
de mediocri, ut clarissime patet: perfectum autem poema esse superius dixit, quod &
iuuat, & delectat. omne tulit punctum qui miscuit utile dulci, lectorem delectando,
pariterq; iuuando. & mihi quidem Horatius hic miniscus uidetur, qui uno uerbo
utrumque ingeniose significauit. nam iuuare, prodesse, ut notum est, significat, atque
etiam delectare. Virgilius,

Nam neque metantum uenientis sibilus Austri,
Nec percussa iuuant fluctu tam littora, &c.

M. Antonius Maioragius, uir doctissimus, alios sequutus est, ratus hic Horatium poemata
tibus delectationem tantum tribuere. nam in oratore ad Brutum illa uerba declarans
de poetis, tum etiam nonnullorum uoluptati uocibus magis, quàm rebus inseruiunt; ad
id probandum hunc Horatii locum adduxit, his uerbis. alibi tamen idem Horatius fa-
tetur, inuenta fuisse poemata uoluptatis tantum causa, cum ea similitudine utitur,
Ut gratas inter mensas. & quæ sequuntur. hæc ille. quanquam inficias non ierim, poe-
ma inuentum magis ad delectationem, quàm ad utilitatem esse, & hoc fortasse in-
nuisse Horatium. sed, ut illud solam uoluptatem parere existimem, nunquam inducar.
nam apud Platonem in Gorgia, ubi hæc quaestio agitur, post multa hæc uerba de poe-
tice leguntur. δὴ λὼν δὴ ἑὸς καὶ, ὃ σὺν ἡμετέροις, ὃ δὲ πρὸς τὴν ἡδονὴν μᾶλλον ἢ ἐμὴν
τοῦ. hoc sane perspicuum, ὃ Socrates, est, quod ad uoluptatem magis spectat. si aduer-
sarius dixerit quispiam, in conuiuio utilitas ex poemate non quaeritur: ei responde-
mus, Iopam apud Virgilium cecinisse non quæ ad uoluptatem tantum, sed etiam quæ
ad utilitatem pertinent.

Hic canit errantem Lunam, Solisq; labores,
Vnde hominum genus, & pecudes, unde imber, & ignes,
Arcturum, pluuiasq; Hyadas, geminosq; Triones,
Quid tantum oceano properent se tingere Soles
Hybernæ, uel quæ tantum mora noctibus obstet.

SI PAVLVM SVMMO. si poema à summo paulum discessit, idest si pau-
lum ab excellentia, & perfectione recedit; uergit ad imum, idest extremi ordinis fit,
& negligitur. summum, & imum opposita sunt. Aristoteles libro secundo de coelo.

Pythagoram

Pythagoram reprehendens, quod in coelo dextrum duntaxat, & sinistrum posuisset, sic inquit, λέγω δὲ Πλά, τὸ αἰὼν, καὶ καὶ τῶ, καὶ τὸ περὶ ὀδὸν, καὶ τὸ ἀντιπείμενον, καὶ τὸ διεξιόν, καὶ τὸ εἰσδρόν. tria opposita dico, sursum, & deorsum, prius, & eius oppositum posterius, & dextrum, & sinistrum.

L V.

Ludere qui nescit, campestribus abstinet armis,
Indoctusq; pilæ, disci ue, trochi ue quiescit,
Ne spissæ risum tollant impune coronæ.
Qui nescit, uersus tamen audet fingere, quid ni?
Liber, & ingenuus, præsertim census equestrem
Summam nummiorum, uitioq; remotus ab omni.
Tu nihil inuita dices, faciesq; Minerua.

Arrogantiam indoctorum hominum increpat, qui cum poetices prorsus expertes sint, carmina tamen facere conantur, cum in alijs artibus hoc non usu ueniat. nam qui se armorum ludicro non exercuit, in campi Martij harenam non descendit: qui pila, disco, trocho ludere nescit, alios ludentes spectat, ipse conquiescit, & ex ea re, in qua peritus non est, gloriolam non aucupatur. at dixerit quispiam ex hominum arrogantium numero, sum ingenuus, alto loco natus, equestri dignitate honestatus, cur uersus mihi non liceat condere? respondet Horatius, nihil esse inuita Minerva tentandum. & mihi quidem uidetur Horatius bellissime locum Platonis in Protagora uertisse: ubi Socrates Protagoram, qui se docturum profitebatur, quo modo quis prædare familiam, & remp. gubernet, sic alloquitur. ὁρᾷ δ' αὖ οὐ τὰν συλλεγῶμεν εἰς τὴν ἐκκλησίαν, ἐπεὶ δὲ μὲν ποδὶ οἰκδομίας τὴν δὲ περὶ τὴν πόλιν, οὗ οἰκδομίας μεταπεμπόμενοι συμβούλους ποδὶ τῆς οἰκδομίας τῶν: ὅταν δὲ ποδὶ ναυπηγίας, οὗ ναυπηγίας. & paulopost. εἰ δὲ τις ἄλλος ἐπιχειρῇ αὐτοῖς συμβουλεύειν, ὃν ἐκείνοι μὴ οἶωνται δεξιότροπον εἶναι, καὶ πάνυ καλὸς ἦ, καὶ πλούσιος, καὶ τῆς γλυναίων, οὐδὲν τι μᾶλλον ἀποδέχονται, ἀλλὰ καὶ γέλασι, καὶ δορυβοῦσι. uideo ego, cum in concionem conuenimus, si quid fieri oporteat, quod architecturæ artis sit, architectos, qui in ea re doceant, quid faciendum sit, accersi: quando autem de re nauali agitur, nauium magistros acciri. at si quis alius consuleri conetur, quem artificem non esse omnes sciant, etiam si ualde pulcher sit, diues, ingenuus, & generosa domo ortus, eius tamen non iccirco auctoritatem sequuntur, sed irrident, eiq; crebris pedum suppletionibus obstrepunt. CAMPESTRIBVS ARMIS. quæ in campo Martio tractabantur. uide M. Tullium pro Cælio, Vegetium libro primo, ubi solitos se ueteres exercere inuenies saltu, cursu, ueste, quo ludicro exercuisse milites Pompeium ait. Scutis uimineis ad palum ludentes utebantur, capite decimo. sagittis, capite undecimo. mox natantes sudorem Tyberi abluebant, cap. decimo. PILAE. uel sphaeræ. Athenæus libro primo, σφαῖρα

IN POETICEN HORATII

εἰζουσι δὲ πρὸς ὁμήρου οὐ μόνον ἀνδρῶν, ἀλλὰ καὶ γυναικῶν. apud Homerum sphaera non solum uiri, sed etiam foeminae se exercent. DISCI. Corcyrenses libro octauo odyssae cum Vlysse disco ludunt. discus lapideus erat, solos ferreus, in altum, & in longum conijciebatur: erat autem rotundus. Eustatius libro secundo Iliadis, δίσκος δὲ βαρὺς λίθος, ὃν ἐρρίπτουν οἱ γυμναζόμενοι: τὸν γὰρ σιδηρὸν, σόλον περ σαροβόλοι. discus grauis lapis est, quem se exercentes proijciebant. ferreum enim solon appellant. Philostratus in Hiacynthi imagine, ὃ δὲ ἐπὶ ποσὶ δίσκος. ad pedes discus positus erat. mox addit, ut, ludente Apolline cum Hiacyntho, Boreas, qui puerum illum perditissime amabat, inuidia flagrans, aduersissimo flamine discum in Hiacynthum detorsit. quo ille iētu deperijt. TROCHI. trochus rotula erat, qua pueri ludebant. trocho etiam de fontibus supplicium sumebatur. Aristophanes in Pluto.

ὃς τὸ Τροχὸν γὰρ δὲ σὲ ἐκεῖ στρέβλου μύλον
ἐπὶ τὴν αὖ πεπαιγμένον ῥηκας.

Te trocho discruciatum oportet fari, quae patraſti. si trochus rota est, ut ait Acron. Capitolinus de supplicio trochi intelligit his uerbis in Macrino, tribunum, qui excubias deſeri paſſus est, carpento rotali super adnexum per totum iter uiuum, atque exanimum traxit. SPISSAE CORONAE. frequentes homines, qui in campum Martium spectatum uenerunt, & corona conſliterunt. RISVM TOLLANT. qui maximam iram irriſo excitare ſolet. Herodotus in Polymnia, ubi Mardonius Xerſem ad bellum Graeciae inferendum cohortatur. καὶ ἰωνῶν δὲς ἐπὶ τῇ ὀρώπῃ καὶ τοῖς κηλέουσιν, δὲς ἐάσεις καὶ ἀγαλᾶσαι ἡμῖν; & Iones, qui domicilium habent in Europa, quos riſum in nos tollere ſines? QVI NESCIſ, VERſVS TAMEN AVDET FINGERE. ſic libro ſecundo epiſtolarum, ad Auguſtum ſcribens.

Nauem agere ignarus nauis timet. abrotanum ægro

Non audet, niſi qui didicit, dare. quod medicorum eſt,

Permittunt medici, tractant fabrilia fabri,

ſcribimus indocti, doctiq; poemata paſſim.

Cauſam huiusmodi arrogantiae retulit Ariſtoteles libro primo rhetoricorum, ὅτι πάντες, καὶ τὰ αὐτῶν αἰῶνι καὶ ἡδὲ αἰῶνι πάντων, omnes ſunt ſe ipſos amantes, & ſibi ſumunt, unde neceſſe eſt, ut ſua omnibus perplaceant. QVID NI? imperiti poetæ uerba. cur uerſus non faciam? cum ſim liber, & ingenuus, &c. LIBER, ET INGENVVS. ingenuus eſt, qui nunquam ſeruijt ingenuo patre natus: liber ſeruiſſe poteſt. Iuſtinianus libro primo inſtitutionum ciuiliū. CENSVS EQVEſTREM. de cenſu equeſtri ſupra diximus contextu trigefimo octauo. VITIO REMOTVS AB OMNI. nullis uitijſ coopertus. ut Cicero loquitur. hoc non conſequitur, ut quis bonus poeta ſit, quòd ſit ab omni uitio remotus. nam laborandum, & deſudandum eſt, ut in poetice excellas. Pindarus in olympijs ode quinta.

αἰεὶ δ' ἀμφ' ἀρετῇσι πόνοσ. &c.

Semper circa uirtutes labor. nulla enim uirtus naturalis eſt: quæ in contemplatione

sita sunt, disciplina comparantur; quæ in actione, consuetudine. cuius rei hoc signum affert Aristoteles libro secundo ethicorum; quod naturalia non mutantur, at virtutes, quas antea non adepti eramus, mox studio comparantur. lapis, inquit, qui natura deorsum fertur, ut sursum feratur, nunquam assuescere poterit, nec ignis ut deorsum tendat. Seneca libro vigesimo quarto epistolarum: semina, inquit, nobis scientiæ natura dedit, scientiam non dedit. TV NIHIL INVITA. uerba Horatii sunt. nihil ages, nihil dices Minerva inuita, idest tuo ingenio relictante. nam si diues si nobilissimus es, non ideo poeta putaberis. at tu si inuitis musis lauream tentabis, nihil proficies. Mineruam posuit Horatius pro naturali propensione. de qua Aristoteles in prædicamentis. ἔτδρον δὲ ἑλῖος πρὸς τὴν ἡμέραν, καὶ ὁ πικρὸς, ἢ ὀσμυρὸς, ἢ ὕμενος, ἢ νοσώδεις λέγουσιν. καὶ ἂν πάλιν ὅσα καὶ δῶα μιν, φυσικὰ ἢ ἀδωαμίαν λέγουσιν. alterum genus qualitatis est, quo aptos ad pugillatum, ad cursum, ad ualentinem, & morbum aliquos dicimus. quod ea omnia referimus, quæ a naturali potentia, uel im-

LVI.

Id tibi iudicium est, ea mens. si quid tamen olim
Scripseris, in Metii descendat iudicis aures,
Et patris, & nostras, nonumq; prematur in annum.
Membranis intus positis delere licebit
Quod non edideris. nescit uox missa reuerti.

Iudicium aliorum exquirendum esse, & multum temporis in emendatione consumendum ait, antequam scripta in lucem edantur. ID TIBI IUDICIUM. tu quoque, quæ ego, sentis, nec consiliis meis egres. hoc tamen tibi in memoriam redigam, ut tua scripta Metio, patri Pisoni, mihi corrigenda præbeas ante, quàm ea publiques. OLIM. in posterum. neque enim ad præteritum tempus semper hæc dictio refer-

Adueniet iustum pugnae, ne accersite, tempus,
Cum fera Carthago Romanis arcibus olim
Exitum magnum, atque alpes immittet apertas.

METII IUDICIS. ne uidearis nimium tibi arrogare. Plutarchus in libro an resp. a sene administranda sit, καὶ μὴν γὰρ λαλῶν σκιπῶν ἐχθρὸν συμβούλῳ στρατιῶν ἀεὶ καὶ πλὴθὺς ὁμολογῶν. ὥς τε καὶ λέγειν αἰῶνι τῷ πρὸς τὴν πρᾶξιν σκιπῶνα, ποικίλῳ δὲ τὸν γὰρ. scipio C. Lælium consulebat & cum Imperatoris personam, & cum senatoris sustinebat. unde quidam aiebant, Scipionem esse actionum hypocritam, Lælium uero poetam. AVRES. quæ quasi animi fenestrae sunt, ut cæteri sensus. Cicero libro quaestionum Tusculanarum. uel quia aures ipsæ scripta acerrime indicant. Cicero in oratore ad Brutum sic. Consule ueritatem, reprehendent. refer ad aures, probabunt. quære, cur? ita se dicent inuari. uoluptatem autem aurium mo-

T ij

IN POETICEN HORATII

rigeri debet oratio. & alibi. quamuis suaues, grauesq; sententiae, tamen, si inconditis uerbis efferuntur, offendunt aures, quarum est iudicium superbissimum. NONUMQUE PREMATUR IN ANNUM. in multos annos castigetur. numero impari usus est, quia felicior. Plutarchus in problematibus, ubi quaerit cur in nuptiis quinque lampades gestarent, ὅτι πελπίων, καὶ πλείονος ὁ πόσιος νόμος. quia melior, & perfectior, impar indicatus est. Hippocrates libro quarto aphorismorum, sectione sexagesima prima. febricitantem nisi diebus imparibus febris reliquerit, solet recidiuare. Virgilius. numero deus impare gaudet. perfectum numerum denarium esse putat. Vitruuius libro quarto, capite primo. in codice, quem olim uir mihi clarissimus, & doctissimus, Marius Sauronianus, Belgradi, Osopi; Comes, dono dedit, decimum annum, non nonum legere est. quae mihi lectio plurimum aridet. nam decimum numerum Horatius etiam ante usurpauit, cum castigandis poematibus tempus praescriberet, perfectum decies non castigauit ad unguem. NESCIT VOX MISSA REVERTI. licet scribas turpem palinodiam. ut de Stesichoro refert Plato in Phaedro. sapienter igitur M. Antonius, quemadmodum ipse dicebat, nullam unquam orationem scripsit, ut, si quid aliquando non opus esset ab se esse dictum, negaret se dixisse. Cicero pro Cluentio. Valerius Maximus libro septimo, capite tertio. hic Horatius uocem missam pro scriptis rebus, ut deleri amplius honeste non possint, posuit. MEMBRANIS. Vlpianus iurisperitus libro trigesimo secundo Digestorum, titulo de legatis, & fideicommissis, lege quinquagesima secunda, sic ait. librorum appellatione continentur omnia uolumina, siue in charta siue in membrana sint, in phylira, aut tilia, aut in aliquo corio. & post. si in codicibus sint membraneis, uel chartaceis, uel etiam eboreis, uel in cæratissimis codicillis. qui locus Vlpiani ab Alexandro fusius explicatur libro secundo genialium dierum, capite trigesimo.

L VII.

Syluestres homines facer, interpretq; deorum
Cædibus, & uictu foedo deterruit Orpheus,
Dictus ob hoc lenire tigres, rapidosq; Leones,
Dictus & Amphion Thebanæ conditor arcis
Saxa mouere sono testudinis, & prece blanda
Ducere quò uellet. fuit hæc sapientia quondam,
Publica priuatis secernere, sacra profanis,
Concubitu prohibere uago, dare iura maritis,
Oppida moliri, leges incidere ligno,

Haëtenus de scribendi poematis ratio præceptum est, nunc de laudibus poetices agitur, quæ homines olim à fera incultaq; uita ad mitiorem hanc, quæ nunc uiuitur, traduxerit. SYLVESTRES HOMINES. Orpheus homines feros & im-

manes ad humanitatem allicere potuit . sed hic oritur quæstio . nam M. Tullius hoc eloquentiæ , non poeticiæ tribuit . libro enim de oratore sic inquit . ut uero iam ad illa summa ueniamus , quæ uis alia potuit aut dispersos homines unum in locum congregare ? aut à fera, agrestiq; uita ad hunc humanum cultum, ciuilemq; deducere ? responde, etiam poetice eloquentiæ nomine contineri, non solam artem oratoriam. nam M. Tullius in oratore ad Brutum sic inquit. nam etiam poetæ quæstionem attulerunt, quid nam esset illud quo ipsi differrent ab oratoribus . numero maxime uidebantur antea, et uersu : nunc apud oratores iam ipse numerus increbuit . uersu igitur, non eloquentia poetas ab oratoribus Cicero distinxit . ORPHEVS . Calliopes filius . Virgilius .

Non me carminibus uincet nec Thracius Orpheus ,
Nec Linus , huic mater quamuis , atque huic pater adsit
Orphei Calliopea , Lino formosus Apollo . De Orpheo in Bœoticis Pausa-

nias . ὁρῶν κέναι πλεῖστ' ἀδῶν, καὶ ὁρῶν αἰοομένων καὶ θάραυτος . deorum sacrificia, et scelerum piacula inuenisse . quibus inuentis uideri potest homines à foedo uictu deterruisse . SACER . quia, ut diximus, sacrificia deorum reperit, uel sapiens : sapientes enim dei dicebantur, unde Ennius sanctos poetas uocauit. Cicero pro Archia. Zezes declarans illa uerba Hesiodi lib. I. operum, et dierum, θεοὶ, καὶ ἀνδρες, idest dei, et homines, sic ait. θεοὺς νῦν ᾤσσοφους, καὶ ᾤσσοι τὰ θεῶν εἰδότες καὶ λαοί . deos nunc sapientes, et in rebus diuinis peritos uocat. INTERPRES QVE DEORVM . expressit illud Platonis in Ione, ποιῶντι ὁρῶντες τὸ θεῶν. poetæ deorum sunt interpretes . fuit autem poeta Orpheus, ut notum est. et ipse de se sic loquitur in Argonauticis .

ὅταν βάνχοιο, καὶ ἀπὸ Μαιῶος αἰαντός
καὶ ἴω ἐλαυνόμενος, εἴτε .

Quando Bacchi, et Apollinis regis stimulo tractus sum . CAEDIBVS . quo quid poetice præstare potuit hominibus conducibilis ? nota historia est, quam Pausanias refert in Eliacis libro secundo de Thegene . is postquam mortuus est, quidam ex ijs, qui illum oderant infensius, eius statuam tota nocte pulsauit, quasi Thegenem probro afficeret . illum statua lapsu occidit . καὶ οἱ δάσιοι καὶ ἀπὸ τῶν ἐκείνου . et Thasi imaginem, quod hominem necarat, præcipitem in mare deturbant . DETERRVIT . auertit, iniecto terrore quodam . libro primo quæstionum Tusculanarum, non deterret sapientem mors . DICTVS OB HOC . per allegoriam, quæ poetarum figmenta ad morum rationem redigit . unde Marius Sauronianus, uir nobilissimus, et clarissimus, Homerici allegorijs plurimum delectatur : quibus etiam doctissime libellum confecit . Plato in Cratylo allegoriam Panis biformis habet, in Phædro Boreæ, et Orithyæ . eam Demetrius Phaleræus in libro de elocutione συγκαλυμμένα τὰ λόγων uocat, idest quoddam orationis tegmen . TIGRES, RAPIDOSQVE LEONES . immanes enim homines feræ dicuntur . Demosthenes oratione prima contra Aristogitonem eum θηρίον uocat, idest belluam . erat enim nepharius, atque improbus . et Cicero M. Antonium Philippica octaua . quinetiam de illo homine queri

IN POETICEN HORATII

solebas, quid te facturum de bellua putas? THEBANAE CONDITOR AR-
CIS. quinimo Cadmus Thebas condidit. Ovidius libro tertio metamorph. & Hesio-
dus libro primo operum, & dierum, sic inquit,

ἐφ' ἐπὶ πύλῳ δ' ἔχ' ἀμφὶ μὲν πόλιν.

Ad Thebas septem portas habentes Cadmæam urbem. dic Amphyonem Thebas mœ-
nibus sepsisse, cuius rei habes Euripidem auctorem in Phœnissis. DVCERE QVO-
VELLET. non igitur temere id fiebat, sed consilio, & arte Amphyonis. quidam
enim temere præclarum aliquod opus perficiunt. Zezes illa uerba Hesiodi declarans
libro I. de operibus, & diebus, δίκαια ἀγορεύει γινώσκων, idest iusta prædicare
sciens, sic ait. καλῶς εἴπε τὸ γινώσκων. πολλοὶ γὰρ ἀκρίτως ὁμολογοῦσι τὸ δίκαιον.
recte illud sciens addidit. multi enim imprudentes quod iustum est consentiunt. Cicero
in oratore ad Brutum, ut mirer ueteres non esse commotos, præsertim cum, ut fit, for-
tuito sæpe aliquid concludere, apteq; dicerent. SONO TESTVDINIS cantu ly-
ræ. testudo notum animal, ex quo primum ad Nilum Mercurius lyram confecit. hinc
musicum instrumentum testudinis nomen accepit. Seruius. PRECE BLANDA.
quam cum sono consociabat, ut musici faciunt. libro VIII. odyssæ, Demodocus fur-
tum Martis, & Veneris &c. concinuit, & lyra personuit. sic Iopas lib. I. Aeneidos.
FVIT HAEC SAPIENTIA QVONDAM. tribuit hæc omnia Horatius
excellenti cuidam sapientiæ. ergo uerum est, quod lib. I. de oratore Scaeuola contra
Crassum contendit his uerbis. quis enim tibi hoc concesserit? aut initio genus hominum
in montibus, ac syluis dissipatum non prudentium consilijs compulsum potius, quàm
disertorum oratione delinitum se oppidis, mœnibusq; sepsisse. & post. an tibi Romu-
lus ille aut pastores, & conuenas congregasse, aut Sabinarum connubia coniunxisse,
aut finitimarum uim repressisse eloquentia uidetur, non consilio, & sapientia sin-
gulari? responde Horatium deferre hanc palmam sapientiæ, quæ cum eloquentia sit
coniuncta. nam hic sapientiam nominat, paulo ante eloquentiam significauit per so-
num testudinis, & precem blandam. PVBLICA PRIVATIS SECER-
NERE. lege Iustinianum lib. II. inst. ciuiliū. hinc occisus Ti. Gracchus qui a-
gros publicos plebi diuisurus erat, & priuatos, qui ante publici erant, factururus. Ci-
cero Philippica VIII. Florus lib. III. alij. SACRA PROFANIS. Hiero-
cles damnatus, ὡς ἱερόσυλος, idest sacrilegus, quod ferret ἱερὰ ἱμάτια, idest sacras
uestes. Libanius in argumento orationis contra Aristogitonem. CONCVBITV
PROHIBERE VAGO, DARE IVRA MARITIS. Tibullus,

Tunc quibus aspirabat amor, præbebat aperte

Mitis in umbrosa gaudia ualle Venus.

Fortasse in Socratem tacite inuehitur, qui communes esse uxores, ut alia omnia, uole-
bat. Aristoteles lib. II. de republica. ἐνῆν γὰρ σωκράτης φησὶ δὲν κοινὰ τὰ τέκνα,
καὶ τοῖς γυναικάς εἶναι, καὶ τοῖς κτήσεσιν. ibi enim apud Platonem Socrates ait, opus
esse, ut communes iiberi, uxores, & possessiones sint. Geloni Siciliæ regi putidum os

erat. monuit illum meretrix. is cum uxore, quod monitus ab illa non fuisset, que-
 stus est. putabam, inquit illa, omnibus uiris oris halitum esse grauem. auctor Lucianus
 in libro $\pi\omicron\delta\iota\ \alpha\iota\pi\epsilon\acute{\alpha}\omega\nu$. hoc est dare iura maritis, et uxoribus, et concubitu uago prohi-
 bere. nam Aristoteles in Politicis Socratis illam communitatem reprehendit, ac refutat.
 OPPIDA MOLIRI. urbes exedificare, & quasi in molem attollere. LE-
 GES INCIDERE LIGNO. ut descriptæ in tabulis, cunctis legendæ propone-
 rentur. Decemuii Romani ius non scriptum à Lacedæmoniis, ius scriptum ab Athe-
 nienfibus acceptum in duodecim tabulas digesserunt. Liuius libro tertio. Pomponius iu-
 risconsultus libro primo Digestorum, titulo de origine iuris, lege secunda, & alij.

LVIII.

Sic honor, & nomen diuinis uatibus, atque
 Carminibus uenit. post hos insignis Homerus,
 Tyrtæusq; mares animos in Martia bella
 Versibus exacuit, dictæ per carmina sortes,
 Et uitæ monstrata uia est, & gratia regum
 Pieriis tentata modis, ludusq; repertus,
 Et longorum operum finis, ne forte pudori
 Sit tibi Musa lyræ solers, & cantor Apollo.

Pergit Horatius laudes poetices enumerans. nam bella poetæ, & res gestas summos
 rum Imperatorum scripserunt. uersibus oracula respondebant, politioris uitæ ratio mon-
 strata est, Regum amicitia comparatæ, ludi instituti, fessas etiam hominum mentes
 poetice reficit, ac recreat. DIVINIS VATIBVS. nam de poetis Quidius.

At sacri uates, & diuum cura uocamur.

Sunt etiam qui nos numen habere putent. De diuino afflatu poetarum
 Plato in Apologia, et in Ione legendus est. uel diuinos appellauit, Lacedæmoniorum mo-
 re, qui præstantes uiros diuinos nuncupabant, ut scribit Aristoteles lib. VII. de moribus
 ad Nicomachum, $\omicron\tau\alpha\nu\ \alpha\gamma\alpha\theta\omega\tau\omega\sigma\iota\ \sigma\phi\acute{o}\sigma\phi\alpha\ \tau\acute{\epsilon}\varsigma\ ,\ \theta\epsilon\acute{\iota}\omega\varsigma\ \alpha\iota\omega\eta\varsigma\ \phi\alpha\sigma\acute{\iota}\nu$. quando in alicuius
 amorem, admirationemq; adducti sunt, diuinus uir est, inquiunt. INSGNIS
 HOMERVS. iure illum inter antiquissimos poetæ constituit Horatius. Cicero enim
 libro primo quæstionum Tusculanarum, nam cum apud Græcos, inquit, antiquissi-
 mum è doctis sit genus poetarum, si quidem Homerus fuit, et Hesiodus ante Romam
 conditam, &c. Cornelius Nepos libro cronichorum auctor est, Homerum ante Romam
 conditam annis circiter CLX. uixisse. Aristoteles libro quarto physicorum de tempo-
 re agens, Homerum prore antiqua posuit, $\delta\iota\ \omicron\mu\eta\pi\omicron\varsigma\ \pi\acute{\rho}\tau\epsilon\ \lambda\acute{\omega}$, ut Homerus olim fuit.
 hic deorum honores habuit. nam Ptolomæus Philopater templum Homero erexit, eiusq;
 simulachrum inter urbes fixit, quæ de patria Homeri altercabantur, ut scribit Aelia-
 nus libro decimotertio. cæcus fuit, & mendicus, ut affirmat Pausanias in Corinthia-
 cis. illum uerticem appellat Dionysius in libro de compositione, ex quo flumina omnia,

IN POETICEN HORATII

Et fontes, atque uniuersum mare emanet. quod Ouidius etiam fere retulit. Aspicere Maonidem, à quo cœu fonte perenni Vatum Pierijs ora rigantur aquis. Zoilus Homero mastix librum Ptolomæo ostendit, quem aiebat se contra Homerum scripsisse: quare petebat à rege pecuniam, ut paupertatem, qua oppressus erat, ferret. cui Ptolomæus respondit, Homerum, qui annos ante mille decessisset, multa hominum millia pascere, qui eius lectionem profitebantur: sic Zoilum debere, qui se Homero præstantiorem esse iactabat, non modo se ipsum sed alios etiam complures alere. auctor Vitruuius in primo libri septimi. Indorum, et Persarum reges Homerum in suam linguam conuersum semper in ore habebant, ut ait Aelianus lib. XII. idem ante Homerum poetas extitisse Oribantium, Daretem, et Melisandrum refert lib. XI. cap. II. Homeri poemata, cum dispersa, et discerpta essent, primi Lycurgus, et Pisistratus collegerunt, et unum ex ijs corpus conflarunt. idem Aelianus lib. XIII. ijs, qui politiones literas profitebantur, turpe erat, Homerum legendo non contriuisse. unde Alcibiades doctorem, qui se Homerum non habere aiebat, pugno percussit; ut Plutarchus in Alcibiadis uita testatur. TYRTAEVS. de hoc Plato multa lib. I. de legibus, cuius etiam carmina recitat, ad inflammandos bellatorum animos scripta. Lacedæmonij Messeniorum bello, oraculo moniti, ducem ab Atheniensibus petiuerunt. Athenienses ludibrio quodam Tyrtæum poetam claudum Lacedæmonijs miserunt, qui ter fusus, fugatusq; à Messenijs fugientes Lacedæmonios carmina bellica decantans in hostem reuocauit, et uictor ex acie concisis hostium cateruis excessit. auctor Iustinus lib. III. MARES ANIMOS. fortes, et strenuos, non molles, et effœminatos. lib. I. epistolarum. Et maribus Curijs, et decantata Camillis. Contra illud Virgilij ex Homero.

O uere Phrygia, neque enim Phryges: ite per alta Dindyma. et illud Ciceronis oratione. VII. contra Verrem, ut muliebria quotidie conuiuia essent, uir accumberet nemo, præter ipsum, et prætextatum filium. tametsi recte sine exceptione dixeram, uirum, cum isti essent, neminem fuisse. EXACUIT. iram in hostes iniiciens, quam cotem fortitudinis Stoici uocant, ut patet lib. III. quæst. Tusculanarum. quod innuens Horatius, exacuit, dixit, idest tanquam ad cotem acuit. DICTAE PER CARMINA SORTES. hoc etiam ad nobilitatem poetices spectat; quod oracula uersibus reddebantur, ut Cræso reddita esse Cicero de Diuinatione refert,

Cræsus Halym penetrans magnam peruertet opum uim. Ennius.

Aio te Aeacida Romanos uincere posse.

ET VITAE MONSTRATA VIA EST. ut uidemus apud Xenophontem lib. III. de expeditione Cyri. ubi Xenophon oraculum consulit, an ad bellum cum Cyro profiscatur, et an uia sibi uitæ redeunti patere possit. sic Menelaus libro IIII. odysseæ ex Proteo quærit, quis sibi deus placandus sit, ut in patriam tutus redeat. tum dii carminibus uiam uitæ monstrabant. Potes hæc referre etiam ad poetas, qui

tas, qui γὰρ ποιεῖν scripserunt, ut ad Phocylidem, & Theognidem, quorum adhuc carmina extant. ET GRATIA REGVM. amicitia etiam regum carminibus comparata est. lege Ciceronis orationem pro Archia, ubi probat illustrium principum exemplis nobis gloriae cupiditatem esse insitam. PIERIIS MODIS. musarum carminibus, quae Pierides dicuntur. uide Hesiodum initio libri I. de operibus, & diebus, ibiq; Zezem doctissimum interpretem. ut Latinos omittam. LVDVS QVE REPERTVS. dicant hic alij, quicquid uolunt. ego, cum hic Horatius de com- modis poetarum differat, puto eum ludos Bacchi innuere, qui non sine carminibus ce- lebrabantur. Virgilius in georgicis libro II.

Et ueteres ineunt proscenia ludi,

Et te Bacche uocant per carmina lata. & quae sequuntur.

Quae Virgilij uerba nos in Parergis lib. I. capite XV. cum Thucydide contulimus, & declarauimus. ij ludi utribus fiebant. Virgilius,

=atque inter pocula lati

Molibus in pratis unctos saliere per utres.

De iisdem, & de utribus Zezes apud Hesiodum lib. I. de operibus, & diebus sic: καὶ τὰ μὲν ἁσφάλια ποιεῖσθαι ἐχέτω: & festa utralia, ut ita dicam, sic fiebant. tum mo- dum & rationem addit, & fusius explicat. Bacchi ludi carminibus non carebant. ica circo hanc etiam laudem poetis adscribit Horatius. LONGORVM OPERVM FINIS. & animi requies post longos exceptos labores. animos enim fessos carmini- bus, & lyra relaxabant. sic fessum ē pugna Achillem relaxat Homerus in Iliade. quod summe probat Plutarchus in libro de musica. nec uero Pythagorei sonos dimitte- bant, aut cum mane ē stratis surgerent, aut cum noctu cubitum irent, ut carmina turbidos animi motus sedarent. Quintilianus lib. IX. cap. de compositione. NE FORTE PVDORI. haec dixi, ne te pudeat poetam esse. quodam enim tempore poetae male audierunt. Cicero lib. I. quast. Tuscul. M. Nobiliori probro fuisse En- nium, quem secum in prouinciam duxerat, testatur. Camillum Quernum, Archipoeta cognomento, quis laudet? qui cum in conuiuio Leonis X. Pontificis Maximi de se dixisset, Archipoeta facit uersus pro mille poetis: addidit Leo ex tempore, & pro mille alijs Archipoeta bibit. ut in Museo refert Iouius. locutio haec, esse pudori, alibi etiam occurrit in hoc poeta, in odis.

Neu sit ancillae tibi amor pudori,

Serua Briseis niueo colore

Mouit Achillem.

MVSA LYRAE SOLERS. musicam cum poetica coniungit. nam melici ex quinque generibus poetarum sunt, ut legimus apud Ci- ceronem in libro de optimo genere oratorum. qui dicti sunt ἀπὸ τῶν μέλῳς, idest a sua uitate, et cantu musices. Aristoteles etiam in poetices libro ponit τὴν ποιησιν τῆς ὥλης πικρῆς, καὶ κλειστικῆς, idest poesim, quae tibijs & cithara constat.

Natura fieret laudabile carmen, an arte,
 Quæsitum est. ego nec studium sine diuine uena,
 Nec rude quid profit uideo ingenium: alterius sic
 Altera poscit opem res, & coniurat amice.

Utra magis poeticæ conferat, natura, an ars, in controuersiam adducit, mox rem discutit, utraque opus esse inquit, ut quis in poetica excellat. in quo nunquam satis mirari possum, quamobrem ueritus sit Horatius naturam arti antepone, cum Cicero & Isocrates id fecerint, qui tamen non negarunt, ex utraque diuinum quiddam fieri, ac præstantius. in oratione pro Archia uerba hæc Ciceronis leguntur. ego multos homines excellenti animo, ac uirtute fuisse, & sine doctrina naturæ ipsius habitu prope diuino per se ipsos & moderatos, & graues extitisse fateor. etiam illud adiungo, sæpius ad laudem, atque uirtutem naturam sine doctrina, quàm sine natura ualuisse doctrinam. atque idem ego contendo, cum ad naturam eximiam, atque illustrem accesserit ratio quædam, conformatioq; doctrinæ, tum illud nescio quid præclarum, ac singulare solere existere. Isocrates in libro contra Sophistas. πολλοὶ μὲν τῆς φιλοσοφίας τῶν ἰδιώτου διετέλεσαν ὄντες, ἄλλοι δὲ τινὲς οὐδὲν πῶτε συγγενόμενοι τῆς σοφίας, καὶ λέγειν, καὶ πολιτεύεσθαι δεινοὶ γίνονται. αἱ μὲν γὰρ δωάρεαι καὶ τῆς λόγων, καὶ τῆς ἄλλων ὀντων ἁπάντων ἐν τοῖς οὐφύεσιν ἐγγίνοντο, καὶ τοῖς ποδὶ τοῖς ἐμπειροῖας γυμνασμοῖς. ἡ δὲ παιδεία τοῖς μὲν τοῖου τοῦ περικωτῆος, καὶ πρὸς τὸ ζῆν οὐπω τῶν εἰ ποῖσεν. multi ex ijs, qui philosophati sunt, clari non fuerunt. alij uero, cum nulli unquam sophistæ operam dedissent, & in dicendo, et in administratione reip. polluerunt. nam præstantia & orationis, & rerum aliarum omnium in naturali quadam ui consistit, etiam in ijs, qui circa experientiam uersati sunt. doctrinæ autem institutio eos artificiosiores, & ad uiuendum feliciores reddidit. Laertius lib. V. hoc apophthegma refert Aristotelis: ἡ μὲν ὁρᾶσις ἀπὸ τοῦ ποδὶ εἶχοντος ἄστρος λαμβάνει τὸ φῶς, ἡ δὲ ψυχὴ ἀπὸ τοῦ μαθημάτων. uisus à circumstante aere lumen, anima uero à disciplinis accipit. potuit igitur Horatius naturam arti præferre, mox addere, ex utraque perfectum quiddam fieri. **STVDIVM.** exercitationem cum arte coniunctam. **DIVITE VENA.** fecundo ingenio. tractum à uenis metallorum, & lapidum. Iabolenus iuriconsultus lib. XVIII. Digestorum, titulo de contrahenda emptione, lege septuagesima septima. post multum temporis in eo fundo reperta erant lapidicina. Virgilius in georgicis libro II.

Hæc eadem argenti riuos, ærisq; metalla

Ostendit uenis, atque auro plurima fluxit.

RUDE INGENIVM. natura sine arte. translatio à lignis impolitis, uel alia qualibet materia. Virgilius.

His informatum manibus iam parte polita

Fulmen erat. PROSIT. in codice illustrissimi Federici Cornelij, possit, legere est. ALTERIVS SIC ALTERA POSCIT OPEM RES. natura, et ars mutuis se opibus iuvant, sic tamen, ut princeps natura habeatur, quæ nostra ingenia, ut magnes lapidem, trahit. Plato in Ione, θεῶν δὲ δῶνα μὴ σέ κενεῖ, ὥς ποδὲν τῇ λίθῳ, καὶ ἀντιπιδης μὲν μαγνήτιν ἀνόμεσεν. οἱ δὲ πολλοὶ ἡράκλειον. divina vis est, quæ te mouet, ut in lapide, quem Euripides magnetem nominavit, multi Herculeum. quin ipse Horatius in odis lib. quarto. naturam prætulisse videtur.

Quem tu Melpomene semel
Nascentem placido lumine uideris,
illum non labor Isthmii
Clarabit pugilem, non equus impiger
Curru ducet Achaico
Victorem, neque res bellica Deliis
Ornatum folijs ducem.
Ostendet Capitolio,
sed quæ Tybur aquæ fertile perfluunt,
Et spissæ nemorum comæ,
Fingent Aeolio carmine nobilem.

CONIVRAT AMICE. consentit, vires, opesq; coniungit, ut duo principes, qui commune bellum aduersus hostem communem suscipiunt. hoc Græci dicunt ἐπιμαχίας. nam interpres Thucydidis libro primo, post Corinthiorum concionem, sic annotavit in scholijs. διαφ' ὧν δὲ συμμαχία ἐπιμαχία. ἐπιμαχία μὲν, ὅταν ἄλλοις πείρῃσι δῶνα μὴ ἐκείνοι: συμμαχία δὲ, ὅταν μὲνοι ἄθρονοὶ δῶσι κορυφαίοις ἐοικέν. &c. differt autem symmachia ab epimachia. epimachia enim est, cum ambo sibi mutua auxilia mittant: symmachia uero, cum soli Athenienses Coracyrensisibus opem tulerint.

LX.

Qui studet optatam cursu contingere metam,
Multa tulit, fecitq; puer, sudavit, & alsit,
Abstiniuit Venere, & Baccho. qui Pythia cantat
Tibicen, didicit prius, extimuitq; magistrum.
Nunc satis est dixisse, ego mira poemata pango,
Occupet extremum scabies, mihi turpe relinqui est,
Et, quod non didici, fane nescire fateri.

Naturam arte, & studio excolendam esse, atque adiuuandam docet, ne despecta quasi ager incultus sordescat, & omni nitore amisso, ut ferrum rubiginem contrahat. & hoc proposito nobis cursorum, & tibicinum exemplo suadet: mox uitium sui temporis detestatur, quo malebant homines nescire, quam ab ullo discere, ne illo, &

IN POETICEN HORATII

quo discerent, inferiores uiderentur, & quod peius est, se ipsi doctos iudicabant, et temere sibi arrogabant. QVI ISTUDEI OPTATAM. qui optat, inquit, cursu, idest studio, et labore contingere optatam metam, idest ad finem peruenire sibi propositum. Similitudo sumpta est ab Olympicis ludis, ubi certatim decurrebant. Virgilius,

Seu quis olympiaca miratus premia palma

Pascit equos. & Horatius in odis,

Sunt quos curriculo puluerem Olympicum

Collegisse iuuat.

Erat autem in curriculo meta, ad quam

se aduoluebant.

ibidem Horatius,

Metaq; feruidis

Euitata rotis.

Hec meta columna erat, ad quam

cum se aduoluissent, adhuc excurrabant. Aristoteles lib. III. rhetoricorum de spectando fine agens, διότι ὁ ἄνθρωπος τοῖς καμπύλοις ἐκπνέουσιν. περὶ ὁδὸν γὰρ ὁ πρῶτος ὁ καμνοῖς περὶ τὸν. quare in flexibus ad metam anhelant. finem enim prospiciunt, nec prius laborant. meta igitur non erat limes, & finis: sed Horatius pro fine posuit, quem Aristoteles πρῶτος appellat. & duodecies quidem se ad metas circumflectebant. quod Pindarus indicat ode III. olympiorum.

ὁ δὲ καμνοῖς πρὸς τὸν δρόμον.

ἱππῶν φυτὸς γα.

His uerbis Theronem ait equos duodecies ad metas

flexisse. Erant autem plures columnæ, idest metæ. Sophocles in Electra de Oreste, quem fama erat hoc certamine perisse.

καὶ νῦν δ' ὅπ' αὐτῶν ἐξέστην σῆλ' ἔχων

Ille cum ad ultimam columnam peruenisset. ubi interpretes in scholijs, ἐξέστην ὃ λέγει, ἔπει καὶ ἄλλαι ἦσαν αἱ μέσῃ τῷ δρόμῳ. ultimam dicit, nam & alie in medio curricula erant. MULTA TVLIT. is, qui uult optatam metam contingere, & uberrimum studiorum suorum fructum capere, multa passus est, calorem sensit, & alfit, idest frigora pertulit. nota sunt carmina Hesiodi libro I. operum, ac dierum.

quibus uirtutem ait in altissimi montis uertice consistere. τῆς δ' ἀρετῆς ἰσθμὸς. &c. quæ Cicero in epistolis familiaribus Leptæ puero ediscenda proposuit. Maximinus, ut in eius uita Capitolinus scriptum reliquit, dicere solebat. quo maior ero, tanto magis laborabo. unde ad imperij gradum euectus fuit. & quidem recte Sophocles in Electra inquit.

πόνου τοῦ χροῦς οὐδὲν ὀνυχῆ. sine labore nihil feliciter euenit. ABSTINUIT VENERE ET BACCHO. de coitu, & Venere Plinius lib. X. capite sexagesimo tertio annotauit. quod autem de uino addit Horatius, ad Romanorum morem attinet. Romæ enim pueri uino abstinebant. & hic quidem Horatius de puero loquitur. Athenæus lib. VI. οἱ σφόδρα δὲ καὶ γούμνοι τοῖς βίοις ἦσαν τοῖς υἱοῖς ὡς τὸ πολὺ πίνοντες, qui uictu plurimum delectabantur, filios plerumque aquam bibere inbebant. Plato etiam libro II. de legibus præcipit; ut pueri ad

decimum octauum annum uinum non gustent. quem locum Platonis Athenæus libro

X. retulit. Horatius tamen de Ennio non puero, sed uiro. sic alibi.

Ennius ipse pater nunquam nisi potus ad arma

Prosiluit dicenda.

Demosthenes ab Aeschine contumeliose

ὕδωρ πίνων, idest abstemius dictus est, ut legimus in oratione Demosthenis de falsa legatione. quæ dicimus, ut pateat, hic de pueris, non uiris esse mentionem. QVI PYTHIA CANTAT. proxime usus est cursorum exemplo. nunc uerisimile est, tibicines innui, qui in Pythijs nobilissimis ludis suam operam præstabant. sunt enim Pythia ludi, qui in honorem Apollinis, qui Pythonem serpentem occiderat, celebrabantur.

Ouidius.

Pythia perdomita serpentis nomine dictos.

De his plura diximus in Parergis libro II. capite XI. ubi Ouidij locum declarauimus. hæc Pythia tibicines canebant. Iulius Pollux libro quarto sic. τῶν ἡ πυθίων ὁ νόμος τῶν ἀνδρῶν μέν πέντε. Pythij cantus, qui tibijs personabatur, quinque partes sunt. eas postea refert. Sed illa uerba spectanda sunt. δῶλωμα ἡ ὄβρι νόμος τῆς τῆς ἀπό Μωνοῦ μάχης πρὸς τὸν ἀράκοντα. Cantus hic Apollinis pugnae cum serpente representatio est. non igitur de Pindaro Pythiorum scriptore loquitur Horatius, ut putauit Iacobus Grifolus, uir alioquin doctissimus. EXTIMUIT QVE MAGISTRVM. qui eum ferula plectebat indocilem. Iuuenalis.

Et nos ergo manum ferulae subduximus.

Ouidius de Chirone, et Achille.

Quas Hector sensurus erat, poscente magistro

Verberibus iussas præbuit ille manus.

Horatius Orbilius, quem nactus est magistrum puer, plagosum appellat. plagosos autem magistros Quintilianus libro primo, et Lucianus in Nigrino reprehendunt. NVNC SATIS EST DIXISSE. his miseris temporibus satis est se iactare, et de se loqui inflatus. ego poeta primarius, ego non ultimus: quinimo scabiosus sit, qui ultimus poeta est, et postremi ordinis. damnat uitium sui temporis Horatius. quod grauiter facere etiam Cicero solet, ut Philippica octaua, M. Antonium reprehendens, qui legatos populi Romani ad Mutinam, quam obsidebat à Bruto defensam, contempserat. sic enim inquit: proh dii immortales, ubi ille mos, uirtusq; maiorum? C. Popilius apud maiores nostros, cum ad Antiochum regem legatus missus esset, et uerbis senatus nunciasset, ut ab Alexandria discederet, quam obsidebat, cum tempus ille differret, uirgula stantem circumscripsit, dixitq; se non antea renunciaturum senatui, nisi prius sibi respondisset, quid facturum esset, quam ex illa circumscriptione excederet. et quæ sequuntur. utinam nostro etiam seculo huiusmodi Thrasones in literis non essent; et plures essent Socratis imitatores, qui εἰρων, idest dissimulatio doctriæ suæ dictus est, ut et à Platone passim et à Quintiliano lib. IX. scriptum est. PANGO. compono. in epitaphio Ennii apud Ciceronem in libro de senectute.

Hic uestrum panxit maxima facta patrum.

OCCVPET EXTREMVM SCABIES. tribuit poetis, quod pueri ludentes

IN POETICEN HORATII

Et currentes dicunt. ultimo enim scabiem imprecantur, et tamen scabies pueros raro occupat. causam reddit Aristoteles in problematibus, ὅτι ἡ λαύνη ἐστὶ πνύμας ἐξ ὁδοῦ. ἔστι δὲ τὰ μὲν τῶν παιδῶν οὐκ ὑπνοῦσώματα, ἀλλὰ πνύα. quia scabies est spiritus halitus, puerorum autem corpora poris non patent, sed densa sunt. MIHI TURPE RELINQVI EST. turpe mihi uidetur, inquit indoctus, et gloriosus poeta, relinqui, idest extremo ordine uersari. alij enim præcurrentes me tardum relinquerent. Horatius in epistolis libro primo.

Nec tardum oppetior, nec præcedentibus insto.

ET QVOD NON DIDICI &c. id etiam turpe censeo, ait improbus poeta, fateri, quod non didici. tegenda igitur iactatione, et audacia est ignorantia. improbi hominis hæc uerba sunt. Quintilianus lib. III. cap. VIII. sic inquit. nam et Hippocrates clarus arte medicina uidetur honestissime fecisse, quod quosdam errores suos, ne posterii errarent, confessus est, et M. Tullius non dubitauit aliquos suos libros iam editos alijs postea scriptis ipse damnare. Cornelius Celsus lib. VIII. sic. a futuris se deceptum esse Hippocrates memoria prodidit, more scilicet magnorum uiro- rum, et fiduciam magnarum rerum habentium. nam leuia ingenia, quia nihil habent, nihil sibi detrahunt. magno ingenio, multaq; nihilominus habituro conuenit etiam simplex ueri erroris confessio. hæc ille. quare ingenue fateri inscitiam debemus, non profiteri quod nescimus. nam, ut ait Aristoteles lib. II. rhetor. ubi de sedanda ira agit, mites sumus iudices τοῖς ὁμοῦ λαγοῦσι, idest errata sua ingenue confitentibus.

LXI.

Vt præco ad merces turbam qui cogit emendas,
Assentatores iubet ad lucrum ire poeta,
Diues agris, diues positus in fœnore nummis.
Si uero est, unctum qui recte ponere possit,
Et spondere leui pro paupere, & eripere atris
Litibus implicitum, mirabor, si sciet inter
Noscere mendacem, uerumq; beatus amicum.

Adulatoribus tantæ poetarum arrogantiae culpam adscribit. ij enim in causa sunt ob assentationem, ut mali poetæ peritos se poetæ existiment. quinimo, ut mercatores ad laudandas et uulgo significandas merces præconem adhibere solent, sic tum poetæ adultores conducebant pretio, qui sua scripta apud omnes in cœlum ferrent, et certiores omnes facerent, cum ipsi carmen recitaturi erant. VT PRAECO. Cicero in oratione pro Quintio de Næuio præcone sic. Cum ei natura nihil melius, quàm uocem dedisset, pater nihil præter libertatem reliquisset, uocem in quæstum contulit. locus præconibus frequens in atrijs Licinijs erat. ibidem Cicero. Tollitur ab atrijs Licinijs, atque à præconum confessu in Galliam Næuius. Plato in libro de rege- gno reges esse ait similes uendentibus, præcones empta iterum, et carius uenden-

tibus . nam hoc etiam praconum officium est , magistratuum edicta uulgare . τὸ κηρυ-
κὸν φῦλον ἐπιταχθὲν , τ' ἀλλότρια νοήματα πρᾶξι δόμῳ , αὐτὸ δὲ τὸν ἐπι-
τάττει πάλιν ἐπὶ τοῖς : pracones edicta aliorum sumentes ipsi rursus alijs publicant . ho-
rum statas in pronunciando dimensiones Aristoteles libro tertio rhetoricorum obser-
uauit . τῶ κηρυκῶν προλαμβάνουσι τὰ παιδία . pueri , quæ pracones edituri sunt , an-
te pronunciant . sed de hoc munere praconum hic Horatius non loquitur . eos enim
pracones significat , qui uenales res praconio extrudunt , ut in epistolis libro primo .
vilia uendentem tunicato scruta popello . **ASSENTATORES** . de quibus le-
ge librum Plutarchi , qui inscriptus est , quo modo quis amicum , & adulatorem di-
stinguere possit . **AD LVCRVM** . poeta enim pretium adulatoribus propo-
nit , si in sui admirationem populum cieant . Plinij uerba , quæ sunt epistola de-
cimaquarta libri secundi , pulcherrime huic Horatij loco respondent . ea enim sunt hæc .
heri duo nomenclatores mei (habent sane ætatem eorum , qui nuper togas sumpse-
runt) ternis denarijs ad laudandum trahebantur . tanti constat , ut sis disertissi-
mus . hoc pretio quamlibet numerosa subsellia implentur , hoc ingens corona colligi-
tur , hoc infiniti clamores commouentur . & post . primus hunc audiendi morem indu-
xit Largius Licinius . &c . Horatius autem de poetis , Plinius de oratoribus uerba facit .
POSITIS IN FOENORE NUMMIS . usuras intelligit , quæ fœnore conflan-
tur . quædam enim usuræ legitimæ sunt , quæ impenduntur ob alienæ pecuniæ usum .
Papinianus iuriconsultus libro uigesimo secundo digestorum , titulo primo , lege prima ,
sic inquit . Socius si ideo condemnandus erit , quod pecuniam communem inuasit ,
uel in suos usus conuerterit , omni modo etiam mora non interueniente præstabuntur u-
suræ . quædam non legitimæ , de quibus sic Liuius libro uigesimo . Sardiniam M . Portius
Cato obtinebat , sanctus , & innocens , asperior tamen in fœnore coercendo habitus , fu-
gatiq; ex insula fœneratores . librum Plutarchus contra fœnus scripsit . nam illa uerba
Ciceronis libro nono ad Atticum , epistola decimaquarta , dubio sensu prolata sunt . popu-
li Romani exercitus Cn . Pompeium circumsidet , fossa , et uallo septum tenet , fuga pro-
hibet , nos uiuimus ? & stat urbs ista ? prætores ius discunt ? ediles ludos parant ? uiri
boni usuras perscribunt ? ego ipse sedeo ? **SI VERO EST VNCTVM** . si quis
est , qui diues unctum ponere possit , idest cibos pingues , non siccos , ut panem tantum ,
is assentatoribus gulosis undique septus adulatorem , & uerum amicum non interno-
scet . Athenæus libro sexto de adulatoribus Dionysii regis Siciliae , & τὸ πρὸς ἐπιπύρ-
ματι οὐδὲν ὀρεῖται πρὸς τὸ δάπνον , ἐπεὶ ὁ διονυσίος ἐν τῷ οἴκῳ πῦρ . & post . ἐπὶ δὲ τὸ
ἐμετὸν αὐτὸν μάλιστα ἔλεγον εἶναι γλυννὸν τῶν . hi quidem in conuiuio se non acute
cernere simulabant , quia Dionysius non acute cernebat , & esculenta , quæ ille euo-
muerat , melle dulciora esse dicebant . ecce igitur quemadmodum adulantur homines
impuri in conuiujs . talis erat Aristippus , qui à Diogene reprehensus , uersu illo noto
apud Horatium libro primo epistolarum , ubi ad Scæuam scribit , se defendebat .

si sciret regibus uti,

Fastidiret olus, qui me notat. Quod uero attinet ad unctum, Cyrus apud Xenophontem libro primo de sua institutione, Medorum luxuriæ sobrietatem Persarum anteponebat, sic Astyagem auum, Media regem, alloquens, qui uncti cibi sint, declarat, ἐπὶ σε φαῖναι ὄρεσθαι, ὅταν μὲν τῷ ἀπ' τοῦ ἀπ' αἵματος, εἰς οὐδὲν τῷ χεῖρα ἀπ' ἀμύλου. ὅταν δὲ τῷ τῷ ἑνὸς διγῆς, αὐτὸς ἀπ' αἵματος τῷ χεῖρα, &c. quia inquit, cum panem attingis, uideo te manum non abstergentem: quando autem aliquem ex opimis cibum attrectas, statim manum perpurgas. ET SPONDERE LEVI PRO PAUPERE. idem, inquit, his accidit, qui pro inope aliquo spondent, idest fidei iubent, & se uades constituunt. exemplum est apud Scauolam iurisconsultum de sponsione, libro decimo septimo Digestorum, titulo primo, lege sexagesima, his uerbis. & quamuis idonee promissuram tibi Titiam matrem puellæ dotem sciam, tamen & ipse, quo magis conciliem animum tuum domui meæ, fidem meam interponere non dubito. quare scias, quodcunque ab ea ex ea causa stipulatus fueris, id me mea fide iussisse, saluum te habiturum. ERIPERE ATRIS, &c. qui possit aliquem litibus liberare, atris, idest tristibus, & odio plenis: ut antra omnia fere sunt. Cicero Philippica septima: omne enim curriculum industriæ nostræ in foro, in curia, in amicorum periculis propulsandis elaboratum est. BEATVS. ut ipse se censet esse. beatum etiam pro diuite sæpe usurpat Horatius, ut in satyris.

Vt Nasidieni inuit te cœna beati?

& in odis.

Nescias, ante generum beati

Phyllidis flauæ decorent parentes.

INTERNOSCERE. distinguere mendacem, fictumq; à sincero, ueroq; amico non poterit. causam non reddit Horatius, quia perspicua est. nam propter laudis cupiditatem assentatores non solum æquo animo ferimus, sed etiam exposcimus. Alexander magnus, diuinus uir, qui ambitione hac tanta non laborabat, adulatoris poetæ Aristobuli librum in flumen Hydaspem deiecit, & uix se tenuit, quo minus etiam ipsum deijceret: nihil enim propius factum est. καὶ σε ὅπως ἐχέω, inquit, ὃ ἀεὶ εὖ βέλε. auctor Lucianus in libro de conscribenda historia. idem à se Dinocratem architectum reiecit, qui se aiebat montem Atho in effigiem Alexandri redacturum. Vitruuius libro secundo.

LXII.

Tu seu donaris, seu quid donare uoles cui,

Nolito ad uersus tibi factos ducere plenum

Latitiæ. clamabit enim, pulchre, bene, recte.

Pallefcet super his, etiam stillabit amicis

Ex oculis rorem, saliet, tundet pede terram.

Vt qui conducti plorant in funere, dicunt,

Et faciunt prope plura dolentibus ex animo: sic

Derisor uero plus laudatore mouetur.

Adulatores

Adulatores perniciosos esse dixerat, et non facile posse à ueris amicis distinguere. nunc, quo modo cognosci perspicue possint, demonstrat, cum de nostris scriptis sententiam ferunt. TV SEV DONARIS. non negat Horatius donis aliquem esse ornandum, sed ei credendum, quem donaueris. nam uir magnanimus libentius audit à se aliquem donatum, quam se ab ullo munera accepisse, ut Aristoteles inquit libro quarto ethicorum. TIBI FACTOS. à te scriptos. in codice illustrissimi Federici Cornelii fictos legimus. sed factos fortasse melius. nam litera, a, grauis est: nimium orationem attenuat, ut ait Hermogenes libro primo de idæis oratorijs: ut alijs argumentis non contendam. PVLCHRE, BENE, RECTE. uerba sunt assentatoris, quibus mirifica tua esse poemata dicit. dictio, bene, omnes laudes sola comprehendit, sed hic ob adulationem synonymis creber fuit. Aristoteles libro secundo de rep. Socratem arguit, quod homines singulos tantum copiarum habere uolebat, ὥστε ζῆν σωφρόνως, ut temperate uiueret. debuit enim potius sic dicere, ὥστε ζῆν βῦ, ut bene uiueret. rationem addit. ὅτι ὁ βῦ καὶ δόλον μάλλον. ἢ ὁ ζῆν σωφρόνως μὲν, τὰ λαὸν πῶρος δὲ ζῆν. hoc enim, bene, latius patet. præterea temperate quidem, sed misere uiuere possumus. PALLESCET SUPER HIS. quasi nouo genere poematis obstupescit. nouitate enim rerum pallescimus. Virgilius de Didone. & pallida morte futura. STILLABIT AMICIS EX OCVLIS ROREM. præ gaudio lachrymas, quæ sunt ros oculorum, effundet. lætitia enim aliquando lachrymas ciet. Arrianus libro sexto de Alexandro, qui ex grauissima ualetudine emerferat, πολλοῖς ἢ καὶ δάκρυα καὶ τῷ αἰσθητικῷ περὶ τοῦ ἀνθρώπου. multis in insperato gaudio inuitis lachrymæ emanarunt. idem scribit Diodorus libro decimo septimo, de uxore, & filibus Darij, quibus Alexander liberaliter omnia pollicitus erat. Virgilius de Anchise, qui uenientem Aenean in Elysios campos uiderat.

Isq; ubi tendentem aduersum per gramina uidit
Aenean, alacris palmas utraq; tetendit,
Effusaq; genis lachrymæ.

TVNDET PEDE TERRAM. saliendo. in odis,
Nunc est bibendum, nunc pede libero
Pulsanda tellus.

supplisio pedis dicitur à M. Tullio libro primo de oratore. VT QUI CONDVCTI. conducebantur qui flebilibus uocibus funus mœstissimum redderent. qui non ex animo quidem flebant, sed tamen lugubri illo clamore eos superabant, qui ex animo lugebant. horum fortasse eiulatu L. Crassus libro secundo de oratore, cum anus Iunia efferretur, excitus, in Brutum, qui astant, inuectus est. prò dii immortales, quæ fuit illa, quanta uis, quam inexpectata, quam repentina, cum coniectis oculis, gestu omni, & uultu, summa grauitate, & celeritate uerborum, Brute quid sedes? quid illam anum patri nunciare uis tuo? etc. EX ANIMO. ἐκ τῆς ψυχῆς, inquit Aristophanes. MOVETVR. extrinsecus, non animo. Plutarchus in libro de adulatore, et amico, adulatorem similem es-

se ait metallo non aureo, sed quod aurum imitetur. ὥς ποδὶ τὰ χρυσοῦ πῶ λαμ-
πεῖ τὰ τῶ χρυσοῦ μιμητὰ μόνον. ut adulterini numi splendorem tantum au-
ri imitantur.

LXIII.

Reges dicuntur multis urgere culullis,
Et torquere mero, quem perspexisse laborant,
An sit amicitia dignus. si carmina condēs,
Nunquam te fallant animi sub uulpe latentes.

Reges non statim in amicitiam homines recipiunt, sed cum multis modis, tum uino
maxime eorum ingenia exquirunt: cum enim animi uino in conuiuiis incaluerunt, ar-
cana produnt. ut igitur ij uino, sic tu prædictis signis animum eius explora, quem
censorem tuis carminibus adhibebis: debes enim cauere, ne tibi fucum faciat adulando.
CULULLIS. poculis. in odis.

Dives, et aureis

Mercator exsiccat culullis

Vina Syra reparata merce.

ET TORQUERE MERO. ut alij in questione ex equuleo pendentes torquent
beos, sic Reges, alijq; summi uiri uino torquere uidentur, ebris arcana omnia elicien-
tes. Horatius in epistolis.

Quid non ebrietas designat? operta recludit.

Pindarus in Nemeis, in ode ad Cromium Aetnæum,

ἄρσενός τε καὶ γυναικός

καὶ τῶν φωνῶν γίνεται.

Audax ad poculum nox fit. ebrietatem ueteres pingebant è poculo nitreo bibentem,
quia ut uitrum, sic animi ebriorum perspicui esse uidentur. Pausanias in Corinthiacis.
γέγραπται δὲ εὐθαῶτα καὶ μέθῃ ὑαλίνῃς φιάλῃς πίνουσα. picta erat hic ebrietas
è uitrea phiala bibens. M. Crassus Mysorum legatos noctu ad se profectos non statim di-
misit, cras se dimissurum promisit. in coena interim eos uino torquens arcana omnia ex-
piscatus est. Dion est auctor libro quinquagesimo primo. AN SIT AMICITIA
DIGNVS. Aristoteles libro nono ethicorum multo modios salis consumendos ait, an-
tequam putes te amicum probe nosse. nam, ut inquit Isocrates in oratione ad Demoni-
um, χρυσίον ἐν τῇ πρὸς δοκιμάζομεν, τὸ δὲ ὅτι λίσσῃ ἐν ταῖς ἀτυχίαις διαγνώσκομεν.
aurum igni probamus, amicos autem in periculis cognoscimus. quem locum Isocratis
Cicero in epistolis familiaribus retulit. ANIMI SUB VULPE LATEN-
TES. astutiae adulatorum: uulpes enim callidissimæ sunt. Carbo dicere solebat, se
contra uulpem, et leonem, quæ Syllæ animum incolebant, pugnare, plus tamen à
uulpe, quàm à leone timere. Plutarchus in uita Syllæ. NVNQVAM TE FAL-
LANT. sensus est. sis semper attentus, et in speculis, ne te assentatores decipiant,

quando ego te monui, quo pacto eos dignoscere possis. in nonnullis codicibus. fallent, non fallant, legimus. Et est alter sensus. Reges uino hominum animos explorant: tu si mea praecepta in cognoscendis adulatoribus seruabis, nunquam ab eorum dolis circumuentus, et circumscriptus eris. illustrissimus, et doctissimus Federicus Cornelius posteriori hunc sensum induxit, cum superiore anno Venetijs, dum cymbis per riuos urbis uehebatur, librum hunc Horatii legeremus.

LXIII.

Quintilio quicquid recitares, corrige sodes
Hoc, aiebat, & hoc. melius te posse negares.
Bis, terq; expertum frustra, delere iubebat,
Et male tornatos incudi reddere uersus.
Si defendere delictum, quam uertere mallets,
Nullum ultra uerbum, aut operam sumebat inanem,
Quin sine riuali teq; & tua solus amares.

Superioribus aliquot uersibus censorem adulatorem nostrorum carminum descripsit Horatius. nunc uero sincerum, ac uerum iudicem exprimit, Quintilium pro æquissimo quolibet censore laudans. qualem se nactum fuisse Albium Tibullum libro I. epist. Horatius demonstrat: Albi nostrorum sermonum candide iudex, &c. hic Quintilius tuos tibi errores in conspectu ponebat, et, ut emendares, monebat. si obstinatus errata tueri uolebas, nihil præterea dicebat, cum se monendo proficere posse non speraret. QUINTILIO. huic similis fuit Philoxenus. de quo Plutarchus meminit in libro de fortuna, et uirtute Alexandri. οἷος ᾧ πάλιν αὖθις Διονύσιος ὁ τὸν πινυτὴν ὠλέετον εἰς τὰς λατρίδας ἐμβαλὼν, ὅτι τραγῳδίας αὐτοῦ διορθῶσαι κελεύει δὲ αὐτὸς ἀπὸ τῆς ἀρχῆς ὅλως μέχρι τῆς κερωνίδος αὐτῷ πᾶσι διορθῶσαι. qualis erat Dionysius, qui poetam Philoxenum in Latomias Syracusis carcerem coniecit, quod, cum ei imperasset, ut tragœdiam suam corrigeret, statim ab initio ad finem usque totam damnans, lineam deduxit. QVICQVID. in nonnullis codicibus, si quid, longe, ut ego quidem sentio, politius legitur. quod acrioris iudicii uiri facile iudicabunt. NEGARES. si negares te melius posse id præstare, quia rem sæpius tentasses, nec tamen eam magis perpolire potuisses, delere iubebat, id est adhuc corrigere, uel certe discindere, ne carmina legerentur. Cicero in epistolis familiaribus, quod epistolam consciissam doles, &c. ET MALE TORNATOS. male perpolitos uersus. sumpta translatio est à fabris lignarijs, qui asperas tabulas torno exæquant, et complanant. de torno Budeus in pandectis. INCUDI REDDERE. emendare. translatio à fabris ferrarijs. Homer. lib. VIII. odyss. de Vulcano, qui tenuissima uincula conficere parabat, quibus Martem, et Venerem adulterio iacentes uinciret.

οὐδ' ἔστιν ἀκμὴ δὲ τῶ μέγα ἄκμονα.

X ij

IN POETICEN HORATII

Incudem ingentem suo loco constituit. SI DEFENDERE DELI-
CTVM. quidam enim errata defendunt, rati se non officiose, sed inimice esse ad-
monitos, atque emendatos, ut ait Socrates in Theeteto Platonis, hanc temporum ca-
lamitatem deplorans. καὶ οὐκ οἷον ἔτι θυοῖα ἄπο ποταμοῦ. Et non existimant me be-
neuolo animo hoc efficere, ut eos scilicet moneam, Et eorum illis delicta commonstrem.

QVAM VERTERE. quàm corrigere. uel alia uerba reponendo, uel eadem reti-
nendo loco tamen uersa, ac transposita. exemplo sit Cicero, qui in oratore ad M. Bru-
tum sic inquit. age sume de Gracchi apud Censores illud. abesse non potest, quin eius-
dem hominis sit probos improbare, qui improbos probet. quanto aptius, si ita dixisset,
quin eiusdem hominis sit, qui improbos probet, probos improbare. hæc ille. magni e-
nim refert, ut uerba suo loco collocata sint, præsertim in metris. quæ corripbat Quin-
tilius. NULLVM VLTRA VERBUM. nullum amplius uerbum, aut ope-
ram inanem consumebat. quid enim oleum, Et operam, ut aiunt, perderet? natu-
ram ipsam Quintilius imitabatur, quæ nihil frustra facit, ut testatur Aristoteles lib. I.
de cælo, ubi negat circulari cæli cursui contrarium esse cursum circularem. si esset,
inquit, uinceretur, cælum enim non impediretur, ergo ille inanis esset. tum addit, at
deus, Et natura nihil frustra faciunt. idem ait Themistius lib. I. de anima, ubi in-
quit. Si anima communes cum corpore passionibus habet, cum seiuncta est à corpore, ni-
hil agat. at hoc non consentaneum est, natura enim nihil frustra creat. excusandus
igitur Quintilius, non existimandus seuerior, si operam perdere nolebat. sunt enim,
qui illum nimis asperum, Et seuerum fuisse dicunt. QVIN SINE RIVALI.
ille te non deterrebat, quin sine rivali, idest æmulatore solus tua scripta probares. qui
autem hæc faciunt, boni, Et elegantes poetæ non sunt. Cicero libro primo quæstio-
num Tusculanarum eandem sententiam his uerbis expressit. itaque suos libros ipsi le-
gunt cum suis, nec quisquam attingit præter eos, qui eandem licentiam scribendi sibi
permitti uolunt. Aristoteles libro primo Topicorum laudabilia ea esse censet, quæ non
auctori duntaxat, sed alijs etiam probantur, ὥςδε αὖ τὰ δοκούντα πᾶσι, ἢ τοῖς
ἀείστοις, ἢ τοῖς σοφοῖς. Et c. probabilia sunt, quæ omnibus uel plurimis, uel sa-
pientibus laudantur.

LXV.

Vir bonus, & prudens uersus reprehendet inertes,
Culpabit duos, incompertis allinet atrum
Transuerso calamo signum, ambitiosa recidet
Ornamenta, parum claris lucem dare coget,
Arguet ambigue dictum, muranda notabit,
Fiet Aristarchus, nec dicet, cur ego amicum
Offendam in nugis? hæc nugæ seria ducent
In mala derisum semel, exceptumq; sinistre.

Dixerit quispiam . ego quidem assentaturus non sum , et scripta , quæ mihi oblata fuerint ad expendendum , emendare quidem statui , sed in emendando quem modum seruabo ? quid delebo ? quid probabo ? huic Horatius nunc satisfacit . nam in omni disciplina , non solum præcipiendum est , quid fieri conveniat , sed etiam modus , et ratio tradenda est dilucidior , qua officio fungamur . Aristoteles etiam lib. sexto Topi-
corum hoc docuit , ubi illum non recte diffinire ait , qui , ex quibus res diffiniatur , docet , modum autem non explicat compositionis . neque enim domus simpliciter est materia , ut lapides , ligna , & alia huiusmodi , sed harum rerum ordo quidam distinctus , & compositio . ibi Alexander Aphrodisæus , præter exemplum domus ab Aristotele allatum , syllabæ exemplo utitur , non enim syllaba , inquit , est elementa , sed apta elementorum collocatio . quare modus in omni præceptione tradendus est . hic igitur Horatius , qui uersus corrigendi , qui laudandi sint , demonstrat , & modum emendandi nobis optimum aperit . VIR BONVS ET PRVDENS . prudentia in eo uersatur , ut bonum eligamus , & utile , contraria uitemus : ut scribit Aristoteles lib. VI . de moribus ad Nicomachum . ubi Anaxagoram , Thaletemq ; sapientes , & bonos fuisse confitetur , sed prudentes negat . nam sapientia in ueri cognitione posita est . Horatius & sapientem , & prudentem expressit . INERTES . pigros , ut uersum Catulli ,
Qui modo me solum , atque unicum amicum habuit .

Vel arte carentes , ut uersum , quem libro octauo Quintilianus reprehendit , de mure . Prætextam in cista mures rosere Camilli . ut etiam Ciceronis carmen , o fortunatam natam me Consule Romam . illa enim duo uerba , fortunatam , natam sine arte coniuncta sunt . DVROS . ut Lucilij uersus . de quo illud uulgatum est ,

Emunctæ naris durus componere uersus .

Translatio à corporibus , ut scribit Alexander Aphrodisæus libro quarto Topicorum , ubi docet Aristoteles translatum genus uitandum esse , ut si quis , inquit Alexander , rusticitatis duritiem genus esse diceret , quæ corporum est . INCOMPTIS . ut quæ epithetis illustrata carmina non sunt . licet enim epitheta non sint necessaria , tamen splendorem poemati afferunt . Aristoteles libro tertio rhetoricorum : οὐ μὲν γὰρ ποίησαι περὶ περὶ γὰρ λαβὴν ἐν ἐπιτοῖν , οὐδὲ γὰρ τὰ μὲν ἀπὸ ἐπιτοῖν . in poetice non absurdum est , lac album appellare : in oratione uero soluta hæc decora non sunt . TRANS-
VERSO CALAMO . signum atrum , idest lituram , & emendationem , allinet , inducet transuerso calamo , quia litura transuerse inducitur . Vlpianus iuriconsultus libro uigesimo octauo digestorum , titulo quarto , lege prima : quæ in testamento legi possunt , ea inconsulto deleta , & induceta nihilominus ualent . AMBITIOSA RECIDET ORNAMENTA . ut crebriora epitheta . nam Aristoteles libro tertio rhetoricorum Alcidas mantem reprehendit , οὐ γὰρ ἡ δὲ συμασι καὶ τὰ , ἀλλ' ὡς ἐδύσματος τοῖς ἐπιτοῖν . non enim ut cupediis , et delicatioribus cibus , sed ut edulij , ipsis epithetis utitur . Cicero in oratore ad Brutum Gorgiæ scripta ambitiosis his ornamentis picta fuisse demonstrat his uerbis : Gorgias autem auuidior est generis eius ,

IN POETICEN HORATII

et his festiuitatibus, sic enim ipse censet, insolentius abutitur, quas Isocrates, cum tam
men audiuisset in Thessalia adolescens senem iam Gorgiam, moderatius temperauit.
PARVUM CLARIS LUCEM DARE. parum apertis. uide Laurentium
Vallensem in elegantis. lucem dare dixit, ut translationi à luce responderet. clarus
enim à luce est. Aristoteles libro tertio rhetoricorum illud in Gorgia reprehendit,
χλωρὰ καὶ ὕψωμα τὰ πρῶτα pro florentibus. ait enim esse ὀσφύς, idest
obscurum. notum est de Persio, quem D. Hieronymus in ignem proiecit propter ob-
scuritatem. sunt enim quidam, qui eam in primis adaman, magistrum imitantes,
qui, ut auctor est Quintilianus libro octauo, auditoribus illud semper in memoriam
redigebat, ὀφθίσον, obscurus esto. AMBIGVE DICTVM. ut illud Aristo-
telis lib. tertio rhetoricorum, de Theodoro, qui Nicodemum obscurius carpsit citharædum.
θράττα σε, uisus est dixisse, perturbat, & commouet te. at innuebat eum è mulie-
re Thracia ortum, uel certe Thracem esse; quemadmodum etiam uir doctissimus Pe-
trus Victorius interpretatur. prudenter mihi uidentur Iurisperiti statuisse, ut am-
bigua oratio in pactis auctori noceat. nam Papinianus lib. secundo Digestorum, titulo
de pactis, lege trigesima nona, sic inquit. ueteribus placet, pactiōem obscuram, uel
ambiguam uenditori, & qui locauit, nocere, in quorum fuit potestate legem aper-
tius conscribere. MUTANDA NOTABIT. quæ tunc non potuit emendare,
sed in aliud tempus reiecit, asterisco notabit, uel etiam cæra, ut faciebat T. Pomponius
Atticus in scriptis Ciceronis, cum aliquid, quod eum offenderet, occurrebat. unde Ci-
cero libro decimo sexto epistolarum ad Atticum, cæulas enim tuas, inquit, miniatulas
illas extimescebam. FIET ARISTARCHVS. hic iudex fuit acerrimus in
Homeri uersibus seligendis, qui germani essent, & in nothis reiiciendis. ita Homerica
eam idæam animo conceperat. Cicero in epistola ad Dolabellam. profert alter, opinor,
duobus uersiculis expensum. alter Aristarchus hos ὀφελίζδ. ego tanquam criticus
antiquus indicaturus sum. Aristarchus hic ipse eodem iudicio Hesiodi uersus expen-
dit. nam in fine libri primi de operibus, & diebus hic uersus legitur,

μηδὲ δὲ θάμνις ἐπὶ δρόν παῖδα ἐργασαμένην.

Senex perires alterum filium relinquens. ibi Zezes Hesiodi interpres ait hunc uersum
ex sententia Aristarchi esse πῶδισον, idest supernacaneum. IN NVGIS. sunt
qui carmina nugas putent, & ideo, ne offendant amicum, liberius non sentiunt. ne-
gat Horatius esse nugas, & huiusmodi emendationem esse contendit maximi ponderis.
Aristoteles libro nono de moribus ad Nicomachum. ἐπανόρθωσιν δ' ἔχοντες μάλ' ἔν-
δον εἰς τὸ ἠθὺς, ἢ τὴν οὐσίαν, ὅσῳ βέλτιον, καὶ τ' ἐπὶ λίσσῳ οἰκείῳ τῶν. ijs,
qui corrigendi sunt, eo potius subueniendum in moribus, quàm in rebus, ad opes, et
copias spectantibus, est, quo melius est, & magis amicitia proprium. uidetur autem
ad mores spectare, ne quis nescius in suis erroribus exultet. EXCEPTVM QVE
SINISTRE. male tractatum ab adulatore amico. Virgilius.

Sæpe sinistra caua prædixit ab ilice cornix.

De sinistro, & dextro tonitru uide quid annotauimus in Parergis libro tertio, capite secundo.

LXVI.

Vt mala quem scabies, aut morbus regius urget,
 Aut phanaticus error, & iracunda Diana,
 Vesanium terigisse timent, fugiuntq; poetam
 Qui sapiunt, agitant pueri, incautiq; sequuntur.
 Hic dum sublimis uersus ructatur, & errat,
 Si ueluti merulis intentus decidit auceps
 In puteum foueam'ue, licet succurrite longum
 Clamet io ciues, non sit, qui tollere curet.
 Si quis curret opem ferre, & demittere funem,
 Qui fcis, an prudens huc se deiecerit, atque
 Seruari nolit?

VT MALA QVEM SCABIES. prudentes, inquit, malum poetam, ut morbum, ac pestem fugiunt. & huius grauissimos errores non esse corrigendos ait, quia ultro peccat, specie quadam recti deceptus, et delicta obstinatus defendit. meminit hic de scabie. sic poetam, inquit, malum, ut hominem scabiosum excellentes prudentia uiri deuitant. Suidas ἡράκλειον λέγειν, idest herculeam scabiem uocat. MORBUS REGIVS. is est morbus regius, quo facies tota hominum crocea est. Aristoteles libro tertio de anima intellectum omnibus formis recipiendis habilem, atque idoneum esse dicit, ideo esse immixtum, ut Anaxagoras etiam uolebat, ne ulla forma prius recepta alias excluderet. ibi Simplicius intellectum materiae comparat, Alexander preparationem uocat. M. Antonius Passerus Genua, quem nos Patavij philosophiam summo loco interpretantem diuinitus, multos annos audiuius, intellectum regio morbo equiparauit: quo qui laborant, croceos oculos habent: quare omnes ijs colores crocei uidentur. hunc morbum Cornelius Celsus regium appellatum affirmat, quod eo laborantes regio apparatus, & delicijs oblectandi sunt. sic enim hilares morbum pellent. PHANATICVS ERROR. quo laborant furij correpti, ut laborauit Orestes occisa matre, quem Taurica Diana demum sanauit. Cicero pro Milone. & qui Cacodemonem uiderunt, ut uidit Brutus in Philippicis campis. Florus. IRACVNDIA DIANA. hac furem immittebat fontibus. de ea chorus in Aiace territus exemplo furentis Aiadis,

ὦ μάτερ αἰχίνισσ' ἐμᾶς
 ὥρμασε πανδάμους ὧς τοῦ ἀχελείας.
 O mater mea probra in boues conuerte.

VESANVM POETAM. non sanum. nam, ve, particula priuat, ut annotauit Gellius libro quinto, capite decimo. non sanum igitur, idest stultum. nam quod

IN POETICEN HORATII

corporis est, ad animum transfertur.

Aristophanes in Pluto,

ἀδυσν, ὕγιες μηδεὶς.

iniustum, nihil sani.

Euripides in Andromache contra Spartanos,

καὶ οὐδὲν ὕγιες.

Et nihil sani est.

AGITANT PVERI. poetam ma-

lum pueri etiam ludibrio habent, in eum raphanos, & mugiles conijcientes, ut mos antiquus est. Catullus ad Aurelium.

Ab tum te miserum, maliq; fati,

Quem attractis pedibus, patente porta

Percurrent raphaniq; mugilesq;.

INCAVTIQVE SEQVNTVR. qui parum prudentes sunt, hunc poem sequuntur, Horatii illud in satyris memoria non tenentes. Niger est, hunc tu Romane caueto. Demosthenes in oratione de falsa legatione ὀλῶν appellat, idest cautum, quod Aeschinem sequi, ac imitari in perniciofa illa legatione ad Philippum noluit. RVCTATVR. sordido uerbo sordidos mali poetæ uersus indicauit. nisi alludit ad bonum poetam Antonium, qui nunquam ructatus est. Plinius lib. septimo, capite decimo nono. SI VELVTI MERVLIS. si ut auceps, qui merulis auibus insidias struit, in foueam, idest in perspicuos errores, & ante oculos positos incidit, non tollas, idest, non corrigas. non enim iuuari, idest emendari uult. IN PUTEVM, FOVEAM'VE. alludit ad Thaletem philosophum, de quo apud Laertium in eius uita sic legimus. λέγεται δ' ἄρ' ὁ μὲν ἄνω γράδ' ἐν τῆς οἰκίας, ἵνα τὰ ἄστρα καὶ τὰ οὐρανόφωτα, εἰς ὁδοὺς ἐμπιπὲν, καὶ αὐτῷ αἰοιμῶς ἐπὶ φαῖναι τῶν γράδων. οὐ γὰρ ὅτι λήτ' ἐν πόντῳ οὐδ' ἀπὸ μὲν ἰδὲν, τὰ δ' ἐπὶ οὐρανῷ οἷα γράδ' οὐδ' αὖ. domo ab annu deductus, dicitur, ut sidera noctu contemplaretur, in foueam incidisse. & illi ingemiscenti anum dixisse perhibent, tu quidem Thales, cum ea, quæ ante pedes sint, perspicere non possis, quæ in cælo sunt, cognoscere te posse existimas? Laertius ὁδοὺς, idest foueam dixit, sed Horatius puteum præterea addidit, Platonis locum in Theæteto, ubi hæc eadem res de Thalete commemoratur, exprimens. πρὸς τὰ εἰς φρέας, inquit Plato, cadentem in puteum. sublimem poetam appellauit Horatius, ut Thaleti similem penitus faceret astra dinumeranti. NON SIT, QVI TOLLERE CVRET. hic mihi uenit in mentem Pyrrhonis, de quo Laertius in uita. αἰάξαρχον ἐς τέλμα ἐμπιπὸντος πῆλθεν οὐ βοηθήσας. αἰάξαρχος ἐπὶ ἡ- νει δ' ἀδιὰφορον καὶ ἀσχετον αὐτῷ. Anaxarchum in cœnum prolapsum non subueniens præterijt. Anaxarchus autem eius animum, ut ita dicam, indifferentem, & nihil amantem laudauit. DEMITTERE FVNEM. funis demissus altitudinem foueæ putei'ne indicat, ut apud Virgilium equi Troiani. demissum lapsi per fvnem. quo uersiculo plurimum admiratur Virgilij ingenium Quintilianus libro octauo, capite tertio. QVI SCIS, AN PRVDENS. tu, qui opem ferre paras, quo modo scire potes, an de industria in foueam, aut puteum se proiecerit? ut planus ille,

us ille . de quo Horatius libro I. epistolarum .

Nec semel irrisus triujs attollere curat

Fraeto crure planum , licet illi plurima manet

Lachryma , per sanctum iuratus dicat Osirim ,

Credite , non ludo , crudeles tollite claudum :

Quare peregrinum , uicinia rauca reclamation .

SERVARI NOLIT? idest emendari fugiat . M. Cato Uticensis seruari noluit : uulnera enim digitis discidit , ne uultum tyranni aspiceret . at hic seruari non uult , ne emendetur : quod stultissimum est .

LXVII.

Dicam , Siculiq; poetæ

Narrabo interitum . deus immortalis haberi

Dum cupit Empedocles , ardentem frigidus Aetnam

Insiluit . sit ius , liceatq; perire poetis .

Inuitum qui seruat , idem facit occidenti .

Nec semel hoc fecit , nec , si retractus erit , iam

Fiet homo , & ponet famosæ mortis amorem .

Non uidebatur esse consentaneum , ut poetæ se ultro in foueam , aut puteum præcipites mittant . id probat nunc Horatius Empedoclis poetæ exemplo , qui , ut , nusquam suo corpore inuento , immortalitatis suæ opinionem relinqueret , in Aetnam se ardentem deiecit . SICVLII POETAE . Empedoclis . quem Agrigentinum uocat Cicero libro I. quæstionum Tusculanarum , & in Lælio . est autem Agrigentum urbs Siciliae . Cicero in Verrinis , Polybius libro I. alij . Horatius hic Empedoclem poetam fuisse affirmat , sed Aristoteles in poetice negat : nam metro res naturales complexus est : at non metrum , sed fabula poetam facit . Cicero in Lælio poetam non ausus est dicere . Agrigentinum doctum quendam uirum carminibus græcis uaticinatum ferunt ; quæ in rerum natura , totoq; mundo constarent , quæq; mouerentur , ea contrahere amicitiam , dissipare discordiam . hic Empedocles duo rerum principia , amicitiam , & litem posuit , ut his uerbis testatur Cicero , & Simplicius lib. I. physicorum , Aristoteles lib. I. de coelo , sectione nonagesima nona , Plutarchus in libro de Iside , & Osiride , ἐμπεδοκλῆς δὲ τὴν μὲν ἀγαθὴν ἀρχὴν ὠλομένην , καὶ ὠλίαν καλεῖσθαι , τὴν δὲ χεῖρονά νῦν . Empedocles utro ait bonum principium amicitiam , deterius litem esse nuncupatum . quo modo hæc Empedoclis mors cognita sit , eiusq; consilium perspectum , Laertius docet in uita Empedoclis , ὅσῳ δὲ γινώσκοντες αἰὼν ἔρποντες αὐτοῦ μὲν ἔτι καὶ κρηττόν . καλεῖται γὰρ εἰς αὐτὸν ἄπο δαΐδου . rem deinde compertam , ob alteram eius crepidam , quæ in Aetnæ iugo , unde ille se deiecit , inuenta est . æreas enim crepidas gestare solebat . DEVS IMMORTALIS . sic in odis libro secundo , gelidaq; diuos morte carentes . Homerus deos sæpe uocat αἰὼν ἔόντας , semper existentes .

IN POETICEN HORATII

ARDENTEM. quia in Sicilia sub terra sulphura sunt, quæ flantes uenti accendunt. Trogus libro quarto copiose. FRIGIDVS. ut sit antithetum, frigidus ardentem. uel frigidus præsentis mortis horrore. nam etiam præstantissimum philosophum timor potuit commouere uehementius. Pindarus in Nemeis ode tertia.

Φόβος χυποδάμας.

Timor uiros domans.

Timor autem frigidus est. Virgilius.

Gelidusq; per ima cucurrit

Ossa tremor.

Seruius uersum illum libro primo Aeneidos declarans,

Extemplo Aeneæ soluuntur frigore membra, frigore, inquit, idest timore. & est reciproca translatio. nam & timor pro frigore, & frigus pro timore ponitur. &c.

SIT IVS, LICEAT QVE. liceat poetis perire. hoc ius, & priuilegium habeant, ne opem ipsas feras, ne ne inuitos serues. IDEM FACIT OCCIDENTI. idem facit, quod qui occidit. qui mori uolentem seruat inuitum, idem facit ac si occideret. idem cum casu dandi græca ratione. Aristophanes in Pluto.

ὁδὲ δὲ μὴ σπᾶν τῶν τῶ κεν τιμῶν.

Videatur autem non idem facere possidenti.

Quid sit autem occidere, docet

Ulpianus iuriconsultus libro uigesimo nono digestorum, titulo de senatusconsulto Sylaniano, lege prima, his uerbis. occisorum appellatione eos contineri Labeo scribit, qui per uim, aut cædem sunt interfecti, puta, iugulatum, strangulatum, præcipitatum, uel saxo, uel fuste, uel lapide percussum, uel quo alio telo. simile huic Horatii sententiæ illud Senecæ est in Thebaide.

Qui cogit mori nolentem in æquo est, quiq; properantem impedit. SI RETRACTVS ERIT. ab incendio Aetnæ. FIET HOMO. cum uelit deus immortalis haberi. FAMOSAE MORTIS. non ponet amorem, idest curam non abiiciet, famosæ mortis, idest mortis infamis: nam se ipsum occidere, ut fecit Empedocles, infame est. Aristoteles libro quinto de moribus ad Nicomachum, καὶ τίς αὐτῶν πῶς περὶ τῶ ἐαυτὸν διαφθερᾶν π, ὡς τὸ πῶς αὐτὸν ἀδικεῖν π. & infamia conflatur se ipsum occidenti, quia ciuitatem iniuria afficit. Lucianus in libro de uera historia dubitantem Rhadamantum inducit, an Aiace Telamonium in coetum heroum admitteret, quod sibi ipse mortem consciuerat. Cicero libro sexto de Rep. sic inquit. quæso inquam pater sanctissime, atque optime, quoniam hæc est uita, ut Africanum audio dicere, quid moror in terris? quin hinc ad uos uenire propero? non est ita, inquit ille. nisi enim cum deus is, cuius hoc templum est omne, quod conspicias, istis te corporis custodiis liberauerit, huc tibi aditus patere non potest. Plotinus hic apud Macrobiū, oportet, inquit, animam post hominem liberam corporeis passionibus inueniri. quam qui de corpore uiolenter extrudit, liberam esse non patitur. hanc quæstionem in Rhadone Plato tractauit luculentius.

LXVIII.

Nec satis apparet, cur uersus faceret, utrum
Minxerit in patrios cineres, an triste bidental
Mouerit incestus. certe furit, ac, uelut ursus
Obiectos caueæ ualuit si frangere clatros,
Indoctum, doctumq; fugat recitator acerbus.
Quem uero arripuit, tenet, occiditq; legendo,
Non missura cutem, nisi plena cruoris hirudo.

Infelicem hunc poetam esse inquit, quod uersus scribat tam ineptos; & id euenire ob facinus aliquod, quo se ille astrinxerit. nam, ut uulgo dicitur, propter peccata aduersæ res contingunt. Darius rex Persarum cum uictus à Græcis abiret, simulachrum Apollinis in sua classe reperit: quod cum è templo surreptum fuisse audisset, in Delum, ut deo simulachrum redderet, enauigauit, cum statuisset, se aduersam in bello fortunam ob sacrilegium illud fuisse expertum: ut Herodotus in Erato scriptum reliquit. MINXERIT IN PATRIOS CINERES. quo facto & in patrem fuisset impius, & ius sepulchrorum lassisset, quod erat sanctissimum. Cicero Philippica nona. sed statuæ intereunt tempestate, uel, uetustate: sepulchrorum autem sanctitas in ipso solo est, quod nulla uel moueri, neque deleri potest, atque, ut cetera extinguuntur, sic sepulchra fiunt sanctiora uetustate. similis huic Horatii aliter locus in odis,

Expedi matris cineres opertos

Fallere.

TRISTE BIDENTAL. templum, à bidentibus, idest ouibus dictum, sacrilegus spoliauit. triste per fulmina cælo delapsa, uel triste ipsi, qui peccauit. VELUT VRSVS. sic omnes poetam indoctum recitaturum fugiunt, ut ursum, qui uinculis solutus late furit, pertimescere uideantur. simile admodum illud Aristotelis est libro tertio rhetoricorum, ubi de imagine agit. οἷον ἂν ἀνδρῶν εἰς ἰδρίαι, ὅν ὁμοίως ὅς ἐν τῷ δεσμῶν καὶ ἰδρίαις. ἐνταῦθα πρὸς πόντον δάκνει, καὶ ἰδρίαι λυθεῖν ἐν τῷ δεσμῶν εἶναι χαλεπὸν. qualis Andro- tion in Idrieum, quod similis erat solutis è uinculis catulis: illi enim obuia quæque mor- dent, & Idrieum è uinculis exsolutum esse molestum, ac difficilem. Vlpianus iuris- consultus de urso furente sic inquit libro nono digestorum, titulo, si quadrupes paupe- riam fecisse dicetur, lege prima. Et ideo si ursus fugit, & sic nocuit, non potest quon- dam dominus conueniri, quia desinit dominus esse, ubi fera euasit, &c. CLA- TROS. cancellos, quibus septus coercetur. RECITATOR ACERBVS. poeta in recitandis carminibus suis molestus. publice enim poemata recitabant. Plinius libro primo, epistola tertia, magnum prouentum poetarum annus hic attulit. toto men- se Aprili nullus fere dies, quo non recitaret aliquis. uide etiam Vitruuium libro septi- mo, in præfatione. NON MISSURA CVTEM, &c. qualis hirudo, idest

X ij

ut uulgo loquuntur, sanguisuga, quæ cutem non prius dimittit, quàm cruorem multum ebiberit. sic enim malus poeta non prius auditorem dimiserit, quàm eum tædio audiendi ineptias enecauerit. simillimum illud Aristotelis est libro secundo rhetoricorum, de uulpecula, quam in foueam delapsam, & ægram vicini undique inuasferant, sanguinem exsugentes. erinaceus uoluit abigere. ne facias, inquit: hi enim meo saturi sunt cruore: alij accedent, qui sitientes auidius sanguinem bibent. latina hæc sic expressa ab Aristotele sunt. οὐ οὐ τοι μὲν πλῆθος μου ἦδη εἰσὶ, καὶ ὀλίγον ἔλκεσιν αἷμα. εἰ αὖ δὲ τῷ τοῖσ' ἀφ' ἑλῆ, ἔτδ' οἱ ἐλθόντες πεινῶντες ἐκποῦνται μου τὸ λοιπὸν αἷμα. quoniam hi cruore meo saturi sunt, & pusillum iam sanguinis eliciunt. si uero hos abe-geris, alij uenientes præ siti reliquum mei sanguinis expriment. concludebat ille apud Aristotelem sic facere debere Samios, tyrannum scilicet iam opulentum non abigere: alius enim remp. inuadet inops, qui opes illis extorquebit. Horatius etiam similitu-dine hircinis concludit, malum poetam uitandum esse: nemo enim illum impune au-diet. & uterque similitudine est usus animalium, quæ sanguinem, cum membris adhæ-rent, eliciunt, atque ebibunt. hæc igitur omnino fuerunt conferenda. illud autem obi-ter obseruandum uidetur, solitos esse ueteres à natura animalium similitudinem, ex qua conclusio aliqua oriatur, inducere, ut hic Horatius ab hircine, Aristoteles, ut de-monstrauimus, à uulpecula, & erinaceo induxit. hoc Ciceronem etiam fecisse uide-mus libro decimo ad Atticum, epistola decima quarta, Syluium, inquit, & Ocellam, et cæteros credo retardatos. te quoque à Curtio impediri uideo. & si, ut opinor, habes Scythia ὄνον. quem Ciceronis locum tres abhinc annos in Parergis ex Herodoto declara-uimus, nec tamen, cum noster ille liber Venetijs excuderetur, & ego in citeriore Gal-lia abessem, Herodoti uerba fuerunt apposita, amici negligentia prætermissa. tu, inquit Cicero, à Curtio retardatus, atque impeditus tanquam Scythia ab asino uideris. & histo-riam innuit, quam Herodotus in Melpomene retulit. Darius enim cum ex Scythia pel-leretur, ut insequentium Scytharum impetum retardaret, asinos in extrema acie cola-locauit, qui nunquam antea à Scythiis uisi fuerant. nam Scythia hanc belluam non gignit. Scythæ igitur insolito belluarum strepitu perculsi segnius hostem insecuti sunt. Herodoti uerba hæc sunt. οὐδ' ἔστι ἐν τῇ σκυθικῇ πάσῃ χώρῃ τὸ πρῶτον οὐτ' ὄνος, οὐθ' ἡμίονος δὲ τὰ λύχνα, ὑβρίζοντες ὧν οἱ ὄνοι ἐτάρκασον πλὴν ἰσσοῶν τῶν σκυθίων. in uniuersa scythia nullus omnino asinus, aut mulus ob frigidam cœli regionem na-scitur. asini igitur quasi conuicio obstrepentes Scytharum equitatum perturbabant.

Errata ita corrige.

Pagina 2. a.

publica pro publice

2. b.

uidiros pro uiros

erutissimis pro eruditissimis

7. a.

in odyssea pro in odis.

9. a.

ἀκρὸς ἢ ἄσ pro ἀκρὸς ἢ ἄσ

10. b.

crimen pro crinem,

11. a.

despicere pro dispicere

γνῶ pro γνῶ

13. a.

uultum pto uultuum

19. a.

rabie pro rabie

20. b.

quem pro quod

26. a.

M. Calidio pro M. Calidi.

28. b.

βίω pro βίω

SERIES CHARTARVM,

ABCDEFGHIJKLMN O P Q R S T V X Y.

Omnes quaterniones.

APVD ALDI FILIOS,

VENETIIS, M. D. LIII.

005266479

